

焦氏易林注

尚秉和注





尚秉和注

焦氏易林注

下

中國書局



焦氏易林注卷八

行唐尙秉和節之注

受業

蒲城仵道益

豐潤董維城

校刊

坎之第二十九

坎有鳥黃足歸呼季玉從我睢陽可避刀兵與福俱行有命久

長互艮爲鳥震爲足爲黃故曰黃足震爲歸爲呼爲玉艮爲季故曰季玉震爲從艮爲我納丙又爲視故曰睢陽艮爲刀兵坎隱故可避刀兵○鳥黃宋元本作黃鳥從汲古此似有故事

乾太王爲父季歷孝友文武聖明仁德興起孔張四國載福綏

厚乾爲王爲父爲始故曰太王下兼用遇卦坎象互艮爲季爲時爲友故曰季歷孝友季歷文王父也伏萬爲文震爲武坎爲聖艮爲明故曰文武聖明震爲仁德爲興起爲孔爲張艮爲國震卦數四故曰四國震爲福爲車故曰載福也○

孔宋元本作弘依汲古

坤

猿墮高木不踈手足保我金玉還歸其室

詳否之臨惟此全用坎象艮猿震木

艮手震足艮金玉艮室震歸○金玉汲古訛金生依宋元本

屯

重耳恭敏遇讒出處北奔戎狄經涉齊楚以秦伐懷誅殺子

圉身爲伯主

坎爲耳坤爲重故曰重耳初至五正覆震故曰讒震爲出奔坤爲北爲戎狄故曰北奔戎狄伏

巽爲齊震爲楚爲伐爲伯主坤爲誅殺爲圉爲身○伐汲古作伐從宋元本

蒙

倚鋒據戟傷我胸臆耗折不息

艮爲鋒戟坤爲胸臆爲傷爲耗震爲息坤死故不息○耗

宋元本作拜依汲古

需

狗冠雞步君失其所出門抵山行者憂難水灌我園高陸爲

泉

伏晉艮爲狗爲冠雞步猶雞禍凡裁害之神皆曰步乾爲君坎爲失坤爲門坤上艮故曰出門抵山震爲行震覆故

難艮爲園坎水坤水故曰水灌我園高陸爲泉高陸艮也○狗冠五行志昌邑王見大白狗冠方山冠而無尾未幾廢周

禮夏官校人冬祭馬步注馬步謂神爲馬災害者又地官注凡人物裁害之神皆曰步雞步卽五行志所謂雞禍宋元本詭雞依汲古兌爲雞

訟

衆鳥所翔中有大怪丈身長頭爲我驚憂

坎衆鳥爲故曰衆鳥坎爲中爲怪乾

爲大伏坤爲身坎爲憂○丈身宋元本作爪牙依汲古頭汲古作頭依宋元本乾首互巽爲長故曰長頭

師

雷行相逐未有休息戰於平陸爲夷所覆

詳坤之泰雷依宋元本汲古作虎

比

禹鑿龍門通利水泉同注滄海民得安土

艮爲門爲鑿伏乾爲王故曰禹爲龍

故曰龍門坎水坤水故曰通利水泉坤爲海爲民爲安爲土○土汲古作然依宋元本

畜小

堯舜仁德養賢致福衆英積聚國無寇賊

乾爲帝故曰堯舜乾爲仁爲賢爲福

兌爲食故曰養賢伏坤爲積聚爲國坎爲賊坎伏故無○元本下多商人失利來爭寶貨二句與上文不協依宋本汲古刪

履

陸居少泉山高無雲車行千里塗不污輪渴爲我怨

伏震爲陸爲居

爲山坤爲雲坎爲泉坤坎皆伏故曰少泉曰无雲震爲車爲行坤爲千里坎爲泥塗爲輪爲污坎下震上故輪不污坎爲怨艮火故渴全用伏象

泰

朝視不明夜不見光暝抵空床季女奔亡愴然心傷

震爲朝坤黑故

不明坤爲夜爲暝故不見光伏艮爲床兌爲季女震往故曰奔坤爲亡爲心爲憂○首二句汲古作朝不見光暮不見明茲依宋元本暝宋作本作皆元本作杳茲依汲古

否

齊魯永國仁聖輔德進禮雅言定公以安

巽齊伏兌爲魯坤爲國乾爲永故曰

齊魯永國乾爲仁聖坤爲禮乾爲言艮爲定爲安乾爲公故曰定公以安○永宋元本作求依汲古進汲古作造依宋元本左傳定十年會齊侯於夾谷孔子相齊人鼓譟以進孔子歷階數之齊人服罪

同人

束帛玄圭君以布德伊呂百里應聘輔國

互巽爲帛乾爲玉爲圭爲玄故曰束

帛玄圭乾爲君伏震爲音故曰伊吾伊讀書聲也爲樂故曰呂伏坤爲百里爲國言湯文秦穆以璧帛聘伊尹呂望百里奚爲輔也

有大

棘鈎我襦爲絆所拘靈巫拜祝禍不成災東山之邑中有土

服可以饒飽

伏比坎爲棘坤爲襦艮止故曰絆曰拘本卦兌爲口故曰巫祝坤爲禍災艮爲山爲邑離位東

故曰東山艮爲果蓏爲土服服蓏同詩小雅象弭魚服周禮素服箋與注皆作蓏是其證土服卽蘆蓏爾雅釋草蒺藜蓏注蓏宜爲蓏蘆蓏蕪菁屬今俗所謂蔓菁可食故下云可以饒飽坎爲飽○祝宋本元本作禱依汲古土服汲古作肥土依宋元本

謙

門燒屋燔爲下所殘西行出戶順其道里虎卧不起牛羊歡

喜

艮爲門屋爲火故燔燒坤爲下爲殘爲戶震爲行坎西故曰西行艮爲道里爲虎艮止故不起坤爲牛伏兌爲羊震爲喜○里汲古作理依宋元本

豫

墻高蔽目崑崙翳日遠行无明不見懽叔

艮爲墻爲山離爲目爲日離伏故曰

翳蔽故曰无明震爲行爲懽艮爲叔○自宋元本作日日作月今依汲古

隨

天地際會不見內外祖辭遣送與世長訣

艮陽在上爲天震陽在下爲地艮震

相對故曰際會日內外震爲祖道祭也兌毀折巽隕落故曰與世長訣

蟲

深水難涉泥塗至轂牛罷不進寧陷爲疾

互大坎故曰深水曰泥塗坎爲轂艮

爲牛艮止故不進坎陷坎疾○泥塗宋元本作塗難爲作我今依汲古

臨

羊驚虎狼聳耳羣聚无益於僵爲齒所傷

兌爲羊震爲驚伏艮爲虎狼兌爲耳

坤爲羣爲聚兌爲齒爲傷○虎狼宋元本作狼虎茲依汲古第二句各本作獼猴羣走依旣濟之巽校

觀

履蛇躡虺與鬼相視驚恐失氣如騎虎尾

巽爲蛇虺伏震在上故曰履蛇躡虺

坤爲鬼艮爲視震爲驚恐巽爲臭故曰氣巽隕故失氣震爲騎艮爲虎爲尾○恐宋元本作哭依汲古

噬嗑

車驚人墮兩輪脫去行者不至主人憂懼締結復解夜明爲

喜

震爲車爲驚爲人在下故曰人墮坎爲輪伏兌數二故曰兩輪坎破故脫去震爲行坎隱伏故不至震爲主人坎爲

憂爲夜齒爲明故曰夜明禮記夜明祭月也左傳恒星不見夜明也又拾遺記炎帝時有石磷之玉號曰夜明以闔投水浮而不滅○墮汲古作傾至作止主人作人生均依宋元本

賁

南販北賈與怨爲市利得百倍

震爲商賈爲南坎爲北故曰南販北賈坎爲怨論語放於

利而行多怨伏巽爲市爲利震爲百巽爲倍○怨汲古作喜依宋元本百倍宋元本作自治依汲古

剝

延陵適魯觀樂太史車麟白顛知秦興起卒兼其國一統爲

主

詳大畜之离麟汲古訛隣依宋元本

復

出門逢患與福爲怨更相擊刺傷我手端

此用遇卦坎象互艮爲門震爲出坎

爲患故曰出門逢患震爲福坎爲怨艮爲擊刺正反艮故更相擊刺相擊故手受傷○患汲古作惡怨更作患反均依宋元本福宋元本作禍依汲古

无妄

獐鹿羣走自然燕喜公子好遊他人多有

艮爲獐鹿伏坤爲羣震爲走爲喜爲

必爲子○羣宋元本作同然作燕燕作嘉均依汲古

大畜

恭寬信敏履福不殆從其邦域與喜相得

乾爲福上震故曰履福曰喜艮爲邦

頤

欲飛无翼鼎重折足失其福利苞羞爲賊

震爲飛爲翼坤亡故无翼震爲鼎爲

足坤爲重爲敗故折足乾爲福巽爲利乾巽皆伏故曰失其
福利坤爲羞在中故曰苞羞○福宋元本作喜依汲古苞
古作庖依宋元本

大過

府藏之富王以賑貨捕魚河海罟網多得

伏頤坤爲府藏爲富震爲王爲賑言

王以其富賑民也坤爲魚爲河海艮手爲捕互大离故曰罟網坤爲多

离

陰生麋鹿鼠舞鬼哭靈龜陸處釜飭塵土仁智盤桓國亂無

緒

通坎震爲鹿艮爲鼠坎爲鬼震爲哭爲釜飭爲仁艮爲龜爲鹿爲塵土爲盤桓爲國○麋汲古作麓土作生均依宋

元本處宋元本作蒙塵作草均依汲古緒汲古作歡茲依宋元本

咸

風塵暝迷不見南北行人失路復反其室

伏損坤爲風爲迷艮爲塵震南坤北

兌昧故不見震爲行人爲道路坤迷故失路艮爲室震爲反○暝迷汲古作坎垠行人失路作行迷失利茲依宋元本

恆

金革白黃宜利戎市嫁娶有息商人悅喜

通益艮爲金爲革巽白震黃故曰金

革白黃坤爲戎狄巽爲利市故曰宜利戎市震爲嫁爲商人爲喜○戎元本訛戎

遯

匏瓜之德宜繫不食君子失與官政懷憂

艮爲匏瓜巽爲繫兌口爲食兌覆故

不食論語吾豈匏瓜也哉焉能繫而不食艮爲君子震爲輿震覆故失與艮爲官○輿元本訛與依汲古政汲古作正依

宋元本

壯大

乘船渡濟載水逢火賴得免患我有所恃

震爲船乾爲江河故曰渡濟伏坤爲

水艮爲火故曰載水逢火坤爲患爲我○我有宋元本作蒙我依汲古

晉

道險多石傷車折軸與市爲仇不利客宿

艮爲道爲石坎險故曰道險多石坎

爲車爲軸爲多眚故傷車折軸艮爲宿震爲客震覆故不利○險宋本作途元本作塗依汲古

夷明

託寄之徒不利請求結衿無言乃有悔患

艮爲請求艮覆故不利震爲襟坤閉

故曰結衿震爲言坤括囊故無言坎爲患結衿乃罪人就刑時結束之狀坤爲死坎爲刑故有此象

人家

三羊爭雌相逐犇馳終日不食精氣竭罷

詳乾之大畜○首句汲古作三年爭

妻茲依宋元本然卦无羊象易大壯上六有羊象上六體震疑易以震爲羊茲曰三羊似亦以伏震爲羊

睽

退惡防患見在心苗日中之恩解釋倒懸

第二句汲古无依宋元本增日中之

恩汲古作日之中息依宋元本苗應爲田與下懸韻梁簡文帝大法頌澤雨無偏心田受潤

蹇

兩足四翼飛入嘉國寧我伯姊與母相得

詳賁之同人

解

寒露所凌漸至堅冰草木瘡傷華落葉亡

坎爲寒爲露爲冰又爲堅故漸至堅

水震爲草木坎爲破故爲瘡震爲花葉伏巽爲落故葉落花亡○所凌宋元本作所降漸作凌茲依汲古冰宋本訛水

損

后稷農功富利我國南畝治理一室百子

震爲稷坤爲富利爲國爲畝震爲南

故曰南畝艮爲治理爲室震爲子坤爲百故曰百子室實也言農家治理菓蔬一實之中有百子也

益

設網張羅捕魚園池網罟自決雖得復失危訴之患受其忻

權

上巽爲繩坤中虛艮手故曰設網張羅巽爲魚坤爲園池艮擊故捕魚園池巽爲敝漏故網決決絕也網決故得而

復失坤爲失爲患末二句有訛字義未詳○忻元本作低依汲古訴汲古作許依宋元本

夬

路輿縣休侯伯恣驕上失其威周室衰微

威宋元本作盛依汲古衰汲古作相

依宋元本輿多訛爲與路輿大車也見左傳桓二年疏又周禮春官王之五路路車乃天子之乘縣休不用其衰可知天子之所以衰以侯伯驕恣不奉王命也夫伏剝坤爲大輿故曰路輿艮一陽止於上故曰縣休震爲諸侯爲威爲周震反於上故曰驕恣震覆故失其威故周室衰微坤爲失艮爲室也

姤

逐走追亡相及扶桑復見其鄉使我悔喪

伏復震爲逐爲走震爲桑又爲東故

及於扶桑坤爲鄉爲我爲悔爲喪山海經日浴扶桑

萃

履祿綏厚載福受祉衰微復起繼世久長疾病獻麥晉人赴

告

通大畜震爲履乾爲祿爲厚爲福爲祖巽隕落故曰衰微震爲起故曰衰微復起坤爲世巽爲長坤爲疾病震爲麥爲晉爲人爲告左傳成十年晉侯欲麥使甸人獻麥將食而卒赴告者赴君喪於各國也○祿元本作福依宋本汲古福受汲古作受福依宋元本獻麥汲古作无危宋元本作獻凌宋本云當作麥從之

升

鰥寡孤獨祿命苦薄入宮无妻武子哀悲

坤巽皆爲寡故曰孤獨震爲祿巽爲

命巽寡故苦薄伏艮爲宮巽爲妻爲入坤喪故曰无妻震爲武爲子坤爲哀悲武子崔杼杼將娶棠姜筮得困三爻曰入

其宮不見其妻後果得禍

困 山沒邱浮陸爲水魚燕雀無巢民无室廬

詳觀之大有

井 冠帶南遊與福喜期徼於嘉國拜位逢時

伏噬嗑艮爲冠巽爲帶離爲南故冠

帶南遊伏震爲福喜艮爲國爲位爲時○徼於汲古作邀遊依宋元本位宋元本作爲非依汲古

革 東行亡羊失其羝牂少女无夫獨坐空廬

通蒙震爲東兌爲羊坤喪故亡羊兌爲少女震爲夫坤喪故无夫艮爲坐爲廬坤虛故曰空廬

鼎 探雀捕魚耕田捕鰭費曰无功右手空虛

通屯艮爲雀艮手故曰探曰捕坤爲魚爲田震爲耕夫探雀得魚耕田得鰭二者皆必无之事故曰无功艮爲日兌右坤虛○空虛汲古作虛空依宋元本

震 東行飲酒與喜相抱福爲吾家利來從父水澤之徒望邑而

處震爲東坎爲酒震口故曰飲酒震爲喜艮手爲抱正反艮故曰相抱艮爲家震爲父伏巽爲利坎爲水艮爲望爲邑○父汲古作母從宋元本

良

妄怒失精自令畏悔忪忪之懼君子无咎

震爲怒坎爲畏懼良爲君子○第三

句汲古作怡怡之懼依宋元本

漸

白雲如帶往往來處飛風送迎大電將下擊我禾稼僵死不

起

巽爲白爲帶坎爲雲巽進退故曰往來曰送迎艮爲壘爲擊巽爲禾稼坎陷故曰僵○宋元本作旗依汲古

歸妹

南至之日陽消不息北風烈寒萬物藏伏

故曰陽消不息伏巽互坎故曰北風坎爲寒爲伏震爲萬物故曰萬物藏伏

豐

火中仲夏鴻雁解舍體重難移未能高舉君子顯名不失其

譽

月令季夏之月暑火中火星也仲當爲季火謂鶉火屬南方离爲星爲火爲夏伏艮爲季故曰季夏震爲鴻雁中互大坎故曰難移故不能高舉伏艮爲君子爲名譽解舍言天暑而棄其巢也○舉宋元本作舞解作來均依汲古季夏各本皆作仲夏與月令不合定爲訛字

旅

北行出門履蹈顛踣足據塗汚我襦袴

伏節坎北震行艮門故曰北行出門

震爲履蹈坎爲蹇故曰躓顛曰踈足躓踈皆跌也坎爲汙震爲禱禱

異輕車齮祖疾風暴起促亂祭器飛陽鼓舞明神降佑道无害

寇

兼用震象詳豫之大畜○疾宋元本作焱依汲古佑元本作祐鼓舞宋元本作錯華均依汲古

兌酒爲歡伯除憂來樂福喜入門與君相索使我有得

伏艮互坎爲酒

震爲歡爲伯酒譜昔人謂酒爲歡伯坎爲憂艮爲門震爲福喜爲君艮爲求正反艮故曰相索艮爲我○得宋元本作德依汲古

渙三足孤鳥靈明督郵司過罰惡自賊其家毀敗爲憂

五行志日中有

三足鳥震爲足數三故曰三足艮爲黔啄故曰鳥艮爲龜故曰督郵詳小畜之未濟震爲郵○靈明汲古作虛鳴依宋元本督郵爲郡督察官自西漢至魏晉皆有之陶淵明不肯爲督郵折腰者是也

節三河俱合水怒湧躍壞我王屋民飢於食

詳蠱之頤節中互頤故詞同○湧宋

本汲古作踴茲依元本

中孚

南行棗園惡虎畏班執火銷金使我无患

震爲南艮爲果爲園爲虎爲班班亦

虎也楚人謂虎爲班惡憎也艮爲火爲手故曰執火艮爲金爲我虎爲金精以火銷金故無虎患○金汲古作鋒艮爲刀鋒亦合今依宋元本

小過

求鹿過山與利爲怨聞聾不言誰知其權

艮爲求爲山震爲鹿鹿在山外故曰

過山巽爲利兌爲耳爲味故聞聾震言艮止故不言○聾汲古訛襲依汲古

既濟

行旅困蹶失明守宿囹圄之憂啟蟄出遊

此用坎象震爲行旅艮止坎陷故曰

困坎爲宿爲隱伏故曰失明守宿坎爲囹圄爲憂爲蟄震出故曰啟蟄出遊○蟄宋元本作執依汲古

未濟

据棘履杞跌刺爲憂夫婦不和亂我良家

此仍用坎象坎爲棘爲杞爲刺爲夫

離爲婦婦前夫後故曰不和○杞宋元本作危今依汲古

離之第三十

離

時乘六龍爲帝使東達命宣旨無所不通

通坎互艮爲時震爲龍坎數六故曰

六龍震爲帝爲東本卦巽爲命風散故達命宣旨無所不通

乾 執轡四驪王以爲師陰陽之明載受東齊遇卦離爲東互巽爲齊

坤 春秋禱祝解禍除憂君子无咎此與上皆兼用离象离互兌爲秋兌口故禱祀离伏震故

曰春秋坎故曰禍憂伏艮爲君子○視依宋元本汲古作祀禍依汲古宋元本作過

屯 坐朝乘軒据國子民虞叔受命六合和親坤爲朝爲軒車艮爲坐震爲乘故曰

坐朝乘軒艮爲據爲國震爲子坤爲民故据國子民艮爲叔震爲權虞伏巽爲命故曰虞叔受命坎爲和爲合數六故曰六合○坐朝宋元本作坐車依汲古六合和親宋本汲古作和合六親茲依元本

蒙 開戶下堂與福相迎祿于公室曾祖以昌坤爲門戶艮爲堂震爲門坤爲下故

曰開戶下堂震爲福祿正反震故曰與福相迎震爲公坎爲室艮爲祖

需 高木腐巢漏淫難居不去甘棠使我无憂坎爲木萬爲巢在上故曰高木坎水

故曰腐巢故曰漏濕下二句言巢雖漏淫祇不伐甘棠即无傾覆之憂也

訟

三女爲姦俱遊高園背室夜行與伯笑言不忍主母爲失醴

酒冤尤誰告

通明夷坤爲女震數三故曰三女坎爲姦巽爲高坤爲園故俱遊高園艮爲背坎爲室爲夜艮

覆故曰背室夜行震爲伯爲笑言爲主坤爲母故曰主母坎爲酒爲冤尤列女傳周大夫主父妻淫於鄰人恐主父覺置毒酒使婢進之婢知之伴僮覆酒受笞○忍汲古詁認末二句各本皆作爲設歡酒冤尤誰禱依汲古履之既濟校告音垢林意謂女行不端婢不忍從主母毒主父伴失酒反遭笞也

師

漏卮盛酒無以養老春貨黍稷年歲實有履道坦坦平安无

咎

坎爲酒震爲卮伏巽故曰漏卮坤爲老坤喪故不能養老震爲黍稷爲春坤爲年歲震爲履爲大塗故曰履道坦坦

○无宋元本作何依汲古

比

松柏枝葉常茂不落君子惟體曰富安樂

艮爲木爲堅故曰松柏曰不落艮爲

君子爲安坤爲身故曰體○惟體汲古作懽寧安作求均依宋元本

畜小

夫婦不諧爲燕攻齊良弓不張騎劫憂亡

互离下震上巽震夫巽婦而正反兩

兌口相對故曰不諧兌爲燕巽爲齊坎爲弓坎伏故曰不張
騎劫燕將代樂毅戰死故曰亡○第四句宋元本作騎駟憂
凶茲依汲古

履

出令不勝反爲大災強不克弱君受其憂

巽爲令兌爲反巽爲毀折故曰不勝

曰反爲大災卦以一陰爲主故強不克弱言五陽不能勝此一陰也乾爲君君受其憂者言上乾恐被陰消也

泰

犇牛相錯敗亂緒業民不得作

坤爲牛震爲奔坤爲敗亂伏巽爲緒坤爲民坤僵故不作

○犇牛汲古作奔走緒業作諸緒依宋元本

否

載璧秉圭請命於河周公克敏冲人瘳愈

乾爲玉坤爲車故曰載璧艮爲手故

曰秉圭巽爲命乾爲河伏震爲周爲公爲冲人艮堅故曰瘳冲人者成王言成王有疾周公以圭璧禱於河使王疾愈也事見史記魯世家

同人

素車僞馬不任重負王侯出征憂危爲咎

通師震爲車爲白故曰素車震爲馬

坤虛故曰僞馬蓋芻靈之屬坤柔故不任重負震爲王爲諸侯爲出征坎爲憂危○僞汲古作爲依宋元本

有大

大樹之子同條共母比至火中枝葉盛茂

通比艮坎皆爲木坤爲母本卦商爲

火左傳昭三年火中寒暑乃退注心星以季夏昏中而暑退季夏之時草木長成故曰枝葉盛茂。同汲古作百至作之均依宋元本

謙

壅遏堤防水不得行火盛陽光陰蛻伏藏走歸其鄉

詳比之大畜。

末句宋元本作走婦其歸依汲古

豫

五岳四瀆潤洽爲德行不失理民賴恩福

潤洽依頤之大畜校宋元本作合潤

汲古作含潤

隨

駕駿南遊虎驚我牛陰不奉陽其光顯揚言之謙謙奉義解

患

震爲馬爲南艮爲虎爲牛震爲驚上下卦陰皆居上故曰陰不奉陽即不承陽也艮爲光初至四正反震故曰言之

謙謙震爲解也。

牛宋元本作羊雖合兌象然與遊不協依汲古艮牛象雖見於易久失傳易林屢見汲古不誤

蠱

早霜晚雪傷害禾麥損功棄力飢无所食

震爲禾來兌毀故曰傷害巽隕落故

損功棄力兌爲食震爲虛故曰飢無所食震虛象歸妹上六承虛筐也卽以震爲虛

臨

岐周海隅有樂无憂可以避難全身保財

震爲周坤爲海爲憂震樂故无憂坤

爲財○有汲古作獨依宋元本按孟子伯夷避紂居北海之濱太公避紂居東海之濱聞西伯善養老而歸於周林似述其事

觀

陰蔽其陽日暗不明君憂其國求辟得黃駒犢從行

卦陰盛陽衰故

日陰蔽其陽艮爲日坤黑故不明坤爲國爲憂伏震爲君坤爲馬故曰駢黃駢赤色黃黃色馬也乾爲赤坤爲黃乾伏故不得駢而得黃艮爲求爲少故曰駒坤牛故曰犢坤母故駒犢從行○日宋本汲古皆作目惟元本作日艮爲日亦失傳象也

噬嗑

金城鐵郭上下同力政平民歡寇不敢賊

艮爲城郭爲金鐵正反震故曰上下

同力坎爲平爲民爲寇賊○鐵元本作佳依宋本汲古

賁

平公有疾迎醫秦國和不能愈晉人赴告

坎爲平爲疾震爲公艮爲國伏兌故

曰秦國坎爲和震爲晉按左傳成十年晉景公有疾秦伯使醫緩爲之醫言病人膏肓不能爲公果卒赴告者言赴告列國公喪也○愈宋元本作知汲古作治皆非依需之異校赴告宋元本作赴國汲古作疑惑皆不合依坎之萃校告音谷與國協

剝

戴堯扶禹松喬彭祖西遇王母道路夷易无敢難者

乾爲王一陽在

上羣陰戴之故曰戴堯扶禹艮爲毒故曰松喬彭祖赤松子王子喬彭篯皆仙人而享大年者伏兌爲西坤爲母伏乾故曰王母坤爲道路○戴作載非依宋元本松宋元本作從依汲古

復

羔羊皮革君子朝服輔政扶德以合萬國

詳謙之离

无妄

振鐘鼓樂將軍受福安帖之家虎狼爲憂履危不殆師行何

咎震爲鐘爲樂鼓樂言奏樂也震爲武人故曰將軍艮爲安爲家爲虎狼震爲履伏坤爲師○振樂宋元本作據鐘鼓

翼爲作與殆作強均依汲古

大畜

嫡庶不明孽亂生殃陳失其邦

震爲長子嫡也乃三至上正反震故曰嫡庶不明震爲陳

四至上震覆故陳失其邦艮爲邦

頤

鳥驚狐鳴國亂不甯上弱下強爲陰所刑

震爲鳥爲驚爲鳴艮爲狐坤爲國爲

亂艮孤陽在上故曰上弱震爲健故曰下強坤爲刑中四爻重坤故曰爲陰所刑○狐鳴宋本汲古作孤鴻茲依元本

過大

被綉夜行不見文章安坐于堂乃无咎殃長子帥師得其正

常

卦通頤坤爲夜震爲行坤爲綉爲文章坤黑故不見艮爲坐爲堂震爲長子坤爲師三四句言艮止義五六句言震

動義也○于宋元本作玉茲依汲古宋本作坎林

坎

六月采芑征伐无道張仲方叔克勝飲酒

六月采芑小雅篇名頌周宣王也張

仲方叔皆宣王臣詩張仲孝友方叔召虎是也坎爲月數六故曰六月互震爲芑艮手爲采震爲征伐坎爲仲艮爲叔坎爲酒○克元本作剋從宋本汲古宋本作大過林

咸

昧暮乘車東至伯家踰梁越河濟脫无他

伏損坤爲黑爲夜故曰昧暮震爲車

爲乘爲東爲伯艮爲家故東至伯家艮爲梁坤爲河震往故曰踰越曰濟脫

恒

東風解凍和氣兆升年歲豐登

震東巽風乾爲寒爲凍震爲解故曰東風解凍巽爲氣兌

悅故曰和氣坤爲年歲○末句元本作年豐歲登依宋本汲古

遯

三狸捕鼠遮遏前後死於圍城不得脫走

古貓未爲家畜故以狸捕鼠狸狐屬

艮爲狸數三故曰三狸艮爲鼠艮止故曰遮遏前後伏坤爲死乾爲圍艮爲城艮止故難脫○死於圍城宋本作無於圍城元本作無於還域茲依汲古圍城者獄城也周禮司圜鄭司農云圜土獄城也

大壯

綏德孔明履祿久長貴且有光疾病憂傷

震爲履乾爲祿爲久長爲貴爲光伏

坤爲疾病憂傷

晉

三虎搏狼力不相當如摧腐枯一擊破亡

艮爲虎數三故曰三虎艮爲狼爲手

故搏狼離中虛故曰枯腐艮爲擊坎爲破坤爲亡○腐枯宋元本作壅祐茲依汲古

明夷

使伯采桑狼不肯行與叔爭訟更相毀傷

震爲伯爲桑坎爲狼坎陷故不肯行

坎上下兌口相背故曰爭訟坎破故曰毀傷○採桑宋元本作東乘狼作根茲依汲古

人家

抱空握虛鴉驚我雛利去不來

此用遇卦象離中爻伏艮故曰抱曰握離爲空虛艮爲鴉

震子故曰雛震爲驚異爲利風散故不來○抱元本作把依宋本汲古

睽

李華再實鴻卵降集仁哲以興蔭國受福

詳小畜之離第四句宋元本作隆國

无賊汲古作不賊茲依比之訟等林校改

蹇

東山臯洛勇悍不服金玦玩好衣爲身賊

左傳閔二年晉侯使太子申生伐東

山臯洛氏佩之金玦後太子果敗高東艮山爲赤東山臯洛赤狄別種故用以爲象艮爲金伏兌爲玦坎爲賊○洛依宋元本汲古作落雖與今左傳同然易林用經往往字與今經異疑宋本是汲古非也第二句元本作一朝隕落宋元悍作捍茲依汲古又汲古多絲麻不作句宋元本均无依之

解

飛蚊汚身爲邪所牽青蠅分白貞孝放逐

伏巽爲蚊震爲飛坎水故曰汚震爲

青伏巽爲蠅爲白○蚊宋元本作文依依汲古牽汲古作率貞作真均依宋元本青蠅詩篇名傷讒而作貞孝放逐言伯奇申生爲後母所讒而被放也

損

南山黃竹三身六目出入制命東里宣政主尊君安鄭國无

患

震爲南爲竹艮山數三坤身故曰三身六目未詳伏巽爲命令坤爲里震東故曰東里指子產也震爲主坤爲安爲

居坤爲國爲鄭說文鄭地町町然平也象坤形○黃竹各本皆作大木三身六目宋元本作文身其目汲古作丈身六目第三四五句宋元本作制命出命東里田畝尊主安居汲古作制命出文東里宣敷尊主安居茲依蠱之旅校改韻皆協矣按此皆指子產治鄭事

益

泉起崑崙東出玉門流爲九河无有憂患

艮山坤水故曰泉起崑崙艮爲門震

爲東爲玉故東出玉門坤爲河震數九故曰九河坤爲憂患震解故无言河出崑崙山過玉門關播爲九河也

夬

命短不长中年天傷思及哭堂哀其子亡

巽爲命爲長巽覆兌折故曰命短不

長乾爲年兌少伏坤爲死故曰中年天傷坤爲思伏艮爲堂兌口爲哭震爲子伏艮震覆故子亡○思及宋元本作鬼泣依汲古

姤

君臣不和上下失宜宗子哀歌

通復坤爲臣震爲君臣上君下故曰不和曰失宜震爲宗

爲子爲歌坤憂故曰哀歌○末句朱本作宗子哭歌元本作宋子哭歌依汲古

萃

苛政曰作螟食華葉割下啖上民被其賊秋無所得

坤爲政艮爲日

異爲螟兌爲食爲華故曰螟食華葉坤爲下艮爲刀故曰割下兌口在上故曰啖上坤爲民互巽爲賊故曰被其民賊兌爲秋巽隕落故无得

升

南行載鎧登履九魁車傷牛罷日暮嗟咨

震爲南伏艮爲鎧說文鎧甲也坤爲

車爲牛爲暮伏艮爲日坤憂震語故嗟咨第二句義未詳○載宋元本作戴從汲古履宋元作塲從汲古罷音疲魁當爲疑

困

春東夏南隨陽有功與利相逢

伏賁互震爲春爲東離爲夏爲南故曰春東夏南離爲陽

震爲隨本卦巽爲利

井

頭尾顛倒不知緒處君失其國

伏噬嗑艮爲首爲尾初至四正反艮故曰顛倒巽爲緒震

爲君艮爲國互坎故曰失國

革

言无要約不成契券殷叔季姬公孫爭之強入委禽不悅於

心

詳頤之革於心各本皆作子南依頤之革校禽汲古訛命

鼎

缺破不成胎卵不生不見其形

互兌爲缺破震爲胎爲卵震伏異隕故不生○破汲古作

陷茲依宋元本

震

見蛇交悟惜蛻畏惡心乃无悔

伏異爲蛇爲蛻互坎爲心義未詳○悟汲古作卧蛻作蛻

依宋元本

艮

河水孔穴壞敗我室水深无涯魚鱉傾倒

坎爲河水震爲孔艮爲穴故曰河水

孔穴艮爲室爲鱉伏巽爲魚○倒元本作側依宋本汲古

漸

五嶽四瀆地得以安高而不危敬慎避患

艮山坎數五故曰五嶽坎爲瀆巽數

四故曰四瀆巽爲高艮安故不危坎爲患巽順故曰敬慎○敬慎汲古作驚懼茲依宋元本

妹歸

南至之日陽消不息北風冽寒萬物藏伏

離日震南故曰南至之日上下卦陰

在陽上故曰陽消不息坎爲北爲寒伏巽故曰北風震爲萬物坎爲藏伏○列宋元本作烈藏伏作伏藏茲依汲古然伏仍不協疑爲匿字

豐

五利四福俱田高邑黍稷盛茂多獲高稻

巽爲利卦數五故曰五利震爲福卦

數四故曰四福艮爲邑巽爲高震爲耕故曰俱田高邑震爲黍稷爲盛茂爲稻○田宋元本作佃高作居稻作積均依汲古

旅

公孫駕車載遊東齊延陵說產遺季紵衣

詳乾之益各本下多疾病悲哀四字

與上文不類斷爲衍文依乾之益校刪

巽

蛟虬當道民困愁苦望羊置羣長子在門

巽爲蛇故曰蛟虬伏震爲道故曰蛟

虬當道坎爲民爲愁苦坎陷故曰民困愁苦互兌爲羊艮爲門震爲長子

兌

金玉滿堂忠直乘危三老凍餓鬼奪其室求魚河海網舉必

得

伏艮爲金爲堂震爲玉故曰金玉滿堂坎爲忠直爲危爲凍震數三艮壽故曰三老三老鄉官也坎爲鬼爲河海艮

渙

爲求互巽爲魚萬爲網○堂宋元本作室非茲依汲古其汲
古作我茲依宋元本按林詞義吉凶不協疑中二句爲衍文
日入明匿陽晶隱伏小人勞心求事不得離伏故曰日入明
匿晶精通坎爲隱
伏爲心爲勞震爲人艮爲小故曰小人勞心艮爲求風散故
不得○明匿宋元本作幽隱晶作明均依汲古

節

頻逢社飲失利後福不如子息舊居故處申請必得乃无大

悔

艮爲社兌口爲飲古社日最重春秋兩社皆祭後鄉飲故
曰頻逢社飲巽爲利巽伏故失利震爲後爲福故曰後福
震爲子息爲申請艮爲居處○社依宋元本汲古作招非必
得宋元本作必與依汲古

中孚

南有嘉魚駕黃取鰣鰢詡詡利來无憂

震爲南巽爲魚震
福故曰嘉魚震爲

黃黃馬也正反巽故曰鰣曰鰢巽爲利○鰣汲古宋本皆
作遊茲依元本嘉魚小雅詩篇名

小過

黃裳建元文德在身祿祐洋溢封爲齊君

震爲衣爲黃坤六
五黃裳元吉故曰

建元艮爲身坤爲文卦上下皆坤爻故曰文德在身震爲福
祐爲君巽爲齊○宋元本下多賈市无門股肱多根二句根
當爲恨豈有上文如是之吉下忽凶乎其爲衍文无疑故從
汲古不錄

齊既

口不從心欲東反西與意乖戾動舉失便

商東坎西○舉元本作步依宋本汲

古便依汲古宋元本皆作使

未既

虎狼之鄉曰爭凶訟叨爾爲長不能定從

卦有三艮形故曰虎狼之鄉離正覆

兌相背故曰爭訟不能定從言不能定從約虎狼之鄉謂秦也○從汲古訛証依宋元本

咸之第三十一

咸

雌單獨居歸其本巢毛羽憔悴志如死灰

巽爲雌爲寡故曰單獨艮爲巢巽寡

髮故曰毛羽憔悴伏坤爲志爲死

乾

小窗多明道里利通仁賢君子國安不僵

小宋元本作十依汲古里汲古作理

依宋元本○此用咸象咸伏損艮爲小爲窗爲明坤爲道里震爲利通爲仁賢艮爲君子爲國爲安

坤

心惡來怪衝衝何懼顏淵子騫尼父聖誨

淵宋本作伯誨作母依汲古咸艮爲

顏兌爲淵故曰顏淵艮手爲騫故曰子騫乾爲父爲聖艮山故曰尼父兌言故曰聖誨

屯

鳥鳴呼子哺以酒脯高樓水處來歸其母

艮爲鳥震爲鳴爲子故曰鳥鳴呼子

震爲口故曰哺坎爲酒爲脯脯肉也艮高故曰高樓坤水坎水故曰水處坤爲母震爲歸言鳥聞呼或高樓或水處皆至也○棲宋元本訛樓依汲古

蒙

國馬生角陰孽萌作變易常服君失于宅

坤爲國爲馬艮爲角互震故曰生角

坤爲陰爲服爲失艮爲宅震爲萌爲君漢書五行志文帝十二年有馬生角於吳劉向以爲吳舉兵向上之萌又史記燕太子丹爲質於秦求歸秦王曰待馬生角旣而馬果生角乃放歸此皆反常之事故曰變易常服

需

入宇多悔耕石不富衡門屢空使士失意

宇汲古作年從宋元本似多用伏象

訟

諸孺行賈遠涉山阻與旅爲市不危不殆利得十倍

伏震爲孺爲商

賈坤衆故曰諸孺乾爲陵故曰山阻伏巽爲市爲利爲三倍○諸孺宋本作情孺茲依汲古

師

梁破橋壞水深多畏陳鄭之間絕不得前

艮爲橋梁艮覆故曰破壞坎爲破也

坤水坎水故曰水深坎爲畏震爲陳坎爲平爲鄭坎陷故不前

比

雙鳬俱飛欲歸稻池經涉菑澤爲矢所射傷我胸臆

此兼咸象艮爲

鳬兌數二故曰雙鳬兌爲池巽爲稻爲菑坎爲矢坤爲胸○射傷汲古作傷損依宋元本

畜小

謾誕不成倍梁滅文許人賣牛三夫爭之失利後時公孫懷

憂

未詳○倍賣汲古作倍作買依宋元本夫宋元本作失依汲古按伏豫正反震故曰謾誕曰爭曰三夫艮爲牛爲時

履

南國饑凶民失糟糠少子困捕利无所得

乾爲南伏坤爲國离爲饑巽爲糟糠

兌爲食○饑凶宋元本作凶饑依汲古

泰

狗吠非主狼虎日擾驚我東西不爲家咎

震爲鳴吠爲主伏艮爲狗爲虎狼震

爲驚爲東兌爲西艮爲家狗吠非主言非其主人而必吠也

否

望龍无目不見手足入水求玉失其所欲

乾爲龍艮爲目巽伏故不見艮爲手巽伏故亦不見乾爲玉坤爲水巽人艮求

故曰入水求玉坤爲失故所欲不得也

人同

以鹿爲馬欺誤其主聞言不信三日爲咎黃龍三子中樂不

殆伏師震爲鹿坤爲馬故曰以鹿爲馬震爲主离上下兌口相背故曰欺誤曰聞言不信與明夷初九之有言義同也
离數三故曰三日震爲黃龍爲子爲樂史記秦本紀趙高獻鹿於二世曰馬也

大

養幼新婚未能出門登宋望齊不見太師

此用咸象少男少女故曰養幼六爻

皆交故曰新婚乾爲門巽伏故曰未能出門架木爲屋曰宋艮爲宋爲望巽爲齊乾爲太師巽伏故不見

謙

王孫季子相與爲友明允篤誠升擢薦舉

艮爲王孫爲季子艮爲友正反艮故

曰相與爲友艮爲明爲升擢○季汲古作貴依宋元本

豫

山水暴怒壞梁折柱稽難行旅留連愁苦

艮爲山坤水坎水上震故曰山水暴

怒艮爲梁柱坎折故曰壞梁折柱坎陷艮止故曰稽難日留連震爲行旅坎爲愁苦

隨

鷗鳩徙巢西至平州遭逢雷電碎我葦蘆室家飢寒思吾故

初艮爲鷗鳩爲巢下震故曰徙巢兌爲西震爲雷爲葦蘆艮爲室家○碎宋元本作破依汲古兌毀折故碎

蠱

登高傷軸上阪弃粟販鹽不利買牛折角

互震爲軸爲登兌爲折故傷軸艮爲

販異爲粟在下故曰弃粟震爲商販兌爲鹽鹵艮爲牛爲角
兌爲折○買牛折角元本買作賣汲古作市買折閱非茲依
朱本

臨 祝鮀王孫能事鬼神節用綏民衛國以存饗我旨酒眉壽多

年論語祝鮀治宗廟故曰能事鬼神注祝鮀衛大夫子魚也
疏左傳子行敬子謂靈公曰會同難其使祝鮀從將盟果
長衛侯故曰衛國以存坤爲鮀震言故曰祝鮀震爲王爲神
坤爲鬼爲民爲國○鮀元本作施依宋本汲古第五句依宋
元本汲古无

觀 九里十山道卻峻難牛馬不前復返來還坤數十五艮故曰
十山朱震云坤亦

數九故曰九里艮爲道卻退也巽爲進退故曰道卻坤爲牛
爲馬艮止坤下故不前

嗟 枯樹不花空淵无魚舊鳥飛翔利棄我去震爲樹離火故枯
坎爲淵巽爲魚巽

伏故无魚艮爲鳥爲飛○舊宋元本作蕉茲依汲古亦未安
疑爲驚字

賁 雄狐綏綏登上崔嵬昭告顯功大福允興艮爲狐陽卦故曰
雄狐震爲登山

故曰崔嵬震言故曰告○綬綬宋元本作唯唯汲古作綬遺
依局本上汲古作山依宋元本崔宋元本作山依汲古詩齊
風南山崔崔雄狐綏綏序謂刺襄公禽獸之行林義似異

剝

啞啞笑喜相與飲酒長樂行觴千秋起舞拜受大福

此用咸卦伏象

○笑喜相與汲古作笑言與歡依宋元本

復

大椎破轂長舌亂國牀第之言三世不安

兌爲舌震形轂兌多一陰故曰長舌

坤爲國爲亂伏巽爲牀震爲言數三坤爲世故曰三世椎轂疑皆爲震象○椎汲古訛推宋元本

无妄

男女合室二姓同食婚姻孔云宜我孝孫

艮爲室震男巽女俱在艮體中故曰

合室震爲口爲食正反震相對故曰同食艮爲孫巽順故曰孝孫○二汲古作三從宋元本

大畜

千仞之牆禍不入門金籠鐵疏利以辟兵欲南上阪軸方不

轉還車復反

艮爲牆在上故曰千仞乾爲門坤爲禍坤伏故禍不入門乾爲金艮亦爲金故曰金籠鐵疏疏

梳同艮爲刀兵艮止故辟兵震爲南艮爲阪伏坤爲軸爲方艮止故不轉震爲車爲反也○禍不汲古作不得辟作避南

上作上南均依朱元本軸方宋元本作轉萬今依汲古

頤

華言風語自相詿誤終無凶事安甯如故

震爲寡故曰華言伏巽故曰風語正

反震故詿誤坤爲凶爲事艮爲終故終無凶事艮止故安甯如故

過大

汎汎柏舟流行不休耿耿寤寐心懷大憂仁不遇時退隱窮

居

許屯之乾心依校各本皆作公

坎

大尾小頭重不可搖上弱下強陰制其雄

艮爲尾坎爲頭陽陷陰中故曰陰制

其雄

離

一身三口語無所主東西南北迷惑失道

兌爲口離數三故曰三口伏坎數一

伏艮爲身故曰一身正反兌故曰語無所主兌爲西伏震爲東離爲南伏坎爲北伏艮爲道正反艮故迷惑失道

恆

南行求福與喜相得封受上賞鼎足輔國

震爲南爲行爲喜爲鼎爲足乾爲福

伏坤爲國

遯

過時不歸雌雄苦悲徘徊外國與母分離

艮爲時震爲歸二至四震伏故曰不

歸五巽爲雌震爲雄震伏不見故曰苦悲艮爲國艮止故徘徊坤爲母坤伏不見故曰與母分離。第二句宋本作苦悲雄惟元本作苦悲雄雌茲依汲古

壯大

堯舜在國陰陽和得涿聚衣裳晉人无殃

震爲帝故曰堯舜左傳哀二十三年

晉伐齊智瑤禽顏涿聚故曰晉人无殃然語意與上二句不屬衣裳宋元本作衣裳仍難解

晉

周成之隆越裳夷通疾病多祟鬼哭其公狼子野心宿客不

同此用咸象伏震爲周艮爲成故曰周成坤爲裳震爲南故曰越裳坤爲夷爲疾病爲鬼艮爲哭震爲公震覆坤死故曰鬼哭其公艮爲狼坤爲野爲心巽爲旅客坤爲夜故曰宿客。首句宋本作周成之降汲古成作公茲依遯之坤然義皆與下四句不協闕疑待攷又狼子宋本作鳥子尤非

明夷

申酉脫服牛馬休息君子以安勞者得懽

坤居申方坎先天居酉方坤爲牛震

爲馬坎隱故曰脫服服轅外馬脫服卽休息也坎爲勞震爲懽言申酉日暮牛馬與人皆安息也

人家

凱風無母何恃何怙幼孤弱子爲人所苦

巽爲風爲母巽隕落故無母坎爲孤

爲苦凱風邶風篇名毛謂母不安其室茲謂无母義與毛異

睽

出門上堂從容牖房不失其常天牢地戶勞者憂苦

伏艮爲門室牖

房坎爲牢艮爲天故曰天牢坎爲北爲勞憂晉書天文志天牢六星在北斗下貴人之牢也河圖括地象西北爲天門東南爲地戶兌居東南伏艮爲戶也

蹇

天厭周德命與南國以禮靜民兵革休息

艮爲天震爲周爲德故曰天厭周德

艮爲國离南故曰南國离爲兵革艮止故休息厭足也滿也言周德盛天與以南國也

解

堂桑折衝佐闕者傷暴臣失國良臣被殃

未詳堂桑宋元本作常葉姑依汲古

皆未安衝汲古作衝姑依宋元本失汲古作反亦姑依宋元本

損

合歡之國嘉喜我福東岳西山朝齊成恩

震爲歡坤爲國正反震相對故曰合

歡之國震爲喜爲福艮爲山岳震東兌西故曰東岳西山震爲朝爲齊齊同隣詩鄰風朝隣于西崇朝其兩傳隣升也按

樂記地氣上齊注齊躋也而躋與濟皆訓升是齊詩本作齊字與毛異而義同也言雲升雨降故曰成恩

益

耕石不生弃禮无名縫衣失針襦袴不成

震爲耕艮爲石坤死故曰不生坤爲

體爲失震爲衣爲襦袴異敝故不成針爲坎象四五半坎故失針

夬

聾瞽聞盲跛倚不行坐尸爭骸身被火災困其多憂

履六三云眇能

視跛能履謂兌爲半离半震也故茲亦曰盲曰跛推之夬亦半坎也故曰聾伏艮爲坐坤爲尸兌爲骸坤爲身艮爲火故曰身被火災艮爲困坤爲憂故曰困其多憂爭廣韻云諫諍也止也坐尸爭骸言不能行之人有類於坐尸止骸而不能動故遇火而困伏坤爲災憂。盲宋元本作聾依汲古第三句宋本汲古作坐尸爭骸依元本火汲古作大依宋元本困宋元本作困依汲古

姤

生長太平仁政流行四方歸德社稷康榮

生長宋元本作長生此用復象震爲

生震樂故曰太平坤爲政震爲仁故曰仁政流行坤爲四方爲社稷震爲德爲康榮

萃

桀跖並處民人愁苦擁兵荷糧戰於齊魯合巷同牢姬姜竝

居

坤惡故曰桀巽爲盜故曰跖坤巽連體故曰並處坤爲人
民爲愁苦艮爲兵爲荷巽爲輶爲齊兌爲魯五六句與上
意不屬定爲衍文。同牢汲古作得牢非依宋元本昏禮同
牢而食民人宋元本作民之從汲古

升

南與凶居破車失襦西行無袴亡其寶賂

震爲南坤爲凶爲
車兌毀故破車震

爲襦坤亡故失襦兌爲西巽爲袴震爲王坤亡故曰无袴日
亡其實賂

困

空槽注器豚豨不至張弓祝雞雄父飛去

伏震爲槽爲器注
擊也伏艮爲擊巽

爲豕故曰豚豨坎陷故不至凡飼豕擊槽卽至今槽空無食
故雖擊不至巽爲雞坎爲弓兌口故曰祝雞祝呼也張弓呼
故懼而飛去也。父師之旅汲古作鳩說文父家長率教者
然則雄父是雞之首領父同甫

井

望尙阿衡太宰周公屏藩湯武立爲王侯

詳同人之師

革

朝鮮之地箕子所保宜家宜人業處子孫

詳大畜林

鼎

息憂解笑故貧今富載樂履善與福俱遇

息宋元本作昔依
汲古遇汲古作憂

依宋元本貧宋元本作貧樂作樂依汲古伏坎爲憂震爲解
爲笑伏坤爲貧乾爲富故曰故貧今富伏震爲樂爲善爲履

爲車故曰載樂震爲福也

震

叔迎伯兄遇巷在陽君子季姬並坐鼓簫

震爲伯爲兄互艮爲叔伏離爲巷爲

陽言遇伯兄於巷之陽也艮爲君子爲季震爲姬故曰季姬爲樂故曰鼓簫。巷宋元本作卷益難解姑依汲古詩秦風既見君子並坐鼓簫

艮

順風縱火芝艾俱死三害集房十子中傷

詳剝之坤。俱死汲古作俱亡依宋

元本

漸

駕車入里求鮮魴鯉非其肆居自令失市君子所在安无危

殆

坎爲車艮爲里爲求巽爲入爲魚故曰求鮮魴鯉所求非殆故曰非其肆居巽爲室艮爲君子爲安。其汲古作吾

依宋元本殆宋元本作咎依汲古

歸妹

拔劍傷手見敵不起艮臣无佐困辱爲咎

伏艮爲劍爲手坎破故傷手坎爲隱

伏故不起艮爲臣坎爲困辱。咎汲古作苦依宋元本

豐 亂君之門佐闕傷跟榮私貪祿身爲悔殘東下泰山見我所

高爲亂震爲君伏艮爲門故曰亂君之門伏震爲跟正反歡震相對故曰闕兌折故曰傷艮爲身爲山震東故曰東下

泰山

旅 慈母望子遙思不已久客外野使我心苦

異爲母異順故曰慈母高爲望異爲旅客艮爲外野伏坎爲心

巽 魴生淮卻一轉爲百周流四海无有患惡

詳蠱林淮卻元本作江淮依宋本汲古卻隙同

兌 甘露醴泉太平機關仁德感應歲樂民安

詳屯之謙

渙 采薇出車魚麗思初上下役急君子免憂

采薇出車魚麗皆小雅詩詩序采薇

遣將率戍役也出車勞還率也魚麗美萬物盛多而備禮也又云文武以天保以上治內采薇以下治外故林曰思初言思文武周初之盛美也震爲薇艮爲采震爲出爲車巽爲魚艮爲君子坎憂震解故免憂。采元本作採依宋本汲古役

宋元本作從依汲古

節

豕生魚魴鼠舞庭堂雄倭施毒上下昏荒君失其邦

詳蒙之比此以

坤爲魚坎入坤故曰豕生魚魴

中孚

三頭六目道畏難宿寒苦之國利不可得

丁云山海經一身三頭淮南子地形

訓有三頭氏艮爲頭數三故曰三頭

小過

鷺雀銜茅以生孚乳昆弟六人姣好孝悌各同心願和悅相

樂

詳小畜之兌兌爲燕。鷺宋元本作驚依汲古姣依宋元本汲古作懼孝悌宋元本作悌孝依汲古

既濟

文君之德仁義致福年无胎夭國富民實君子在室曾累益

息

此用咸象伏坤爲文乾爲君爲仁爲年伏震爲胎震生故不天艮爲國爲君子爲室乾爲富實伏坤爲層累。之德

汲古作德義仁義作仁聖君子在室作卧者在室均依宋元本惟元本室作堂息宋元本作恩茲依汲古曾累益息者言生息層累而益勝也古曾層同

未濟

秋梁未成无以至陳水深難涉使我不前

此似用咸象兌秋艮梁兌毀故不成

互大坎故曰水深艮止故不前

恆之第三十二

恆

黃帝所生伏羲之字兵及不至利以居止

震爲帝爲立黃故曰黃帝坤爲牛坤

伏故曰伏羲義儀同牛牲也艮爲兵及艮覆故曰至巽爲利。字宋本訛宗依元本汲古及宋元本作刀依汲古

乾

登墀踈足南行折角長夜之室不逢忠直

此用恆象震爲足兌折故踈足震爲

南艮爲角艮覆故折角伏坤故曰夜曰室

坤

燕雀衰老悲鳴入海憂在不飾差池其羽頡頏上下寡位獨

處

此仍用恆象兌爲燕雀坤爲老爲海四五二句詩邶風燕燕文乃莊姜送戴嬀大歸于陳之詩故曰寡位獨處義與

毛合。鳴宋元本作鴻第三句作憂不在鄉寡作在均依汲古

屯

開門除憂伯自外來怵怵无患我心得歡

坤爲門震爲開爲除坎爲憂在外故

開門除憂震爲伯伯自外來言由外來內也坎爲患爲心震樂故无。无汲古作之依宋元本心宋元本作之依汲古

蒙

郊耕釋耜有所疑止空虛無子

坤爲郊震爲耕爲耜坎爲疑坤爲虛釋耜言輟耕也故因

疑而止坤爲虛震爲子坤亡故无子。郊宋元本作効耜作

需

張牙切齒斷怒相視禍起蕭牆牽引吾子患不可解憂驚吾

母互兌爲牙齒兌剛魯故曰斷怒离爲視故曰斷怒相視離爲禍伏艮爲牆爲牽引坎爲患爲憂伏坤爲母。斷怒相

視宋元本作斷怒相及依汲古斷斷爭辯貌

訟

履不容足南山多棘毋出房闥乃无病疾

伏明夷震爲足爲履爲南坎爲棘爲

室故曰房闥坎隱伏故曰毋出坎爲病疾震解故无。闥汲古作闥依宋元本

師

牛駢无子鳴於大野申后陰微還歸其母

駢玉篇云馬赤黃也坤爲牛爲黃故

日駢牛震爲子坤殺故曰子坤爲野震爲鳴故曰鳴於大野坤爲后爲母震爲歸周幽王后申國女幽王寵褒姒廢申后故曰還歸其母。三四句宋元本作申後陰微還歸其母茲依汲古

比

龍生於淵因風昇天章虎炳文爲禽敗軒發輓溫谷暮宿崑

崑終身无患光精照耀不被禍難

首二句兼用恆象震爲龍爲生兌爲淵故曰龍生於

淵巽爲風乾爲天龍在天上故曰因風昇天比坤爲文艮爲虎震爲車震覆故曰敗軒禽者田獵也輓輓端持衡者坤爲車一陽在坤上若輓端衡木蓋艮象也水經注渭水石有溫谷然此溫谷卽陽谷書宅嵎夷曰陽谷淮南子曰出於陽谷言發輓東海夕至崑崙也坤爲暮艮爲崑崙崑崙爲身艮爲終爲光明坎爲患難。昇宋元本作身禽作凶光作充均依汲古照元本作炤依宋本及汲古禍汲古作患與上患字複依宋元本

畜小

既嫁宜吉出入无咎三聖並居國安无災

通豫震爲嫁爲出巽爲入坎爲聖震

數三故曰三聖坤爲國震樂故无咎災。咎宋元本作憂依汲古

履

北陸陽伏不知白黑君子傷讒正害善人

通謙坎爲北陽陷陰中故曰陽伏左

傳日行北陸而藏冰言天寒也坎爲黑巽爲白巽坎皆爲伏故不知艮爲君子正反震故曰傷讒。白黑汲古作黑白依宋本

泰

一身兩頭近適二家亂不可治

坤爲身乾數一故曰一身乾爲頭坤數二故曰兩頭伏艮

爲家坤爲亂。近汲古作延依宋元本

否

牝馬牡駒歲字不休君子衣服利得有餘

乾坤合體故曰牝牡故歲字不休字

息也乾爲歲互艮爲君子巽爲利乾爲衣。牡駒宋元作牝駒依汲古字汲古作孳依宋元本

同人

南行懷憂破其金輿安坐故廬乃无灾患

通師震爲南坤爲憂患爲車乾爲金

故曰金輿坎爲破爲室廬。灾依宋元本汲古作殃

大有

憂人之患履傷浮願爲身禍殘篤心自守與喜相抱

通比坤爲憂患

震爲履震覆故曰履傷坤爲身爲禍坎心艮爲抱第二句或有說字或謂浮願猶不及料也願汲古作顏依宋元本

謙

咸陽辰己長安戌亥丘陵生心非魚鱗市可以避水終無凶

告

謙震坎艮三陽俱備震乾初坎乾中艮乾上三陽成乾故曰咸陽辟卦乾居辰己故曰咸陽辰己震爲長坤爲安故

曰長安辟卦坤居戌亥故曰長安戌亥坎先天位西坤爲都邑咸陽長安。西方都邑也艮爲丘陵坤爲魚爲水言丘陵

可避水不可得魚也。水宋元本訛不依汲古按韻補云亥音喜引易林將戍繫亥陽藏不起爲證此處亦然韻補說是也

豫

不知何孫夜來扣門我慎外寢兵戎且來

艮爲孫坎爲夜坤爲門艮手故曰扣

門外寢外室也艮爲外爲寢爲刀兵。寢汲古訛寇依宋元本

隨

昧旦不明日暗無光喪滅失常使我心傷

震爲旦兌爲昧故曰昧旦不明艮爲

日爲光兌嚮晦故无光。日暗依汲古宋元本作暗我爲夜之形訛字疑原作暗夜無光暗夜與昧旦爲對文今姑從汲古

蠱

江陰水側舟楫破乏狐不得南豹无以北雖欲會盟河水絕

梁坤爲大川故曰江水震爲舟兌毀故破乏艮爲狐爲豹震爲南震反爲艮則北矣艮止故不得南北艮爲梁兌折故

梁絕。狐宋元本作孤依汲古北元本訛比依宋本汲古絕梁汲古作梁絕依宋元本梁與盟韻

臨

神之在丑破逆爲咎不利西南商人休止

震爲神先天居丑方又臨爲丑月卦

故曰神之在丑免爲破易至於八月有凶言至未遯丑未衝故曰破逆爲咎曰不利西南西南遯未也震爲商人因逆破故休止○第四句宋元本作人休止後依汲古

觀然諸不行欺天誤人使我露宿夜歸溫室神怒不直鬼擊其

目欲求福利適反自賊

震爲言震覆故曰然諸不行曰欺天誤人艮爲天爲室坤爲宿爲夜艮爲

火故曰溫室伏震爲神爲怒坤爲鬼艮爲目艮手故曰鬼擊其目艮爲求異爲利爲賊○天汲古作訟露作虛均依宋元本

噬嗑

攘臂極肘怒不可止狼戾復恨無與爲市

艮爲臂肘極放也儀禮大射贊設決

朱極三注極放也極肘卽放肘也震爲怒艮爲狼異爲市巽伏故曰无與爲市○極汲古作拯依宋元本復宋本訛復依元本汲古恨汲古作狠依宋元本

賁販馬買牛會值空虛利得眇少流連爲憂

商爲牛震爲馬爲商旅故曰販買商

爲空虛異爲利巽伏故利得鮮少坎爲憂艮止故曰流連○賁宋元本作賣依汲古

刺 高樓陸處以避風雨深室邃宇君安其所牝雞之晨爲我利

福請求弗得

此用恆象伏坤爲重故爲樓巽爲高故曰高樓坤爲陸故曰陸處巽爲風兌爲水故亦爲雨巽

爲伏故曰以避風雨艮爲堂宇下乘坤故曰深邃震爲君艮爲安故曰君安其所震爲晨巽爲雞爲利艮爲請求坤虛故弗得○之晨元木作之息汲古作司晨依宋本福請求宋元本作弗求得茲依汲古

復 阿衡服箱太乙載行逃時厯舍所之吉昌

天官書北斗帝車通乎中央晉書天

文志北斗杓三星爲玉衡衡平也轅端橫木也坤爲平爲方爲車箱故曰阿衡服箱詩皖彼牽牛不以服箱毛傳服牝服也箱大車之箱也疏牝服長八尺謂較也今俗爲平較兩較之內謂之箱按大車牛車兩轅今車兩邊之牆古謂之較兩較之中卽爲箱以其中虛故名牝服茲曰阿衡服箱與太乙並稱則阿衡指玉衡服箱指牽牛言太乙居中御斗牛以行也震爲君故曰太乙太乙卽北辰極尊象君復出入無疾故所之吉昌○之汲古作求非依宋元本逃疑爲巡之譌

元

飛來之福人我嘉室以安吾國

乾爲福震爲飛巽爲入艮爲室爲國○嘉汲古作居依宋

本

大畜

不孝之患子孫爲殘老耄莫養獨坐室垣

巽爲孝二至四巽覆故曰不孝伏坤

爲患震爲子艮爲孫皆履乾上而兌毀折故曰殘乾爲老坤爲養坤伏故莫養艮爲垣爲坐爲獨○子孫爲殘宋元本作子爲母殘茲依汲古

頤

南過棘門鉤裂我冠斷衣傷襦使君恨憂

通大過乾爲南爲門互大坎故曰棘

門艮爲冠爲鉤兌毀故冠裂乾爲衣襦巽下斷故斷衣傷襦乾爲君坤爲恨憂○鉤汲古作鬪依宋本斷衣宋元本作鬪之茲依汲古

大過

重弋射隼不知所定質疑著龜孰可避之明神答報告以肌

如宜利止居

以繩繫矢而射曰弋正反巽故曰重弋伏艮爲隼震爲射正反震故不能定射的在何所也震爲著艮爲龜坤爲疑震言故曰質疑震爲往正反震故曰孰

可避之震爲神艮爲明上艮爲反震故曰答報艮爲止巽爲肌肌蟲名爾雅釋蟲密肌繼英皆蟲名注云未詳茲曰止居或密肌爲蟄伏之蟲正巽象也○弋宋元本作或汲古作卒之說六均依困之蹇校肌如汲古作犧牲依宋元本宋元本未末句依汲古

坎 麟麇鳳雛安樂无憂捕魚河海利踰徙居

伏离爲文故曰麟
鳳良亦爲獸爲鳥

艮少故曰麇曰雛麇鹿子也坎爲憂震樂故无憂伏巽爲魚
爲利艮爲捕坎爲河海故曰捕魚河海良爲居震行故曰徙
居○雛米元本作稚徙作從均依汲古

离 新田宜粟上農得穀君子懷德以千百祿

离爲新伏艮爲田
二歲爲新田巽爲

粟爲穀中爻正反巽故曰宜粟曰得穀伏艮爲君子爲求故
曰千震爲百爲祿○二三句宋元本作君子惟德千百以福
茲依汲古

咸 簪短帶長幽思苦窮瘠蠡小瘦以病之癰

詳復之節第四句
宋元本瘰作隆依

汲古蠡元本作蠶非瘰創也艮象言小瘦之故因病瘰也

遯 爭訟之門不可與鄰出入有爲憂生我心

乾爲言艮亦爲言
兌爲口二至四兌

反與乾言相背故曰爭訟義本夬九四也艮爲門伏震爲出
巽爲入伏坤爲憂爲心○心汲古作患依宋元本

壯大 朽根枯株不生肌膚病在心腹日以焦枯

伏巽爲木爲隕落
故曰朽根枯株艮

爲肌膚上卦艮覆故肌膚不生伏坤爲心腹爲病巽隕故枯
按壯者傷也故林詞如此而象則用伏○腹汲古作腸焦作
焦均依宋元本焦枯宋元本作焦勞依汲古協

晉

雨師娶婦黃巖季子成禮既婚相呼南去潤澤田里年歲大

喜

此用恆伏象兌爲雨坤爲師巽爲婦卦六爻皆有應子易
所謂婚媾也故曰雨師娶婦震爲黃艮爲巖爲季子故曰

黃巖季子坤爲禮艮爲成震巽爲夫婦故曰成禮既婚震爲
呼爲南兌爲潤澤坤爲田里爲年歲震爲喜言田里得雨澤
年歲豐熟而大喜也元本舊注博物志太公爲灌壇令武王
夢婦人當道夜哭問之曰我是東海神女嫁於西海神童我
行必有風雨云云按此注於林詞不甚合恐別有故實爲今
所不能攷○南去潤澤田里依井之坤宋元本校各本去作
上潤作膏田里作下土子汲古作女依宋元本

夷明

冬採薇蘭地凍堅難利走室北暮无所得

坎爲冬震爲薇蘭
坤爲地坎爲凍爲

險難爲室爲北震行故曰利走室北坤爲暮坤虛故无得○
薇宋元本作微依汲古室宋本汲古作失依元本

人家

昧之東域誤過虎邑失我熊薺飢无所食

此用恆象震爲東
兌爲昧伏艮爲虎

爲邑爲熊伏坤爲失爲虛故爲飢○熊背依宋元本汲古作熟熊非熊背熊肉也

睽 日暮閉目隨陽休息箕子以之乃受其福舉首多言必爲悔

殘 离爲日爲目坎爲閉爲暮故曰日暮閉目离爲陽兌嚮晦
日多言○首依宋元本汲古作事箕星司口舌

蹇 蓼蕭灇灇君子龍光鳴鸞雍雍福祿來同

龍也爲龍爲光和鸞離離萬福攸同皆詩語遇卦恆下巽爲
蓼蕭震爲龍爲鳴鸞爲雍雍乾爲福祿○雍雍汲古作雍雍
依宋元本字與毛詩異

解 鳥飛无翼兔走折足雖不會同未得醫工

故无翼坎蹇故折足坎爲醫巽爲工巽伏坎隱故不得言不
得醫折足之患也○會同汲古作同會醫工作利達均依宋
元本

損 五勝相賊火得水息精光消滅絕不能續

卦兌金尅震木震
木尅坤土而兌又

爲水艮又爲火故火得水而息滅也元本注五勝者言五行相勝之義伏巽爲賊卦數五故曰五勝相賊艮爲光坤消兌絕○能宋元本作長依汲古

益

東資齊魯得辟大馬便辟能言巧買善市八鄰併戶請火不

與人道閉塞鬼守其字

震爲東巽爲齊伏兌爲魯震爲馬伏乾爲赤故曰辟辟赤色也正反震故

曰便辟能言巽爲賈市坤爲戶卦數八艮亦爲戶數亦八故曰八鄰併戶併屏同併戶卽閉戶也艮爲火下乘坤水故不得火坤爲道路爲閉塞孟子請火於鄰無弗與者今八鄰閉戶不與故曰人道閉塞坤爲鬼艮爲守爲字故曰鬼守其字巧賈善市汲古作市人善賈八鄰作鄰人守作崇均依宋元本

夬

爭雞失羊亡其金囊利不得長陳蔡之患賴楚以安

遇卦互兌爲羊

巽爲雞而兌巽相反覆故得雞則失羊得羊必失雞不可得兼也坤爲囊坤伏故亡乾金巽利震爲陳爲蔡爲楚伏坤爲患史記孔子世家陳蔡聞楚聘孔子懼發徒役圍孔子不得行絕糧於是使子貢至楚楚昭王興師迎孔子然後得免

姤

九登十陟馬跌不前管子佐之乃能上山

通復震數九坤數十震爲登爲陟爲

馬坤失故曰馬跌不前震爲竹故曰管子乾爲山言管子佐齊桓乃能霸天下也○首句元本作十登九涉依宋本汲古

萃

東鄰愁苦君亂天紀日貪祿寵必受其咎

通大畜震爲東鄰坤爲愁苦爲亂乾

爲君爲天爲祿寵義多未詳或指紂○日宋元本作甘依汲古宋元本下有意合志同內外相從見吾伯公三句與上文義相反斷爲衍文否則只用此三句象甚合語亦較有味惟不能並用

升

三狸捕鼠遮遏前後死於環城不能脫走

詳离之遯○環城宋元本作壞城汲

古作外問依明夷之頤校

困

虎狼爭強禮義不行兼吞其國齊魯无王

上兌爲虎狼正反兌故曰爭強兌爲

吞爲魯巽齊震爲王震伏故曰齊魯无王言秦併合六國致列國無主也

井

五岳四瀆合潤爲德行不失理民賴恩福

伏艮爲山岳巽卦數五故曰五岳坎

爲江河巽後天數四故曰四瀆坎爲合爲潤爲衆故曰民伏震爲恩福○恩宋元本作息依汲古

革

六月種黍歲晚無雨秋不宿酒神失其所先困後通與福相

從通蒙坎爲月數六震爲黍故曰六月種黍坎爲雨爲暮坤爲歲坤虛故无雨兌爲秋坎爲酒宿肅也儀禮宿尸注宿與曲禮主人肅客之肅同又禮祭統先期旬有一日宮宰宿夫人注宿讀爲肅戒也茲云秋不宿酒言无黍不能釀至秋祭不能先期戒備酒醴也震爲神坤失故曰失所坎爲困震爲通爲後爲從震爲福正反震故曰相從○從宋元本作逢依汲古

鼎 驟牝龍身日馭三千南上蒼梧與福爲婚道里夷易身安無

患詳觀之比

震 出入休居安止无憂上室之懼虎爲季殘震出伏巽爲入艮止故曰休居曰安

止艮爲室爲虎爲季○无宋元本作相懼作權均依汲古虎汲古作虐依宋元本第三四句費解疑有訛字

艮 南山昊天刺政閔身疾病无辜背憎爲仇詳謙之復○閔宋元本作關依汲古

憎宋元本作增非依元本汲古

漸 蒼耳東從道顛跂踣日辰不良病爲祟禍元本注蒼耳馬也遜之小過曰騎驢

與蒼蓋卽蒼耳坎爲耳伏震爲東爲青故曰蒼耳艮爲道坎
蹇故曰跛蹇離爲日艮爲時故曰日辰坎破故不良坎爲病
○第二句元本作謹頓東徙非依宋本汲古

歸妹

兄征東燕弟伐遼西大克勝還封居河間

震爲東爲兄兌爲燕故曰兄征東燕

兌爲西坎爲弟坎水故曰弟伐遼西坎爲河○居宋元本作君依汲古

豐

播輪折輻馬不得行豎牛之讒賊其父兄布衣不傷終身无

患

五大坎爲輪輻兌毀故曰播輪折輻震爲馬坎陷故馬不行離爲牛伏艮爲豎正反兌口故曰豎牛之讒震爲兄爲

父坎爲賊○輪宋元本訛輸衣作裘患作殘均依汲古豎牛事在左傳成十六年見前

旅

駕之南海晨夜不止君子勞罷僕夫憔悴

通節震爲南兌爲海震車故曰駕之

南海震爲晨坎爲夜艮爲君子爲僕夫坎爲勞罷爲苦○夫

焦宋元本作使焦依汲古

巽

怨風燒被忿怒生禍褊心作難意如爲亂

巽爲蟲故曰風震爲被離火震伏不

見故曰燒被兌爲附決爲剛魯故曰怨曰忿怒伏坎爲心坎陷故曰褊心意如季平子名也左傳昭二十五年公伐季氏

樵心謂昭公也後公卒爲季氏所逐故曰意如作亂○首句汲古作怨重被燒難作事均依宋元本

兌

張狂妄行竊食盜糧狗吠非主嚙傷我足

通艮互震爲張狂爲行坎爲盜竊震

爲糧故曰竊食盜糧艮爲狗兌爲吠震爲主震覆故曰非主兌爲嚙震爲足兌毀故傷足○盜糧汲古作稻梁茲依宋元本

渙

警蹕戒道先驅除咎王后親桑以率羣功安我祖宗

首二句皆震象

艮爲道爲王巽爲桑艮爲安爲祖○咎宋元本作害依汲古

節

門戶乏食困死誰告對門不通安所歸急積藏五穀一華千

葉市賈有息

艮爲門戶坎爲困互震爲虛故乏食艮敗言故困死誰告二至五正反艮相對故曰對門艮止

坎陷故曰不通不通則緩急難恃故曰安所歸急震爲歸也坎爲積藏卦數五震爲穀故曰積藏五穀震爲剪爲華葉爲商賈震生故曰息○死宋元本作無安作莫千作百无第七句均非均依汲古

孚中

破敝復完危者得安鄉善无患商人有息利來入門

兌爲破敝爲毀

折故爲危艮成終故復完而得安也震爲商人巽爲利入艮爲門○首句宋元本作被蔽復貌依汲古患汲古作損依宋元本鄉同向

過小

疊疊累累如岐之室一息十子古公治邑

艮爲山爲室震爲生爲息爲子兌數

十故曰一息十子震爲公艮爲邑按詩大雅云古公亶父陶復陶穴未有家室言古公初至岐未有家室暫陶覆陶穴而居疊疊累累穴居之狀故曰如岐之室○首句宋元本作壘壘壘又岐作其均依汲古息汲古作身依宋元本

濟既

三嫗治民不勝其任兩馬爭車敗壞家室

未濟

蔽鏡无光不見文章少女不市棄於相望

离爲鏡爲光坎爲蔽故无光故不見

文章离爲文也○第四句宋元本作棄其御王茲依汲古未知孰是

焦氏易林注卷九

行唐尙秉和節之注

蒲城仵道益

受業

豐潤董維

城校刊

遯之第三十三

遯

三塗五岳陽城太室神明所保獨無兵革

艮爲徑納丙數三故曰三塗艮爲山

互巽卦數五故曰五岳三塗五岳太室皆山名陽城谷名艮爲谷也乾爲神明爲保佑乾數无故曰獨无兵革艮爲刀兵爲膚革。保汲古作住依宋元本

乾

軟弱無輔不能自理意在外野心懷勞苦雖憂不殆

此用遇卦遯象

遯伏臨上坤爲柔故曰軟弱坤爲野爲心爲憂苦震往故曰意在外野坤爲萬物役故曰勞。不殆宋元本作无但依汲古

坤

周成之隆刑措无凶太宰讚佑君子作仁

此仍用遇卦象遜伏臨震爲周坤爲

刑震爲主故曰太宰艮爲君子震爲仁。太宰汲古作大衆依宋元本佑元本作右依宋本汲古太宰謂周公

屯

穴有孤烏坎生蝦蟆象去萬里不可得捕

艮爲穴爲黔喙爲烏坎孤故曰穴有

孤烏上坎震爲生伏巽爲蝦蟆艮爲象又爲鼻象鼻最大故取之坤爲萬里艮手爲捕坤亡故不可得捕。孤依宋元本汲古作狐去宋元本作出依汲古

蒙

俱爲天門雲過吾西伯氏嫉妬與我無恩

艮坤皆居戌亥故曰俱爲天門坤爲

吾坎爲雲位西故曰雲過吾西震爲伯坎爲嫉妬爲恩澤坤爲我坤虛故无恩。門汲古作民西作而伯氏作治民均依宋元本

需

三首六目政多煩惑臯陶瘖聾亂不可從

乾首离卦數三故曰三首离目坎數

六故曰六目通晉坤爲政爲多离爲煩坎爲惑故政多煩惑艮爲臯离火爲陶坎耳坤閉故曰臯陶瘖聾离爲亂震爲從震覆故不可從。首宋本作手依元本

訟

德積不輕辭王釣耕三媒不已大福來成

通明夷坤爲積爲重故曰不輕震爲

言爲王爲耕故曰辭王釣耕坎爲合爲媒震數三故曰三媒

三媒卽三聘乾爲福爲大故曰大福用伊呂事。辭王釣耕

汲古作辭出真心

依宋元本局本

師

堅固相親日篤无患六體不易執以安全兩師駕西濡我轂

輪張伯李季各坐關門

坎爲堅固坤順故相親坤厚故日篤坎爲患震樂故无患坤爲身體坎數

六故曰六體坤爲安全坎爲兩師位西故日兩師駕西又爲

輪轂爲濡震爲伯爲張爲李遯艮爲季爲坐坤爲門坤閉故

關門。第二句汲古作日用自完

執以作孰爲坐作噬均依宋元本

比

方內不行輻摧輪傷馬楚蹠甚受子閔時

坤爲方爲內坎陷艮止故不行坎爲

輪輻坎破故摧傷震爲馬震倒足向上故蹠坤爲受艮爲時

坎爲閔楚不馴貌受子應爲壽子桓十六年衛朔構急子使

於齊將以盜殺諸塗壽子閔其兄乃自載其旌以行。第三

句汲古作馬禁隄與受作愛均依宋元本局本

畜小

畜牝無駒養雞不雞羣羊三歲不生兩頭

五陽畜一陰故曰畜牝震爲馬震伏

故无駒兌爲雞兌折故不難兌羊乾爲歲离卦數三故曰三歲二至上正覆兩兌故曰羣羊乾爲頭兌卦數二故曰兩頭乾爲生巽隕落故不生

履

老耄罷極無取中直懸輿致仕得歸鄉國

通謙坤老坎爲勞卦故曰疲極坎矯

輳故无取中直艮手爲取坤爲輿在上艮爲手故曰懸輿艮爲官爲清高故曰致仕坤爲鄉國震爲歸。國宋元本作里依汲古

泰

縮緒亂絲手與爲災越畝逐兔斷其禪襦

巽爲繩爲緒爲絲巽倒故曰亂縮伏

艮爲手坤喪兌折故曰爲災坤爲畝震爲兔爲越爲逐坤震連體故曰越畝逐兔兌爲決斷伏巽爲禪震爲襦皆裏衣也。宋本災作哭禪作禪均依汲古

否

海老水乾魚鱉蕭索藁落无潤獨有沙石

坤爲海水乾爲老故曰海老水乾巽

爲魚艮爲鱉坤敝故蕭索巽爲藁風散故藁落艮爲沙石故无潤。蕭宋元本作盡依汲古藁汲古作高潤作潤均依宋元本

人同

入市求鹿不見頭足終日至夜竟無所得

中爻巽爲市爲入故曰入市旁通師

師震爲鹿坎爲大首震爲足坎伏故不見頭足離爲日坎爲夜故曰終日坤喪坎失故无所得○頭汲古訛頤依宋元本

有大

築門壅戶虎卧當道驚我驂騮不利出處

乾爲門戶乾實故曰築壅乾爲道兌

虎在前故曰當道乾爲馬故曰驂騮乾在下兌毀折故不利出處

謙

陶朱白圭善賈息資公子王孫富貴不貧

通履乾爲朱離火爲陶故曰陶朱乾

爲玉爲圭巽白故曰白圭巽爲商賈爲利故能息資本卦震爲公子爲王艮爲孫爲貴坤富故不貧

豫

王良善御伯樂知馬周旋步驟行中規矩止息有節延命壽

考震爲帝爲王艮爲賢良故曰王良震爲樂爲伯故曰伯樂馬御亦震象也震爲周爲旋爲步驟爲行坎爲規坤爲矩

艮爲止息爲節爲壽考○節汲古作前依宋元本

隨

堯問尹壽聖德增益使民不懼安無怵惕

震爲帝故曰堯艮爲壽新序堯學乎

尹壽震爲言故曰問坎爲聖震爲生故曰聖德增益坎爲民爲怵惕震樂艮安故不懼○尹壽宋元本作伊舜汲古作大

舜依歸妹之小畜校翟云小畜作尹爵爵卽壽之訛字

蠱

昭公失常季氏悖狂遜齊處鄆喪其寵身

互大离爲昭艮爲常在外故失常坎

爲失也事見前艮爲季震爲狂巽齊坎陷故曰遜齊曰處鄆艮爲邑故曰鄆艮爲身兌折故喪○遜汲古作遊依宋元本

臨

昏莫不行候旦待明復住止後未得相從

坤爲昏暮震爲行坤開故不行伏艮

止故曰候曰待震爲旦爲明爲復爲後艮止故不從左傳云不行之謂臨林義與左氏同○復宋元作從依汲古

觀

安上宜官一日九遷升擢超等牧養常山

艮爲官爲安在上卦故曰安上宜官

艮爲日伏乾乾卦數一又數九艮官在上故曰一日九遷艮手爲擢巽爲高故曰超等坤爲牧養艮山故曰常山○上汲古作止依宋元本

噬嗑

去惡就凶東西多訟行者无功

离爲惡人坎爲凶震往故去惡就凶离東坎西初至四兩

震言相對故多訟震爲行坎失故无功

賁

老馬垂耳不見百里君子弗恃商人莫取無與爲市

震爲馬坎疾故

老坎爲耳在下故曰垂耳震爲百艮爲里坎隱故不見艮爲君子震爲商人艮手爲取坎失故莫取巽爲市巽伏故无與爲市言馬老不能遠行皆不顧也

剝

蝸螺生子深目黑醜似類其母雖或相就衆人莫取

艮爲蝸螺爲觀

爲目形長故曰深目坤爲黑爲醜爲母爲近故曰似類其母坤爲衆艮手爲取以其醜故莫取○蝸汲古作蠅目作自依宋元本

復

百足俱行相輔爲強三聖翼事王室寵光

百足蟲名震爲足爲百爲行爲彊坤

爲輔重坤故曰相輔坤伏乾乾爲聖震數三故曰三聖坤爲事震爲翼爲王爲寵光○王室元本作不見依宋本汲古

无妄

容民畜衆履德有信大人受福童蒙憂惑利无所得

乾伏坤坤爲民

爲衆艮止故容民畜衆震爲履乾爲德爲信爲大人爲福艮爲童蒙伏坤爲憂惑巽爲利風散故无得

大畜

左跌右僵前躓觸桑其指據石傷其弟兄老蠶不作家无織

帛貴貨賤身留連久客

中爻震爲左兌爲右兌毀折故左跌右僵乾爲前兌折故前躓震爲桑在

前故觸桑艮爲指爲石震爲兄艮爲弟兌折故傷其弟兄卦
通萃萃中爻巽爲蠶坤爲老兌毀故不作蠶艮爲家坤爲帛
巽爲織巽隕坎失故无織艮爲貴坤爲財貨爲身爲賤故曰
貴貨賤身艮爲留連震爲客○末句宋元本作久流連客依
汲古

頤

昏人旦明賣食老昌國祚東表號稱太公

坤爲昏震爲人爲旦艮爲明故曰昏

人旦明言人由貧賤而富貴如人處昏夜而忽遇旦明也震爲食爲商旅故曰賣食坤老震昌故曰老昌言姜尚始賣飯朝歌老而受封也坤爲國震爲東震言爲號爲稱坤伏乾乾爲父爲太公譙周云呂望嘗屠牛於朝歌賣飯於孟津○旦宋元本作宜依汲古

過大

敝筍在梁魴逸不禁漁父勞苦焦喉乾口虛空无有

通頤坤爲敝震爲魴

爲筍艮爲梁故曰敝筍在梁坤爲魚震爲逸故曰魴逸不禁坤聚爲漁伏乾爲父坤役故勞勞苦震爲喉爲口艮火故焦喉乾口坤虛故无有○焦喉宋元本作藏空无第五句均依汲古敝筍齊詩篇名齊人以莊公不能防閑文姜而作故曰魴逸不禁

坎

盛中後跌衰老復撥盈滿滅毀疾羸肥脂鄭昭失國重耳與

立

坎中滿故曰盛中坎陷故跌震爲後故後跌坎疾病故衰

老艮手爲撥坎破故盈毀坎疾故肥脂者羸坎平故曰鄭

釋名云鄭町也地多平町町然也艮爲昭爲國坎失故曰鄭

昭失國習坎故曰重耳鄭昭被弑在桓十七年晉文入國在

僖二十四年事不相涉此但取卦象耳○老汲古作者減作

或羸作羸均依宋元本興宋元本作與依汲古

离

折亡破甕使我貧困與母生分別離異門

伏震爲甕中爻兌毀故曰折曰破离

虛故貧坎陷故困坤爲母坤二五之乾成离乾二五之坤成

坎坎中爻震震生故曰與母生分言坎居坤中使坤分析所

謂坎折坤也坎中爻艮爲門正覆兩艮相反故異門亡疑

爲缶之訛字

咸

野有積庾嗇人駕取不逢狼虎暮歸其宇

通損坤爲野爲積艮爲庾震爲嗇人

爲駕艮手爲取艮爲虎狼艮在外故不逢坤爲暮艮爲守伏

震爲歸○虎與宇韻宋元本作虎狼非依汲古

恆

襁褓孩呱冠帶成家出門如賓父母何憂

巽爲襁褓兌爲孩爲呱乾爲冠巽爲

帶伏艮爲家成家言由孩提而成立也乾爲門震出震爲賓

客故曰出門如賓乾爲父伏坤爲母坎爲憂乾福震樂故不

憂○瓜汲古作孤依宋元本

一 卷ノ

五

壯大

陳力就列官職並廢手不勝益失其寵門

通觀震爲陳力爲就列孟子陳力就

列不能者止艮爲官職艮伏故並廢艮爲手震爲盆坤弱故不勝益乾爲寵爲門坤喪故失○並汲古作無依宋元本

晉

積雪大寒萬物不生陰制庶士時木冬貧

坎爲雪爲積爲寒坤爲萬物坤殺故

不生坤爲陰爲庶艮爲時坎爲冬坤爲貧庶士二字必有訛○冬依宋元本汲古作寒

明夷

龍鬪時門失理傷賢內畔生賊自爲心疾

震爲龍爲門爲時坤爲門故曰龍鬪

時門坤爲理震爲賢坎爲失爲傷故曰失理傷賢坤爲內離爲畔亂震爲生坎爲賊爲心爲疾○時汲古作海依宋元本左傳昭十九年龍鬪鄭時門外

家人

大畏猛虎依人爲輔三夫執戟伏不敢起身安无咎

此用遇卦遯象

艮爲犬乾爲虎代震爲人兌爲輔震爲夫數三故曰三夫艮爲執爲戟震爲起巽伏故不敢起艮爲身爲安安故无咎○大宋本作狗汲古作不依元本猛元本作狼依宋本汲古戟汲古作獸依宋元本起宋元本作趨依汲古

睽

南山高岡回噴難登道路遼遠行者无功憂不成凶惡亦消

去

此仍用遯象艮山納丙故曰南山曰高岡巽進退不果故

憂爲惡坤伏故不凶故消去

○崗宋元本作罍路作卑均依汲古

蹇

逢時陽遂富且貴尊

艮爲時陽居五故遂故富且貴艮爲尊貴

解

求我所欲得其利福終身不辱盈盛之門高屋先覆君失邦

國

此仍用遯象艮爲求互巽爲利乾爲福故曰得其利福艮爲終爲身艮貴故不辱乾爲盈盛爲門戶巽爲高艮爲屋

巽爲隕落故曰高屋先覆艮爲邦國乾爲君在外故曰君失邦國

○先汲古作光末句作君先其固茲依宋元本

損

安坐至暮禍災不到利詰奸妖罪人不赦

艮爲安坐坤爲暮故曰安坐至暮坤

爲禍災震解故禍災不到三至上兩震言相對故利詰坤爲奸妖爲罪過震爲人坤殺故罪人弗赦○末句汲古作皇宥不赦奸妖汲古作姤妹均依宋元本

益

膠車駕東與雨相逢五檠解墮頓軻獨坐憂爲身禍

詳大過之益此

用伏象恆恆盡象多同故詞同○頓勢汲古作顏机依宋元本坐宋本作宿依汲古

夫

擇日高飛遠至東齊見孔聖師使我和諧

此用遯象乾爲日艮爲高巽爲齊伏

震爲東爲孔乾爲聖○遠宋元本作遂依汲古末句汲古作徒我相諧依宋元本

姤

陳孀敬仲兆興齊姜乃適營丘八世大昌

通復震爲陳乾爲敬坤拆爲兆巽爲

齊姜故曰兆興齊姜震爲丘陵巽數入故曰八世大昌震爲昌也事詳屯之噬嗑

萃

缺垆无墀難從東西毀破我盆泛棄酒食

垆短垣也爾雅山上有水垆卦下坤

爲水艮爲垆而兌上缺故曰缺垆坤爲墀兌毀故无墀兌爲西震爲東爲從震覆故難從震爲盆震覆兌毀故破我盆兌爲酒食在外中爻艮手故曰泛棄酒食○首句汲古作缺將无憚非依宋元本

升

中夜犬吠盜在廬外神光佐助消散歸去

通无妄坤爲夜艮爲犬震爲吠巽爲

盜艮爲廬巽在艮上故曰盜在廬外震爲神光兌爲輔故曰神光佐助巽風爲散震爲歸去

困

雷車不藏隱隱西行霖雨三旬流爲河江使我憂凶

通賁震爲雷爲

車坎伏震出故不藏坎隱兌西故曰隱隱西行坎爲雨互大坎下坎故曰霖雨中爻震數三故曰三句坎水故曰流爲河江坎爲憂凶○我依汲古宋元本作國

井 老河空虛舊井无魚利得不饒避患東鄰禍來入門使我悔

存坎爲河爲舊故曰老河商爲空虛兌爲井故曰舊井巽爲魚坎失故无魚巽爲利坎瘠故不饒坎爲患坎隱故避患商爲東鄰爲禍伏艮爲門巽入故曰禍來入門坎爲悔○來入宋元本作入我依汲古

革 福德之士歡悅日喜夷吾相國三歸爲臣貴流子孫通蒙震爲士爲歡喜坤爲夷爲吾爲國兌爲輔相震數三震反爲歸

坤爲臣故曰三歸爲臣艮爲貴爲孫震爲子坤爲水故曰貴流子孫○貴宋元本作賞依汲古論語管氏有三歸注取三姓女朱子云臺名

鼎 清人高子久屯外野逍遙不歸思我慈母通屯艮爲清高震爲人爲子故曰清

人高子艮止爲久爲屯坤爲野震爲逍遙爲歸坤迷故不歸坎爲思坤爲我爲慈母也

震 驄驕黑鬚東歸高鄉白虎推輪蒼龍把衡朱雀導引靈鳥載

遊遶扣天門入見真君馬全人安

震馬故曰驪驕坎黑對象異巽髮故曰黑鬚震爲東

爲歸艮爲高鄉爲虎震白坎輪艮手爲推故曰白虎推輪震爲龍色青故曰蒼龍坎爲衡互大商爲朱雀爲靈鳥震往爲導引爲遊艮爲天門艮手爲扣震爲帝故爲真君爲馬爲人艮爲安全○高元本作南依宋本汲古靈鳥宋元本作虛鳥遠作逐作馬安人全均依汲古

艮

路多枳棘前刺我足不利旅客爲心作毒

艮爲路坎爲棘中爻震爲足坎棘故

刺足震爲旅客坎爲毒爲心

漸

端坐生患憂來入門使我不安

艮爲端坐坎爲患故曰端坐生患坎爲憂艮爲門巽入故

曰憂來入門艮爲安坎險故不安

歸妹

小隙之市利不足喜二世積仁蒙其祖先匪躬之言狂悖爲

患

通漸巽爲市坎狹故曰小隙之市隙隅也巽爲利坎憂故不喜本卦兌卦數二震仁坎積故曰二世積仁艮爲祖坎

爲蒙故曰蒙其祖先坤爲躬本卦震爲言爲狂坎爲悖爲患

豐

登高望時見樂无憂求利南國與寶相得

巽爲高震爲時爲登离爲目爲望故

日登高望時坎爲憂震樂故无憂巽爲利伏艮爲求爲國离南故曰南國震爲玉爲寶坎爲得也

旅

跛足息肩有所忌難金城鐵郭以銅爲關藩屏自衛安土无

患

通節震爲足坎蹇故跛足艮爲肩艮止故息肩坎爲忌難艮爲金鐵爲銅爲城郭爲關爲藩屏震爲衛故曰藩屏自衛艮爲安坤爲上坎爲患震出故无患○跛宋元本作疏土作上依汲古

巽

江有沱汜思附君子仲氏爰歸不我肯顧姪娣悔恨

通震中爻坎爲

江爲沱汜爲思艮爲君子故曰思附君子坎爲仲震反爲歸女嫁曰歸爰歸者言仲氏已嫁也艮爲顧坎蔽故不顧兌爲姪娣坎爲悔恨○詩江有沱江有汜之子歸不我顧林用其意與毛合○仲氏爰歸宋元本作伯仲爰歸汲古作伯仲處市依局本明夷之噬嗑校又江有汲古作江水依宋元本

兌

芽葉生達陽倡於外左手執籥公言錫爵

通艮中爻震爲芽葉爲生艮上下卦

皆陽居上故曰陽倡於外震爲左爲籥艮手爲執故曰左手執籥震爲言爲爵爲諸侯故曰公二語皆詩辭

渙

雲夢苑囿萬物繁熾犀象玳瑁荆人以富

坎水爲雲夢艮爲苑囿震爲萬物爲

蕃熾艮爲犀象爲玳瑁震爲荆爲人爲富

節

渠戎萬里晝夜愁苦橐甲戎服雖荷不賊鷹鷂之殃害不能

傷

坎爲戎爲溝瀆故曰渠戎後漢書義渠戎在涇北震爲萬里伏离爲晝坎爲夜坎憂故愁苦艮爲甲坎隱故橐甲坎

西爲戎震爲服故曰橐甲戎服艮爲負荷坎爲賊在外故不賊艮爲鷹鷂坎爲殃害震解故不傷○殃宋元本作殘依汲

古

孚中

鐵基逢時稷契臯陶貞良得願微子解囚市恐无虎謾言妄

語鐵基鈕也震爲鐵基艮爲時震爲稷爲竹故爲契艮爲臯

爲火故爲陶故曰稷契臯陶艮爲貞良爲小震爲子故曰微子艮爲拘故爲囚震出故解囚巽爲市艮爲虎風散故无虎中爻正反兩震言相背故曰謾言妄語○恐宋元作空言作誑均依汲古汲古作旣濟林依宋元本

過小

騎雕與蒼南賈太行逢駁猛虎爲所吞殤葬於渭陽

震爲馬東方色

濟既

青故駢騷與蒼騷蒼青色馬也震爲商賈爲南艮山故曰太行艮爲駁爲猛虎兌口爲吞折爲殤坎爲葬爲渭渭濁坎黑故象之水北爲陽坎北故曰渭陽凡易林用字取象之精皆如此○駁汲古作蛟殤作食依宋元本

出門東行日利辰艮步騎與駟經歷宗邦暮宿北燕與樂相

逢此用遯象伏震爲出爲東行坤爲門故日出門東行乾爲日巽爲利艮時故曰日利辰艮伏震爲駟爲駟爲宗坤爲

邦乾坤相間隔故曰經歷宗邦坤爲暮爲宿爲北兌爲燕震爲樂○辰宋元本作時依汲古宗汲古作京依宋元本

濟未

酒爲歡伯除憂來樂福善入門與君相索使我有得兼用半象坎爲

酒震爲歡爲伯坎爲憂震出故除憂震福艮善巽人艮門故曰福善入門震爲君艮爲求索离正反艮相對故相索坤我坎得

大壯之第三十四

壯大

左有噬熊右有噬虎前觸鐵矛後躡彊弩無可抵者震爲左兌爲右

伏艮爲熊虎兌口故曰左有噬熊右有噬虎乾爲前爲鐵震爲後兌折故後躡伏艮爲刀兵故曰矛曰弩抵禦也艮爲禦

艮伏故无可禦者

九

九

乾

金齒鐵牙壽考宜家年歲有儲貪利者得离其咎憂

大壯中爻兌兌

爲齒牙乾爲金鐵故曰金齒鐵牙伏艮爲壽考爲家乾爲年歲爲富故有儲故利得乾爲吉慶故离咎憂

坤

家給人足頌聲並作四夷賓服干戈橐閣

大壯震爲人伏艮爲家坤富故家給

人足震言爲頌爲聲坤陰爲夷順爲服震卦數四爲賓客故曰四夷賓服艮爲干戈艮伏故曰干戈橐閣坤爲橐也○橐宋元本作囊依汲古

屯

獼猴冠帶盜載非位衆犬嘈吠狂走蹶足

震爲獼猴艮爲冠伏巽爲帶坎爲盜

震車爲載艮爲位古君子方許乘車今載以盜故曰非位艮爲犬坤衆震鳴故曰衆犬嘈吠震爲足爲走坎蹇故蹶足也○嘈汲古作持依宋元本蹇宋元本作厥依汲古

蒙

心思其身不念安存忠臣孝子爲國除患

坎爲心爲患爲念坤爲身爲安言身

之所以安存由心時時慮患也坤爲臣坎爲忠故曰忠臣震爲子坤順故曰孝子坤爲國坎爲患震解故除患

需

君不明德臣亂爲惑丞相命馬胡亥失所

乾爲君爲德坎隱故不明乾伏坤坤

爲臣爲亂爲惑故曰臣亂爲惑兌爲輔相兌口爲命乾爲馬伏坤爲胡乾居亥故曰胡亥坎爲失謂趙高命鹿爲馬而弑胡亥胡亥秦二世名乾爲君居亥胡亥亦國君用字取象神妙如此○馬汲古作駕非依宋元本

訟

東行西窮南北无功張伯賈鹿從者失羊

通明夷震爲東爲行坎爲西坎陷故

窮离南坎北坤喪故无功震爲伯爲鹿震爲商賈故賈鹿震爲從爲羊本大壯上六也坤爲失○賈汲古作買依宋元本

師

鹿下西山欲歸其羣逢羿鋒箭死於矢端

震爲鹿爲陵坎西故曰西山坤爲羣

羣者五陰也震爲歸坤爲惡故曰羿坎爲箭爲矢爲鋒鋒矢末也坤爲死在坎上故死於矢端○歸汲古作保鋒箭作箭鋒依宋元本死元本作无依宋本汲古

比

明夷兆初三日爲災以讒復歸名曰豎牛剝亂叔孫餒卒虛

丘坎黑坤晦故曰明夷坤爲兆左傳昭五年初穆子生穆莊叔筮之遇明夷之謙初爻動故曰明夷兆初坎爲災艮爲日數三故曰三日爲災坎上下兩兌口相背故曰讒大壯震爲歸故曰以讒復歸艮爲名爲豎爲牛坤爲亂艮爲剝爲叔

孫故曰剝亂叔孫坤爲餒爲卒爲虛艮爲丘言魯叔孫穆子爲豎牛所亂三日不得食而餓死也與剝之比參看○日汲古作旦依宋元本復宋元本作後依汲古餒元本作餓依宋本汲古

畜小

秦失嘉居河伯爲怪還其銜壁神怒不祐織組无文燒香不

芬

通豫兌西故曰秦艮爲居震爲嘉坎失故失嘉居震爲伯坎爲河爲怪故曰河伯爲怪震爲壁爲銜爲還爲神爲怒按秦紀使者從闕東夜過華陰有人持壁遮使者曰爲吾遺高池君今年祖龍死因置其壁去忽不見始皇視之乃二十八年過江所沈壁也未幾始皇果死故曰還壁曰不祐坤爲文爲帛坎爲伏故組織無文本卦巽爲香爲芬互离爲燒風散故不芬

履

至德之君禍不過鄰使我世存身无患災

乾爲德爲君离東爲鄰离亂兌毀故

日禍不過鄰言不及乾也通謙坤爲我爲身爲世坎爲災患震解故无災患○至德宋元本作德至依汲古

泰

衆惡之堂相聚爲殃幽毒良人使道不通

坤爲衆爲惡伏艮爲堂故曰衆惡之

堂坤爲聚爲殃爲幽毒震爲人乾爲善故曰良人乾在下故日幽毒良人乾爲道坤閉故道不通○幽宋元本作出依汲

古

否

三痴六狂欲之平鄉迷惑失道不知昏明

通泰坤爲痴震數三故曰三痴震爲

狂乾數六故曰六狂震爲之坤爲平鄉爲迷惑乾爲道迷惑故失道坤爲昏震且爲明

同人

老弱无子不能自理郭氏雖憂終不离咎管子治國侯伯來

服乘輿八百尊祀祖德

通師乾老坤弱震子坤喪故无子坤爲自爲理柔弱故不能自理坤爲郭

坎爲憂咎郭爲齊滅故曰終不离咎震爲竹爲管子坤爲國震爲侯伯坤順爲服坤爲乘輿卦數八故曰乘輿八百乾爲爲祖爲德爲尊坎爲祀也○此林前四句與後四句吉凶不同意亦不屬顯爲兩林非盡焦氏

大有

衰后生蛇經老日微退跌衰耄酒滅黃离

通比坤爲后昔周人發龍瘝化爲玄

龜後宮童女遭之而孕生衰姤玄龜蜥蜴也亦非蛇且卦无蛇象而各本皆作蛇无如何也坤帛爲經坎爲跌乾爲衰老坎爲酒离爲黃於卦象雖偶合而語皆難解疑訛字仍多

謙

驄驕黑鬚東歸高鄉白虎推輪蒼龍把衡遂至夷傷不离咎

殃

解詳遜之震○騶汲古作鬣高作南均依宋元本遂元本作逐非依宋本汲古

豫

信譎龍且塞水上流半渡決囊楚師覆亡

坎爲信正反兩震言相背故曰譎震

爲龍故曰信譎龍且艮爲防爲塞卦本坤體亦爲水陽在坤上故曰塞水上流坤爲囊艮手爲決震爲渡陽居中故曰半渡震木爲楚坤爲師坤喪故覆亡史記韓信與項羽將龍且戰於澠水令萬餘人囊沙壅水上流引軍半渡佯不勝走還龍且追信信令人決壅水大至且軍大半不得渡信急擊殺龍且○渡宋元本作涉亡作凶均依汲古

隨

有莘季女爲王妃后貴夫壽子母字四海

莘草也震象兌爲季女大禹母有莘

氏也震爲王兌爲妃故曰爲王妃后震夫艮貴故曰貴夫艮壽震子故曰壽子兌澤故曰海震卦數四故曰四海巽爲母○字汲古作尊依宋元本

蠱

德被八表蠻夷率服蝥賊不作道无苛慝

震爲德艮爲表數八故曰德被八表

五大坎爲蠻夷巽順故曰率服巽爲蝥賊爲苛慝艮爲道艮在上故无苛慝

臨

載日精光驂駕六龍祿命徹天封爲燕王

伏乾爲日爲精光坤爲載乾爲龍數

六乾行故曰駮駕六龍乾爲天爲祿伏巽爲命故曰祿命徹
天震爲王兌爲燕故曰燕王巽爲誥命故曰封

觀

纓急縮頸行不得前五石示象襄霸不成

巽爲繩爲纓巽躁故急巽退故縮艮

爲頸言纓急項不得伸也震爲行震覆故行不前乾爲前也
艮爲石巽卦數五故曰五石艮爲象故曰五石示象伏乾爲
君故曰襄震爲霸震覆故曰襄霸不成左傳僖十四年隕石
於宋五後宋襄圖霸不成而死以隕石爲不祥石星石也○
不元本作弗非依宋本汲古

噓

蛇失其公戴麻當喪哀悲哭泣送死离鄉

通井巽爲蛇震爲公坎失故曰蛇失

其公巽爲麻艮爲戴兌折爲喪故曰戴麻當喪卦正反兌口
故曰哀悲哭泣坎爲死艮爲鄉○蛇失其公汲古作蛇鄉其
穴非依宋元本

賁

回隤不安兵革爲患掠我妻子客屢饑寒

中爻震爲馬回隤病也詩我馬虺隤

是也艮爲兵革坎爲患艮手爲掠离妻震子故曰掠我妻子
震客离饑坎寒虺隤說文又作瘵隤蓋傳寫異文不得以與
詩異卽定回爲訛字○回隤汲古作四隤依宋元本屢宋元
本作屬依汲古

剝

乘風駕雨與飛鳥俱一舉千里見吾愛母

坤爲風伏兌爲雨艮爲鳥爲飛乾卦

數一艮爲舉坤爲里故曰一舉千里坤爲吾爲母伏兌爲見

○駕雨宋本作雨橋元本汲古作禹依明夷之鼎校

復

雷霆所擊誅者五逆劇滅无迹有懼方息

震爲雷霆艮手爲擊坤殺故曰誅乾

順行坤逆行五陰故曰五逆坤死故劇滅坤虛故无迹乾爲惕爲懼息者生也言乾陽從此漸息也

妄元

張氏揖酒請謁左右平叔枯槁獨不蒙所

震爲張艮手爲揖伏兌爲酒故曰張

氏揖酒艮爲求爲請謁震左兌右故請謁左右伏坤爲平艮爲叔離爲枯槁離虛故獨不蒙所闕西方言致力於一事爲所書无逸君子所其无逸召誥王敬作所是也言獨不致意於平叔也按史記陳丞相世家富人張負獨偉視平歸謂其子仲曰人固有美好如陳平而長貧賤者乎乃以其孫女嫁之並假以幣爲內婦酒食之資林用其事三四句言平叔不能久枯槁也○平叔依宋元本汲古作王時

畜大

坐爭立訟紛紛何何卒成禍亂災及家公

艮爲坐震爲立三至上正反兩震言

相對故有爭訟之象而紛紛何何也離爲禍亂爲災艮爲家乾父爲公

頤

霜降閉戶蟄蟲隱處不見日月與死爲伍

坤爲門戶爲閉爲霜故曰霜降閉戶

通大過異伏爲蟄爲隱處爲蟲艮爲日兌爲月巽伏故不見坤爲死也

大過

鼠聚生怪爲我患悔道絕不通商旅失意

通頤艮爲鼠震爲生坤爲聚爲鬼怪

爲患悔坤爲我艮震皆爲道路坤閉故不通震爲商旅坤喪故失意漢書五行志昭帝元鳳元年燕有黃鼠銜其尾舞王宮端門中未幾燕王誅死

坎

寒暑不當軌度失常一前一後年歲鮮有

坎爲寒伏离爲暑震爲道故曰軌度

艮爲常坎失故曰失常艮爲前震爲後爲年歲离虛坎病故年歲鮮有

离

築室水上危於一齒丑寅不徙辰巳有咎

通坎中爻艮爲室爲築下坎故曰築

室水上坎爲危險後天坎數一故曰危於一齒齒字恐訛未詳其義先天震居丑寅後天艮居丑寅故曰不徙坎中爻也先天兌居辰巳後天巽居辰巳离中爻也澤風成大過大過死故曰有咎

咸

畜鷄養狗長息有儲耕田得黍主母喜舞

巽爲鷄艮爲狗旁通損震爲長爲息

艮止故有儲坤爲田震爲耕爲黍故耕田得黍震爲主爲喜
爲舞坤爲母故曰主母喜舞○主宋元本作王依汲古

恒

東壁餘光數暗不明主母嫉妬亂我業事

震爲東伏艮爲壁
爲明故曰餘光兌

昧故暗而不明震爲主伏坤爲母爲嫉妬坤爲事業爲我爲
亂○業事汲古作事業依宋元本事詳謙之屯

遯

剛柔相傷火爛銷金雕鷹制免伐楚有功

通臨遯陰消陽臨
陽消陰故曰剛柔

相傷乾金艮爲火陰在下消陽故曰火爛銷金艮爲黔喙爲
雕鷹震爲兔爲楚爲伐震樂故伐楚有功

晉

鄭國讒多數被楚愛征夫愁苦民困无聊

坤爲國爲平故曰
鄭國鄭町也地多

平町町然也离上下兩兌口相背故曰讒多夫壯震木爲楚
坎爲憂震爲征夫坎爲愁苦坤爲民坎困故无聊○征夫宋
元本作商人依汲古

夷明

弓矢斯張把彈弦折丸發不至道遇患害

坎爲弓爲矢震爲
張坎爲彈爲弦爲

折故曰把彈弦折坎爲丸坎陷故不至震爲道坎爲患害○
斯宋元本作其依汲古

人家

舉觴飲酒未得至口側弁醉酣拔劍斫怒武侯作悔

通解坎
爲酒爲

飲震爲觴爲舉爲口震伏故未得至口艮爲弁艮覆故曰側
弁离爲惡人故醉酣坎爲七爲劍震爲拔爲怒爲斫故曰拔
劍斫怒震爲武坎爲悔故曰武侯作悔按小雅賓之初筵賓
既醉止載號載嗽又曰側弁之俄屢舞傴僂乃衛武公飲酒
悔過之詩故曰武公作悔○弁汲古作棄依宋元本斫宋元
本作相依汲古

睽

蒼鷹羣行相得旅前王孫申公驚奪我雄北天門開神火飛

災如不敬信事入塵埃

此用遇卦象伏艮爲鷹震色青故曰蒼伏坤爲羣震爲行爲旅旅者侶也

言結爲伴旅而前行也震爲王公艮爲孫爲明故爲申故曰王孫申公震爲驚艮手爲奪震爲武爲雄伏坤爲北艮爲天門震爲開故曰北天門開震爲神艮爲火爲災爲飛故曰神火飛災乾爲信坤爲疑艮爲塵埃○宋元本缺此林

蹇

穿屋相宜利倍我北徂邪詭道逃不可得南北望邑遂歸入

室

艮屋坎爲穿故曰穿屋坎爲北巽利坤我故曰利倍我北坎爲邪艮爲道震往爲逃震覆故不得逃离南坎北离目爲望艮爲邑故曰南北望邑坎爲室故曰入室○屋宋元本作空依汲古逃汲古作迎依宋元本

解

壽如松喬與日月俱常安康樂不罹禍憂

此用大壯象伏艮爲壽爲松喬赤松

子王喬皆古仙人名艮日兌月艮爲常爲安震爲康樂在外故不憂

損

出門望東伯仲不來疾病爲患使母憂歎

艮門震出震東艮爲觀故曰望東震

爲伯艮止故不來坤爲疾病爲患爲憂爲母震爲歎也

益

太姒之孫周文九子咸遂受成寵貴富有

坤爲母后故曰太姒艮爲孫太姒者

文王之妃詩太姒嗣徽音是也春秋傳曰武王同母弟八人是井武王爲九子也震爲周坤爲文震爲子數九故曰九子艮爲成坤爲受艮爲寵貴坤爲富有言太姒教誨諸子成武王周公之德而富貴○姒汲古作姬依宋元本

夬

桃李華實纍纍日息長大成熟甘美可食爲我利福

兌爲反巽巽木

故曰桃李兌爲華大過九五枯楊生華是也乾爲木果故曰實重乾故纍纍日息乾爲日爲長大爲美好兌爲食乾爲福伏坤爲成熟爲我爲利○纍纍宋元本作累累依汲古

姤

昏禮不明男女失常行露反言出爭我訟

通復坤爲昏爲禮故曰昏禮不明乾

男坤女姤坤消乾復乾消坤故男女失常震爲行坤爲水爲露詩厭浥行露是也震爲言爲反故曰反言又乾爲言巽爲

覆兌兌言與上乾言相背故曰爭訟行露詩何以速我訟用其事也○昏依元本宋汲古作婚露反依宋元本汲古作路有非

萃

室穿敝漏破桴殘缺陰弗能完瓦碎不全

艮爲室兌毀故穿巽爲敝漏故曰室

穿敝漏伏震爲桴兌毀折故曰破桴曰殘缺坤爲陰兌折故弗完故瓦碎不全艮爲瓦也

升

數窮廓落困於厯室往登玉堂與堯脩食

中爻兌數十坤納癸亦數十故曰數

窮坤虛故廓落伏艮爲室爲時故曰厯室震爲往爲登爲王伏艮爲堂故往登玉堂震爲帝故曰堯兌爲食震爲脩故曰與堯脩食○堯汲古作者依宋元本

困

道濕爲坑輪陷躓僵南國作諱使我多畏

伏震爲道下坎故道濕故爲坑坎爲

輪爲陷爲躓爲僵商爲南伏艮爲國坎爲諱諱避也言南國禁忌多也坎爲畏困正互兩坎故多畏○輪依汲古宋元本作輪

井

鰥寡孤獨福祿苦薄入室无妻武子悲哀

通噬嗑艮爲鰥異爲寡坎爲孤獨震

爲福祿坎爲薄故曰福祿苦薄坎爲室巽入离爲坎妻坎失故入室无妻震爲武人井正覆皆兌口故曰悲哀左傳襄二十五年崔杼取棠姜筮得入其宮不見其妻凶困三繇詞林用其事○武汲古訛我依宋元本

革

舉袂覆目不見日月衣衾杖机就其夜室

通蒙震爲袂爲舉艮爲目士喪禮慎

目繒尺二寸注覆目者也坎隱故覆目故不見日月艮曰坎月也坤爲衣衾震木爲杖艮爲几故曰衣衾几杖坎爲夜室古以坎有棺槨象就夜室者言死也首句似用吳王夫差帳目而死事○袂宋元本作被依汲古

鼎

長尾踳跂畫地爲河深不可涉絕无以北惘然憤息

通屯艮爲尾巽

爲長下互坤形長故曰長尾踳跂當爲委佗詩委委佗佗是也所以形容長尾坤爲地爲河艮手爲畫上坎水下坤水故深不可涉坎爲北兌折故絕無以北坎爲憫爲憤爲太息

震

晨風文翰大舉就溫昧過我邑羿无所得

震旦爲晨伏巽爲風伏离爲文震爲

羽翰故曰晨風文翰詩鬱彼晨風傳晨風鷩也周書王會篇蜀人以文翰文翰若臯雉艮爲鳥亦艮象也震舉离溫艮爲邑爲我坎爲昧故曰昧過我邑言夜過也离爲惡人故曰羿离虛故无所得羿后羿善射篡夏后氏者也

艮 出入節時南北无憂行者亟至在外來歸

中爻震出坎入艮為時為節震為南

坎為北為憂震樂故无憂震為行為亟震反故來歸○來歸宋元本作歸來依汲古

漸

陽氏狂惑季孫亂憤陪臣執政平子拘折我心不快

互离為陽伏震

為狂謂陽虎也坎為惑艮為季為孫离亂坎憤故曰季氏亂憤謂平子也艮為臣僕艮手為執巽為政令故曰陪臣執政坎為平震為子坎為拘折言平子被囚也坎為心為憂艮為我故曰我心不快按左傳陽虎為季氏陪臣專政作亂囚季平子欲殺之遇赦免

歸妹

五烏六鵲相對蹲跂禮讓不行虞芮爭訟

伏艮為烏為鵲坎數五又卦數六故

日五烏六鵲震為立故曰蹲跂震決躁兌附決故禮讓不與坎為憂虞震為草莽故曰虞芮卦上震下兌而震言與兌言相背故曰爭訟昔虞芮二國爭田不決欲訟於西伯及入周界耕皆讓畔乃慙而還首句義未詳八鳥星名

豐

顧念所生隔在東平遭商滿沸河川決潰幸得无恙復歸相

室

离目為顧伏坎為念震為生坎為隔震東坎平故曰東平互大坎為滿沸為河川為潰決為病恙震出故得无恙坎

爲室震爲歸○願汲古作願依宋元本此有故事未能確指末句汲古作復生歸室依宋元本

旅

追獵東走兔逃我後吾銳不利獨空无有

通節震爲追獵爲東走爲兔爲後坎

爲棘故爲銳巽爲利坎蹇故不利离虛故空無有坎爲獨也

巽

犬吠非主上下膠擾敵人襲戰閔王逃走

伏艮爲犬震爲鳴爲吠爲主震伏故

曰非主艮爲上震爲下坎爲膏爲膠离亂故曰上下膠擾震爲人爲戰三至上正反震艮相對故曰敵人襲戰坎爲閔震爲王爲走故曰閔王逃走戰國策樂毅伐齊至濟西閔王走莒是也○膠依宋元本汲古作渾

兌

嵩高岱宗峻直且神觸石膚寸千里蒙恩

通艮爲山互坎爲中故曰嵩高互

震爲東故曰岱宗艮爲高峻震爲神爲觸艮爲石爲膚故曰觸石膚寸震爲千里坎爲恩澤故曰千里蒙恩公羊傳觸石而出膚寸而合不崇朝而雨遍天下者惟泰山之雲耳注側手爲扶覆手爲寸膚寸皆艮象

渙

陳魚觀社佷荒踰矩爲民開緒亡其祖考

巽爲魚震爲陳艮爲社爲觀春秋隱

公五年公如棠陳魚而觀之又莊二十三年如齊公觀社非禮也故曰佷荒踰矩言荒淫踰越規矩也坎爲曲爲矩爲民

巽爲緒艮爲壽故曰祖考坎失故亡其祖考偁音恆有歸瘵
二義後漢蔡邕傳董卓自偁用是也○第二句汲古訛狼虎
踰距依宋元本

節

四壁无戸三步一止東西南北利不可得

艮爲壁震卦數四故曰四壁坤爲戸

坎塞坤故无戸震爲步數三故曰三步艮止坎數一故曰一止震東兌西震南坎北巽爲利巽覆故利不可得

孚中

求君衣裳情不可當觸諱西行爲伯生殃君之上歡得其安

存

震爲君艮爲求震爲衣裳爲健故不可當震爲觸爲行巽伏故曰諱諱避也兌爲西故曰觸諱西行震爲伯爲生兌

折故生殃震爲君爲歡艮爲安春秋蔡昭侯如楚有善裘子常欲之弗與留楚三年後蔡人聞之固請獻之遂得歸○上歡汲古作上安依宋元本

過小

春鴻飛東以馬貿金利可得深

震爲春爲鴻爲飛爲東爲馬巽爲商旅故曰貿艮爲金故

日貿金坎爲深也巽爲利利可得深言得利多也

濟既

不生蟲蠹還自尅賊使我无得

此用遇卦象震爲禾爲生巽爲蟲爲賊伏坤爲我坤虛故

无得

卷九

七

未濟

桀亂无道民散不聚背室棄家遁逃出走

离爲惡人故曰桀离爲亂震爲道坎

隱故无道坤爲民爲聚三爻間隔故民散不聚坎爲室艮爲背故曰背室艮爲家坎失故曰棄家坎伏爲遁震走爲逃也凡震艮皆用半象

晉之第三十五

晉

銷鋒鑄耜休牛放馬甲兵解散夫婦相保

坎爲鋒耜离火爲銷爲鑄离牛坎馬

艮止故休放离爲甲兵坎水尅火故解散坎夫离婦坤聚艮安故相保

乾

一衣三冠冠無所紿元服不成爲身災患

乾爲衣卦數一故曰一衣晉艮爲冠

數三故曰三冠艮下坤坤拆故曰冠无所紿曰元服不成坤爲身爲災患○第二三句宋元本作无所加元衣服不來身作我均依汲古

坤

百足俱行相輔爲彊三聖翼事王室寵光

詳屯之履比之无妄履用伏象謙與

无妄皆以震爲足此則以坤形象百足蠱坤爲百也

屯

魚蛇之怪大人憂懼梁君好城失其安居

坤爲魚爲蛇坎爲怪震爲大人坎爲

憂懼震爲君震木爲梁故曰梁君艮爲城正覆艮故曰好城艮爲安居坎失故曰失其安居元本注春秋梁君好城而弗處卒亡其國

蒙

少無彊輔長不見母勞心遠思自傷憂苦

艮爲少兌爲輔爲剛兌伏故无震爲

長坤爲母坎隱故不見坎爲勞爲心爲思爲憂苦

需

前涉滯暑解不可取离門二里敗我利市老牛病馬去之何

悔乾爲前行离爲暑與坎連故曰滯暑解解同詩大雅不解於位注意情也坎勞故曰解不可取乾爲門兌卦數二故曰离門二里巽爲利市二至四巽覆故敗我利市离爲牛乾老故曰老牛乾爲馬坎病故曰病馬坎爲悔在外故去之无悔○門二朱元本作河三依汲古涉汲古作不依宋元本

訟

君明有德登天大祿布政施惠以成恩福中子南遊翺翔未

復乾爲君爲德离火爲明乾爲天爲大祿巽爲政命巽風爲布施乾爲恩福坎爲中男乾爲南爲行故曰中子南遊离爲飛故曰翱翔坎陷故曰未復言未歸也○成宋元本作咸依汲古

師

嘍然唯諾敬上尊客執恭除患禦侮致福

坎正反兩兌口震爲聲故曰嘍然唯

諾震爲客伏乾爲貴故曰尊客乾惕爲敬坎爲患震解故除患坤爲禦爲侮震樂故致福

比

黍稷禾稻垂秀方造中旱不雨傷風病藁

坤爲芽茹故爲黍稷禾稻造作也言

苗秀興起也坎爲中爲雨艮火故中旱不雨坤爲風故傷風病藁

畜小

三羸六罷不能越跪東賈失馬往返勞苦

通豫震數三坎數六坎病故羸坎勞

故罷震爲越跪爲東爲賈爲馬坎失故失馬震爲往反坎爲勞苦○羸宋本作羸依元本汲古

履

倚立相望引衣欲裝陰雲蔽日暴雨降集使道不通阻我歡

會通謙震爲倚立艮爲望正反艮故曰相望坤爲衣裳艮手爲引爲裝裝束也坤爲陰雲爲蔽离日故曰陰雲蔽日坎爲暴雨爲降集震爲道坎塞故不通故阻我歡會坤我震歡也○裝宋元本作莊降宋本作祈元本作所阻宋元本作降

合元本作惠五六句朱元本倒置均依汲古

泰

高脚疾步受肩善趨日走千里賈市有得

中爻震爲足故曰脚步震躁故高脚

疾步故善趨故日走千里震伏巽爲賈市巽利故有得坤爲受伏艮爲肩。善汲古作喜依宋元本

否

北風寒涼雨雪益冰憂思不樂哀悲傷心

中爻巽風坤爲北乾爲寒爲冰雪故

日北風寒涼雨雪益冰乾惕故憂震樂震倒故不樂坤爲哀悲爲心

同人

貞鳥睢鳩執一無尤寢門治理君子悅喜

離爲鳥爲鳩通師坎爲尤數一震樂

故執一无尤坤爲門爲寢爲理震爲君子爲悅喜。睢宋元本作鳴依汲古

大有

蓼蕭露漙君子龍光鳴鸞嘒嘒福祿來同

通比坤爲薪爲蓼蕭坎爲露艮爲君

子爲貴龍寵也坤文爲鸞兌爲鳴乾爲福祿蓼蕭義詳恒之蹇。龍汲古作寵依宋元本嘒嘒宋元本作雍和依汲古

謙

南行求福與喜相得封受上賞鼎足輔國

震爲行爲南艮爲求震爲福爲喜坤

爲受坤閉爲封艮爲賞陽在上故日上賞震爲足數三故曰鼎足坤爲國艮伏兌兌輔故曰輔國。封受依宋本汲古作

受封

卷九

六

豫

桑葉腐蠹衣敝如絡女功不成絲布爲玉

震爲桑葉坎病故腐蠹坤爲衣裳坎

破故敝震伏巽巽繩故曰如絡故曰絲布坤爲女坤喪故功不成震爲玉絲爲玉者言桑壤不能產絲故值貴也

隨

左服易右王良心歡喜利從己

震左兌右服者夾轅之馬震爲馬左服易右者震爲左兌

爲右言馬初在左至上兌而右也震爲王良爲良故曰王良坎爲心震爲歡喜爲從巽爲利王良古善御者。喜宋元本作嘉依汲古

蠱

壽考不忘駕駟東行三適陳宋南賈楚荆得利息長旅身多

罷畏晝喜夜

艮爲壽考震爲馬故曰駕駟震東故東行震爲陳艮爲宋震數三故曰三適陳宋互震爲南巽爲賈爲楚荆故曰南賈楚荆巽爲利爲長爲商旅互大坎爲罷爲畏爲夜離爲晝晝動故畏夜伏故喜。駟宋元本作駟

三作之身作自均依汲古

臨

羔羊皮革君子朝服輔政扶德以合萬國

兌爲羔羊通遯艮爲皮爲革爲君子

坤爲朝爲衣服故曰君子朝服兌爲輔坤爲政艮手爲扶乾爲德故曰輔政扶德坤爲國坤衆故曰萬國坤閉爲合故曰以合萬國詩召南羔羊之皮素絲五純羔羊之革素絲五絨美召公也。國宋元作福依汲古革各本皆作弁依謙之離校

觀

鸛鳴徙巢西至平州遭逢雷電破我葦廬室家饑寒思吾故

初艮爲鸛坤文爲鳴艮爲巢伏震爲徙故曰鸛鳴徙巢兌爲西坤爲州爲平震爲雷電兌折爲破艮爲廬巽爲葦故曰葦廬艮爲室家坤爲飢乾爲寒故曰室家飢寒坤爲吾乾爲初。第四句宋本汲古廬作葦依元本

噬嗑

大尾小頭重不可搖上弱下強陰制其雄

艮爲尾震大故曰大尾坎爲首艮爲

小故曰小頭坤爲重坎陷故重不可搖艮上震下艮小故弱震長故強四陽陷陰中故曰陰制其雄

賁

疏足息肩有所忌難金城銅郭以鐵爲關藩屏自衛安止无

患震爲足艮爲肩坎爲忌難艮爲城郭三至上正反兩艮故又爲關艮爲金故曰金曰銅曰鐵艮爲藩屏爲安止坎爲患安止故无患

剝

天命玄鳥下生大商造定四表享國久長

通夫乾爲天兌爲言故曰天命乾爲

玄鳥爲黔喙爲鳥故曰玄鳥玄鳥者燕也兌爲燕震爲生震反故下生震爲子故生商商子姓也艮爲定爲表伏兌數四坤爲國故曰造定四表艮爲久長據詩商頌箋高辛氏妃簡狄吞鳳卵生契爲商祖

復

賦歛重數政爲民賊杼柚空虛我去其室

坤聚故曰賦歛重坤故曰重數坤爲

政爲民伏巽爲賊震爲杼柚詩杼柚其空箋云杼持緯者柚受經者也杼柚上下震動故取象於震坤虛艮爲室艮倒故去室。歛元本訛毀依宋本

无妄

陰陽隔塞許嫁不答宛丘新臺悔往歎息

初陽伏陰下艮止故曰隔塞女嫁曰

歸震爲歸爲言故許嫁二至四震反故曰不答艮爲丘爲臺宛丘陳風篇名梅嫁非其人而作也震爲歎息毛詩謂刺陳幽公淫亂无度新臺邶詩篇名毛謂刺衛宣公娶其子伋妻國人惡之林意似謂婦爲夫棄也

大畜

願望登虛意常欲逃賈辛醜惡妻不安夫

艮爲丘墟爲望震爲登故曰願望登

虛震爲逃伏坤爲意震伏巽爲商賈納辛故曰賈辛兌爲醜惡震夫兌妻兌毀折而躁故不安左氏昭二十八年昔賈

大夫娶妻而美三年不言不笑辛大夫名

頤

跖行竊視有所畏避蔽目伏藏以夜爲利

震爲跖行艮爲視坤藏故竊視故有

所畏避艮爲目坤爲夜爲利

大過

信敏恭謙敬鬼尊神五岳四瀆克厭帝心受福宜年

乾爲信

爲恭謙乾爲惕故曰敬伏坤故曰鬼乾爲神兌伏艮爲尊故曰敬鬼尊神艮爲岳巽卦數五故曰五岳互大坎爲河川乾亦爲江河巽後天數四故曰四瀆坤爲心巽伏震震帝故曰帝心震爲福坤爲受爲歲故曰受福宜年

坎

懸懸南海去家萬里飛兔腰裏一日見母除我憂悔

坎爲海伏離故

曰南海震爲萬里故曰懸懸艮爲家震爲馬爲兔坎爲腰故曰飛兔腰裏飛兔腰裏皆艮馬名離日坎數一故曰一日日本卦坤體坤爲母乾二五之坤故見母坎爲憂悔震爲除

離

雖汚不辱因何跣足童子褰衣五步平復

通坎坎爲汙坤爲辱坎折坤故不辱

跣足者赤足也震足坎赤故曰跣足艮爲童子艮手爲褰震爲衣故曰褰衣震爲步坎數五坎平故曰五步平復。跣宋

元本作洗步作年依汲古

咸

宮城立見衣就袂裾恭謙自衛終无禍尤

通損艮爲宮城震立兌見艮爲衣震

口爲袂爲裾巽爲恭謙震爲警衛坤爲自爲禍尤震解故无禍尤。裾宋元本作裙依汲古

恒

敝筭在梁不能得魚望食千里所至空虛

巽爲繩故爲筭筭也巽下斷故曰

敝艮爲梁巽爲魚巽敝漏故无得伏艮爲望震爲粒粟爲食爲千里震爲虛故所至空虛首句齊風語。食宋元本作貧依汲古

遯

千里驛駒爲王服車嘉其驪榮君子有成

乾爲馬爲赤故曰驛艮少爲駒乾爲

千里故曰千里驛駒乾爲王二至四通震震爲車爲服乾爲嘉榮艮爲君子爲成

壯大

鼎足承德嘉謀生福爲王開庭得心所欲

乾爲德震爲足數三故曰鼎足乾爲

福爲生爲嘉爲王爲開伏艮爲庭兌悅故得所欲

夷明

右手无合獨折左指禹湯失佐事功不立

艮爲手爲指先天坎西故曰右手艮

覆故指折震左坎折坤真故曰獨折左指震爲王故曰禹水在火上故曰湯震佐坎失故曰禹湯失佐坤爲事功不立。佐汲古作位依宋元本

人家

憂凶增累患近不解心意西東事无成功

坎爲憂憎爲凶爲累爲患坎陷故不

解坎爲心意爲西爲東故曰心意西東異爲風風散故事无成功。增宋元本作憎依汲古

睽

東行食榆困於枯株夫妻无家志窮爲憂

離東兌食坎爲榆皮可食坎上下皆

離離科上槁故困於枯株株枯則无皮可食坎夫離妻艮爲家艮伏故曰无家坎爲志爲憂稽康養生論榆令人瞑博物志啖榆則眠不欲覺又禮內則枌榆以滑之古蓋常食榆皮。夫宋元本作失依汲古

蹇

五經六紀仁道所在正月繁霜獨不離咎

商爲文故曰經紀坎納戊數五故曰

五經坎數六故曰六紀艮爲道路爲反震震爲仁故曰仁道所在坎爲中正爲月爲霜重坎故曰正月繁霜坎爲獨爲咎離離也坎隱故獨不離咎五經者五常漢書賈誼傳六親有紀六紀卽六親也白虎通六紀者諸父兄弟族人諸舅師長朋友正月小雅篇名憂亂而作

解

懈緩不前怠惰失便二至之戒家无禍凶刻木象形聞言不

信

震往爲前坎陷故懈緩不前故怠惰失便坎爲冬至离爲夏至故曰二至復象傳云先王以至日閉關商旅不行又

月令是月齊戒掩身故云戒坎爲室家爲凶禍知戒故无禍刻木象形未詳坎爲聞震爲言坎上下兩兌口相背故云不信。怠惰宋元本作惰怠依汲古局本木字宋本汲古作水依元本解解古通觀首二句焦氏似讀解爲懈

損

仁愛篤厚不以所忿害其所子從我舊都日益富有

震爲仁愛艮爲

篤厚乾爲忿乾三之上成艮故不忿象傳所謂懲忿也震子坤害故害其所子坤爲都伏乾爲舊爲我震爲從故曰從我舊都坤爲富有艮爲日故曰日益富有。從汲古作徙依宋元本

益

缺破不成胎卵未生弗見兆形

巽隕落故缺破不成震爲胎卵震生坤拆爲兆爲形巽伏

故弗見

夬

摧角不傷雖折復長秉德无愆老賴榮光

艮爲角艮伏兌折故摧而不傷折而復長乾爲德爲老陽長故无愆故老而愈

榮。愈宋元本作壽依汲古

姤

乘桴浮海免脫厄中雖困无凶

通復震爲桴爲乘坤爲海坤厄震出故免脫故雖困无凶

○浮宋元本作渡凶作咎依汲古

萃

孔鸞駕雞鵠鵠鵠翔紫淵嘉禾之圃君子以娛

通大畜震爲竹

爲孔坤爲文故爲鸞駕艮鳥故爲鵠鵠鵠卦爲萃故多若是震爲鵠鵠兌爲淵乾赤故曰紫淵震爲嘉禾艮爲圃爲君子震樂故娛。鵠鵠宋元本作鵠鵠依汲古宋元本作木依宋本汲古

升

甘露潤眾來得願樂易君子不逢禍亂

兌爲露爲潤坤爲眾震樂故眾來得

願通无妄艮爲君子震樂乾易故曰樂易君子坤爲禍亂乾在外故不逢。二三句宋元本倒置依汲古

困

東騎墮落千里獨宿高岸爲谷陽失其室

通賁震爲東爲騎坎陷故墮落震爲

千里坎爲獨爲宿故曰千里獨宿艮爲高岸坎密爲谷故曰高岸爲谷坎爲室爲失困剛掩故曰陽失其室詩小雅高岸爲谷深谷爲陵

井

八才既登以成嘉功亢降庭堅國无災凶

通噬嗑後天艮數八震爲才爲登爲

嘉爲功艮爲成故曰以成嘉功震爲龍艮爲庭龍降庭堅乃八元之二人庭堅卽臯陶字也艮爲國坎爲災凶震樂故无。嘉宋元本作善龍作麗茲依汲古

革

邯鄲反言父兄生患竟涉憂恨卒死不還

通蒙二至上正覆兩震言相反坤爲

國故曰邯鄲反言乾父震兄坎爲患震生故曰父兄生患坎爲憂恨爲水坤亦爲水震爲涉艮爲終故曰竟涉憂恨震爲還坤死故曰卒死不還案此似用史記陳涉傳事邯鄲反言者言武臣反陳涉自立爲趙王涉欲係其家屬後涉竟戰死不得還也。宋元本革鼎在震艮後非

鼎

玉銑鐵頤倉庫空虛賈市无盈與利爲仇

元本舊注鐘口兩旁曰銑蓋乾爲金

玉初至五正倒皆兌兌爲口故曰玉銑鐵頤頤亦口卦通屯屯互頤也屯艮爲倉庫坤爲空虛巽爲賈爲市爲利坤虛故无盈故與利爲仇坎爲仇也。玉銑汲古作五銳從宋元本銳爲矛屬與下鐵頤不相聯屬自以取兌象作銑爲允當自來校此書者不知以易象爲標準故當否皆不知此所以多舛也

震

白鳥銜餌鳴呼其子旋枝張翅來從其母

震爲白互離爲鳥震口爲銜坎爲餌

故曰白鳥銜餌震爲子爲鳴呼爲木爲枝爲張翅爲從爲來
坤爲母來從其母者言陽反坤初也。旋枝宋元本作施技
依汲古

艮

學靈三年聖且神明先見善祥嘉吉福慶鵠知來告我无

憂

學靈者學語也三至上正反兩震言相對下震如何言上
卽如言反答故曰學靈震爲年數三故曰三年坎爲聖震

爲帝爲神艮爲明故曰聖且神明震爲善祥爲吉慶艮爲鵠
鵠震爲來爲告坎爲憂震出故无憂。第五句宋本作餌吉
知來汲古作神馬來見依小畜之漸校又二三句元本作仁
聖且神明見善祥今依宋本嘉吉元本作吉喜汲古作吉盛
亦依宋本鵠鵠義詳小畜之漸

漸

雲孽蒸起失其道理傷害年穀神君乏祀

坎爲雲爲孽下得
艮火故能蒸起伏

震爲起爲道坎爲失故失其道里震爲年穀巽隕落故曰傷
害年穀震爲神爲君。理應爲里之訛依顧校

歸妹

春耕有息秋入利福獻豳大縱以樂成功

震爲春爲耕爲生
故曰息兌爲秋震

爲利福秋收故曰入坎爲豕故曰豳曰縱震爲功爲樂也。
大疑作私豳風言私其縱獻豳于公

豐

羸豕躑躅虎入都邑遮遏左右國門勅急

異爲豕異繩故曰羸豕震爲躑躅

入伏艮爲都邑爲虎故曰虎入邑都艮止故遮遏震左兌右艮爲國門坎險故急震爲勅。勅宋本作勅元本作敕依汲古

旅

東行西維南北善迷逐旅失羣亡我襦衣

通節震爲東爲行兌爲西異繩爲維

維係也震南坎北坎又爲疑故曰南北善迷震爲逐陰以陽爲伴旅旅卦下二陰隨二陽上一陰隨一陽故曰逐旅坤衆爲羣坎爲失言否二升五遺二陰在下故曰失羣否上乾爲衣下坤爲襦今變旅乾坤形變故曰亡我襦衣

巽

居室之倫夫婦和親小人乘車碩果失參

通震中爻艮爲居坎爲室震夫巽婦

兌悅故和親震爲車爲人艮爲小故曰小人乘車艮爲碩果兩艮皆覆故失參參養也。汲古多車在夫家不知孰是二句依元本

兌

東方孟春乘冰戴盆懼危不安終失所歡

通艮中爻震爲東爲孟春坎爲冰震

爲乘坎在下故乘冰震爲盆艮爲戴故曰戴盆坎爲危懼艮爲終兌爲歡。首二句謂當春暖戴盆行冰上故危而不安

也古人以頭戴物孟子所謂斑白者不負戴於道路也汲古
作載非依宋元本失宋元汲古皆作身依周本

渙

風吹塵起十里无所南國年傷不可安處

巽爲風震口爲吹
艮爲沙石爲小故

爲塵震爲起艮爲里伏兌數十故曰十里坎隱故无所也震
爲南艮爲國爲時坎災風隕故南國年傷坎險故不安

節

重載傷車婦女无夫三十不室獨坐廬空

震爲車爲載艮山
在山故曰重載兌

折故傷兌爲婦女震爲夫坎失故无夫震數三兌數十艮爲
室坎隱故三十无室坎爲獨艮爲坐爲廬虛故曰空廬

中孚

敗牛羸馬與利爲市不我嘉喜

中爻艮爲牛震爲馬兌毀折
故曰敗曰羸巽爲利市震爲

喜也

小過

月出阜東山蔽其明章甫薦屨箕子佯狂

震爲東爲出艮爲
阜兌月在山上故

日月出阜東艮山巽伏故明隱艮爲冠故曰章甫震爲屨爲
草故曰薦屨薦草也震爲箕爲子爲狂御章甫之禮冠而下
躡草履不恭甚矣故曰佯狂○薦屨汲古訛憂僂茲從宋元
本

既濟

出入門所與道開通杞梁之信不失日中少季渡江來歸其

邦疾病危亡

此用晉象艮爲門爲道坎爲木爲杞艮爲梁坎爲信離爲日中艮爲少季坎爲江艮爲邦坎爲

疾病危亡杞梁齊大夫襄二十三年齊與莒戰杞梁夜入莒地莒子賄杞梁使勿死戰杞梁曰昏而受命日中棄之亦君之所惡也少季未詳或指吳季札林語似此者甚多不能強解也

既未

邑居衛師如轉蓬時居之凶危

此仍用晉象坤爲衆爲兵爲師爲邑坤爲薪爲蓬艮爲時

爲居坎爲凶危○居宋元本作兵茲依汲古均不協

明夷之第三十六

夷明

他山之錯與瑯爲仇來攻吾城傷我肌膚邦家騷憂

震爲王爲瑯坤

爲城爲邦家長爲肌膚三至五艮覆故曰傷我肌膚坎爲仇爲憂詩小雅鶴鳴篇他山之石可以爲錯傳錯石也可以琢玉故與瑯爲仇

乾

踐履寒冰十步九尋雖有苦痛不爲憂病

此用遇卦明夷象震爲踐履坎爲寒

爲冰坤數十震數九故曰十步九尋禮王制注六尺爲步周禮地官媒氏注八尺曰尋坎爲苦痛爲憂病震在外故解也

坤

太公避紂七十隱處卒逢聖文爲王室輔

此仍用明夷象震爲公坤老故曰太

公坤爲惡故曰紂坎伏故曰避紂坤爲文坎爲聖爲室震爲王故曰王室言太公遇文王爲周室輔也○逢元本作遭依宋本汲古

屯

日月之陰所行必到无有患悔

艮日坎月震爲陰爲行坎爲患

蒙

諷德誦功美風盛隆旦輔成周光濟冲人

震爲功德爲言正反震故曰諷誦震

爲周爲盛爲旦艮爲光坎爲和冲和也震爲人冲人成王也旦周公也○美風宋元本作美周依汲古

需

童子无室未有配合空坐獨宿

伏艮爲童子坎爲室兌毀故无室坎爲合二五不相應故

无合坎爲獨爲宿○子宋元本作女依汲古

訟

穿鼻繫株爲虎所拘王母祝詞禍不成災惠然肯來

艮爲鼻坎爲穿

初至四艮二陽穿其中故曰穿鼻此與入於淵入字同義皆謂二也巽爲繫爲木故曰繫株言既穿其鼻復係於木上也乾爲虎爲王巽爲母故曰王母伏震爲祝坎爲禍离爲災風散故脫

師

黃帝神明八子聖聰佚受大福天下平康

震爲帝坤黃故曰黃帝坎爲聖爲聰

坤卦數八震爲子故曰八子震爲福坤爲天下坎爲平故天下平康

比

深谷爲陵衰者復興亂傾之國民得安息中婦病困遂入冥

艮爲谷爲陵坤爲國爲亂爲民艮止爲安息火爲水妃火伏故曰中婦病困坎爲室爲冥坤爲死入冥室言死也卦坎爲水坤又爲水故離火病也詩小雅高岸爲谷深谷爲陵

畜小

道遠遼絕路宿多悔頑囂相聚生我畏忌

乾爲道路爲遠遼坎爲宿坤爲海故

曰路宿多悔坤爲聚爲惡故曰頑囂相聚震爲生坎爲畏皆用伏象○忌宋元本作惡依汲古

履

旦樹菽豆暮成藿羹心之所樂志快心懽

伏謙震爲旦爲樹爲菽豆坎爲暮羹

爲藿羹坎爲心震爲樂○羹懽依宋元汲古本作藿葉作心懽韻似協然不可從

泰

切切之患凶憂不成虎不敢噬利當我身

坤爲患爲凶憂兌爲虎爲噬坤爲我

爲身伏巽爲利○噬宋元本作辭依汲古

否

王伯遠宿長婦在室異庖待食所求不得

震爲王爲伯坤爲宿震伏不見故曰

遠宿巽爲長婦互艮爲室故曰長婦在室艮爲庖爲待伏兌爲食艮爲求言與庖厨離異不能得食也。待宋元本作恃依汲古

同人

寒燠失時陽旱爲災雖耗无憂

乾寒离火故曰寒燠失時离爲陽旱爲災巽隕落故曰耗

故爲憂坎伏故无憂

大有

雖窮復通履危不凶得其明功

此用遇卦明夷象震爲通爲履坎在震下故曰履危

謙

狼虎所宅不可以居爲我患憂

艮爲虎狼爲宅坎坤皆爲憂患故不可居

豫

喋囁囁嚙昧冥相搏多言少實語无成事

震言故曰喋囁嚙大笑囁喧囂也卦

正反艮故曰相搏正覆震相背故曰多言少實語无成事。噉囁宋元本作處囁汲古作處耀搏宋元本汲古訛傳均依汲古中孚之升校

隨

履冰蹈凌雖困不窮播鼓登巖卒无憂凶

明夷坎爲冰凌震爲蹈履爲通故不

窮震爲鼓互艮手故曰播鼓艮爲巖震爲登言登山擊鼓也
鼓宋元本作雀茲依汲古

蟲

文文墨墨憂禍相雜南北失志東西不得

震東兌西震亦爲南北象或指大坎

。首句依宋元本汲古作文墨且墨文疑汶之訛汶汶墨墨言雜亂不明也

臨

爭訟不已更相談詢張季弱口被髮北走

詳大畜之家人口宋元本訛日依汲

古

觀

德積逢時宜其美才相明輔聖拜受福休長女不嫁後爲大

悔

坤爲積艮爲時爲明伏乾爲聖爲休福艮爲拜故拜受福休巽爲長女震爲嫁震伏故不嫁

噬嗑

江水沱汜思附君子仲氏爰歸不我肯顧姪娣悔恨

詳遯之巽

賁

光祀春成陳寶雞鳴陽明失道不能自守消亡爲咎

詳大有之井祀

汲古作禮寶作室陽作師均依宋元本

剝

驚虎无患虞爲我言賴得以安

艮爲虎坤爲患艮安故无患虞虞人守山澤之官艮爲官

爲山故艮爲虞人反震爲言

復

僞言妄語轉相誑誤不知狼虎

震爲言坤虛故曰僞妄曰誑誤艮爲狼艮覆坤迷故不知

。相汲古作爲依宋元本

无妄

履隙自敵凶憂來到痛不能笑

互巽爲隙震爲履爲笑伏坤爲凶憂故不能笑。隙宋元

本作悖依汲古能笑汲古作死哭依宋元本

大畜

牽尾不前逆理失臣惠朔以奔

艮爲尾爲牽艮止故不前坤爲理爲臣坤伏故失臣乾爲

朔互震爲奔衛惠公名朔初譖急于於宣公公令急于使齊其弟壽知之先往盜殺之急子至又殺之及朔卽位爲諸公子所惡故出奔見左傳桓十六年

頤

三狸捕鼠遮遏前後死於環城不得脫走

詳离之遯

大過

言笑未畢憂來暴卒身加檻纜囚繫縛束

大過爲棺槨故爲死卦兌口故曰言

笑伏坤爲憂爲身艮爲檻史記陳平傳卽反接噲載檻車詣長安巽爲繩故曰纜縲縲也卦爲大坎坎爲囚巽爲繫縛漢

人以大過爲死卦故象如此。畢宋元本作卒依汲古三四句宋元本汲古皆作身墨丹索檻囚裝束茲依汲古濟之大過校

坎

陰積不已雲作淫雨傷害平陸民无室屋

坎爲積爲雲爲雨重坎故曰淫雨艮

爲平陸爲室屋爲民坎陷故傷害而无室廬也

离

山林麓藪非人所處鳥獸无禮使我心苦

伏艮爲山麓巽爲林

咸

新作初陵踰蹈難登三駒推車跌顛傷頤

艮爲陵震爲踰蹈爲登震伏故難登

言始皇初卽位卽穿治驪山爲陵其高大難登也震爲駒爲車數三故曰三駒兌毀折故曰跌顛兌又爲頤。蹈汲古作陷顛作損均依宋元本

恒

魂微惓惓屬續聽絕擴然大通復更生活

乾爲魂陷陰中成大過大過死故曰

魂微惓惓惓惓短氣貌巽爲續兌爲絕震爲通爲生震在上出大過故更生也。屬宋元本作行依汲古

遯

欒子作殃伯氏誅傷州犁奔楚去其邑鄉

通歸震木故曰欒子坤爲殃爲誅傷

震爲伯故伯氏誅傷震爲犁坤爲州震爲奔爲楚坤爲邑爲鄉左傳成十五年晉三卻殺伯宗及欒弗忌伯宗子伯州犁奔楚○楚宋元本作荆依汲古

壯大

驕胡大形造惡作凶无所能成還自滅身

通觀坤爲胡艮爲犬故曰驕胡大形

坤爲凶惡爲身兌毀故无成坤死故滅身

晉

陳詞達情使安不傾增榮益譽以成功名

艮爲榮譽爲名○情宋元本作城蓋

誠之訛茲依汲古

人家

三杞无棗家无積莠使鳩求婦頑不我許

巽爲杞离卦數三故曰三杞巽爲不

果故无棗巽爲茅爲莠坎爲積爲室家莠在火上故曰家无積莠离爲鳩巽爲婦爲反兌言反故不許

睽

慎禍重患顏子爲友乃能安存牢戶繫羊乃能受福

坎爲禍患伏艮

爲顏與下兌爲友坎爲牢兌羊在坎下故曰繫羊牢戶坎陷故曰繫○患宋元本作病福作慶依汲古

蹇

鹿得美草鳴呼其友九族和睦不憂飢乏

詳同人之蹇

解

亡玉失鹿不知所伏利以避危全我生福甘雨時降年穀有

得

震爲玉爲鹿坎爲隱伏故亡失坎爲甘雨震爲年爲穀○穀宋元本作歲依汲古

損

逢時積德身受福慶

積德宋元本作得當依汲古

益

鵠思其雄欲隨鳳東順里羽翼出次須日中留北邑復反其

室

艮爲鵠坤爲鳳震爲東爲隨故欲隨鳳東震爲羽翼艮爲日艮止故曰須日○中留坤爲邑爲北艮爲室○須日中汲古作日中須茲依宋元本

夬

環堵倚鉏升斗屬口貧賤所處心寒悲苦

此用明夷象坤爲堵震爲鉏爲升斗

爲口坤爲貧賤坎爲心爲寒爲悲苦○升斗宋元本作升升悲作昨依汲古堵汲古作緒依宋元本

姤

孤獨特處莫依爲輔心勞志苦

巽爲寡故曰孤獨伏坤爲心志爲勞苦

萃

稷爲堯使西見王母拜請百福賜我喜子長樂富有

此用明夷象互

震爲稷又爲帝爲堯坎爲西震爲王坤爲母故曰王母震爲百爲福爲富有又爲喜子喜子嚙蛸也劉勰新論野人書見

蟄子者以爲有喜樂之瑞

升 鳴條之災北奔犬胡左衽爲長國號匈奴主君旄頭立爲單

于

詳屯之无妄災宋元本作郊爲作尊依汲古

困

絕而復通雖危不窮終得其願姬姜相從

兌爲絕坎爲通故

異爲姜伏震爲姬○危宋元本作達依汲古

井

陽井悖狂拔劍自傷爲身生殃

井依宋本汲古元本作氏生宋元本作坐依汲古翟云升

云內經陰不勝其陽則脈流薄疾井乃狂注盛實也

革

方圓不同剛柔異鄉掘井得石勞而无功

互乾爲圓伏坤爲方乾剛坤柔故曰

異鄉兌爲井乾爲石互異亦爲石伏坎爲勞掘井得石不能再掘故勞而无功

鼎

乘風駕雨與鳴鳥俱動舉千里見我愛母

通屯震爲乘坤爲風故曰乘風坎爲

雨故曰駕雨震爲鳴艮爲鳥坤爲千里爲母○駕雨宋元本作雨會鳴作飛均依汲古

震

三塗五嶽陽城太室神明所扶獨无兵革

詳需之蒙

艮

鷓鴣娶婦深目窮身折要不媚與伯相背

艮爲鷓鴣震爲娶伏兌爲艮婦互大

离故曰深目艮爲身坎隱故曰窮身坎爲腰爲折兌爲媚兌伏故曰不媚互震爲伯爲反艮故曰相背○元本作鷓鴣從朱本汲古背汲古作悖依宋元本

漸

轉行軌軌行近不遠旦夕入門與君笑言

伏震爲旦坎爲夕艮爲門巽入震爲

君爲笑言

歸妹

求利離國逃去我北復歸其城不爲吾賊

伏艮爲求爲國爲城巽爲利在外故

曰離國曰逃去坎爲北爲賊巽亦爲賊茲曰不爲吾賊似用伏巽○離從汲古宋元本作難

豐

日月之塗所行必到无凶无咎安甯不殆

离日兌月伏震爲大塗爲行伏艮爲

安甯

旅

管仲遇桓得其願歡膠目啟牢振冠无憂笑喜不莊空言妄

行通節震爲管坎爲仲震爲桓桓木表也故曰管仲遇桓震爲權兌爲澤爲膠上离故曰膠目坎爲牢互震故曰啟牢
艮爲冠爲手故曰振冠坎憂震解故曰不憂呂氏春秋魯送
管仲於齊鄒其拳膠其目○啟牢汲古丁本作殺糾局本作
膠口依宋元本

巽

出入蹈踐動順天時俯仰有節禍災不來

巽入震出伏艮爲天爲時巽順离爲

禍災

兌

內崩中傷上亂无常雖有美粟我不得食

互离爲亂兌毀故曰內崩中傷兌爲

常亂故无常互巽爲粟兌爲食○中傷宋元本作傷中常作恒依汲古美汲古作米依宋元本

渙

逐禍除患道德神仙遏惡萬里福常在前身樂以安

坎爲患震爲逐

艮爲壽故曰仙震爲神爲道德爲福爲樂艮爲身○遏汲古作過依宋元本

節

牛驚馬走上下渾擾鼓音不絕頃公奔敗

艮爲牛震爲馬正反艮震故曰牛驚

馬走上下渾擾震爲鼓爲音爲公兌毀折故敗○頃汲古及各本訛項依宋元本齊頃公與卻克戰敗見左傳成十三年

中孚

西上九阪往來流連止須時日虛與有得

兌西震爲阪數九故曰西上九阪正

覆艮震故曰往來流連艮爲時日艮止故曰須○阪宋本汲古皆作阪依元本止汲古作心虛作靈依宋元本

虎怒捕羊猶不能攘

艮虎兌羊卦是坎形故曰猶猶能伏虎見龜策傳注

小過既濟

湧泉涓涓南流不絕卒爲江海壞敗邑里家无所處將師襲

戰獲其醜虜

重坎故泉流不絕故爲江海离爲南○湧元本作湧依宋本汲古四五兩句依宋元本增汲古

无

未濟

桃弓葦戟除殘去惡敵人執服

此用遇卦明夷象震爲桃葦坎爲弓离爲戟丁云左傳昭

四年桃弧棘矢以除其災又太平御覽引禮稽命徵曰桃弧葦矢以除疾殃

焦氏易林注卷十

行唐尙秉和節之注

受業

蒲城仵道益

豐潤董維城校刊

家人之第三十七

家人

天命赤烏與兵微期征伐無道誅其君傲居止何憂

坎爲赤烏

巽爲命離爲兵戈伏震爲征伐震爲大塗爲君震伏故曰无道日誅其君坎巽皆爲伏故曰居止史記周本紀武王伐紂有赤烏流於王屋首二句謂天以赤烏示瑞示伐紂之期至也○天汲古作王兵作君均依宋元本

乾

千歲槐根身多斧癢傷夷倒掘枝葉不存

乾爲千歲家人巽爲槐兌爲斧初二

三四皆兌形艮爲節爲癢二三四五皆艮形故曰身多斧癢巽隕落故曰傷夷故无枝葉○癢汲古作痕非依宋元本三句宋元作傷癢擣理依汲古

坤

嘒嘒諤諤虎豹相齮畏懼悚息終无難惡

此亦取遇卦家人象家人重內

反兌口相對嘒嘒諤諤語多貌离正反兌相對艮爲虎豹故日相齮齮亦兌象也坎爲畏懼

屯

娶於姜呂駕迎新婦少齊在門夫子歡喜

震爲娶伏巽爲姜呂爲震婦爲少齊

坤爲門震爲夫子爲喜左傳昭三年少姜有寵於晉謂之少齊

蒙

膏壤肥澤民人孔樂宜利居止長安富有

坎爲膏澤坤爲壤爲民人互震爲孔

樂艮止故利居坤爲安震爲長故曰長安坤多故曰富有

需

主有聖德上配太極皇靈建中授我以福

乾爲聖爲主乾天故配太極乾爲帝

爲皇爲福坎爲中○主元本訛坐從宋本汲古詩大雅克配彼天莫匪爾極書建中于民歛時五福

訟

耄老蒙鈍不見東西少者弗慕君不與謀懸輿致仕退歸里

居乾爲老离東坎西坎隱故不見東西兌爲少乾爲君今兌口向下與乾君背故曰弗慕曰君不與謀伏坤爲輿在上故曰懸輿艮爲官爲仕伏震艮覆故曰致仕震爲歸坤爲里

師

三狂北行道逢大狼暮宿患宅爲禍堪傷

震爲狂數三故曰三狂坤北故曰北

行震爲行爲道艮爲狼狼首向內與坎室連故曰患宅坤爲暮坎爲宿爲患爲室故曰暮宿患宅○堪汲古作所依宋元本

比

更旦初歲振除禍敗新衣元服拜受利福

震爲旦震覆故曰更旦坤爲歲爲禍

敗艮手故曰振除禍敗坤爲衣服坤黑故曰元服艮手爲拜坤爲受一陽言五羣陰拱之故云利福指五

小畜

杲杲白日爲月所食損上毀下鄭昭出走

互離爲日兌爲月兌侵入離體之半

故曰日爲月所食巽爲損在上故曰損上兌毀折在下故曰毀下伏坎爲鄭離爲昭鄭昭名忽桓十一年出奔○下汲古作上依宋本

履

君子失意小人得志亂擾並作姦邪充塞雖有百堯顛不可

救通謙艮爲君子在下故失意坤爲小人在上故得志坎爲失爲志坤爲亂爲姦邪震爲帝坤爲百故曰百堯正反震故曰顛○擾汲古作憂依宋元本

泰

仁德利洽恩及異域澤被殊方福慶隱伏作蠶不織寒无所

得

乾爲仁德兌爲恩澤坤爲方域乾爲福慶在下故隱伏巽爲蠶巽覆故不織乾爲寒○利汲古作擾依宋本

否

東求金玉反得弊石名曰无宜字曰醜惡眾所賤惡

伏震爲東艮爲

求乾爲金玉艮爲石互巽故曰弊石艮爲名坤爲字爲醜惡爲眾爲惡爲賤

同人

擊鼓合戰士怯叛亡威令不行敗我成功

通師震爲鼓爲戰爲土坤柔故曰怯

震爲往爲亡爲威令坤閉故不行坤喪故敗

大有

仲春孟夏和氣所舍生我嘉福國无殘賊

伏震與坎連故曰仲春巽爲孟夏坎

爲和舍發也伏艮爲國坎爲賊首二句言春夏之交陽和之氣發生也用家人象

謙

尹氏伯奇父子生离无罪被辜長舌爲災

震爲伯爲父又爲子正反震相背故

日生离坤爲罪辜兌爲舌震形似兌而長故曰長舌坤爲災伯奇尹吉甫子爲後母所讒被放逐○生汲古作相依宋元

本

豫

五穀不熟民苦困急駕之新邑嘉樂有得

震爲穀坎納戊數五故曰五穀坤喪

故不熟坤爲民坎爲困苦震爲爲樂坤爲邑○五宋元本作三依汲古第二句汲古作困民惡極樂作未均依宋元本

隨

登虛望貧暮食无飡長子南成與我生分

震爲登艮爲虛詩登彼虛矣艮爲望

巽隕落故曰貧兌爲暮爲食震爲長子爲南艮守故曰南成艮爲我正反艮故曰生分震爲生

蠱

東市齊魯南賈荆楚羽毛齒革爲吾利寶

巽齊兌魯震爲東爲南巽爲市爲賈

震爲荆楚故東市齊魯南賈荆楚震爲羽毛兌爲齒艮爲革巽爲利震爲寶

臨

節情省欲賦斂有度家給人足公劉以富

坤爲情欲爲吝嗇故曰節省坤爲聚

故曰賦斂坤多故曰家給人足坤爲殺震爲公故曰公劉公劉周祖也○斂宋元本作殺依汲古

觀

恭寬信敏功加四海辟去不祥喜來從母

坤柔故曰恭寬艮上故信風散故敏

坤爲海巽數四風散故功加四海坤死故不祥巽伏故避去不祥伏震爲喜坤爲母

噬嗑

張狂妄行與惡相逢不得所欲生我獨凶

震爲張狂爲行遇坎陷故曰與惡相

逢故曰不得所欲。○行宋元本作作依汲古

賁

畫龍頭頸文章不成甘言美語詭辭无名

賁飾也故曰畫龍爲龍艮爲頭頸离

爲文章坎黑而隱伏故文章不成三至上正反震故曰甘言美語故曰詭辭艮爲名坎伏故无名

剝

騎龍乘風上見神公彭祖受刺王喬讚通巫咸就位拜壽无

窮

伏乾爲龍坤爲風一陽在上故曰騎乘乾爲神爲公艮爲壽故曰彭祖艮陽在上故曰刺刺謁札也王喬古仙人亦

艮象巫咸王逸離騷注古神巫也殷中宗之世下降伏兌爲巫彭祖受刺者言欲見神公彭祖受謁札王喬讚通者言見

神公時王喬爲通其名也艮爲拜爲壽○刺汲古訛制喬訛高均從宋元本

復

溫仁君子忠孝所在八國爲鄰禍災不處

坤柔故曰溫仁曰忠孝震爲君爲子

故曰溫仁君子震爲鄰坤爲國卦數八故曰八國爲鄰坤爲禍災震解故不處○處汲古作起依宋元本

无妄

威權分離烏夜徘徊羣蔽月光大人誅傷

震爲威巽爲權初至四正反震故曰

分離艮爲烏伏坤爲夜爲羣兌爲月兌伏故月爲坤黑所蔽也乾爲大人坤殺故誅傷此必有故實或以左氏楚幕有烏

离

南行出城世得福祉王姬歸齊賴其所欲

通坎震爲南爲行艮爲城爲世震爲

福祉爲王爲姬爲歸異爲齊○得汲古作德歸作嫁均依宋元本王姬嫁齊魯爲主在莊元年

咸

心狂志悖視聽聳類政令无常下民多孽

通損坤爲心志震爲狂艮爲視坤爲

類艮一陽在坤上故曰聳類坤爲政異爲令二至上正反異故曰无常坤爲下民爲孽○志宋元本作老茲依汲古視聳汲古作耳從依宋元本

恒

安上宜官一日九遷踰羣越等牧養常山

通益艮爲山爲上爲官乾爲日卦數

一故曰一日震數九故曰九遷坤爲羣爲等爲牧養震爲遷故曰踰越艮爲山坤北故曰常山常山北岳也

遯

東鄰嫁女爲王妃后莊公築館以尊王母歸于京師季姜悅

喜

詳屯之觀莊當爲桓事在桓九年紀季姜歸于京師王汲古作主非

大壯

六甲无子以喪其戊五丁不親庚失會孫癸走出門

乾納甲震爲子

兌毀折乾數六故曰六甲无子坎居子方納戊六甲始於子今无子故曰以喪其戊互兌納丁伏巽卦數五故曰五丁乾

健震健兌剛違行故不親震納庚艮爲曾孫艮覆故曰失坤
上卦納癸乾爲門震出大壯五上皆坤爻在外故曰癸走出
門○以宋元本作已從汲古

晉

陰霧不清濁政亂民孟秋季夏水壤我居

坎爲陰霧爲混濁
坤爲政爲民伏兌

爲秋兌與離連故曰孟秋上離爲夏離與艮連故曰季夏坤
坎皆爲水艮爲居坎破故曰壤孟秋季夏用象之精非夷所
思○秋汲古作春是不知象者妄改依宋元本

明夷

騎豚逐羊不見所望徑涉虎廬亡豚失羊

震爲騎坎爲豕震
爲羊離爲望坎隱

故不見又豚行緩亦不能及也艮爲虎艮反與坎室連故曰
虎廬坤爲喪故曰亡失○羊宋元本作羔依汲古

睽

安牀厚褥不得久宿棄我喜晏困於南國投杼之憂不成禍

災伏蹇艮爲牀坎爲宿離爲南艮爲國故曰南國坎爲杼戰
國策甘茂曰昔曾參之母方織人謂曾參殺人三告之其
母投杼而走○得宋元本作歸晏作讎不作弗依汲古

蹇

五方四維安平不危利以居止保有玉女

坎納戊數五伏兌
納丁數四故曰五

方四維艮爲安爲居止坎爲危艮安故不危伏兌爲女艮堅
故曰玉女○方汲古作日依宋元本

解 西賈巴蜀寒雪至轂欲前不得復反其室

坎位西伏巽爲賈
巽在西南故曰巴

蜀坎爲寒爲雪爲轂坎陷故不能前震爲反坎爲室此爲坎
西巽西南之確證○復反汲古作反復依宋元本

損

剛柔相呼二姓爲家霜降旣同惠我以仁

兌爲剛互坤爲柔
正反震故曰相呼

坤爲姓數二故曰二姓艮爲家坤爲霜爲我震爲仁家音姑
荀子大略篇霜降逆女冰泮殺內言嫁娶始于霜降至冰泮
而止

益

天馬五道炎火分處往來上下相隨哭歌凶惡如何

震爲馬
爲大塗

艮爲天巽卦數五故曰天馬五道晉書天文志王良五星一
名天馬艮爲火正反艮故曰分處震爲往正反震故曰往來
上下震爲歌震之反則哭矣中孚六二云或泣或歌林所本
也坤爲凶惡○宋元本第三句下多住又亡駒衣柔巾麻二
句定爲衍文依汲古刪炎火汲古訛夾大如何訛好向均依
宋元本

夬

出門懷憂東上禍丘與凶相遇自爲災患

通剝坤爲門爲憂
禍爲凶災艮爲丘

乾坤納甲乙故曰東上禍丘

妬

西行求玉冀得隋璞反見凶惡使我驚惑

通復震爲行爲玉璞坤爲凶惡爲惑

震爲驚○隋宋元本訛隨依汲古

萃

出入无妄動作失利衞憂懷禍使我多悴

伏震爲出異爲入坤喪兌毀故无妄

妄西漢人皆讀爲望兌日爲衞坤爲憂禍爲我○入汲古作門妄作至非依宋元本

升

高樓无柱顛僵不久紂失三仁身死牧野

坤爲重故曰高樓本弱故无柱異隕

故顛僵坤惡故曰紂震爲仁數三故曰三仁兌毀折故失三仁坤爲身爲野爲養故曰牧野坤殺故曰身死

困

避禍逃殃身全不傷高位疾顛華落墜亡

坎爲災故曰禍殃坎隱故曰避逃伏

艮爲身在外故曰身全不傷艮爲位在上故曰高位巽隕故顛兌爲華巽落故曰墜亡○墜亡宋本作墮凶元本作墮亡依汲古

井

張牙反目怒辭作怒狂馬撓大道驚傷軫

兌爲牙離爲目坎兩半離相背故曰

反目兌爲辭伏震爲怒爲狂伏艮爲大艮止故狂馬竟爲犬
所撓而車驚傷軫也震爲道爲驚兌爲傷軫象或屬坎○作
汲古作忿依宋元本撓宋元本作燒依汲古

革

泉涸龍憂箕子爲奴于叔隕命殷破其家

詳泰之剝

鼎

向食飲酒嘉賓聚會牂羊大猪君子饒有

通屯坎爲酒兌口爲飲震爲嘉賓坤

爲聚故曰嘉賓聚會兌爲羊巽爲豕與乾連乾爲牡爲大故曰牂羊大猪艮爲君子

震

黃牛駢犢東行折角冀得百祥反亡我囊

艮爲牛犢震爲玄黃故曰黃牛坎赤

故曰駢犢艮爲角震東坎破故東行折角震爲百爲祥坤爲囊坤初變陽囊之形毀矣故曰亡

艮

路多枳棘步刺我足不利旅客爲心作毒

詳遯之艮

漸

執斧破薪使媒求婦和合二姓親御飲酒召彼鄰里公姑悅

喜

艮手爲執伏兌爲斧巽爲薪坎爲破故曰破薪詩幽風伐柯如何匪斧不克娶妻如何匪媒不得坎爲合爲媒艮爲

求巽爲婦坤爲姓數二坎入坤故曰和合二姓坎爲酒按禮昏義壻親御婦車三周共牢而食合巹而醕親御飲酒皆古

禮也艮爲鄰里巽爲母震爲公爲悅喜○召彼宋元本作居
比依汲古飲酒依小過之益校各本皆作斯酒斯析也卷半
瓢也以一瓢破爲二各持其一以酌故曰斯酒亦可從

妹歸

駕車出門順時宜西福祐我身安甯无患
震爲駕爲車伏艮爲門兌爲西卦春

夏秋冬皆備故曰順時

豐

日新東升魁杓爲禍僕臺爲秦使我久坐

離爲日爲新震爲東爲升爲魁杓又

伏艮爲星卦數七斗七星故曰魁杓魁杓者斗柄也斗柄所
指四時以成易六二九四皆不吉皆曰日中見斗故曰爲禍
又魁杓卽魁罡也亦謂天罡漢之比云行觸天罡馬死車傷
睽之漸曰魁罡所當初爲敗殃○升宋元本作從依汲古

旅

山陵邱墓魂魄室屋精光竭盡長卧无覺

艮爲山邱爲室屋震爲精光震伏風

隕故曰竭盡艮爲卧○魄汲古作空依宋元本

巽

孩子貪餌爲利所說探釜把飯爛其臂手

伏震爲孩子爲餌巽爲利震爲說爲

釜飯巽爲爛艮爲手爲臂言孩子无知貪餅餌微利採手釜
飯爲沸湯所傷也○第三句宋元本作探把釜飯依汲古臂

手汲古作手臂依宋元本

兌

何材待時閉門獨愁蚯蚓冬行解我无憂桑蠶不得女紅不

成

何荷同伏艮爲材爲貢何爲待爲時故何材待時艮爲門坎爲閉爲愁坎孤故閉門獨愁互巽爲蚯蚓伏坎爲冬震爲解故无憂巽爲桑爲蠶爲工故曰女紅紅同工漢書酈食其傳紅女下機師古讀紅爲工兌毀故无成○愁汲古作悲不韻非依宋元本紅宋元作功義同依汲古

渙

解商驚惶散我衣裝君不安邦

震爲解爲商旅爲驚惶爲衣裝爲君艮爲邦正反震故不

安○裝汲古作裳依宋元本

節

害政養賊背主入愆跛行不安國危爲患

坤爲政坎折坤故曰害政坎爲賊震

爲主艮爲背爲覆震故曰背主震爲足兌折故跛行艮爲國坎爲危○國危爲患汲古作國爲危患依宋元本

孚中

禍走患伏喜爲我福凶惡消亡災害不作

巽爲伏兌爲禍患震行故曰禍走患

伏震爲喜爲福兌剛魯故曰凶惡毀折故曰災害兌覆爲巽巽敝漏故曰凶惡消亡曰災害不作○亡元本作去依宋本

汲古

過小

老馬爲駒病雞不雛三雌獨宿利在山北

震爲馬艮爲壽故曰老馬兌少故曰

駒異爲雞爲疾故曰病雞兌爲雛爲雌震數三故曰三雌異爲獨爲伏故曰獨宿異爲利上震爲覆艮故曰山北中孚二至四艮覆曰鳴鶴在陰在山陰也茲曰山北義同

濟未濟既

播天舞光地乳神所守樂无咎

此皆用半象光地乳各本皆作地撓亂依剝之兌校

異國殊俗情不相得金木爲仇酋賊擅殺

第四句宋元本作酉賊擅殺汲古作

酋長擅役茲酋字擅字依汲古賊字依宋元本殺字依夬之比校

睽之第三十八

睽

倉盈庾億宜稼黍稷年歲有息

詳乾之師

乾

被服文衣游觀酒池上堂見觴喜爲吾兄使我憂亡

此兼用遇卦象

乾爲衣睽互离爲文坎爲酒爲憂兌爲池○觀汲古作視依宋元本

坤 邑姜叔子天文在手實沈參虛封爲晉侯

詳隨之恆

屯 改柯易葉飯溫不食豪雄爭強先者受福

震爲柯葉坤殺故更改坎爲飲食下

有艮火故曰飯溫坤閉故不食震爲雄強爲福初至五正反震故曰爭強

蒙 馨香陟降明德上登社神佑顧命予大鄰

伏巽爲臭故曰馨香二至上正反震

故曰陟降艮爲明震爲德爲登艮陽在上故曰上登坤爲社震爲神艮爲顧伏巽爲命震爲鄰震言故曰命予大鄰○予汲古作爲依宋元本

需 老狼白獺長尾大胡前顛卻躡進退遇崇

此用伏象艮爲狼下坤故曰老狼獺

犬也艮爲犬故曰白獺艮爲尾爲胡胡領肉下垂也艮形長故曰長尾大胡坎陷故前顛卻躡詩狼跋其尾狼跋其胡是也○獺宋元本作驢汲古作駒胡皆作狐均非依震之恆校

訟 山沒邱浮陸爲水魚燕雀无廬

詳觀之大有

師 懿公淺愚不受深謀无援失國爲狄所賊

詳比之家人○賊汲古作滅依宋元

本

比

鼎煬其耳熱不可舉大塗塞壅旅人心苦

詳觀之中孚煬汲古作易依宋元本

畜小

凶聲醜言惡不可聞君子舍之往恨我心

通豫坤爲凶爲醜震爲聲爲言坎爲

聞坤惡故不可聞艮爲君子坎爲恨爲心○惡汲古作要依宋元本

履

昧暮乘車履危蹈溝亡失羣物摧折兩軸

見前蹈宋元本作陷非依汲古

泰

南有嘉魚駕黃取辦魴鱖詡詡利來无憂

詳离之中孚

否

隔在九山往來勞難心結不通失其所歡

艮爲山乾數九故曰九山艮止故曰

隔坤役萬物故曰勞難坤爲心爲失坤閉故不通震爲歡二至四震覆故不歡

同人

下流難居狂夫多疲貞良溫柔年歲不富

通師坤水坎水一陽在下故曰下流

難居震爲夫爲狂坤柔故曰疲坎冬故曰貞坤爲年歲坤窮故曰不富○狂夫汲古訛任夫疲汲古作態依宋元本

大有

狐狸雉兔畏人逃去分首竄匿不知所處

通比离爲雉艮坎皆爲狐狸坎爲畏

坎隱伏故曰逃去曰竄匿坎爲首乾亦爲首乾在下坎伏故曰分首竄匿○首宋元本作走依汲古

謙

異體殊俗各有所屬西鄰孤嫗欲寄我室主母罵詈終不可

得坤爲體爲俗中爲一陽所隔故曰異體殊俗伏兌爲西震爲鄰異爲寡故曰西鄰孤嫗互坎爲室艮止故曰欲寄我室震爲主坤爲母正反震相背故曰罵詈艮爲終

豫

怒非怨妬貪得腐鼠而呼鷹鷂自令失餌致被困患

震爲怒坎爲妬

爲鼠伏異故曰腐鼠震爲呼艮爲鷹鷂坤爲失震爲餌坎爲困言自得腐鼠而呼鷹鷂致爲所奪語襲莊子○鷹宋元本作鵠依汲古汲古致作倒依宋元本

隨

五心六意歧道多怪非君本心生我恨悔

巽卦數五五坎爲心意數六故曰五

心六意艮爲道路正反艮故曰歧道坎爲怪互大坎故曰多怪震爲君爲生坎爲心爲恨○心宋元本作志依汲古

蠱

三班六黑同室共食日長月息我家有德

楚人呼虎爲班艮爲虎數三故曰三

班黑豕也詩小雅以其騂黑傳黑豕也異爲豕艮爲室兌爲食爲月艮爲日爲家震爲息言德能感物使虎豕同居也

臨

方船備水旁河然火終身无禍

震爲船坤方故曰方船方並也坤爲水爲河伏艮爲火爲

患也

終坤爲身爲禍震解故无禍言有船則无水患旁河則无火

觀

翳屏獨語不聞朝市以利居服免跛後聞

艮爲屏坤爲寡故曰獨伏兌爲語異

爲翳翳屏獨語隔屏獨語也坤爲朝市爲利兌爲耳兌震故不聞艮爲居震爲免兌折故曰免跛○以利汲古作利以兔跛後聞作究被後門均依宋元本

噬

居處不安徙反觸患

艮爲居處正反艮故不安震爲徙前與坎遇故曰觸患○徙汲古作徙依宋元

賁

剝則髡人所賤棄批捍之言我心不快

通困兌上缺故曰剝異下斷故曰則

異寡髮故曰髡艮爲鼻兌上缺故曰剝震爲人爲言艮手故曰批捍批捍之言猶打之使言也坎爲心爲憂故不快

剝

臯田禾黍堆壤麻臯衣食我躬室家饒有

艮爲臯坤爲田爲茅茹故曰禾黍曰

麻臯艮爲堆壤坤爲衣伏兌爲食艮爲躬爲室家坤多故曰饒有麻臯可以爲衣禾黍可食故曰衣食我躬○堆宋元本作槌依汲古臯各本皆訛臯從王校

復

兩目失明日奪无光脛足跛倚不可以行頓於丘旁

此兼用遇卦

象滕重离故曰兩目坎黑故失明离爲日光爲坎所奪故无震爲脛足坤敝故跛倚不行坤閉故頓於丘旁震爲陵丘

无妄

金城朔方外國多羊履霜不時去復爲憂

艮爲城乾金故曰金城朔方西北故曰

朔方金城亦西北郡也伏坤爲國在外卦故曰外國震爲羊正覆震故曰多羊坤初爲霜初震爻故曰履霜艮爲時正反艮故不時伏坤爲憂去復爲憂者言震往與坤遇也

大畜

匿病不醫亂政傷災紂作淫虐商破其墟

通萃坤爲病巽爲伏匿艮止故曰匿

病不醫坤爲政爲亂爲災爲惡故曰紂坤爲虐爲墟兌爲破震爲子震覆故曰商破其墟商子姓也○病汲古作痼傷作生均依宋元本

頤

鬼哭泣社悲傷無後甲子昧爽殷人絕嗣

坤爲社爲鬼震爲哭爲後艮爲覆震

故无後震爲子在東方故曰甲子震爲且故曰昧爽震爲子殷子姓坤殺故殷人絕嗣按論衡云世稱紂之時鬼郊夜哭又曰紂郊鬼哭卽所謂鬼哭泣社也又墨子非攻下云商王紂之時婦妖宵出有鬼宵吟○社宋元本作杜從汲古入字

汲古作湯從宋元本

過大

焱風卒起車馳揭揭棄古追亡失其和節憂心惓惓

正反異故曰焱

風焱風回風也月令焱風暴雨總至注回風曰焱伏震爲車爲馳乾爲古大過死故曰棄古曰追亡伏坤爲失爲憂爲心按詩檜風匪風發兮匪車偈兮傳云偈偈疾驅茲作揭揭是齊詩與毛異字又按此詩思周道而作棄古追亡者言見今之人棄周道而蹈滅亡之道也

坎

耄老失明聞善不從自令顛沛反爲咎殃

互艮爲明爲耄老坎黑故失明坎耳

爲開互震爲善爲從艮止故曰不從○反宋元本作敗依汲古

離

隨風騎龍與利相逢田獲三狐商伯有功衝衝之邑長安无

他互巽爲風伏震爲龍巽爲利震爲田獵艮爲狐數三故曰三狐震爲伯爲商旅艮爲邑爲安○田汲古詁曰依宋元本

咸

三牛五牂重明作福使我有得疾入官獄憂在心腹

艮爲牛數三故

曰三牛兌爲羊巽卦數五故曰五牂互乾爲大明艮亦爲明故曰重明艮爲官伏坤爲憂爲疾爲心腹坤閉故曰入獄○牂汲古作牂依宋元本入宋元本訛人依汲古

恆

孟己巳丑哀呼尼父明德訖終亂害滋起

巽居己巳四月爲孟夏故曰孟己巽

貞丑故曰己丑左傳哀十六年四月己丑孔丘卒公誄之曰嗚呼哀哉尼父乾爲父爲山故曰尼父兌口爲呼乾爲明德伏坤爲死故曰訖終曰亂虐○己丑各本多作乙丑與左傳不符依歸妹之夬校害汲古作虐依宋元本

遯

華燈百枝消暗衰微精光訖盡奄如灰糜

乾爲大明爲百艮亦爲明巽爲枝故

日華燈百枝陰消陽故衰盡糜爛也孟子糜爛其民巽消象也

壯大

鷹飛雉退兔伏不起狐張狼鳴野雞駭驚

通觀艮爲鷹坤文爲雉艮上故曰鷹

飛坤下故曰雉退震爲兔巽伏故曰兔伏不起艮爲狐狼震爲張爲鳴巽爲雞坤爲野故曰野雞震爲驚駭○狐宋元本作狐非依汲古退汲古作遷駭驚作驚駭失韻均依宋元本

晉

鬪戰天門身有何患室家具在不失其歡

內經以戌亥爲天門艮爲刀兵居戌

亥爲天爲門故曰天門坤爲身爲患坎爲室艮爲家

明夷

東家殺牛行逆腥臊神背西顧命衰絕周亳社災燒宋人夷

誅

詳噬嗑之巽震爲周坤爲社下離故曰災艮爲宋坤殺故夷誅

人家

陰陽辨舒二姓相合婚姻孔云生我利福

坎爲合巽爲利二姓謂商坎

蹇

東入海口循流北走一高一下五邑无主十日六夜死於水

渙

商爲東坤爲海伏兌爲口坎入坤中故曰東入海口坎爲流重坎故曰循流坎北故北走艮高坎下卦一陰一陽相

間故曰一高一下坎納戊數五艮爲邑震爲主震覆故五邑无主伏兌數十故曰十日坎爲夜數六故曰六夜坎爲死卦故曰死於水渙

解

孤竹之墟失婦无夫傷於蒺藜不見其妻東郭棠姜武子以

亡

詳需之剝

損

天門東墟盡旣爲災蹠蹠暗聾秦伯受殃

艮居戌亥爲天門震爲東坤爲墟爲

災駢蹠足互貌震爲足兌爲口爲耳坤閉故曰暗日聾暗失音也震爲伯兌西故曰秦伯義多不解

益

賴先休光受福之祉雖遭亂潰獨不危殆

伏乾爲先爲休爲光爲福祉坤爲亂

潰爲危殆震解故不危殆殆古音以

夬

折若蔽日不見稚叔三足孤烏遠其元夫

詳師之蒙若汲古作葉非

姤

二人同室兄弟合食和樂相好各得所欲

通復震爲人坤數二故曰二人坤爲

室震爲口故曰食震爲樂○欲宋元本作敬依汲古

萃

繼體守藩縱欲廢賢君臣淫佚夏氏失身側室之門福祿來

存

坤爲體艮爲藩乾爲賢乾伏故曰廢賢乾爲君坤爲臣正反震故曰縱欲曰淫佚異爲夏坤爲身爲失故曰夏氏失

身艮爲室兌毀故曰側室坤爲門乾爲福祿此似指陳靈公君臣通夏姬事

升

老狐屈尾東西爲鬼病我長女哭涕屈指或西或東大華易

誘

通无妄艮爲狐爲尾正反艮故曰屈尾震東兌西坤爲鬼爲病異爲長女兌爲哭涕艮爲指艮覆故曰屈指此似述

狐崇人故事自莊子卽有孽狐爲祥之語虞初志亡後不得其詳耳○哭宋元本作坐依汲古華汲古作革依宋元本恐仍有訛然太華爲近

困 大樹之子百條共母當夏六月枝葉茂盛鸞鳳以庇召伯避

暑翩翩偃仰各得其所

第七句依大過之需校各本皆作穉穉叩甚恐非

井 井堙木刊國多暴殘秦王失戍壞我太壇

兌爲井坎爲塞故曰井堙巽爲隕落

故曰木刊伏艮爲國震爲暴爲王兌西故曰秦王戍守也艮爲守艮伏故曰失戍太壇者社稷言秦社稷之壞由于謫戍也

革 鴛黃買蒼與利相迎心獲所守不累弟兄

通蒙震爲馬爲黃爲蒼巽爲利震巽

相往復故曰相迎坎爲心艮爲守爲弟震爲兄

鼎 倉盈庾億宜稼黍稷年豐歲熟民得安息

詳乾之師

震 龍生馬淵壽考且神飛騰上天舍宿軒轅居常樂安

震爲龍爲馬爲

神坤爲淵艮爲壽考爲天爲星故曰舍宿軒轅史記天官書
軒轅十二星○龍各本皆作人依未濟之歸妹校考宋本作
若依元本馬淵指坤坤初變震故曰龍生馬淵

艮

思顧所之今乃逢時洗濯故憂拜我歡來

互坎爲思震爲之
艮爲顧爲時坎爲

洗濯爲憂震爲歡○濯各本多作我依節之震校

漸

魁罡所當初爲敗殃君子流連困於水漿求金東山利在代

鄉賈市有息子載母行

艮爲星故曰魁罡參同契二月榆魁
臨于卯麥生天罡據西注天罡卽北

斗夢溪筆談斗杓謂之剛史記天官書魁枕參首注魁北斗
第一星也渙之比云行觸天罡馬死車傷是罡星所指之地
凶也巽隕落故敗艮爲君子坎爲水漿坎陷故困艮爲金爲
求爲山离位東故曰東山巽爲利市爲母伏震爲子

歸妹

鉛刀攻玉无不鑽鑿龍體具舉魯般爲輔三聖翼事所求必

喜

通漸艮爲刀巽柔故曰鉛刀震爲玉爲龍艮手爲鑽鑿兌
爲魯故曰魯般坎爲聖震數三故曰三聖震爲羽翼爲喜

具宋元本作其般作班依汲古

豐

喜來如雲舉家蒙歡眾才君子駕福盈門

通漢震爲喜坎爲雲艮爲家爲君子

爲門坎爲眾震爲駕爲福○蒙歡汲古作歡忻從宋元本

旅

響像无形骨體不成微行衰索消滅无名

異風響而无形艮爲體爲名異伏故

无名

巽

積水不温北陸苦寒露宿多風君子傷心

伏坎故曰積水曰苦寒坎北故曰北

陸坎爲露爲宿重巽故風多艮爲君子坎爲心

兌

黃馬綠車駕之大都讚達才能使我无憂

伏震爲玄黃爲馬爲車兌西方數四

九宮四色綠故曰綠車艮爲都重艮故曰大都兌口故曰讚達互巽爲材坎爲憂坎伏故无憂

渙

從風放火艾芝俱死三害積房叔子中傷

巽風艮火巽爲艾芝在火上故死震

數三坎爲害爲積艮爲房爲叔子坎爲中爲傷論衡身蒙三害雖孔丘墨翟不能自免○房汲古作聚依宋元本叔宋元本作十依汲古

節 一身三手无益於輔兩足共節不能克敏

艮爲身坎數一故曰一身震數三艮

手故曰三手兌毀坎破故无益於輔正反震故曰兩足艮多節正反震故曰共節節者止也故不能克敏

中孚 南向陋室風雨並入埃塵積濕王母盲痺偏枯心疾亂我家

次震爲南艮爲室巽爲敝漏故曰陋室巽風故起埃塵兌雨故積濕艮爲埃塵震爲王巽爲母故曰王母互大商故曰盲上風下濕故曰痺痺濕病也巽枯在上故曰偏枯○次宋元本作資依汲古

小過 采薇出車魚麗思初上下促急君子懷憂

采薇魚麗皆小雅詩篇名毛序謂美

萬物盛多能備禮鄭注鄉飲酒云魚麗言太平年豐物多也焦云思初念初時之盛而今不然也與毛鄭異艮手爲采巽爲薇震爲車巽爲魚震爲初艮上震下風散兌毀故曰上下促急艮爲君子

既濟 先易後否告我利市騷蘇自苦思我故止

吾汲古作再依宋元本

未濟 生宜地乳上皇大喜隆我福祉貴壽无極

此與上皆用半象

蹇之第三十九

蹇

同載共輿中道別去喪我元夫獨與孤居

坎爲輿重坎故曰同載共輿艮爲道

坎爲中坎死故別去震爲夫爲元震覆故曰喪我元夫坎爲孤艮爲獨故曰獨與孤居

乾

叔舛居寃祁子自邑乘遽解患羊舌脫免賴得生全

舛叔向名也左

傳襄二十一年欒盈之亂范宣子殺羊舌虎虎叔向弟故四叔向大夫祁奚聞之乘駟而見宣子救叔向免之遽卽駟傷三十三年且使遽告於鄭注傳車卽驛遞也此似用遇卦象蹇下艮爲叔爲邑坎爲車重坎故曰遽遽傳車至驛而更有類重坎象坎爲患兌爲羊爲舌兌伏故曰脫免○舛居宋元本作舛拘依汲古脫免宋本汲古作免脫依元本校協

坤

兔聚東郭眾犬俱獵圍缺不成无所能獲

此仍兼用遇卦象坎爲聚南位東艮

爲郭爲犬坎爲眾坤爲圍中斷故圍缺震爲兔茲无震象疑用艮戰國策東郭綽宋之狡兔也

屯

作室山根人以爲安一夕崩顛敗我壺殮

艮爲室爲山震爲人艮爲安坎爲夕

數一故曰一夕震爲覆艮故曰山崩坤爲壺爲殮爲我坎破故曰敗○顛宋元本作顛壺作盤依汲古

蒙

疾風塵起亂擾崩始彊大并小先否後喜

坤爲風爲疾艮爲塵震爲起坤爲亂

擾二四艮覆故曰崩震爲始言亂自此始也震爲彊大正反震中互坤坤小故曰彊大并小坎陷故曰否震爲喜爲後故曰先否後喜○擾汲古作我依宋元本始疑爲殆殆古音以亦叶

需

潔齊沐浴思明君德哀公怯弱風氏復北

論語陳成子弑簡公孔子沐浴而朝

請討之坎爲水故曰潔曰沐浴乾爲君互離爲明思明君德者言宜討齊以明君臣之分也乾爲公坎爲憂哀爲怯風疑爲姜巽爲姜二至四巽覆故曰姜氏復北北敗也坎爲北言公不從孔子之請姜氏自此滅也丁晏等以風氏指顓臾季氏伐之爲解似非○君汲古作不非依宋元本

訟

土瘠瘠薄培塿无柏使我不樂

通明夷坤土坎爲薄震爲陵故曰培塿艮爲木爲堅故爲

柏艮覆故无柏震爲樂坎憂故不樂

師

褰衣涉河水深漬罷賴遇舟子濟脫无他

第二句汲古作澗流澗多依宋元本

罷音婆詳訟之萃

比

送我季女至於蕩道齊子旦夕留連久處

詳屯之大過

畜小

三孫六子安无所苦中歲廢殆亡我所使

通豫艮爲孫數三故曰三孫震爲子

坎數六故曰六子艮爲安坎爲勞苦爲中坤爲歲爲喪故曰廢殆坤又爲亡爲我○歲汲古作藏依宋元本廢宋元本訛發依汲古

履

揚風偃草塵埃俱起清濁溷散忠直隱處

互巽爲風爲草巽爲伏故曰偃伏艮

爲塵埃伏坎爲水而與土連故曰濁日溷清濁溷散言清濁不分也坎爲忠乾爲直坎爲隱○首句元本作偃風揚草依宋本汲古

泰

履險登危道遠勞罷去家自歸困涉大波

兌折故危險震爲足故曰履日登震

爲道坤役萬物故勞疲伏艮爲家震爲歸爲涉坤水乾大故曰大波○去家宋本作玄家元本作元系依汲古

否

六藝之門仁義俱存鑑基逢時堯舜爲君傷寒熱温下至黃

泉乾爲門數六故曰六藝之門六藝六經也乾仁坤義艮爲時乾爲堯舜爲君爲寒艮火故曰熱温坤爲水爲泉爲下坤死故下至黃泉鑑基孟子趙岐注耒耜也伏震象五六二句與上意不屬似爲他林囿入者

同人

被服文衣游觀酒池上堂見觴喜爲吾兄使我憂亡

乾爲衣
離爲文

故被服文衣伏震爲游離爲觀伏坎爲酒池故游觀酒池震爲觴爲喜爲兄伏坤爲我爲憂爲亡

有大

生時不利天命災至制於斧癢晝夜勤苦

伏艮爲時巽爲利
爲命巽覆故不利

故災至乾爲天坤爲災也伏坎爲制兌爲斧艮多節故曰斧癢離晝坎夜坎勞故勤苦

謙

天門開闢牢戶寥閭桎梏解脫拘囚縱釋

內經以戌亥爲天
門艮先天居戌亥

故曰天門坤爲門戶也坎爲牢爲桎梏震解故脫坎爲拘囚
震縱釋

豫

川原難游水爲我憂多言少實命鹿爲駒建德開基君子逢

時利以中疑

坤爲川原坎陷故難游震爲言正反震坤虛故
少實震爲鹿亦爲馬故曰命鹿爲駒命名也史

記秦趙高命鹿爲馬艮爲名爲君子爲時伏巽爲利坎爲疑
爲中林文疑祇四句而止後三句皆他人林文驥入者○建

汲古作道依宋元本中宋元本作仲依汲古

隨

鄉歲逢時與生爲期枝葉盛茂君子无憂

震爲歲艮爲時震
爲生爲枝葉爲茂

盛艮爲君子震喜兌悅故无憂

蠱

六鵠退飛爲襄敗祥陳師合戰左股夷傷遂崩不起霸功不

成

左傳僖十六年六鵠退飛過米都周內史叔興對襄公曰君將得諸侯而不終後二十一年楚人執宋公二十二年

朱敗於泓襄公傷左股遂卒故曰爲襄敗徵艮爲鵠震反故曰退飛震爲諸侯故曰襄公兌折故敗祥猶徵也震爲陳坎爲眾互大坎故曰陳師巽爲股震爲戰爲左兌折故傷三至五艮覆故曰崩震爲霸爲功四至上震覆故霸功不成○襄敗宋元本作衰敗汲古作衰殷皆非依旅之萃校

臨

雷君出裝隱隱西行霖雨不止流爲河江南國以傷

震爲雷爲君爲

出故曰雷君出裝雷君即雷師也兌爲西爲雨坤爲水爲江河爲國震爲南故曰南國兌爲傷○河宋元本作巨依汲古以傷汲古作凶憂依宋元本

觀

牙孽生達室蟠啟戶幽人利貞鼓翼起舞

通大壯震爲芽孽爲生艮爲室坤爲

戶蟠曲也屈也言室宇曲屈而啟戶也震爲啟艮爲高尙爲幽人巽爲利爲伏故曰利貞震爲鼓爲翼爲起爲舞○汲古

林詞與小畜之睽同依宋元本

嗑

火起上門不爲我殘跳脫東西獨得生完不利出鄰病疾憂

患

离火在艮門上故不爲患震爲跳脫离東坎西故跳脫東西震爲鄰爲出然出卽與坎逢而疾病故不利也○上汲

古訛土依宋本

賁

舉事无成不利出征言不可用眾莫能平

震爲舉正反震故无成故不利出征

故言不可用坎爲平爲眾○莫汲古作不依宋元本

剝

老狼白獺長尾大胡前顛却躡進退遇崇

詳睽之需獺胡原作驢狐驢獺之形

訛字狐胡之音訛字並依震之恆校

復

日入道極勞者休息班馬還師復我燕室

此用蹇象坎爲暮离在坎下故日日

入艮爲道極盡也言道止于此也坎爲勞艮止故休息坎爲馬重坎故曰班馬坎眾故曰師艮止故曰還師坎爲室伏兌故曰燕室

妄无

林麓山藪非人所處鳥獸无禮使我心苦

震爲林爲藪艮爲山爲麓乾爲人在

上故不處山林艮爲鳥爲獸坤爲禮坤伏故曰无禮失坤爲我爲心○首句依宋元本汲古作山林麓藪第三句疑

畜大

蓄利積福日新其德高氏飲食憂不爲患

乾爲福伏巽爲利艮止在上故曰蓄

積艮爲日爲高兌口爲飲食故曰高氏飲食坤爲憂患坤伏故不憂

頤

張羅百目鳥不得北縮頸掛翼困於窘國君子治德獲譽受

福 商爲目爲網羅大离故曰百目坤爲百也坤先天位北震

頸震反在上故掛翼艮爲國坤閉故曰窘國艮爲君子爲名

過大

伯虎仲熊德義淵宏使布五教陰陽順序

伏艮爲虎熊震爲伯坎爲仲卦本大

坎也乾爲德伏坤爲義爲淵故曰淵宏巽卦數五又爲命令故曰使布五教乾陽坤陰巽順伯虎仲熊高辛子八體之二

坎

跛踣相隨日暮牛罷陵遲後旅失利亡雌

詳大有之歸妹

离

羸氏違良使孟尋兵老師不已敗於齊卿

互兌爲西故曰羸氏艮爲良艮伏故

日違良伏震爲孟良爲兵坎爲眾爲師重坎故曰老師不已
兌爲敗巽爲齊齊卿言孟明視西乞術白乙丙皆卿爵案漢
書食貨志世家子弟富人或走狗馬博戲亂齊民如淳注齊
等也言无貴賤又詩召南齊侯之子齊侯猶通侯即諸侯也
由此證敗於齊卿即敗於諸卿也左傳僖三十二年秦穆公
違蹇叔諫使孟明等伐鄭敗於崤函○老師宋元本作師老
依汲古

咸

日月並居常暗且微高山崩顛丘陵爲谿

兌月艮日故曰並居兌爲暗昧故曰

暗微也艮爲高山兌毀巽隕故崩顛艮爲丘陵兌爲谿○崩宋本誤萌依元本汲古谿依宋元本汲古作溪

恆

鳥雀食穀張口受哺蒙被恩德長大成就柔順利貞君臣合

好震爲鳥雀爲穀兌爲口故曰食穀曰受哺乾爲大巽爲順爲利乾君伏坤爲臣六爻皆有應故曰合好○被恩汲古作恩被依宋元本

遯

雖躓復起不毀牙齒克免平復憂除无疾

通臨兌毀折故曰躓震爲起兌爲牙

齒坤爲憂爲疾震解故除

壯大

草木黃落歲暮无室虐政爲賊大人失福

通觀候卦爲八月
巽爲草木爲隕落

坤黃故曰黃落候卦坤居亥故曰歲暮艮爲室巽隕故无室
坤爲政巽爲賊乾爲大人壯傷也故失福

晉

避凶東走反入禍口制於牙爪骨爲灰土

坤爲凶离位東在
外故曰避凶東走

坤爲禍伏兌爲口爲牙爪爲骨骸坤爲土艮火离火故曰灰
土

夷明

欲飛不能志苦心勞福不我求

离爲飛坎陷故不能飛坎爲
心志爲勞苦○求依宋元本

汲古作來

人家

羔裘豹袂東與福遇駕迎吾兄送我驪黃

疑用半象驪從元
本餘多訛

東耕破犁西失良妻災害不避家貧无資

离爲東兌爲西坎
爲災害

解

魚陸失所鳧黿困苦澤无萑蒲晉國以虛

伏巽爲魚震爲鳧
龍坎爲困

損

脫兔无蹄三步五罷南行不進後市勞苦

震爲兔爲蹄莊子
得兔而忘蹄注蹄

兔胃也係其脚故曰蹄坤亡故无蹄震數三故曰三步伏巽
卦數五坤乏故曰五罷震爲南艮止故行不進伏巽爲市坤

勞苦○免元本訛足依宋本汲古勞宋元本作身依汲古

益

行役未已新事復起姬姜勞苦不得休止

震行坤役震爲姬異爲姜坤爲勞苦

艮止故曰休止正反艮故不得休止

夬

白日楊光火爲正王消金厥兵雷車避藏陰雨不行民安其

通剝艮爲日爲光爲火乾爲王爲金艮爲兵戈陰消陽故鄉曰消金厥兵震爲雷爲車震覆故曰避藏兌爲雨坤爲民

爲鄉艮日在上故陰雨不行而民得安也○白宋本汲古皆作向依元本

姤

放銜垂轡奔馬不制棄法作奸君失其位

通復震爲銜爲轡爲奔馬陽遇陰則

通故曰奔馬不制坤爲奸震爲君坤爲喪故失位

萃

司命下游喜解我憂皇母緩帶嬰兒笑喜

巽爲命禮記大夫祭五祀注五祀一

日司命漢書天文志近魁六星四曰司命晉書天文志司命主壽互艮爲星故曰司命下游主壽故解憂兌悅故喜坤爲

母伏乾故曰皇母巽爲帶兌爲嬰兒兌悅故笑喜○見宋元本作子依汲古

升

黃帝出游駕龍乘馬東上泰山南過齊魯邦國咸喜

震爲帝坤土色

黃故曰黃帝震爲龍爲馬爲東伏艮爲山故東上太山震又爲南巽齊兌魯故曰南過齊魯坤爲邦國震樂兌悅故曰咸喜○邦宋本汲古作郡依元本

困

既往不說憂來禍結比戶爲患无所申雪

坎爲憂患坎陷故禍結伏艮爲戶正

反艮相對故曰比戶下與坎連故曰比戶爲患比戶近鄰也近鄰爲患防禦難故曰无所申雪○雪汲古作冤以與患韻今依宋元本雪結爲韻

井

何萑隱居以避亂傾終身不仕遂其潔清

通噬嗑艮爲何震爲萑坎隱伏故曰

避亂離爲亂也艮爲終爲身爲仕坎隱故不仕坎水故曰潔清

革

折挺春稷君不得食頭痒搔跟无益於疾

兌爲折巽爲挺爲稷伏艮手故曰春

孟子殺人以挺趙岐注挺杖也春米須用槌今以挺春非器乾爲君兌爲食二至上大過大過死故不得食伏艮爲頭震爲跟坤爲疾故曰痒正反震艮故曰頭痒搔跟搔不得所與以挺春稷无功同也○挺各本皆作挺形訛字孟子挺亦多

訛挺然唐本皆作挺見阮校

鼎

植根不固華葉落去便爲枯樹

異下腐故曰植根不固允爲華異爲落爲枯爲樹

震

凶門生患牢戶多冤沙池禿齒使叔困貧

良爲門坎陷故曰凶門坎爲獄故曰

牢戶坎爲憂患故曰多冤良爲沙伏允爲齒異爲寡髮故曰禿齒良爲叔坎爲困○患汲古作意池作施叔作我貧作窮均依宋元本沙池卽差池古通用言齒差池不齊正以狀貧困之貌若作沙施何以與下句相屬且禿齒亦无此國名故施字斷爲妄人所改昔人不見易林善本不知此爲訛字輒據此及安民呼池之語以疑易林豈知安爲接呼爲湖之訛字也詩差池其羽

艮

登山履谷與虎相觸狷爲功曹班叔奔北脫之喜國

良爲山谷爲虎

震爲登坎爲狷良爲官故曰功曹良爲叔楚人謂虎爲班故曰班叔史記龜策傳注狷能伏虎故虎見而奔北良爲國震爲脫爲喜論衡云人謂虎食人功曹爲姦所致也其意以爲功曹衆吏之率虎亦諸獸雄

漸

麟鳳所翔國无咎殃賈市十倍復歸惠里

離爲麟鳳良爲國爲賈市爲利三

倍伏兌數十故曰十倍艮爲室

歸妹

路險道難水過我前進往不利回車復還

震爲道路坎險故曰道難坎爲水坎

陷故水過我前震爲進坎險故不利震爲車爲反故曰復還

○過汲古訛過依宋元本

豐

延頸望邑思歸我室臺榭不成未得安息

通渙艮爲頸爲望爲邑坎爲室震爲

歸故曰思歸我室艮爲臺榭巽隕落故不成不得安息也○我宋元本作其依汲古艮爲我也

旅

蒙生株瞿棘掛我須小人妬嫉使思不遂

通節震爲蕃鮮故曰蒙生震爲木故

曰株爲草故曰瞿爾雅釋草大菊蓬麥注卽瞿麥藥草也又韓詩外傳直曰車前瞿曰芣苢坎爲棘艮爲須坎在艮上若須掛棘上也艮爲小震爲人坎爲妬嫉故曰小人妬嫉○須汲古作鬢非依宋元本蒙蓋蔓生之屬施於株瞿之上

巽

南至隱域深潛處匿聰明閉塞與死爲伍

互離爲南巽伏故曰隱曰潛曰匿曰

閉塞伏坎爲聰離爲明初至四大過死故曰與死爲伍

兌

機餌設張司暴子良范叔不廉凶害及身

通艮坎爲機震爲餌爲張爲暴爲子

良爲司爲良故曰司暴子良左傳鄭子良之父子孔爲政也
專國人殺子孔子良奔楚五翼爲蟲故曰范范蠡也禮內則
昭公二十六年范蠡也良爲叔故曰范叔坎爲凶害良爲身史記范
昭公二十六年范蠡使齊齊王賜雖金牛酒歸以此受折駘之辱○首
句元本作機設餌張依汲古司汲古作計依宋元本

渙

從騎出谷游戲苦城阪高不進利无所得

震爲騎爲出良爲谷爲城坎爲苦良

爲阪爲高翼爲利風散故无得○谷宋元本作門苦城作空城均依汲古

節

西國強梁爲虎作倭東吞齊楚并有其王

兌西良國震爲健故爲強梁強梁多

力也良爲虎坎爲鬼故曰倭本草人死於虎則爲鬼導虎而行震爲楚伏巽爲齊兌口爲吞震東故曰東吞齊楚震爲王言西吞併吞六王也

孚中

登山伐輻虎在我側王孫无懼仁不見賊

艮山震登艮爲伐爲虎巽爲輻故曰

登山伐輻震爲王良爲孫故曰王孫震爲仁巽伏故爲賊

過小

六月驟驟各欲有至事征東裝俟時旦明

兌爲月震爲反故曰至震爲征爲旦

明艮爲時艮止故曰俟時且明詩小雅六月棲棲戎車既餽
四牡騤騤載是常服王于出征以匡王國載是常服卽束裝
之事言尹吉甫奉宣王命出征獵狁而治裝也○首句依元
刊宋本汲古作六目非至依汲古宋元本作望東裝宋汲古
本作未壯依元本第四句汲古作候待明且依宋元本俟卽
待也故知待爲時之訛字

濟既

道陟多阪牛馬蜿蜒車不利載請求不得

用半象重艮故曰多阪

濟未

一口三舌相妨无益羣羊百牂不爲威強亡馬失駒家耗於

財用半象重兌故曰三舌故曰羣羊

解之第四十

解

駕言出游鳥闐車前更相摔滅兵寇旦來回車亟還可以无

憂

震爲駕爲言爲游爲車夷爲鳥艮爲闐离正反艮相對故曰闐曰摔坎隱伏故曰滅坎爲寇震爲旦故曰兵寇旦來

震爲反故回車亟還坎憂震解故无憂○寇旦汲古作馬旦依宋元本

乾

大都之居无物不具抱布貿絲所求必得

伏坤爲大都爲萬物爲布抱布貿絲

坤

膠著木連不出牢關家室相安

此用解象坎爲膠爲木與震木連體故曰木連坎爲牢爲

室重坎故不出

屯

孟伯食長懼其畏王賴四蒙五抱福歸房

震爲孟伯爲長爲口故曰食長坎爲

畏懼震爲王卦數四坎納戊數五故曰賴四蒙五艮爲抱爲房震爲福故曰抱福歸房

蒙

朽輿疲駟不任銜佩君子服之談何容易

震爲車爲馬坤敝故曰朽曰疲震口

爲銜艮手爲佩艮爲君子坤爲服服用也言車馬不良不易駕馭

需

許嫁既婚利福在身適惠生桓爲我魯君

左傳隱元年宋武公生惠子惠子生

而有文在其手曰爲魯夫人故歸惠公生桓公因手有文故曰利福在身坎爲婚伏坤爲身兌爲魯乾爲君

訟

入門大喜上堂見母妻子俱在兄弟饒有

巽爲入乾爲門伏震爲喜故入門大

喜坎爲室故爲堂巽爲母伏震故上堂見母离爲坎妻震爲子爲兄坎爲弟○有宋元本作友依汲古

師

推車上山力不能任顛蹶蹉跌傷我中心

坤爲車震往故曰推車震爲陵故曰

上山坤弱故不能任坎蹇故顛蹶蹉跌坎爲心爲中坎破故傷

比

鷹飛退去不食其雛禽尙如此何況人乎

艮爲鷹爲飛坎隱伏故退去兌爲食

爲雛兌伏故不食其雛○乎宋元本作與依汲古

畜小

福棄我走利不可得幽人利貞終无怨慝

乾福風隕故福棄我走巽爲利在外

故利不可得艮爲幽人爲終坎怨慝正伏象雜用

履

夫妻反目不能正室翁云于南姬言還北並后匹嫡二政亂

國

伏坎爲夫離爲妻爲目離上下兩半目相對坎上下兩半目相背故曰反目坎爲室爲邪曲故曰不能正室乾爲父

位南故曰翁云于南伏坤爲母爲北故曰姬言還北坤爲后爲政爲國爲亂數二故曰並后曰匹敵曰二政震爲嫡也○翁汲古作公姬作姬依宋元本林意謂政權不一國必亂也

泰

陽衰伏匿陰淫爲賊賴幸王孫遂至嘉國

陽在下故曰伏匿陰在上故曰陰淫

坤殺兌折故曰賊震爲王爲嘉坤爲國○賴幸汲古作幸賴
依宋元本嘉汲古作家依宋本

否

入山求王不見和璞終日至暮勞无所得

巽爲入艮爲山爲求乾爲玉爲璞楚

人下和得璞玉故曰和璞巽伏故不見艮爲日爲終坤爲暮
爲勞坤虛故无得○山汲古作水坤水亦可從

同人

鳴鸞四牡駕出行狩合格有獲獻公飲酒

通師震爲鳴鸞爲馬卦數四故曰四

牡震爲行爲狩坎爲獲爲酒震爲公

大有

覆手舉臚易爲功力正月元日平飲致福

通比艮爲手爲舉臚木簡也所以作

書坤爲文坎爲木故曰臚坎爲月爲中正商爲日乾爲元故
日元日坎爲平爲飲史記魏其侯傳灌夫與長樂衛尉飲輕
重不得其平茲曰平飲則兩人對飲輕重得平也○正月元
刊作月正依汲古平飲汲古作永平依宋元本舉臚汲古作
齊臚依宋元本

謙

三火起明雨滅其光高位疾顛驕恣誅傷

詳大有之師

豫

裹糗荷糧與利相逢高飛有得君子獲福

震爲糗糧艮爲荷伏巽爲利艮爲高

飛爲君子○得宋元作德子作大均依汲古裏汲古作哀非
依宋元本

隨

水土相得萬物蕃殖膏澤優沃君子有德

兌爲水艮爲土震爲萬物爲蕃鮮故

日蕃殖兌爲膏澤爲優沃艮爲君子○德汲古作得依宋元本

蠱

道理和得人不相賊君子往之樂有福利

艮爲道震爲人爲樂異爲利

臨

天孫帝子與日月處光榮於世福祿繁祉

伏艮爲天爲孫震爲帝爲子故曰天

孫帝子伏乾爲日兌爲月漢書天文志織女天帝孫也伏艮爲星故曰與日月處

觀

陪依在位乘非其器折足覆餗毀傷寶玉

坤順故曰陪依艮爲貴爲位坤爲車

爲小人以小人而乘車故曰非器又震爲器震覆故非器震爲足爲餗爲玉震覆故折足覆餗故傷玉○陪依汲古作部衣依宋元本然部衣或爲布衣之訛布衣在位故乘非其器

噬嗑

鷁飛中退舉事不遂且守仁德猶恐失墜

左傳六鷁退飛宋襄圖霸不成故曰

舉事不遂艮爲鷁爲飛震爲歸故曰退艮爲守震爲仁坎爲失○恐宋元本作免依汲古

賈

經棗正冠意盈不廉桀紂迷讒惑佞傷賢使國亂煩

良爲棗爲冠良

手爲正正冠舉手有類摘果故曰不廉盈極也商爲惡人故曰桀紂坎爲迷惑三至上正反震故曰讒佞良爲賢爲國商爲亂○棗宋元本作棘依汲古正汲古作整廉作厭均依宋元本讒惑宋汲古本作惑讒今依元本

剝

申酉退跌陰慝前作柯條華枝復泥不白

候卦申否酉觀戌剝陽退故曰跌陰

日增故曰作艮爲柯條伏兌爲華震爲白震覆故不白○慝汲古作雨非依宋元本華枝疑枝葉之訛

復

平正賤使主服苦事

震爲主坤賤而役萬物故主服苦事

妄无

釣魴河渭水泛无涯振衣徒歸上下昏迷屬公遜齊

異爲魚良手爲

釣乾爲河海乾大故水无涯乾爲衣震爲歸爲公互巽爲齊左傳昭二十五年公孫于齊注諱奔猶遜讓而去也孫音遜○泛宋元本作長衣作手均依汲古

畜大

胎養蒙生始見兆形遭逢雷電摧角折頸采芘山頭終安不

頃震爲胎爲萌芽良爲龜故曰兆形震爲雷電良爲角爲頸兌毀故折角摧頸震爲草莽故曰芘詩鄘風言采其芘注

蟲貝母也艮爲山頭爲終爲安

頤

陽春枯槁夏多水潦霜雹俱作傷我禾黍年歲困苦

震爲君坤死故

枯槁坤爲水互重坤故曰多水卦本大离故曰夏坤爲霜爲冰故曰雹震爲禾稼坤爲年歲○作宋元本作擊依汲古

過大

三耳六齒痛疾不已齩病蠹缺墮落其宅

兌爲耳艮數三故曰三耳兌爲齒乾

數六故曰六齒伏坤爲疾痛正反兌故曰齩齩齒缺也巽爲蟲故曰蠹巽隕故墮落○耳宋元本作身依汲古

坎

失時无友嘉耦出走僕如喪狗

坎爲失艮爲時爲友震爲嘉爲走艮爲狗爲家二四艮覆

故如喪家之狗史記孔子世家僕僕然如喪家之狗○時宋元作恃非依汲古僕僕同

离

宣重微民歲樂年息有國无咎君子安喜

重离故曰宣重宣明也言宜重光於

民也微字恐有訛伏震爲年歲爲樂爲息伏艮爲國爲君子

咸

登几上車駕駟南游合從散橫燕秦以强

詳屯之否

恒

鳥集茂林柔順利貞心樂願得感戴慈母

通益艮爲鳥正反艮故曰鳥集震爲

林正反覆故曰茂林坤爲柔順異爲利艮爲貞坤爲心爲慈
母艮爲戴○林宋本汲古本作木依元本易林讀林略如凌
以與貞韻其例甚多今晉音仍如此汲古願得下多鳥鵲食
穀張口受哺二句今依宋元本

遜

啟蟄始生萬物美榮社祿未成市賈无贏

通臨震爲春爲生故曰啟蟄始生震

爲蕃鮮故曰萬物美榮乾爲社祿陽消故未成巽爲市賈巽
隕故无贏○社祿未成局本作福祿來成來爲未之訛字依
宋元本贏元本作盈義同賈汲古訛買依宋元本

大壯

驕胡大形造惡作凶无所能成還自滅身

詳明夷之大壯○大汲古訛大依宋

元本

晉

異國他土出良駿馬去如奔畜害不能傷

坤爲國土爲馬良爲良潘岳閒居賦

激矢畜飛此云奔畜言馬疾如奔畜也又箭名飛畜方言云
箭之三鏃長尺六者謂之飛畜晉互坎爲矢奔畜坎象也

恪敬競職心不作愚君明臣忠民賴其福

坎爲心震爲君坤爲臣爲民

明夷

三女求夫伺候山隅不見復關長思憂歎

詳乾之家人

睽 駕福乘喜東至嘉國戴慶南行离我室居

詳小畜之賁

蹇 四姦爲殘齊魯道難前驅執殳戒守爲患

左傳僖二十四年富辰曰聾昧頑嚚

狄皆有之四姦具矣坎爲姦伏兌數四故曰四姦伏兌爲魯覆巽爲齊艮爲殳爲守坎爲患○殳汲古訛役從宋元本

損

下擾上煩蠹政爲患歲飢无年

下互震爲擾上互坤爲亂故曰擾煩坤爲政伏巽爲蟲故

日蠹政坤爲患爲年歲坤虛故曰飢○擾汲古作憂依宋元本政宋元本作蠱依汲古

益

雞雉失雛常畏狐狸黃池要盟越國以昌

巽爲雞坤文爲雉艮少故曰雛坤死

故失雛坤爲畏艮爲狐狸狐狸食雛故畏之坤爲黃坤水故曰黃池正反震故曰要盟坤爲國巽位東南故曰越國

夬

堅冰黃鳥終日悲號不見白粒但觀蓬蒿數驚鷺鳥爲我心

乾爲堅冰伏坤爲黃艮爲鳥爲終日兌口爲號坤憂故曰憂悲號巽爲白爲粒巽覆故不見白粒坤爲茅茹故曰蓬蒿

伏艮爲鷺鳥坤爲心爲憂○第二句汲古作常哀悲愁白作米均依宋元本第六句宋元本作孰爲我憂依汲古

姤

玉銑鐵頤倉庫空虛市賈无盈與我爲仇

詳晉之鼎○玉銑元本作玉統汲古

作五銳依宋本无汲古作爲依宋元本

萃

竊名盜位居非其家霜隕不實爲陰所賊

艮爲名位巽伏故曰盜名竊位艮爲

居爲家盜位故非其家坤爲霜艮爲果藏霜殺物故不實巽爲賊○元本多三句汲古多一句皆衍文依宋本刪

升

賊仁傷德天怒不福斬刈宗社失其本域

巽爲賊震爲仁德爲怒伏乾故曰天

怒坤殺故曰斬刈震爲宗坤爲社爲失○宗汲古作家依宋元本

困

萬物初生蟄蟲振起益壽增福日受其喜

巽爲草莽故曰萬物伏震爲春故曰

初生巽爲蟲坎蟄震起震福伏艮爲壽爲日○初生汲古作和生壽作爵均依宋元本

革

龍游鳳舞歲樂民喜

伏震爲龍坤爲鳳爲歲爲民震爲喜樂

鼎

行行窘步次宿方舍居安不懼姬姜何憂

通屯正反震故曰行行艮止坎陷故

日窘步坎爲宿艮爲舍坤方故曰方舍艮爲安居震爲姬巽爲姜坎憂震解故不憂○宿汲古作伯姜作妾皆形訛字依宋元本

震

水深難游霜寒難涉商伯失利旅人稽留

互坎爲水坤亦爲水四上下重陰故

曰水深震爲游爲涉坎爲霜爲寒震爲伯爲商旅巽伏故失利坎陷艮止故稽留

艮

跛倚相隨日暮牛罷陵遲後旅失利亡雌

詳大有之歸妹

漸

一牛九鎖更相牽攀案明如市不得東西請讞得報日中被

刑

艮爲牛坎數一故曰一牛坎爲桎梏離數九故曰九鎖巽爲市離爲明位東坎位西艮止故不得東西艮爲請坎爲

刑爲中艮又爲首否乾首自上落下中互離故曰日中被刑虞翻刻關公首至得隨義同案明者言案驗明白赴市被刑

歸妹

春桃生花季女宜家受福孔多男爲邦君

詳師之坤震爲春爲桃花兌季

豐

雷鼓東行稼穡凋傷大夫執政君贊其明

首句震象巽爲稼穡爲隕落故凋傷

震爲夫爲君離爲明

旅

季世多憂亂國淫遊殃禍立至民无以休

艮爲季世互大坎故多憂離爲亂艮

爲國伏坎爲殃禍爲民

旅

發輶溫湯過角宿房宜時布和无所不通

湯汲古作陽角作兩均依宋元本○

伏震爲車故曰發輶互坎爲水艮火在下故曰溫湯艮爲星故曰角房而角房皆巽方宿故曰過角宿房巽四月卦正角房二宿當值之時故曰宜時布和

兌

水中大賈求利食子商人不至市空无有

互巽爲賈爲利兌爲水故曰水中大

賈震爲子兌爲食伏艮爲求故曰求利食子言食其資息也震爲商人震伏故云不至巽爲市離中虛故曰市空○食子汲古作十千依宋元本三四句宋元本去不字有上加所字茲依汲古

渙

春草萌生萬物敷榮陰陽和調國樂无憂

異草震春震爲萌芽艮國○調汲古

作暢依宋元本

節

左眇右盲目視不明下民多孽君失其常

震爲左二五互大離故曰盲目目无

睛也兌半離故曰眇眇小目也兌右故曰左眇右盲眇象本履卦也坎爲民兌澤故曰下民坎爲孽震爲君

孚中

悅以內安不利出門憂除禍消公孫何尤

兌爲悅在內卦故曰內安艮爲安也

艮即震出巽限故不利震爲公艮爲孫震解故憂禍消除○
第三句汲古作憂禍消除

過小

丹書之信言不負語易我騏驎君子有德

艮爲言震爲言語正反震相同故曰

不負震爲馬故曰騏驎下艮爲反震故曰易艮爲君子左傳裴豹隸也著于丹書注以丹書其罪又大戴禮武王問黃帝顓頊之道可得聞乎尙父曰在丹書此丹書似用左傳

濟既

上政騷擾螟蟲並起害我嘉穀年歲无稷

半象重巽故曰螟蟲並起餘亦用半

象○螟蟲汲古作蟲螟依宋元本

未濟

千旄旌旗執職在郊雖有寶玉无路致之

詳師之隨此用半象職在汲古作在

載依宋元本玉宋元本作珠依汲古

焦氏易林注卷十一

行唐尙秉和節之注

受業

蒲城件道益

校刊

豐潤董維

城

損之第四十一

損路多枳棘步刺我足不利旅客爲心所毒

詳履之遯

乾鯉鮪鯽鰕積福多魚資所无有富我邦家

此用損象坤爲魚爲積爲邦家本卦

乾爲福爲富○鮪鯽宋元本作鮪鮪積作勸均依汲古邦汲古作窮依宋元本

坤景星照堂麟游鳳翔仁施大行頌聲作興征者无明失其寵

光 此仍用遇卦象詳豫之節

屯羊腸九縈相推稍前止須王孫乃能上天

詳臨之巽上古作至依宋元本

蒙

四手共身莫適所閑更相訪接動失事便

坤爲身震卦數四艮手故曰「手共

身坤閑故曰閑震言艮手正反艮震故曰更相訪接失事便也○閑汲古作國依宋元本

需

水流趨下遠至東海求我所有買魴與鯉

詳益之无妄

訟

春栗秋棗山鮮希有斗千石萬貫不可販

詳否之漸山元本作少依汲古

師

旦往暮還相佑與聚无有凶患

震爲且爲行爲歸坎爲暮坤爲聚爲凶患

比

大蛇當路使季畏懼湯火之災切近我膚賴其天幸歸于室

廬

詳屯之井室宋元本作生依汲古近各本作直依屯之井校

畜小

徙足去域飛入陳國有所畏避深藏邃匿

通豫震爲足艮爲域爲飛爲國震爲

陳故曰飛入陳國坎爲畏避爲藏匿全用伏象○徙宋元本作徙依汲古飛汲古作亂依宋元

履

海爲水宗聰聖且明百沭歸德无有叛逆常饒優足

詳蒙之乾第二

句宋本汲古作聰明且聖依元本德汲古作得依宋元本

泰

夏麥薨薨霜擊其芒病君敗國使年大傷

詳泰之賁薨汲古作薨病作疾

否

秋隼冬翔數被嚴霜雄犬夜鳴家擾不甯

詳賁之隨擾各本皆作憂依賁林校

嚴汲古作履依宋元本

同人

樂仁上德東鄰慕義來興吾國

乾爲仁德離爲東鄰伏坤爲義爲國

大有

逐憂除殃污泥生梁下田爲汪

坎爲憂爲殃坎伏故曰除坎爲污泥坤爲梁爲水爲下故

日爲汪汪潛水也○汪汲古作江依宋元本逐汲古作還非依宋元本

謙

暗昧冥語轉相迷誤鬼魅所居誰知卧處

坎隱故暗昧正反震故語迷誤坤爲

迷爲鬼艮爲卧坤迷坎隱故不知

豫

南歷玉田東入玉關登上福堂飲萬歲漿

震爲南爲玉艮爲田爲關爲堂坤爲

萬歲爲漿玉關玉門關漢書班超傳但願生入玉門關玉田疑指和闐和闐在南疆出玉

隨

比目四翼來安我國福善上堂與我同牀

互大離若兩目相比故曰比目比目

魚名異爲魚震爲翼卦數四故曰四翼艮爲國爲堂爲牀

蠱

乘牛逐驥日暮不至路宿多畏亡其駢騅

艮牛震馬故曰乘牛逐驥艮爲日兌

嚮晦故曰日暮日路宿艮爲路納丙色赤故曰駢震青故曰騅兌折故亡牛行遲驥行速乘牛逐驥斷不能及故亡其駢騅也

臨

元吉无咎安甯不殆

震爲元

觀

奮翅鼓翼翺翔外國逍遙徙倚來歸溫室

伏震爲翼爲飛坤爲國艮陽在上故

曰外國艮爲室艮火故曰溫室

噬

河伯娶婦東山氏女新婚三日浮雲洒雨露我菅茅萬邦蒙

祐坎爲河震爲伯離爲坎婦震爲娶爲東艮爲山故曰東山氏女坎爲婚離日震數三故曰三日坎爲雲雨爲雨露震爲

草莽在坎下故曰露我菅茅艮爲邦震爲萬史記西門豹爲鄴令三老五更爲河伯娶婦然下云東山氏女似別有故實○露宋元本作雨蒙作之依汲古茅汲古作第非

賁

嬰兒求乳慈母歸子黃麕悅喜

依履之同人刪末句得見甘飽四字

剝

貧鬼守門日破我盆毀罍傷瓶空虛无子

坤爲鬼爲貧爲門艮爲守爲日伏兌

爲破震爲罍瓶爲子震覆故日破日傷日无子坤爲虛○瓶元刊作缸依宋本汲古

復

多載重負棄捐於野王母誰子但自勞苦

坤厚故能多載重負坤爲野坤喪故

日棄捐于野坤爲母震爲王爲子坤死故日王母誰子言无子也坤爲勞○第三句宋元本作予无稚子汲古作手无誰子依局本

无妄

雄狐綏綏登山崔嵬昭告顯功大福允興

詳咸之賁

大畜

嬰兒孩子未有知識彼童而角亂我政事

艮爲嬰兒震爲孩子艮爲角伏坤爲

亂爲政事毛詩傳童羊之无角者也○子汲古作笑非依宋元本彼元本訛狄依汲古角宋元汲古作爭依異之節校大雅彼童而角實虹小子孩子本微子及易明夷六五

頤

十丸同投爲雉所離獨得逃脫完全不虧

坤數十坎爲九伏大坎故日十丸坤

爲雉離罹同遭也震爲逃脫○離宋元本汲古作維依局本
逃宋元本作跳跳逃通史記漢王跳是其證不汲古作所依
宋元本

大過

狐濟濡尾求橘得枳季姜懷悔鮑舍魚晁

伏艮爲狐爲尾爲求爲橘爲枳爲

姜上兌故曰季姜巽爲鮑魚爲臭伏坤爲悔爲推上艮爲橘
下震爲反艮而中隔坤水致工記橘踰淮爲枳以反艮爲枳
其切當神妙真不可思議矣晁臭同汲古作薺非○求橘汲
古作來揭依宋元本

坎

踰足息肩所忌不難金城銅郭以鐵爲關藩屏周衛安全元

患震爲足艮爲踰止也艮爲金銅爲鐵爲城郭爲關爲藩屏
震爲周爲衛艮爲安○踰宋元本作跌依汲古

離

戴堯扶禹松喬彭祖西過王母道路夷易无敢難者詳訟之家入路

元刊作里依宋本汲古

咸

京庾積聚黍稷以極行者疾至可以厭飽

爾雅丘絕高曰京詩小雅曾孫之庾

如坻如京傳京高丘也艮爲京庾五大坎故曰積聚巽爲黍
覆伏震爲行中實故曰厭飽厭饜同是也

恒

良夫孔姬曾懼登臺柴季不扶衛輒走逃

左傳哀十二年
良夫與太子蒯賁

魯孔姬使立之吳高柴季子路不扶者言不扶衛輒也震爲夫爲姬爲孔伏良爲臺爲季良手爲扶良伏故不扶震爲衛爲逃○夫宋本訛天依元本汲古孔汲古作瓦脅懼作負理均依宋元本柴宋元本作樂或又作樂謂爲樂常亦孔氏家臣汲古又作昆均非依局本孔姬孔懼母

遯

天之所與福祿常在不憂危殆

乾爲福祿

壯大

行觸天剛馬死車傷身无寥賴困窮乏糧

參同契天罡據西注天罡卽北斗家

人之斯曰魁罡所當初爲敗殃故曰馬死車傷伏良爲星故曰天罡震爲馬爲車伏坤爲身爲窮乏震爲糧○剛汲古作綱依宋元本剛是同寥宋元本作廖依汲古

晉

鉛刀切玉堅不可得盡我筋力抵蠶爲疾

良爲刀坤柔故曰鉛刀良爲堅多節

故曰蠶蠶以爲疾玉或爲良堅象○蠶汲古作胼依宋元本蠶爾作字脈蠶言皮肉紋裂也

夷明

穆違百里使孟奮武將軍帥戰敗於殺口

詳蹇之离坤爲百里震爲孟爲武爲

口○違汲古作逢帥作師均依宋元本

人家

有人追亡鳥言所匿不日而得

通解震爲亡爲追爲人爲言
離爲鳥坎隱故曰匿離爲日

此必有故事如公治長解鳥言之類而今不能攷○鳥汲古
作爲依宋元本日而宋元本作旅日依汲古

睽

府藏之富王以振貸捕魚河海罟網多得

此全用遇卦損象
坤爲府藏爲多故

日富震爲王爲振振賑同而古皆作振坤爲魚爲河海離爲
網罟互大離故曰多得○晉宋元作苟筍之訛字依汲古

蹇

鴻飛遵陸公歸不復伯氏客宿

艮爲鴻爲陸震爲公爲歸震
覆故不復幽風詩九戢篇鴻

飛遵陸公歸不復公謂周公

解

鳬過稻廬甘樂鱖雖驚不去田畯懷憂

此仍用遇卦損象
震爲鳬爲稻爲樂

艮爲廬坤爲魚故曰鱖鱖震爲驚艮止故不去坤爲田畯農
官也艮爲官坤爲憂○鱖鱖汲古作麴麴依宋元本

益

雨師娶婦黃巖季女成禮既婚相呼南去膏澤田里年豐大

喜

詳恆之晉南去宋元本作面南汲古作而南依師之恆校
釋元本作潤依宋本汲古田里依恆之晉校各本作應時

夫

積蓄有餘糞土不居美哉輪奐出有高車

乾實故曰積坤爲糞土坤伏故曰不

居伏大艮爲宮室故曰輪奐曰高坤爲大輿○糞宋元訛糞依汲古禮檀弓下美哉輪焉美哉奐焉言高大也

姤

重門擊柝介士守護終有他道雖驚不懼

此仍用遇卦損象損二至上正反兩

艮相對故曰重門震爲柝艮爲擊爲介介甲也爲守護爲終爲道路震爲驚坤爲懼

萃

大都王市稠人多寶公孫宜賈資貨萬倍

坤爲大都巽爲市伏震爲人爲寶坤

爲多故曰稠人多寶震爲公艮爲孫巽爲賈故曰公孫宜賈坤爲資貨爲萬巽爲倍故曰萬倍○資貨宋元作其貨依汲古

升

秋隼冬翔數被嚴霜甲兵充庭萬物不生

詳賁之隨宋元本多雄父夜鳴民擾

以驚八字依汲古

困

招禍致凶來螫我邦痛在手足不得安息

通賁坎爲禍爲痛爲螫艮爲邦爲手

震爲足正反震故不得息

井

秦失其鹿疾走先得勇夫慕義君子率服

兌西故曰秦伏震爲鹿坎爲疾

震爲走爲勇夫艮爲君子○疾走汲古作高足依宋元本率宋元本作變依汲古

革

山陵四塞遏我徑路欲還不得復我故處

己詳同人之革

鼎

一指食肉口无所得舌饑於腹

詳頤之离一當作以饑宋元本作饒

震

晨夜驚駭不知所止皇母相祐卒得安處

震爲晨互坎爲夜艮爲止坎隱故不

知伏異爲母震爲王故曰王母互艮爲安

艮

豺狼所言語无成全誤我白馬使乾口來

艮爲豺狼互震爲言語正反震故曰

誤震爲馬爲白爲口互大离故曰乾口○誤汲古作設非依宋元本

漸

呼精靈來魄生无憂疾病瘳愈解我患愁

通歸妹震爲呼爲帝故曰精靈兌爲

月震生震樂而納庚初三月出庚故曰魄生无憂坎爲疾病爲憂震解故病愈而不愁也○愈宋元本作癒依汲古

歸妹

牧羊逐兔使魚捕鼠任非其人廢日无功不免辛苦

兌羊震兔伏異

爲魚坎爲鼠互離爲日坎勞故曰辛苦羊逐兔魚捕鼠皆失使猶任人不當而无功也○捕鼠朱元本作相捕非依汲古廢日汲古作卒歲依宋元本

豐

堂祥上樓與福俱居帝姬治好國安无憂

堂祥疑與徇作同伏艮爲堂爲樓爲

居爲國爲安震爲帝爲姬兌爲治好互坎爲憂震解故无○第三句宋元本作席地妃治依汲古

旅

禹召諸神會稽南山執玉萬國天下康安

通節震爲王坎勞故曰禹震爲神坎

眾故曰諸神艮爲山震南故曰會稽南山震爲玉艮爲執爲國坎眾故曰萬國艮爲天爲安○神宋元本作臣非依汲古張衡賦嘉羣神之執王兮疾防風之食言是自漢皆作羣神神猶后也

巽

太姒文母仍生聖子昌發受命爲天下主

太姒文王妃生武王發文母爲太任

詩思齊大任文王之母是也大任生昌太姒生發故曰仍生大雅大任有身生此文王又曰續女維莘長子維行篤生武王林所本也巽爲母互離故曰文母伏震爲子坎爲聖巽爲命伏震爲主伏艮爲天故曰爲天下主

兌

兩置同室免无誰告與狂相觸蒙我以惡

互離爲置兌卦數二故曰兩置伏坎

渙

爲室震爲兔震伏故兔无伏震爲狂三至上正反震相對故
日與狂相觸說文室實也言置原有兔因觸兔逸反疑我也
桃雀竊脂巢於小枝動搖不安爲風所吹心寒悚惕常憂殆
危己詳噬嗑之渙

節

陽春長日萬物華實樂有利福震爲春爲長互大商故曰長
日震爲萬物爲華艮爲果藏
故曰實震爲樂爲福伏巽爲利

孚中

鄰不我顧而望玉女身疾瘡癩誰肯媚者震爲鄰艮爲顧二
四艮反故不我顧
艮爲我爲望震爲玉兌爲女爲媚故曰玉女艮爲身而多節
故曰瘡癩○我顧汲古作顧我依宋元本言不反省

過小

潤旱不雨澤竭无流魚鱉乾口皇天不憂艮爲火故曰潤旱
兌爲雨澤艮止故
不流異爲魚艮爲鱉兌爲口艮火在下故曰乾口震爲帝爲
皇艮爲天震樂故不憂言災重如此而天不恤

濟既

狼虎之鄉日爭凶訟受性貪饕不能容縱半象重艮故曰狼
虎日鄉坎上下日
相背故訟離爲日又取損象於爭訟尤切

濟未

陰注陽疾水離其室舟楫大作傷害黍稷民饑於食亦病心

腹三陰皆在內故曰注注灌也陽皆在外故疾雜卦未濟男之窮也與此旨同離羅同坎爲水爲室半震爲舟坎爲楫

重震重坎故曰大作震爲黍稷坎爲病爲心商爲腹

益之第四十二

益

文王四乳仁愛篤厚子畜十男无有天折

詳頤之節

乾

下堂出門東至九山逢福值喜得其安閒

此用遇卦益象艮爲堂坤爲下爲門

震出震東數九故曰九山震爲福喜艮爲山爲安○至汲古作西依宋元本

坤

城上有鳥自名破家招呼鳩毒爲國災患

詳坤之蒙鳩汲古作醜依宋元本

屯

伯虎仲熊德義淵泓使數五教陰陽順序

詳泰之隨○泓朱元本作聞依汲古

數教汲古作布穀依宋元本

蒙

飲酒醉酤跳起爭鬪伯傷仲僵東家治喪

依比之鼎校酤宋元本作酤且多手

足紛拏四字

卷一

需

四目相視稍近同軌日昃之後見吾伯姊

互離爲目兌數四故曰四目昃日昃

也坎西離與坎連日向西故曰日昃兌爲伯姊本大過也○軌宋元本作機依汲古姊汲古作姨依宋元本

訟

隨時逐便不失利門多獲得福富於封君

伏震爲時爲逐乾爲門巽爲利故曰

利門乾爲福爲富爲君○多汲古作靈依宋元本

師

隴西冀北多見駿馬去如飛颶害不能傷

坎爲西坤爲北震爲馬坤坎亦爲馬

故曰多見駿馬坤爲風故曰飛颶姦音標回風也坎爲害爲傷震解故不傷

比

白龍黑虎起伏俱怒蚩尤敗走死於魚首

詳蒙之坎汲古第三句多期戰盤空

四字依宋元本刪

小畜

鴻飛戾天避害紫淵雖有鋒門不能危身

通豫巽爲鴻在乾上故曰戾天坤爲

淵爲害坎隱伏故曰避害紫淵離色紫也鋒門丁晏云藝文志有逢門射法二篇師古曰卽逢蒙艮爲鋒坤爲門坎爲矢

震爲射故曰鋒門坤爲身詳大雅焉飛戾天注戾至也

履

平國不君夏氏作亂烏號竊發靈公隕命

詳臨之晉君汲古訖均非依元本

泰

江漢上游政逆民憂陰伐其陽雄受其殃

坤爲水故曰江漢在上故曰上游坤

爲政爲逆爲民爲憂陰上陽下故曰陰伐其陽雄受其殃受其汲古作者受依元本

否

東家殺牛聞臭腥臊神怒不顧命衰絕周亳社災燒宋公夷

誅

詳噬嗑之異命衰絕周者言殷命將絕於周也

同人

西誅不服恃強負力倍道趨敵師徒敗覆

丁云似指項梁徒汲古作走非卦伏

師師坎爲西坤爲誅震健故恃強負力震爲大塗異爲倍故曰倍道趨敵坤爲師徒爲敗

大有

一婦六夫亂擾不治張亡季疾莫適爲公政道壅塞周君失

邦此用益象上巽爲婦下震爲夫震數三互艮亦爲夫亦數三故一婦六夫坤爲亂震爲張艮爲季坤爲亡坎爲疾故曰張亡季疾震爲公初至五正反震故曰莫適爲公坤爲政艮爲道艮止故壅塞震爲君爲周坤爲邦坤喪故周君失邦

疾汲古作莊亡作王依宋元本後思王者強健莊者嚴肅張
王季莊頗與下句莫適爲公意合而韻又協或汲古是也

謙

配合相迎利之四鄉昏以爲期明星煌煌欣喜夷憚所言得

當坎爲配合坤爲鄉震卦數四故曰四鄉坎爲昏艮爲明爲
星震爲喜爲言夷盛也○夷憚宋元本作爽澤依汲古鄉
汲古作讚依宋元本

豫

猿墮高木不蹊手足握金懷玉還歸其室

詳蒙之臨

隨

卷領遁世仁德不害三聖攸同周國茂興

詳需之震領汲古
作舌攸元刊作攸

依宋本

蠱

去患脫厄安无怵惕上福喜堂見我歡悅

互大坎爲患爲厄
爲怵惕震爲福喜

一陽上升故去患脫厄而无懼也艮爲堂爲我兌見○患汲
古作危歡作喜均依汲古

臨

帶季兒良時利權兵將師合戰敵不能當趙魏以強

通遁艮
爲季異

爲帶故曰帶季帶季卽帶佗震爲兒爲良故曰兒良藝文志
有兒良一篇列兵冢過秦論帶佗兒良並稱兵冢故曰權兵

艮爲時巽爲利坤爲師震爲戰爲趙爲強○時利宋元本作明智依汲古

觀

鵠思其雄欲隨鳳東順理羽翼出次須日中留北邑復反其

室

詳明夷之益次須日中汲古作自日中須依宋元本

噬嗑

耳如驚鹿不能定足室家分散各走匿竄

互坎爲耳震爲驚爲鹿爲足艮爲室

家坎爲匿○匿竄與散韻汲古作鼠匿非依宋元本耳汲古訛且

賁

甲乙丙丁俱歸我庭三丑六子入門見母

震東方甲乙商南丙丁艮爲庭爲我

震爲歸故曰俱歸我庭艮居丑數三故曰三丑坎居子數六故曰六子艮爲門伏巽爲母商爲見○歸宋元本作位依汲古

剝

躡華顛觀浮雲風不搖雨不薄心安吉无患咎

艮爲山爲顛伏兌爲西故

日華顛坤爲雲爲風兌爲雨兌伏故云不薄坤爲心爲患艮安故无此皆三字句元本刪不搖作四字句非依宋本汲古又薄元本作博患作匿亦非

復

德施流行利之四鄉雨師灑道風伯逐殃巡狩封禪以告成

功

震爲德爲行卦數四坤爲鄉故曰四鄉坤爲師爲水故曰雨師坤爲風震爲伯故曰風伯獨斷云雨師畢星風伯箕星也古者天下太平天子必巡狩四方封太山禪梁父震爲言故曰以告成功

无妄

水流趨下遂成東海求我所有買鱸與鯉

詳損之需

大畜

和氣相薄膏潤津澤生我嘉穀

兌爲和爲潤澤震爲生爲穀

頤

憂驚以除禍不成災安全以來

坤憂震驚艮安正反艮故曰憂驚以除禍不成災互坤爲

災禍

大過

堅冰黃鳥常哀悲愁不見白粒但覩藜蒿數驚驚鳥爲我心

憂

詳乾之噬嗑白汲古作甘依宋元本巽爲白也末句宋元本作飄爲我憂依汲古

坎

翁翁鞠鞠隕墜崩顛滅其令名身命不全

詳泰之謙下二句宋元本作滅其命

身依汲古隕各本皆作實依否之商校

商

因禍受福喜盈其室

通坎互艮爲室震爲喜○室汲古作身依宋元本

咸

陸居千里不見河海无有魚市

坤爲陸爲千里爲河海坤伏故不見巽爲魚爲市乾无故

日无有魚市○陸宋元本作佳依汲古

恆

鹿得美草嗚呼其友九族和睦不憂饑乏

詳益之恆

遯

出門得黨不逢禍殃入戶自若不見矛戟

乾爲門戶艮爲黨坤爲禍殃坤伏故

不逢艮爲矛戟巽爲入爲伏故不見矛戟黨助也論語君子不黨注相助爲非日黨

大壯

羣尊重席命我嘉客福祐久長不見禍殃

震爲尊羣爲席兌卦數二故曰重席

震爲嘉爲客爲長乾爲福祐坤爲禍殃坤伏故不見○禍汲古作咎依宋元本羣汲古作累依宋元本

晉

鴻雁俱飛北就魚池鱸鮪鯉衆多饒有一笱獲兩利得過

倍

詳比之觀鮪汲古作鮒依宋元本校第四句宋元本作多饒所有汲古作衆鳥饒有皆非依比之觀校笱汲古作鳴

依宋元本利得宋元本作利之汲古作得之皆非仍依比之觀校

明夷

當風奮翼與鳥飛北入我家國見吾慶室

坤爲風震爲翼南爲鳥坤爲北爲家

國坎爲室震喜故曰慶室

家人

麒麟鳳凰善政得祥陰陽和調國无災殃

詳大有之旅

睽

逐狐東山水過我前深不可涉失其後便

詳大畜之震

蹇

丑戌亥子饑饉所生陰爲暴客水絕我食

下艮先天居戌後天居丑坎居亥子

丑戌亥子皆在北方北方屬水史記貨殖傳水毀木飢故曰饑饉所生日陰爲暴客北方坎水故曰水絕我食○所宋元本作前爲作陽均依汲古

解

狐狸雉兔畏人逃去分走竄匿不知所處

詳睽之大有人汲古作我

損

桀跡惡人使德不通炎旱爲殃年穀大傷

坤爲惡故曰桀伏巽爲盜故曰跡正

反艮故不通震爲使也艮爲火故炎旱震爲年穀兌毀故傷○德汲古作得非依宋元本

夬

兔乳在室行來雀食虎攫我子長號不已

此用遇卦益象震爲兔艮爲室爲雀

姤

爲虎艮手故曰攫震爲子爲長號正反震故曰不已。在汲古作立非依宋元本來元本作求搜訛懼均依朱本汲古

土階明堂禮讓益興雄雌相得使我无疾

禮震爲興一陽臨

五陰故曰雄雌相得坤爲我爲疾震解故无

萃

送金出門并失玉丸往來井上破甕壞盆

坤爲門互艮爲金震爲玉互大坎爲

丸震伏故失玉丸兌爲井三至上正反兌故曰往來井上上疑爲井以重文作上故訛爲上也震爲甕爲盆震覆故曰破兌毀故也往來井井謂三至上正反兌也井初至四亦正反兌由此證井彖往來井井亦由正反兌焦氏說之甚明也。○丸汲古作兔依宋元本

升

諷德誦功美周盛隆加其旦輔光濟沖人

震爲德爲功爲言故曰諷誦震爲周

爲旦爲沖人言周公旦輔成王以成周德。○光汲古作夬依宋元本

困

盜竊滅身二母不親王后无黨毀其寶靈

互巽爲盜艮爲身艮伏故滅身巽爲

母正反巽相背故曰二母故曰不親震爲王爲寶震伏故毀兌爲毀也

井

六月驂騑各欲有至專征束裝俟時旦明

詳蹇之小過旦明汲古作明旦非明

與裝韻依宋元本惟首句各本皆作六目際際非因下云專征故知用六月出師詩也時各本作待均依小過校

革

雀行求粒誤入網毀賴仁君子復說歸室

離爲雀爲網巽爲粒伏震爲仁爲脫

爲歸艮爲君子爲室○網宋元本作罟說作脫均依汲古說古皆通脫易林用古字多

鼎

仁德孔明患禍不傷期誓不至室人銜恤

通屯震爲仁德爲孔艮爲明故曰仁

德孔明坤爲患禍艮爲室震爲人故曰室人震爲銜坤憂故曰銜恤

震

龜厭江海陸行不止自令枯槁失其都市雖憂无咎

詳泰之節末句

汲古作憂悔咎生非依宋元本

艮

狐獨特處莫依爲輔心勞志苦

坎爲孤艮爲獨坎爲心爲勞○汲古心上多正字心下多

允濟神三字作四句依宋元本

漸

伯仲言留叔子云去雖去无咎主母大喜

通歸妹震爲伯坎爲仲艮爲叔艮止

歸妹

故留震往故去巽爲母震爲主爲喜故曰主母大喜○雖汲古訛誰依宋元本雖去宋元本作雖自汲古作誰云依局本

初憂不安後得笑歡雖懼无患

互坎爲憂震爲笑在外卦故曰後

豐

好戰亡國師不以律稱上隕墜齊侯狼戾被其災崇

震爲戰坤爲國

爲師坎爲律坤坎皆伏不見故曰亡國日師不以律巽爲齊震爲諸侯爲狼戾爲災似指頃公○被其宋元本作其被依汲古稱上二字疑有訛

旅

鹿在澤陂射傷其麋泣血獨哀

通節震爲鹿兌爲澤陂艮爲射震爲麋麋鹿子也兌折故

傷坎爲血爲獨爲憂故曰哀○在汲古作生依宋元本泣汲古作淬依宋元本

巽

天地閉塞仁智隱伏商旅不行利潤難得

初至四大過故曰天地閉塞震爲仁

坎爲智皆伏不見故曰隱伏震爲商旅震伏故不行巽爲利○閉汲古作鈴依宋元本

兌

福德之士歡悅日喜夷吾相桓三歸爲臣賞流子孫

通艮互震爲福

德爲士爲喜本卦互離故曰日喜震爲桓爲歸數三故曰三歸艮爲臣爲孫夷吾管仲字論語管氏有三歸三歸臺名

渙

上无飛鳥下无走獸擾亂未治民勞於事

互艮爲鳥上巽爲伏故曰上无飛鳥

艮爲獸下坎隱伏故曰下无走獸震爲走也風散故擾亂坎爲民爲勞○擾亂宋元本作亂擾依汲古

節

握斗運樞順天无憂與樂並居

詳謙之觀汲古多所行道德四字依宋元本汲古作小過

林

孚中

戴盆望天不見星辰顧小失大福逃牆外

益宋元本作瓶牆作廬依汲古艮爲

戴震爲盆艮爲覆震若戴盆於首故不見天與星辰也艮爲天爲星上巽爲伏亦不見也艮爲顧爲小震爲大艮爲牆伏小過震在艮外故曰福逃牆外

過小

月削日衰工女下機宇宙滅明不見三光

兌爲月艮爲日艮手爲削巽爲工爲

女互坎爲機風散艮止故曰工女下機艮爲天爲宇宙坎黑故滅明故不見三光艮爲光數三汲古作節林

濟既

操戟刺魚被髮立憂虎脫我衣狼取我袍亡馬失財

此用益象艮爲

戟巽爲魚爲髮艮爲虎狼震爲衣爲馬○衣汲古作輿依宋元本

未濟

兩人俱醉相與悖戾心乖不同爭訟匈匈

此仍用益象坤迷故曰醉震爲人坤

數二故曰兩人坤爲悖戾爲心初至五正反震故曰心乖曰爭訟

夬之第四十三

夬

戴堯扶禹松喬彭祖西遇王母道路夷易无敢難者

詳訟之家入松

汲古作從非

乾

狼戾美謀无言不殊允厭帝心悅以獲祐

此用遇卦夬象伏艮爲狼兌爲言乾

亦爲言而兌言與乾言相背故曰殊乾爲帝爲祐伏坤爲心兌爲悅

坤

歲暮華落陽入陰室萬物伏匿絕不可得

候卦坤居亥故曰歲暮遇卦夬爲華

後天乾本居亥陽爲陰所牝故坤上六曰龍戰於野戰即交也故曰陽入陰室其義詳焦氏易詁中坤爲萬物坤藏故曰伏匿

屯

雞鳴失時君騷相憂犬吠不休行者稽留

伏巽爲雞震爲鳴艮爲時坎爲失失

時者言至雞鳴而尙未治事故下曰騷憂震爲君爲相坤爲
憂艮爲犬震爲吠爲行艮止故稽留。相汲古作於依宋元
本

蒙

鳬鷺游涇君子以甯履德不愆福祿來成艮爲鳬鷺坎水故

爲德爲福艮爲成鳬鷺大雅篇名首句及第四句皆詩語

需

魖爲災虐風吹雲却欲上不得復歸其宅通晉坎爲鬼商爲

災爲雲坤爲風艮止故不能上艮爲宅首句宋元本作薄爲

訟

東行破車步入危家衡門倒垂无以爲主賣袍續食糟糠不

飽通明夷震爲東行爲車爲步坎爲破爲室故曰危家艮爲

門坎平故曰衡門艮覆故曰倒垂震爲主爲袍爲食爲商

故曰賣震爲糟糠坤虛故不飽。行汲古作人依宋元本

師

青牛白咽呼我俱因厯山之下可以多耕歲稔時節民人安

甯詳觀林

比

異國殊俗情不相得金木爲仇百賊擅殺

坤爲國爲俗重坤故曰異國殊俗坤

爲心志故曰情長爲金坎爲木爲仇金尅木故相仇坎爲賊坤爲百爲殺故曰百賊擅殺。殺汲古作穀依宋元本

畜小

陰陽精液膏熟脫拆胎卵成魄肇生頭目日有大喜

通豫乾陽坤陰

坎爲精液爲膏巽下斷故曰拆震爲胎爲卵坤爲魄故曰胎卵成魄艮爲頭商爲目爲日震爲喜。脫宋元本作免依汲古胎汲古作治喜作吉均依宋元本晉語其魄兆乎民矣注魄形也成魄者言由精液而成胎卵之形頭目以次生也

履

饑蟲作害偏多亂纏緒不可得

商虛故饑異爲蟲故曰飢蟲異爲纏爲緒商爲亂故難得

緒。蟲宋元本作蠱姑依汲古疑蠱之訛二三句汲古作多亂纏綿不可得秋依宋元本

泰

青蛉如雲爲兵導先民人冤急不知東西

伏巽爲蟲爲青蛉坤爲雲爲眾故爲

兵震爲民人爲急坤憂故曰冤急震東兌西體連故不知東西。東西宋元本作西東依汲古青蛉宋元本作清冷依臨之夬校按清蛉淵名見山海經莊子茲日如雲則非淵也疑清冷爲青蛉之訛抑或古字通用呂氏春秋有人好青蛉者每朝至海上蜻蛉從游者數萬又漢志越嶲郡有青蛉縣青蛉水而水經注作蜻蛉是青蛉與蜻蛉通用故依臨之夬校

此似有故實俟攷

卷十一

一五

否

班馬旋師以息勞疲役夫嘉喜入戶見妻

詳觀之既濟

同人

坐爭立訟紛紛匈匈卒成禍亂災及家公

詳大過之夷

大有

鹿食美草逍遙求飽趨走山間過期乃還肥澤且厭

通比艮爲鹿坤

爲草坎實故飽艮爲求爲山爲時故曰期坎爲肥澤厭足也
第三句宋元本作日暮後門依汲古

謙

田鼠野雉意常欲去拘制籠檻不得搖動

詳需之隨

豫

日趨月步周遍次舍厯險致遠无有難處

艮日坎月震爲步趨爲周艮爲女舍

坎險震出故无難處

隨

天孫帝子與日月處光榮於世福祿祉社

詳解之臨祉社依宋元本汲古作祉

祉

蠱

晨風文翰大舉就溫昧過我邑昇无所得

詳小畜之革文翰鳥名見周書

臨

旦生夕死名曰嬰鬼不可得祀

祀宋元本作視汲古作潛視依小畜之升校

觀

疾貧望幸使伯南販開牢擇羊多得大牂

詳訟之遯

嗑

長城驪山生民大殘涉叔發難唐叔爲患

長爲城爲山震爲長爲馬故曰長城

驪山坎爲民爲殘破故曰生民大殘艮爲叔涉陳勝字叔吳廣字坎爲患言秦役民築長城驪山民不堪命陳吳因以爲亂而唐叔興起也漢爲唐堯後劉向高祖頌云漢帝本系出自唐帝又隨之剝云唐季發憤禽滅子嬰皆指漢高牟庭謂唐爲廣是不知涉叔爲二人並不知唐季即劉季故謬誤若斯也。涉叔汲古作涉并依宋元本牟庭云唐叔應作廣叔非

賁

娶於姜呂駕迎新婦少齊在門夫子歡喜

詳否之渙

剝

隨時草木灌枝葉起扶疏條桃長大盛美華沃鑠舒

艮爲時爲木坤

爲草。草木宋元本作春草依汲古灌枝宋元本作舊枝汲古作灌時今枝依宋元本灌依汲古第五句亦有訛字

復

姬姜既歡二姓爲婚霜降合好西施在前

震爲姬伏巽爲姜坤爲姓數二故曰

无妄

二姓爲婚坤爲霜荀子霜降婚嫁冰泮殺止西施吳王妃陽
息至二成兌爲西故曰在前。既汲古作悅依宋元本

戴笠獨宿晝不見日勤苦无代長勞悲思

艮爲戴爲笠異伏故曰宿巽寡故獨

宿乾爲晝爲日巽伏故不見日伏坤爲勞爲悲思。苦代汲
古作勞妄依宋元本

大畜

始加元服二十繫室新婚既樂伯季有得

古者年二十行冠禮艮爲冠故曰元

服乾爲始故曰始加兌數二又數十艮爲室伏巽爲繩故曰
二十繫室易繫釋文云繫系也續也二十繫室者言繼續將
有室家也故下曰新婚或曰古男子三十而娶然證以孔子
伯魚之年亦不拘也震爲嫁故曰婚爲樂爲伯艮爲季。得
汲古作德依宋元本

頤

二至靈臺文所止游雲物備具長樂无憂

震爲冬至震之反則夏至矣故曰二

至靈臺艮爲臺坤爲文艮止震游故曰文所止游坤爲雲爲
物爲憂震樂故不憂左傳至日登臺望雲物。具宋元本作
故依汲古文謂文王詩大雅經始靈臺經之營之又曰王在
靈囿

大過

久陰霖雨塗行泥潦商人休止市空无寶

伏坤爲陰爲水互大坎故曰霖雨伏

震爲大塗坤爲泥潦震爲商人艮止故休巽爲市坤虛故日市空震爲玉爲寶震伏故曰无寶。休止宋元本作休山依汲古寶各本皆作有依革之睽校

坎

城壞壓境數爲齊病侵伐不休君臣擾亂上下屈竭士民乏

財

互艮爲城坎破故曰城壞艮爲境伏巽爲齊坎爲病上下坎故曰數爲齊病震爲侵伐正反震故曰不休震君艮臣

正反艮震故曰擾亂日上下屈竭巽爲利巽伏故乏財震爲士也林意似指吳伐齊事。乏宋元本作无依汲古

离

南國盛茂黍稷醴酒可以饗養樂我嘉友

通坎艮爲國西南故曰南國震爲盛

茂爲黍稷坎爲酒兌口故曰饗養艮爲友震爲樂。友依宋元本汲古作祐

咸

憂在心腹內崩爲疾禍起蕭牆意如制國

通損坤爲憂爲心腹爲內爲疾兌爲

毀與坤連體故曰憂在心腹內崩爲疾坤爲禍爲牆震爲草莽故曰蕭牆坤爲心意爲國意如魯三家季平子名也論語吾恐季氏之憂不在顓臾而在蕭牆之內也制國言專政

恆

朽根別樹華葉落去卒逢大焱隨風僵仆

巽木下斷故曰朽根故曰別樹兌華

震葉巽隕故曰落去初至四正反巽故曰焱焱回風也巽隕落故僵仆。大焱宋元本作火焱非依汲古

遜

樹表爲壇相與期言午中不會寵榮棄廢

史記田穰苴傳苴與莊賈期旦日日

中會先期至軍立表下漏以待莊賈日午不至殺之艮爲壇爲時爲言故日期言艮爲日納丙故日日午乾爲寵榮陰消陽故曰寵榮廢棄。榮宋元本作名依汲古期汲古作笑非依宋元本

壯大

四足俱走奴疲在後兩戰不勝敗於東楚

震卦數四故曰四足艮爲奴僕艮伏

故曰在後震爲戰兌卦數二故曰兩戰震爲東爲楚兌毀故敗。兩宋元本作德非依汲古

晉

執轡西朝回還故處麥秀傷心叔父有憂

通需兌爲西艮手爲執爲拘轡所以

拘拂馬疑艮象也坤爲麥爲心艮爲叔乾爲父坤憂言箕子朝周遇殷墟作麥秀之歌箕子爲紂叔父。西汲古作在依宋元本有宋本汲古作无依元本

夷明

夜長日短陰爲陽賊萬物空枯藏於北陸

震爲長坤坎皆爲夜故曰夜長离日

居坎故日短陽皆在陰下坎爲盜故曰陰爲陽賊言陰賊陽也坤爲萬物爲空虛离爲枯坤藏坎北故曰藏於北陸。首

句作長夜短日依汲古

家

鳩鳩七子均而不殆長大成就棄而合好

商爲鳩伏震爲子數七故曰七子異

爲長大坎爲合○鳩各本訛鳴非殆音以與子韻鳩鳩曹風篇名鳩鳩在桑其子七兮淑人君子其儀一兮

睽

三羊上山馳至太原黃龍負舟遂到夷陽究其玉囊

兌爲羊商卦數

三故曰三羊伏艮爲山餘象未詳○遂汲古作逐

蹇

首足易處頭尾顛倒公爲雌嫗亂其蠶織

此用夬象乾爲首在下伏震爲足覆

在上故曰首足易處乾爲頭在下伏艮爲尾在上故曰首尾顛倒乾爲公上兌故曰雌嫗巽爲蠶爲織巽覆故曰亂其蠶織

解

登高望家役事未休王事靡盬不得逍遙

詳鼎之困

損

畏昏不行候旦待明燎獵受福老賴其慶

兌爲昧坤爲畏爲昏震爲行坤爲閉

故曰畏昏不行艮爲明震爲旦艮止故曰候旦待明震爲獵艮爲火故曰燎獵坤爲老震爲福慶太公年八十遇文王田

獵後封於齊故曰老賴其慶

益

孤獨特處莫依爲輔心勞志苦

詳益之艮

姤

山石朽破消崩墮墜上下离心君受其祟

乾爲山爲石下斷故朽破墜墮乾爲

上異爲下坤爲心坤伏故离心乾爲君陰消陽故君受其祟○墮墜汲古作墜墮不協依宋元本崇墜皆去聲

萃

文母聖子无疆壽考爲天下主

坤爲文爲母伏乾爲聖震爲子故曰文母聖子艮爲壽坤

爲天下伏震爲主○宋元本多人受其福四字依汲古

升

倬僂無儀前後相違言如驚咳語不可知

坤爲儀兌剛虛故爲倬僂倬僂倬僂強

貌兌見巽伏故曰前後相違震爲言爲咳伏艮爲驚初至四正反兌故語不可知詩無非無儀惟酒食是議

困

五龍俱起強者敗走露我苗稼年歲大有

巽卦數五伏震爲龍故曰五龍兌爲

剛強兌毀故曰敗走巽爲苗稼兌爲雨澤故曰露我苗稼伏震爲年歲○敗宋元本作敢依汲古

井

康除善疑難爲攻醫驥疲鹽車因於銜筆

詳艮之夬伏艮爲遠除坎爲疑震爲

驥爲車兌爲齒故曰鹽車坎勞故疲困兌爲衡震爲筆○虞
宋元本作虎汲古作雷依艮之夬校改宋本汲古作功元本
作政政者改形之說功者改音之說亦依艮之夬校改治也
難汲古作雖依宋元本

革

江南多蝮螫我手足冤煩詰屈痛徹心腹

通蒙坎爲江爲螫爲蝮震爲南爲足

艮爲手坎爲冤煩爲詰屈爲痛爲心坤爲腹○我宋元本作於

鼎

心无所據射鹿不得多言少實語无成事

通屯坎爲心震爲射爲鹿正反震故

曰多言坤虛故少實○所汲古作可依宋元本无成宋元本作成无依汲古

震

君明臣賢鳴求其友顯德之士可以履土

震爲君互艮爲臣爲明爲友爲求震

爲鳴爲德艮爲顯故曰顯德震爲士爲履坎爲土○土宋元作事依汲古

艮

安上宜官一日九遷踰羣越等牧養常山

詳履之節上汲古作士羣越作越羣

均依宋元本養宋元作在依汲古

漸

峻詞解謝除去垢汙驚之成患嬰去酷殘

艮山故曰峻峻詞猶嚴詞也坎爲垢

歸妹

汗伏震爲驚坎爲患○峻汲古作汗汗作活嬰作屢均依宋元本去醋宋元本作氏醇依汲古嬰蓋擾之段借字

翁狂姬盲相牽北行欲歸高邑迷惑不得震爲翁爲狂伏巽爲姬兌半商故曰

姬盲伏艮爲牽互坎故北行震爲行爲歸艮爲高邑坎疑故曰迷惑不得言不得高邑也

豐

醉卧道傍迷旦失明不全我生通渙巽進退不果故曰醉震爲道傍爲旦艮爲明坎隱故

曰失明坎破故曰不全我生震爲生○且汲古訛且全訛合均依宋元本

旅

北登鬼丘駕龍東游王叔御后文武何憂通節坎爲北爲鬼艮丘故曰北登鬼

丘震爲龍位東故曰駕龍東游震王艮爲叔故曰王叔王艮善御故不憂商爲文伏震爲武○叔汲古作母依宋元本

巽

恬淡无思游戲道門與神往來長樂以安巽爲伏故曰恬淡坎伏故无思伏震

爲游戲艮爲道爲門震爲神巽究成震故曰與神往來震爲樂○往來汲古作來往樂汲古作出均依宋元本

兌

以緝易絲抱布自媒棄禮急情卒罹憂悔詳蒙之困憂悔汲古作悔憂依宋元

本緝元本作緝依宋本汲古急情汲古作急情依宋元本

渙

被服衣冠游戲道門以禮相終身无災患

震爲衣艮爲冠爲道爲門爲終爲身

坎爲災患震解故无。衣宋元本作大災作殃音依汲古

節

大麓魚池陸爲海涯君子失行小人相攜

中爻艮爲山麓伏巽爲魚兌爲池故

曰大麓魚池兌爲海艮爲陸艮兌連體故曰陸爲海涯艮爲君子艮止故失行震爲人兌小故曰小人艮手爲攜正反艮故曰相攜。大汲古作天池作地依宋元本

孚中

淵泉溢出爲我邑崇道路不通孩子心憤

兌爲淵泉互震出艮故曰淵泉溢出艮

爲我爲邑兌毀故曰爲我邑崇震爲道路艮止故不通震爲孩子坎爲心卦中虛无心故曰孩子心憤集韻憤亂也孩子與箕子音同易林以震爲孩子是讀明夷六五箕子之明夷爲孩子之明夷也。我邑汲古作邑之依宋元本憤元本作貫依宋本汲古

過小

十里望烟散渙四方形體滅亡可入深淵終不見君

詳豫之觀方汲

古作分依宋元本

濟既

傳言相誤非干徑路鳴鼓逐狼不知迹處

詳乾之无妄干毛作好宋元作姤依

无妄校徑汲古訛經誤作談依宋元本

濟未

東失大珠西行棄襦時多不利使我後起

多用半象漢書終軍至闕棄襦於地

注襦開驗也按易說濟漢書皆作襦縹縹通用周禮羅氏及弓人前鄭注兩引易既作襦又作縹是通用也

姤之第四十四

姤 河伯大呼津不可渡往復爾故乃无大悔

詳屯之大有

乾 蒙被恩德長大成就柔順利貞君臣合好

此用姤象上乾爲恩德爲大下巽爲

柔姤彖傳天地相遇天地即君臣故曰君臣合好

坤 東山西山各自止安心雖相望竟不同堂

詳漸之屯第三句汲古本作雖欲登

望依宋元本竟宋元本作意依汲古

屯 屯 登上谷與虎相觴猶爲功曹班叔奔北脫之嘉國

詳解之

蒙

躓跌未起失利後市不得鹿子

坎蹇故跌巽爲利市巽伏故失利後市震爲鹿子坤喪故

不得宋元本无末句依汲古

需

結珠懷履卑斯似鬼爲君奴婢

通晉震爲珠履震覆故曰結珠懷履言不見也艮爲奴婢

爲斯役坤爲鬼○似汲古作以依汲古

訟

雞鳴失時民僑勞苦厖吠有威行者留止

通明夷巽爲雞爲鳴震爲時辰坎失

故失時坤爲民與震連故曰僑僑旅寓也震爲商旅坎爲勞震爲厖厖多毛犬也震多毛故爲厖震爲威坎陷故留止○三四汲古作大吠不休留止作稽留依宋元本此似說鄭風女曰雞鳴詩意故曰勞苦非齊雞鳴詩也召南无使龍也吠茲作厖說文厖多毛犬毛傳龍狗也是焦與毛義同而字微異

師

陳媯敬仲示兆興姜乃適營丘八世大昌

詳屯之噬嗑第二三句汲古作兆興

齊姜營丘立適依宋元本

比

鹿畏人匿俱入深谷短命不長爲虎所得死於牙腹

震爲鹿震覆坎

爲隱爲畏故曰鹿畏人匿艮爲谷初至五形長故曰深谷艮爲虎坤爲死故曰短命坤爲腹伏兌爲牙故曰死於牙腹

畜小

言无約結不成券契殷叔季姬公孫爭之強入委禽不悅於

心乃適子南

詳顧之革姬宋元本作女依依汲古事在昭元年

履

鼓瑟歌舞歡遺於酒龍喜張口大喜在後

通謙震爲鼓爲瑟爲歌舞爲歡喜坎

爲酒震爲龍爲口爲後○遺汲古作悅依宋元本

泰

凶憂災殃日益章明禍不可救三卻夷傷

詳需之復章明與殃傷韻汲古作明

章以期韻協豈知明殃古亦協故依宋元本

否

水流趨下遂至東海求我所有買鱣與鯉

詳益之无妄至以古作成非

同人

陰爲陽賊君不能克舉動失常利无所得

通師上下五陰坎爲盜故曰陰爲陽

賊震爲君陽寡故不能勝陰巽爲利坤虛故无得○克汲古訛充動作連均依宋元本

有大

離牀失案龜喪其願都市无會叔季懷恨

通比艮爲案爲牀爲龜坤喪故曰離

恨 日失日喪坎爲心故曰願坤爲都市艮爲叔季坎憂故曰懷

謙

壅遏隄防水不得行火盛陽光陰覓伏藏走歸其鄉

詳此之

汲古訛大依宋元本艮爲火也盛各本皆作慎音訛字依此之大畜校

豫

蹇屈復伸東乘浮雲貴寵毋前

坎蹇故曰蹇屈震爲伸爲東坤爲雲艮爲貴冊前者言莫

過也○東宋元本訛本依汲古又按三國志關張傳亮知羽護前護前猶好勝貴寵毋前者言既貴寵宜退讓也

隨

實沈參伐以義斷割次陸服刑成我霸功

艮爲星辰故曰實沈日參伐攷工記

熊旗六旂以象伐也注伐屬白虎宿與參連體而六星漢書天文志太白曰西方秋金義也以義斷割謂太白金兵殺也次陸服刑者謂鮑叔迎管仲至堂阜而脫其桎梏仲持斧紕纓請罪也○伐宋元本作罰依汲古局本作虛非刑依汲古謂管仲也宋元本作新非

蠱

金泉黃寶宜與我市娶嫁有息利得過母

艮爲金震爲寶爲玄黃兌爲泉故曰

金泉黃寶巽爲市震爲歸故曰娶嫁震爲子故曰息息生也巽爲母爲利言以寶泉權子母息過母也○得汲古作後休

宋元本

卷十一

三

臨

禹召諸神會稽南山執玉萬國天下康安

詳損之旅康安依損之旅校各本皆

作康甯

觀

三蟲作蠱踐迹无與勝母盜泉君子不處

左傳三蟲爲蠱巽爲蟲艮數三故曰

三蟲爲蠱蠱壞也震爲迹震覆故无迹巽爲母爲盜坤水故曰盜泉家語孔子忍渴於盜泉里名勝母曾子回車故曰不處艮爲君子

噬

華葉隕落公歸姬宅夷子失民潔己不食

伏兌爲華震爲葉巽爲隕落爲姬震

爲公爲歸艮爲宅故曰公歸姬宅坎爲平故曰夷坎爲民爲失巽爲白故曰潔言伯夷讓國不食周粟也○隕宋元作墮已作白均依汲古姬汲古作權依宋元本

賁

履機懼毀身王子廢終得所欲无有凶害

五震爲履坎爲機震在坎上故曰履

機而坎爲破爲懼故曰懼毀艮爲身震爲子上卦震覆故曰子廢艮爲終坎爲欲爲害

剝 道理和得仁不相賊君子攸往樂有利福

艮爲道樂汲古作我依宋元本

復 合匏同牢姬姜並居

震爲匏爲牢匏合盃牢史記平準書官與牢盆注樂彥云牢盆名昏禮同牢

而食震爲姬伏巽爲姜震巽皆在初故曰姬姜並居禮記昏義男迎婦以入共牢而食合盃而醕○汲古多壽考長久四字依宋元本

无妄

關雎淑女賢妃聖偶宜家壽母福祿長久

艮爲鳥故曰關雎乾爲善巽女故曰

淑女曰賢妃曰聖偶乾爲聖也艮爲家爲壽巽爲母故曰壽母乾爲福祿爲久此說關雎詩意與毛同

大畜

騅驥脫乳不知子處旋踵悲鳴痛傷我心

乾爲馬艮爲乳在外故曰騅驥脫乳

震爲子三上正反震故不知震爲踵正反震故曰旋踵震爲鳴伏坤故曰悲曰心痛○騅宋元本作驥脫作晚踵作動均依汲古

頤

知嚴絕理陰孽謀主十日不食困於申亥

坤爲陰數十上艮爲日故曰十日震

爲食坤閉故不食坤居申艮居亥艮爲拘故困於申亥○知嚴宋元作智岩依汲古主宋本作生依元本汲古左傳昭十

三年楚靈王縊於芋尹申亥氏申亥以其女殉而葬之

大過

監諸攻玉无不穿鑿龍體具舉魯班爲輔麟鳳成形德象君

子

通頤丁云淮南子玉待礪諸而成器注礪諸攻玉之石艮爲石震爲玉艮手故曰攻玉曰穿鑿震爲龍震反在上故

日具舉兌爲魯巽爲工故曰魯班魯班卽公輸般巧匠也坤文爲麟鳳爲形艮爲君子君子之德溫如玉故玉象君子○諸本皆无二三句君子下多三仁翼事所求必喜八字與上文不類茲依艮之明夷校

坎

昧暮乘車以至伯家踰梁渡河濟脫无他

坎爲昧暮互震爲車爲伯艮爲家爲

梁坎爲河

商

吾有黍稷委積外場有角服箱運致我藏富於嘉糧

互巽爲黍稷伏

艮爲場爲角角謂牛言有牛服箱而運也伏震爲車箱爲富爲糧巽伏故曰藏○稷宋元本作粟角詠用嘉詠喜均依汲古

咸

喜笑且語不能掩口官爵並至慶賀盈戶

兌悅故喜笑兌口故語艮爲官爵乾

爲戶爲盈。○戶汲古作門。依宋元本。兌口在上。故不掩。

恆

霧露霜雪日暗不明陰孽爲疾年穀大傷

伏坤爲霧爲雪霜兌爲雨露乾爲日

兌爲昧故日日暗不明伏坤爲陰爲疾震爲年穀兌折故傷

○爲宋元本作生依汲古

遯

伯去我東髮如飛蓬寤寐長歎展轉空牀內懷悵恨摧我肝

腸

通臨見前第二句宋元作髮擾如蓬依汲古摧我汲古作心摧依宋元本

壯大

亡羊補牢張氏失牛駢駟奔走鵠盜我魚

兌爲羊兌折故亡羊伏艮爲牢牢說

文牛閑也艮手故曰補震爲張艮爲牛艮伏故張氏失牛震爲馬爲走爲鵠伏巽爲盜爲魚○宋元本補牢下作毋損於憂祇二句今依汲古

晉

販鼠賣鼯利少无謀難以得家

此用遇卦姤象下巽爲利市故曰販賣巽爲伏故亦爲鼠

爲蟲故爲鼯二者皆小物故曰利少丁云販鼠賣朴者戰國策周人謂玉未理者爲璞鄭人謂鼠未臘者爲朴鄭人懷朴至周曰欲賣璞乎出之乃鼠按宋本作賣朴元本作賣卜汲古作賣鼯鼯古文蛙字顧千里等皆主張作朴然以韻言鼯

與家叶賣鼃又與上販鼠等事類以象言妬下異異伏亦可
爲鼠異爲蟲故爲鼃蛙善鳴異同聲相應尤切疑汲古作賣
鼃是故從之

明夷

西戎爲疾幽君去室陳子發難項伯成就

坎爲西坤爲戎爲疾故曰西戎爲疾

坎爲幽震爲君坎爲室言幽王因犬戎失國也震爲陳爲子
陳涉首起反秦震爲伯坎爲項言陳涉首發難項氏因以興
又鴻門會項伯護高祖亦通

家人

秋風生哀華落心悲公室多難羊舌氏衰

異爲風坎西故曰秋風坎憂故曰哀

震爲華震伏不見異隕落故曰華落坎爲室爲難伏震爲公
故曰公室兌爲羊爲舌兌覆故曰衰○心宋元本作生依汲
古公室指晉羊舌氏晉大夫至昭二十八年叔向子楊食我
爲六卿所滅

睽

持福厭患去除大殘日長夜盡喜世蒙恩

重商故曰日長大宋元本作天非依

汲古喜汲古作嘉依宋元本

蹇

新受大喜福履重來樂且日富足用豐財

此用遇卦姤象姤通復震爲喜爲福

履坤爲重故曰重來震爲樂坤爲多爲財故曰豐財○履宋元本作復足用作是惟皆非依汲古

解

前頓却躓左跌右逆登高安梯復反來歸

重坎故曰頓日跌震左坎西爲

右震爲登爲高卦似梯形震爲歸却退後也言前後左右皆不可祇有梯高而反耳

損

夢飯不飽酒未入口嬰女雖好媒雁不許

震爲粟米故曰飯坤迷故曰夢夢飯

虛也坤爲虛故不飽兌爲口坤爲水亦爲酒坤閉故不入口兌少爲嬰女兌爲媚故女好震爲嫁上卦震覆不能嫁故媒雁不許兌爲口舌爲巫媒亦以口舌爲用者也故兌亦爲媒禮昏義婿親迎奠雁於廟不成昏卽不奠雁故曰媒雁不許○雁依宋元本汲古作應非艮爲雁漸卦以艮爲鴻鴻雁一也

益

大都王市稠人多寶公孫宜賈資貨萬倍

坤爲大都震爲王巽爲市震爲人爲

實坤多故曰稠人多寶艮爲孫震爲公爲商賈坤爲資財巽爲倍坤多故曰萬倍○賈汲古作賈貨作禍依宋元本

夬

兩人俱醉相與背戾心乖不同訟爭匈匈

乾爲人兌卦數二故曰兩人巽爲心

上卦巽覆故曰心乖乾爲言兌言與乾言相背故曰訟爭易夬九四聞言不信林所本也

萃

身无頭足超蹠空乖不能遠之中道廢休失利後時

坤爲身艮亦爲

頭艮伏兌見上缺故曰无頭震爲足震伏故无足无足則不能超越坤爲乖爲虛故曰超蹠空乖艮爲道艮止故休之往也言不能遠之中道而廢也異爲利艮爲時兌折故失利後時○廢汲古作疲時作市均依宋元本

升

三人俱行六目光明道逢淑女與我驥子

震數三故曰三人行三人則六目伏

艮爲目爲明震爲善兌女故曰淑女震爲大塗故曰道震爲馬爲子故曰驥子○目汲古作日依宋元本

困

進仕爲官不若復田獲壽保年

通賁艮爲仕爲官震爲復艮爲田艮止故復田艮爲壽震

爲年○仕汲古作士非依汲古復反也言仕宦在外不如歸耕樂

井

先易後否失我所市騷蘇自苦思吾故事

下巽爲利故曰先易上坎爲陷故曰

後否巽爲市坎失故曰失市坎爲勞故曰苦坎爲憂故曰思坤爲事坤變坎故曰思吾故事易曰震蘇蘇驚懼不安之貌騷蘇自苦言騷擾勞苦也皆坎象○事宋元本作士非依汲古

革

蘇秦發言韓魏无患張子馳說燕齊以安

巽爲薪爲蘇兌西爲秦爲言故曰蘇

秦發言伏坤爲國故曰韓魏伏震爲張爲子爲言故曰張子
馳說上兌爲燕巽爲齊張子張儀也張儀連橫蘇秦合從游
說六國

鼎

武庫軍府甲兵所聚非里邑居不可舍止

詳師之蹇此以伏震爲武坤爲軍府

艮爲甲兵

震

二桃三口莫適所與爲孺子牛田氏生咎

晏子春秋田開疆公孫接古治子勇

而无禮晏子饋之二桃使計功而食三人二桃田開疆公孫接各言功持桃古治後言二人慚自殺古治亦自殺所謂二桃殺三士也艮爲桃伏兌卦數二故曰二桃震爲口數三故曰三口震爲孺子艮爲牛按左傳爾忘君之爲孺子牛乎注孺子茶也景公常銜繩爲牛茶牽之而折其齒後田恆殺茶故曰生咎艮爲田也○二桃宋元本作一身汲古作三桃丁晏云唐韻正口字注引作二桃依丁校生宋元本作主依汲古

艮

西山東山各自止安心雖相望竟不同堂

詳姤之坤第三句汲古作雖相登望

依宋元本第四句宋元本作竟未上堂依汲古艮山震東坎西故曰東山西山又震爲東震反爲艮則西也艮止故安坎

爲心艮爲望三上正反艮故曰相望艮爲堂

漸

不改柯葉和氣沖適君子所在安无怵惕

坎爲和艮爲君子
○沖宋元本作中

依汲古此似用歸妹象震爲柯葉兌爲沖和

歸妹

將戌繫亥陽藏不起君子散亂太山危殆

兌居酉下戌故曰
將戌坎居子上亥

故曰繫亥言戌在兌下若爲酉所將坎在亥下若繫於亥也
陽皆居陰下故曰藏艮爲君子爲山上卦艮覆故曰散亂曰
危殆○山汲古作上依宋元本亥叶音喜殆音以皆古韻

豐

天官列宿五神舍室宮闕完堅君安其居

伏艮爲天爲官爲
星宿震爲神巽卦

數五故曰五神伏艮爲宮室爲完堅震爲君五神五星也

旅

左手把水右手把火如光與鬼不可得從

通節震爲左艮手
坎水故曰左手把

水兌爲右艮火故曰右手把火艮爲光坎爲鬼光鬼皆虛物
故不可從震爲從○從汲古作徙依宋元本

巽

逐狐東山水遏我前深不可涉失利後便

詳大畜之震

兌

水濱魚室來灌吾邑衝沒我家與狗俱游

異爲魚伏坎爲水爲室伏艮爲邑爲

狗家與狗皆在水上故曰俱游○沒汲古作破依宋元本

渙

山險難登澗中多石車馳轉擊重載傷軸擔負善躓趺蹇右

足

詳乾之謙

節

槽空无實豚彘不食庶民屈竭離其居室

艮爲槽震虛故不實異爲豕艮止故

豚彘不食坎眾故曰庶民坎爲屈爲室○槽宋元本作糟依汲古

中孚

執熱爛手火爲災咎公孫无賴敗我王室

艮爲執艮火故曰熱異爲爛故曰執

熱爛手詩大雅誰能執熱誓不以濯震爲公艮爲孫爲室震爲王兌毀故敗王室○火汲古訛大依宋元本王室宋元訛王寶依汲古

小過

三虎上山更相噬嚙心志不親如仇與怨

艮爲虎數三故曰三虎上山兌口故

噬嚙正覆兌相對故曰更相噬嚙異爲心志正反異故不親而如仇怨也○與汲古作如依宋元本

濟既

西家嫁子借鄰送女嘉我淑姬賓主俱喜

坎爲西餘多用牛象震爲嫁爲主嫁

子汲古作嫁女依宋元本

濟未

克身潔已逢禹巡狩錫我玄龜拜受福祉

用半象詳屯之大畜克元本作尅依

朱本汲古

焦氏易林注卷十二

行唐尙秉和節之注

受業

蒲城作道益

校刊

豐潤董維堃

萃之第四十五

萃

蒙慶受福有所獲得不利出域病人困棘

伏震爲福慶艮止故有獲故不利出

域艮爲域互大坎爲病爲棘○城汲古作城病棘作疾極依宋元本

乾

碩鼠四足飛不上屋顏氏淑德未有爵祿

說文鼯鼠五技能飛不能上屋此用

萃象艮爲鼠伏震爲足卦數四故曰四足艮爲飛爲屋爲顏爲爵○淑汲古作黜依宋元本

坤

新受大喜福履重職樂且日富

兌爲悅正反兌故喜樂坤爲重坤多故曰富仍用萃象

屯

克身潔己逢禹巡狩錫我玄龜拜受福祉

坤爲身坎水故曰潔震爲王故曰禹

艮爲龜震爲玄故曰玄龜書洪範天乃錫禹洪範九疇注天與禹浴出書神龜負文而出列於背有數至九禹因而第之以成九疇故曰錫我玄龜拜受福祉艮爲拜震爲祉○克宋元本作尅潔作整依汲古

蒙

置筐失筮輪破无輔家伯爲政病我下土

震爲筐筮坎爲失爲輪爲破爲家震

爲伯詩小雅十月篇家伯冢宰助幽王爲虐者也坎爲病坤爲下土小雅無棄爾輔注輔以佐車

需

機言不發頑不能達齊魯爲仇亡我葵丘

此用萃象兌爲言三至上正反兌故

日機言坤閉故不發艮止故頑不能達異齊兌魯相背故曰爲仇艮爲丘兌爲華故曰葵丘

訟

亡錐失斧公輸无輔抱其犇器適君子處

坎爲錐坎失故曰亡錐兌爲斧兌覆

故曰失斧巽爲工故曰公輸兌爲輔兌折故无輔伏震爲犇器萃艮爲抱爲君子言微子抱犇器適周也兼用萃象

師

家在海隅橈短深流伯氏難行无木以趨

詳蠱之蒙

比

德施流行利之四鄉雨師酒道風伯逐殃巡狩封禪以告成

功詳益之復

畜小

筐傾筐覆喪我公粒簡伯无禮太師正食

通豫震爲筐筐二至四震覆故曰傾

覆震爲公爲粒爲竹簡爲伯故實未詳○粒汲古作置依宋元本

履

泥滓汗辱棄捐溝瀆爲眾所笑終不顯錄

通謙坤水坎水故曰泥滓汗辱坤死

故曰棄捐互坎故曰溝瀆坎眾震笑艮爲顯在下故不顯

泰

獼猴兔足腥臊少肉漏卮盛酒利无所有

震爲獼猴爲兔爲足伏巽爲腥臊兌

爲骸骨故少肉震爲卮伏巽下斷故曰漏卮兌爲酒與震連故曰漏卮盛酒巽爲利巽伏故无利○有宋元本作得非依汲古

否

鹿畏人藏俱入深谷命短不長爲虎所得死於牙腹

詳妬之比

同人

南山芝蘭君子所有東家淑女生我玉寶

乾爲山位南故曰南山巽爲芝蘭乾

爲君子南爲東家巽爲女乾善故曰東家淑女乾爲玉爲寶○芝蘭宋元本作蘭芝依汲古

大有

左指右揮邪佞侈靡執節无良靈君以亡

通比离東故曰左坎西故曰右艮爲

謙

指揮乾言兌亦爲言而與乾背故曰邪佞商爲文故曰侈靡
艮爲執爲節乾爲君坤死故曰靈君以亡似指楚靈王
鬱映不明爲陰所傷眾霧羣聚共奪日光
艮爲明坎隱故鬱映不明映日食色也坤陰在上故曰爲陰所傷坤爲眾爲霧故曰眾霧羣聚艮爲日坎黑地黑故曰光被奪也○鬱映汲古作爵秩陰作臣霧作陰依噬嗑之艮校

豫

穿鼻繫株爲虎所拘王母祝禱禍不成災突然脫來
互艮爲穿故曰穿鼻伏巽爲繫爲木故曰繫株艮爲虎艮止故爲虎所拘坤爲母震爲王爲言故曰王母祝禱坎爲禍災震出在外故脫去禍災也○禱元本作禍依宋本汲古

隨

貧鬼守門日破我盆毀罍傷缸空虛无子

詳臨之兌

蠱

襄王叔帶鄭人是賴莊公卿士王母憂苦

互震爲王艮爲叔異爲帶震爲莊爲

公巽爲母互大坎爲鄭爲憂苦按左傳僖二十四年大叔帶以狄師伐周襄王奔鄭大叔居溫鄭伯與鄭大夫每日省視官具于汜而後聽私政叔帶亦依附鄭人故曰襄王叔帶鄭人是賴王母似指隗氏○叔元本訛束依宋本汲古苦汲古

作喜依宋元本王宋元本作皇依汲古

臨

昭君死國諸夏蒙德異類既同宗我王室

震爲君坤爲文故曰昭君坤爲死爲

國昭君死國言昭王南征不返也坤爲眾故曰諸夏震爲德也坤爲類伏艮爲室震爲宗爲王○死汲古作守依宋元本宗汲古作崇依宋元本

觀

冬藪枯腐常風於道蒙被塵埃左右勞苦

坤爲冬爲藪爾雅釋地藪大澤也藪

至冬日蘆葦皆枯死故曰冬藪枯腐異爲枯腐爲風艮爲道路常風於道言枯腐之物常爲風吹至道也坤爲塵埃伏震爲左兌爲右○枯汲古作朽依宋元本常汲古作當依宋元本

噬嗑

六爻既立神明喜告文定吉祥康叔受福

坎數六爻交也坎乾交坤故曰六爻

既立左傳六體不易亦以六爲坎震爲神爲喜告離爲明爲文詩文定厥祥震爲康艮爲叔○喜汲古作所依宋元本

賁

泣涕長訣我心不悅遠送衛野歸甯无咎

坎爲泣涕爲心爲憂故不悅震爲衛

艮爲野爲甯震爲歸詩衛風遠送於野泣涕如雨莊姜送戴嬀歸國之詩○悅宋元本作快咎作子均依汲古

剝

三宿无主南行勞苦東里失利喪其珍寶

坤爲宿正互三坤故曰三宿震爲主

震覆故无主坤爲勞苦乾爲行位南故曰南行乾爲金玉故曰珍寶乾伏故喪其珍寶坤爲里東象或取納乙

復

大斧破木讒佞破國東關梁五禍及三子晉人亂危懷公出

走

詳頤之臨兌爲斧兌形長故曰大斧梁五宋本作東間良王汲古作良工依元本危汲古訛邑依宋元本

无妄

乘風上天爲時服軒周旋萬里无有患難

異爲風乾爲天艮爲時震爲軒爲周

旋乾爲萬里

大畜

大樹百根北與山連文君作人受福萬年

震爲木乾大故曰大樹乾爲百艮山

伏坤爲北故曰北與山連坤爲文乾君故曰文君震爲人爲福乾爲萬年言文王作人也○北汲古作比人作義均依宋元

頤

陽伏在下陰制祐福生不逢時潛龍隱處

陽在初故曰伏在下坤爲陰震爲福

祐爲生艮爲時坤閉故不逢時震爲龍乾初九日潛龍勿用故曰隱處

過大

亂頭多憂搔虱生愁膳夫仲允使我無聊

乾爲頭伏坤爲亂爲憂巽爲虱伏艮

爲搔伏震爲夫爲解故曰膳夫互大坎爲仲乾爲信故曰仲允伏坤爲我詩小雅十月篇仲允膳夫注皆用后嬖進助幽王亂國者○搔丁云宜依御覽作蚤接蚤不生頭上不可從聊元本作憂以與愁韻豈知聊愁古同韻易林每如此故依宋本汲古

坎

江河淮海天之都市商人受福國家富有

詳謙之小畜

離

泰山幽谷鳳凰游宿禮義有序可以求福

通坎互艮爲山震東故曰泰山艮爲

谷與坎連故曰幽谷離爲文爲鳳凰坎爲宿離爲夏爲禮兌爲秋爲義艮求震福

咸

山水暴怒壞梁折柱稽難行旅留連愁苦

詳咸之豫山水汲古作水山依宋元

本

恆

阿衡服箱大一載行巡時厯舍所之吉昌

詳恆之復

遯

三宿无主南行勞苦東里失利喪其珍寶

詳本林剝

壯大

生无父母出門不喜買菽失粟亡我大利

震爲生乾數无坤伏兌折故生无父

母乾爲門戶震出震喜父母毀折故不喜震爲菽豆異爲粟爲利異伏故失粟故无利○菽汲古元本作椒依宋本利宋元本作秉依汲古

晉

安坐玉堂聽樂行觴飲福萬歲曰壽无疆

詳鼎之升歲汲古作鍾壽作受依宋

元本

夷明

登危入厄四時變易春霜夏雪物皆凋落

震爲登伏巽爲入坎危坤厄震爲春

商爲夏坎爲冬坤爲秋故曰四時變易震又爲時卦數四也坤爲霜與震連故曰春霜坎爲雪與商連故曰夏雪坤爲死故物皆凋落○夏宋元本作變非依汲古

人家

衣穴履穿无以禦寒細小貧窶不能自存

震爲衣履震伏巽下斷故曰穴日穿

坎爲寒离虛故曰貧窶○穴汲古作空依宋元本

睽

目不可合憂來搔足怵惕恐懼去其邦域

睽說文兩目不相聽也不相聽故目

不可合坎爲憂爲恐懼艮爲邦域艮伏故去其邦域

蹇

齋貝贖狸不聽我詞繫於虎須牽不得來

艮爲貝爲狸爲虎爲須爲牽商爲有

言故不聽我詞坎陷艮止故牽不得來

解

伯夷叔齊貞廉之師以德防患憂禍不存聲芳後時

詳泰之乾

損

張王子季爭財相制商君頑嚚不知所由

震爲張爲王艮爲季坤爲財正反艮

故曰爭財相制震爲君爲商旅故曰商君兌魯故曰頑嚚正反震故不知所由○由嚚爲韻宋元本作申依汲古

益

長城既立四夷賓服交和結好昭君是福

艮爲城巽爲長故曰長城坤爲夷震

卦數四故曰四夷震爲賓客故曰賓服震喜正反震故曰交和結好震爲君坤爲文艮爲明故曰昭君顧甯人謂昭君爲王嬌豈知萃之臨曰昭君守國鼎之噬嗑曰昭君喪居皆因卦有坤商之象固非指王嬌也

夬

千歡萬悅舉事爲決獲受嘉慶動作有得

兌爲歡悅爲決乾爲千萬

姤

種一得十日益有息仁政獲民四國睦親

姤伏復一陽下生坤數十故曰種一

得十復陽日息震爲仁坤爲政爲國爲民震卦數四故曰四國復出入无疾故睦親○睦親汲古作親睦依宋元本

升

安子富有東國不殃齊鄭和親顯比以喜

坤爲安爲富有震爲子故曰安子富

有坤爲國爲殃震爲東震解故曰東國不殃異爲齊坤爲鄭說文鄭地町町然平也故坤形象之兌悅故和親坤爲比震爲喜○以宋元本作不依汲古安子事未詳

困

九里十山道仰峻難牛馬不前復反來還

通賁震數九兌數十艮爲里爲山故

曰九里十山艮爲道艮高故曰峻難離爲牛震爲馬艮止故不前震反故曰還

井

鳩杖扶老衣食百口曾孫壽考凶惡不起

風俗通高祖戰敗匿叢薄問鳩鳴其

上因得脫後作鳩杖以賜老者南爲鳩異爲杖伏艮爲扶爲壽故曰扶老兌爲食爲口上下卦正反皆有口形故曰百口又伏震爲百也艮爲曾孫爲壽考○曾孫宋元本作增添依汲古

革

霧露雪霜日暗不明陰孽爲疾年穀大傷

詳妬之恆

鼎

迷行數卻不知東西陰強暴逆道里不通

通屯坤爲迷爲退故數卻故不知東

西震爲東兌爲西也坤爲陰爲逆震爲大塗坎陷故不通○
里宋元汲古皆作理依局本

震

登高上山見王自言信理我寃得職蒙恩

震爲登艮爲山故曰登高上山震爲

伸爲王爲言坎爲寃震解故曰伸理我寃艮爲官職

艮

三世爲德天祚以國封建少昊魯侯之福

艮爲世納丙故曰三世艮爲天爲國

互震爲德艮爲封建震爲帝故曰少昊伏兌爲魯震爲諸侯爲福魯國爲少昊之墟言周公佐文王武王成王有功於三世故得建國於少昊之墟也

漸

喬木无息漢女難得橘柚請佩反手難悔

詩周南南有喬木不可休息漢有遊

女不可求思列仙傳江沅二女鄭交甫悅之下請其橘柚之佩遂解佩與交甫交甫受而懷之去數十步佩亡二女亦不見黃丕烈云韓詩內傳亦載此事所謂聘之以橘柚也然則此事相傳甚古詩詞是否指此誠不敢定然焦韓二家則皆與列仙傳同也巽爲木爲高故曰喬木震爲息震伏故曰无息坎水巽女故曰漢女艮爲橘柚爲手爲佩伏震爲反艮故曰反手難悔言一釋手卽无也○喬元本作橘依宋本汲古橘柚汲古訛禱神難悔作離汝均依宋元本

歸妹

東鄰西家來卽我謀中告吉誠使君安甯

南爲東鄰坎爲西鄰爲謀爲中爲誠

震爲告爲君伏艮爲安甯

豐

褰衣出戶心欲北走王孫母驚使我長生

通渙艮爲蹇爲戶震爲衣爲出走故

曰褰衣出戶坎爲心爲北故曰心欲北走震爲王艮爲孫爲我震爲生爲驚異長故曰長生○北汲古作奔依宋元本

旅

三日不飲遠水无酒晝夜焦喉使我爲咎

商曰艮數三故曰三日兌口爲飲艮

止故曰不飲坎爲水爲酒坎伏在山上故曰遠水无酒商爲晝坎爲夜兌爲喉上商火下艮火故焦喉○使我宋元本作傷鬼依汲古

巽

眾口銷金愆言不驗腐臭敗兔入市不售

初四正反兌故曰眾口乾爲金一陰

下生銷陽故曰銷金正反兌故曰愆言愆者差也爽也巽爲臭腐伏震爲兔巽爛故曰敗兔巽爲入爲市

兌

姬冠應門與伯爭言東家失狗意我不存爭亂忘因絕其所

歡伏艮互震爲姬爲伯艮爲門三至上正反震故曰應門曰爭言震爲東艮爲狗艮伏故曰失狗坎爲意艮爲我意我

不存者意我有无也不謂无存謂有○我汲古作在忘因作无怠其作吾均依宋元本姬疑爲雞之音訛字異爲雞易林亦以兌爲雞史記孔子弟子列傳子路好勇冠雞冠惟汲古作姬似又與伯對文茲姑從宋元本

渙

祚加明德興我周國公劉文母福流子孫

艮爲明震爲周爲德爲公伏商爲文

巽爲母公劉周祖文母大任也詩思齊太任文王之母震爲福爲子艮爲孫○興汲古作與依宋元本

節

針頭刺手百病瘳愈抑按捫灸死人復起

坎爲針爲刺艮爲手爲頭故曰針頭

刺手坎爲病震爲百震解故瘳愈艮爲按捫艮火故曰灸震爲人爲起坎爲死故曰死人復起

中孚

元龜象齒大賂爲寶稽疑當否衰微復起

艮爲龜爲象震長故曰元龜兌爲齒

震爲寶龜可卜故曰稽疑正反艮故曰當否巽隕落故曰衰微震爲起詩魯頌元龜象齒大賂南金

小過

故室舊廬消散无餘不如新創可以樂居

上二句說上卦震震爲覆艮爲室

爲廬艮覆故曰消散下二句說下艮手爲創爲居形儼然新屋震喜故曰樂居

既濟

老狐多態行爲蠱怪驚我王母終无咎悔

多用半象汲古本怪下多爲魅爲妖

四字依宋元本

卷十二

未濟

愛子多財起迹空虛避害如神水不能濡

多用半象

升之第四十六

升

禹鑿龍門通利水源東注滄海人民得安

詳乾之豫源宋元本作泉末句作民

得安全均依汲古

乾

白鹿鳴呦呼其老小喜彼茂草樂我君子

此用遇卦升象震爲白爲鹿爲鳴呼

坤老兌小震爲喜樂爲茂草伏艮爲君子○小汲古作少依宋元本

坤

百里南行雖微復明去虞適秦爲穆國卿

百里奚仕虞後適秦相秦穆公坤爲

百里遇卦升震爲南行爲驢虞兌爲秦坤爲國○復宋元本作得依汲古

屯

王孫宜家張名益有龍子善行西得大壽

震爲王艮爲孫爲家爲名震爲張故

日張名言張大其名也震爲龍子艮爲壽坎居西故曰西得大壽

蒙

畫龍頭頸文章不成甘言善語謫詞无名

詳家人之賁二三句宋元本作所求

不得失利後時今依汲古

需

商子无良相怨一方引鬪交爭咎以自當

商鞅變法人民怨恨鬪宋元本作剛

依汲古此用遇卦升象震爲商旅爲子坤惡故曰无良坤爲怨爲方兌爲剛魯故爭鬪正反兌故曰交爭咎以自當者言商鞅亡至客舍无驗舍人曰商君之法舍人无驗者坐之而自當其咎也

訟

衰老困極無齒不食痔病瘡瘵就長夜室

乾爲老坎爲困兌爲齒兌覆故曰无

齒故曰不食痔說文後病也二至五巽巽下腐有類於痔漏瘡創也瘵瘵病也坎爲勞爲夜爲室○瘡宋元本作瘡依汲古末句依坤之隨核各本皆作就陰爲室就長夜室言死也

師

鳶生會稽稍巨能飛翺翔桂林爲眾鳥雄

震爲鳶爲生坤聚故曰會稽震爲飛

爲桂林爲鳥坤爲眾故曰眾鳥○鳶汲古作鴛依宋元本

比

安平不傾載福長生君子以甯

坎爲平艮爲安爲君子

畜小

牛驥同槽郭氏以亡國破爲墟君奔走逃

詳小畜之晉

履

日中明德盛興兩國仁聖會遇君受其福臣多榮祿

離爲日
爲明伏

坤爲國坤數二故曰兩國乾爲仁聖爲君伏艮爲臣

泰

公劉之居太王所業可以長生拜受福爵

乾君故曰公劉曰
太王震爲長生伏

艮爲拜爲爵公劉周祖言公劉遷邠太王因以興起也

否

時凋歲霜君子疾病宋女无辜鄭受其殃

艮爲時巽隕落故
曰時凋坤爲歲爲

霜爲疾病艮爲君子爲宋與坤連體故曰宋女說文宋以木
架屋也故艮形象之坤爲鄭鄭地町町然平也坤形象之坤
爲殃故曰鄭受其殃按左傳桓十一年宋雍氏女於鄭莊公
曰姑生厲公雍氏宗有寵於宋莊公故誘祭仲而執之曰不
立矣將死亦執厲公而求賂自是鄭公子更相立亂屢起故
曰鄭受其殃然此自雍氏禍鄭宋女何辜哉○霜汲古作寂
依宋元本宋宋元本訛宗依汲古

人同

濟河踰阨脫母怵惕四叔爲衛使惠不廢

九家及荀爽皆以
乾爲河伏坎爲阨

有大

坤爲母坤伏故曰脫母乾爲惕故惕惕脫母字恐有訛○叔

汲古作序依宋元本四叔或指四皓輔惠帝事

缺破不完殘瘵側偏公孫幽遏跛倚後門兌爲缺破伏坎爲勞爲瘵爲幽遏爲

跛倚乾爲門事未詳○跛元本作跛依宋本汲古瘵汲古訛

際依宋元本

謙

延頸遠望眊爲目病不見叔姬使我心憂艮爲頸爲望伏乾故曰遠望艮爲目

坎棘入居目中故曰眊爲目病眊說文物入目中也正坎象也艮爲叔震爲姬坎隱故不見震爲伯坎爲心憂○眊宋本汲古作昧依元本

豫

上无飛鳥下无走獸擾亂未清民勞於事震爲鳥爲飛在上艮爲獸在下中互

坎隱故曰无震爲擾坤爲亂坎黑故曰未清坎爲勞坤爲民爲事

隨

久陰霖雨塗行泥潦商人休止市空无寶詳夫之大過○商汲古作民依宋元

本市元本訛布依宋本汲古寶各本作有依革之睽校

蠱

盲者目張跛倚起行瞻望日月與主相迎互大商故曰盲言目无睛也震爲足

兌折故足跛艮爲瞻望爲日兌爲月故曰瞻望日月震爲主
三至上正反震故日與主相迎。目張宋元本作張目主作
王均依汲古

臨 据斗運樞高步六虛權旣在手寰宇可驅國大无憂與樂並

居

通遯艮爲星爲手故曰据斗運樞巽爲高本卦震爲步坤
爲虛乾數六故曰六虛繫詞變動不居周流六虛虞翻云

六虛六位也巽爲權艮爲手坤爲寰宇爲國爲憂震解故无
憂。汲古樞下作順天无憂與樂並居萬代歡娛依宋元本

觀

稼穡不偏重適不傾巧言賊忠傷我申生

巽爲稼穡伏震爲
適子坤爲重坤厚

載物故不傾巽爲賊伏震爲言兌爲言乾亦爲言言多故曰
巧言賊忠震爲生兌毀故傷我申生。適宋元本作過非依
汲古申生晉太子爲驪姬讒死

噬嗑

金城鐵郭上下同力政平民親寇不敢賊

艮爲城郭爲金鐵
艮上震下坎爲平

故上下同力坎爲眾爲民又爲寇賊。親汲古作歡依宋元
本

賁

日鏡不明冬災大傷盜華失實十年消亡

商日爲鏡坎黑故
不明坎爲冬爲災

爲盜震爲華故曰盜華言不時也春秋十二月書桃李華是也
也艮爲果實坎失故曰失實震爲年伏兌數十故曰十年○
日宋元本作目依汲古

剝

鰥寡孤獨命祿苦薄入室无妻武子悲哀

艮爲鰥坤寡艮爲室兌爲艮妻兌伏故

日无妻震爲武爲子震覆故悲哀坤爲悲也武子崔杼杼娶棠姜占得困六三入其室不見其妻見左傳

復

飲酒醉酗跳起爭鬪伯傷叔僵東家治喪

詳益之蒙酬各本皆作飽非依益之

蒙核

无妄

介紹微子使君不殆二國合歡燕齊以安

震爲子艮小故曰微子正反震故曰

介紹禮聘儀介紹而傳命又戰國策請爲紹介注相佐助也震爲君艮爲國正反艮相對故曰合正反震相對故曰合歡艮爲燕爲安巽爲齊殆音以與子韻

大畜

羣牛繫尾詘折幾死彫世无仁不知所比

通羣艮爲牛艮手爲羣艮爲尾巽爲

繫前牽後繫故紬折幾死兌爲折坤爲死爲世爲敝故曰彫世論語歲寒然後知松柏之後彫彫殘也零落也○牛汲古

作頸依宋元本彫元本作雕依宋本汲古然恐仍訛

頤

東龍冤毒不知所觸南北困窮王子危急

震爲龍爲東坤爲毒艮爲角爲觸正

反艮故曰不知所觸震爲南坤爲北爲困窮震爲王爲子坤爲危○冤汲古作究非依宋元本王子似指王子帶後爲晉文所殺

過大

疾貧王孫北陸无輝祿命苦薄兩守孤門

通頤坤爲疾爲貧震爲王艮爲孫故

曰疾貧王孫坤爲北故曰北陸坤黑故无輝異爲命乾爲祿故曰祿命坤爲苦薄兌卦數二故曰兩乾爲門異爲寡故曰孤門○輝宋元本作禪守作事均依汲古陸汲古作極依宋元本

坎

公孫駕驪載游東齊延陵說產遺季紵衣

震爲公艮爲孫震爲馬故曰駕驪震爲

東伏異爲齊艮爲魯重艮故曰延陵又艮爲季子也震爲悅爲紵衣事詳乾之益○驪宋元本訛驪汲古作車依局本

商

王良善御伯樂知馬文王東獵獲嘉賢士開福祐周發旦興

起震爲王艮爲良震爲馬爲伯爲樂爲王爲福爲周爲士爲旦商爲文震爲東爲獵全用伏象○第四句宋元作獲喜

聖事周發旦作賢周發均依汲古下四句言文王因獵獲美
尙輔文武成王業發武王名旦周公名

咸

日月不居重耳趨舍游齊入秦晉國是霸

艮乾皆爲日兌爲月不居者不息也

兌爲耳伏坤爲重故曰重耳艮爲舍巽爲齊兌爲秦巽入故曰入秦艮爲國伏震爲晉爲霸

恒

假文翰翼隨風偕北至虞夏國與舜相得年歲大樂邑无盜

賊

震爲羽翰伏坤故曰文翰文翰鳥也周書蜀人以文翰文翰者似臯雞巽風坤北故曰隨風偕北伏坤爲國震爲帝

故曰舜坤爲年歲爲邑巽爲盜賊乾无也○偕汲古訛背得訛傳依宋元本

遯

南行北走延頸望食舉止失利累我子孫

乾爲南爲行伏坤爲北震爲走故曰

南行北走艮爲頸爲望伏兌爲食巽爲利艮止故失利艮爲我爲孫伏震爲子○北走宋元本作无遯望作後均依汲古止汲古作口依宋元本第四句宋本作累爲子孫元本作累爲我孫依汲古

壯大

開市作喜建造利事平準貨寶海內殷富

震喜伏巽爲市爲利震爲玉乾亦爲

金玉故曰貨寶乾爲富爲海平準者史記索隱云大司農有平準令丞貴則糶之賤則買之平賦以相準輸于京師○市

卷十二
宋元本作元依汲古

晉

三大俱走鬪於谷口白者不勝死於阪下

良數三故曰三大良爲谷震爲白震

覆故死於阪下良爲阪坤爲死也○阪宋元本作坂依汲古

明夷

驕胡犬形造惡作凶无所能成還自滅身

坤爲胡覆良爲大與坤連體故曰

驕胡犬形坤爲凶惡爲喪亡故无成坤爲身坤死故曰滅身○犬形宋元本作大形依汲古

人家

跪拜贊詞无益於尤大夫頑嚚使我心憂

新序晉中行寅將亡召其太祝而欲

加罪焉曰子爲我祝而使我亡國何也曰子不務德而厚歛於民則民怨一人祝之一國詛之國亡不亦宜乎

睽

辰次降婁王駕巡狩廣佑施惠萬國咸喜

詳小畜之大畜

蹇

牽踰上樓與福俱游躬勞治國安樂无憂

踰汲古作踰依宋元本游宋元作居

依汲古此林或用升象兌爲踰坤爲樓他林或言樓皆坤象互震爲福爲游坤爲躬爲國坤役萬物故勞坤爲憂震樂故无憂

解

白鳥銜餌鳴呼其子旋枝張翅來從其母

詳晉之震施枝宋元本作挾施汲古

作投杖依晉之震校

損

盲瞽獨宿莫與共食老窮於人病在心腹

互大商若目之无睛故曰盲瞽坤爲

寡爲宿故曰獨宿兌爲食獨則无與共也坤爲老爲窮爲病爲心爲腹於依也震爲人言窮老依人也○瞽汲古作聾依宋元本

益

登木出淵稍上升天明德孔聖白日載榮

震爲木爲登坤爲淵故曰出淵艮爲

天與震對故曰稍上升天艮爲明震爲孔爲德伏乾爲聖故曰孔聖艮爲日震爲白爲榮震車故曰載榮○載榮下汲古多寵祿再榮四字依宋元本刪

夬

彭離濟東遷廢上庸狼戾无節失其寵功

元刊注彭越後赦遷蜀上庸蜀也按

武帝元鼎元年濟東王彭離有罪廢徙上庸似指此事○廢汲古作之狼作狠均依宋本

姤

讚揚上舞神明正氣禹拜受福君施我德

伏震爲言故曰讚揚震爲舞爲神爲

君故曰禹又爲福爲德古臣謁君須贊名拜舞良爲首良覆
首至地故曰禹拜受福○正宋元作生禹拜作拜禹施作使
均依汲古惟汲古多居則厚祿四字依宋元本刪

萃

從首至足部分爲六室家离散逐南乞食

通大畜乾爲首良爲肩背震爲足乾

數六言首肩胸腹股足共六部也艮爲室家三上正反艮故曰離散乾南震逐兌食艮求故曰逐南乞食三四句似指伍子胥事

困

民迷失道亂我統紀空使乾華實无所有

通賁坎爲眾爲民坎隱故迷而失道

震爲道正反震故曰亂我統紀震爲華離火下燭故曰乾華艮爲實華萎故无實○華宋元本訛革依汲古實汲古訛實依宋元本又汲古未有先憂後樂四字依宋元本

井

刻畫爲飾嫫母无益毛嬙西施求事必得

通噬嗑艮手爲刻畫商爲惡人故曰

嫫母震爲毛羽坎爲西而兌爲媚好故曰毛嬙西施皆古美人名艮爲求首二句言嫫母本醜雖飾无益○第二句依宋元本增汲古无

鼎

衣裳顛倒爲王來呼成就東周封受大侯

詩齊風顛倒衣裳顛之倒之自公召

之毛謂刺无節林意似指呂伋父子爲卿王朝在公情狀鼎通屯震爲衣裳正反震故顛倒衣裳震爲呼爲王震爲東爲諸侯坤爲國○周汲古作國依宋元本侯宋元本作休非依汲古

震

當變立權摘解患難渙然冰釋六國以甯

伏巽爲權互坎爲患難震爲解故曰

渙然冰釋坎爲冰也艮爲國坎數六故曰六國艮安故甯此指蘇秦說六國合從事

艮

西戎獯鬻病於我國杖策之岐以保乾德

互坎爲西艮爲狗故曰犬戎獯鬻坎

爲病艮爲國坎爲杖策爲西艮山故曰杖策之岐艮居西北乾地故曰以保乾德顧千里云扶陝之岐當作杖策之岐尙書大傳遂杖策而去過梁山邑岐山陳樸園齊詩攷引亦作杖策故從之○第三句宋元本作扶陝之岐汲古作扶陽之正依顧陳校又汲古多終无患惑四字宋元无

漸

南行逐羊子利喜亡陰孽爲病復返其邦

伏震爲羊爲南爲行爲子巽爲利坎

爲陰孽爲病艮爲邦○子疑爲好之形訛字汲古作子猶存其半

妹歸

遊戲仁德日益有福凶言不至妖孽滅息

震爲仁德爲遊戲爲福商日故日日

益有福震爲言坎爲凶爲妖孽

豐

春日新婚就陽日溫嘉樂萬歲獲福大椿

震春商日故日陽日溫震爲嘉樂爲

萬歲爲大椿莊子上古有大椿以八千歲爲春秋○嘉宋元本作喜大椿作有年均依汲古

旅

陰升陽伏鬼哭其室相飾不食安巢如棘

通節陽皆在陰下故日陰升陽伏坎

爲鬼艮爲室震爲笑震之反則哭也震爲玄黃故日飾正反震故日相飾兌爲食艮止故不食艮爲巢坎爲棘艮坎連故日安巢如棘○鬼哭宋元本作舜失依汲古

巽

臣尊主卑權威日衰侵奪无光三家逐公

通震震爲主陰爲臣陽下陰上故日

臣尊主卑震爲威巽爲權互離爲日巽順故日日衰震爲侵艮手爲奪互坎故日无光艮爲家數三故日三家震爲公爲逐故日三家逐公三家孟孫叔孫季孫合謀逐昭公也

兌

反言爲賊戎女生患亂吾家國父子相賊

互巽爲賊三至上正反兌爲反言兌

爲女兌西故曰戎女禹貢西戎卽敘伏艮爲家國離爲亂伏震爲父爲子正反震相背中隔坎故曰相賊此指晉驪姬讒申生獻公殺申生事故曰戎女曰父子相賊

渙

迎福開戶喜隨我後康伯愷悌治民以禮

震爲開艮爲戶震爲喜爲後爲伯坎

爲民按史記衛康叔卒子康伯立注康伯名王孫牟左傳所稱王孫牟父是也按左傳牟父與伯禽呂伋並事康王必有賢德特其事今皆亡耳○隨汲古作逐後作后均依宋元本

節

日就月將昭明有功靈臺觀賞膠鼓作人

艮日兌月艮爲昭明爲靈臺震爲鼓

坎水故曰膠鼓震爲作爲人廣韻膠太學也禮王制養國老於東膠正字通東膠周學名卽東序也○觀宋元本作款依汲古人汲古作仁依宋元本觀賞謂游覽鼓宜爲庠

孚中

百草嘉卉萌芽將出昆蟲扶戶陽明得所

震爲百草爲嘉卉爲萌芽異爲昆蟲

與艮連故曰扶戶此以震爲茲茲與趙賓讀同

過小

天所佑助萬國日有福至禍去壽命長久

艮爲天爲國爲日震福故曰萬國日

有艮爲壽爲長久巽爲命○第二句汲古无第四句汲古作君主何憂均依宋元本

濟既

窮夫失居唯守弊廬初憂中懼惟日兢兢无悔无虞通未濟未濟男

之窮故曰窮夫失居多用半象○惟宋本汲古作終依元本

未濟

買玉得石失其所欲荷蕢擊磬隱世无聲震爲玉爲蕢爲磬爲聲艮石皆半象

論語子擊磬於衛有荷蕢者曰有心哉擊磬乎按荷蕢隱士

困之第四十七

困

席多針刺不可以臥動而有悔言行俱過

坎爲針刺下坎互大坎故多針刺伏

賁賁下互坎上互震震爲席與坎連故席多針刺艮爲卧三至上正反艮故不可卧亦正反震故言行俱過也

乾

烏鵲食穀張口受哺蒙被恩德長大成就柔順利貞君臣合

好詳履之咸

坤

六鵷退飛爲襄敗祥陳師合戰左股夷傷遂以薨崩霸功不

成詳蹇之蠱此與上乾皆用遇卦困象

屯

匍匐出走驚惶悼恐白虎生孫蓐收在後居中无咎

震走坎蹇故匍

匍出走震驚坎懼故曰悼恐互艮爲虎震白故曰白虎震爲生艮爲孫伏兌爲秋故曰蓐收月令孟秋之月其帝少昊其神蓐收國語史記曰天之刑神也震爲後坎爲中○生朱元本作王依汲古

蒙

庇廬不明使孔德妨女孽亂國虐政傷仁

艮爲廬坤坎皆爲黑故不明震爲孔

言齊人餽女樂妨害孔子不安其位也坤爲女爲孽爲國爲亂爲虐政○孔汲古作禮依宋元本

需

鼫鼠四足不能上屋顏氏淑德未有爵祿

詳萃之乾

訟

襄送季女至於蕩道齊子旦夕流連久處

詳屯之大過元本作久流連處依宋

本

師

麋鹿逐牧飽歸其居還反次舍樂得自如

詳屯之比反汲古作於依宋元本

比

望尙阿衡太宰周公藩屏輔弼福祿來同

詳坤之鼎三四句宋元本作屏藩湯

武立爲侯王依汲古惟汲古屏詭居

畜小

開廓宏緒王迹所基報以八子功德俟時

定四年武王母弟八人周公爲太宰

基汲古作居報以八子作振以公子均依宋元本異爲緒伏震爲開爲王爲迹爲子伏坤卦數八故曰八子艮爲時艮止故俟時

履

八會大都饒富有餘安民利國可以長居

異數八坤爲大都爲饒富爲民爲國

異爲利爲長○八汲古作入依宋元本言八方會於大都也

泰

陰雲四方日在中央人雖昏霧我獨昭明

坤爲雲爲方震卦數四故曰陰雲四

方乾爲日震爲人坤爲霧乾爲大明言震人居坤霧之中雖昏黯无礙於乾之明也

否

魃爲災虐風吹雲卻欲上不得復歸其宅

坤爲鬼爲惡爲災故曰魃爲災虐坤

雲異風而異爲退故曰風吹雲卻艮止故不得上○第二句汲古作大風吹卻非依宋元本魃各本皆訛爲薄茲依小畜之中孚校詩大雅旱魃爲虐毛傳魃旱神也

人同

昭昭略略非忠信客言多反覆以黑爲白

商明故曰昭昭略略似當時方

言形容不忠之象貌異爲客乾爲信爲言商正反兌口相對爲有言故曰言多反覆異爲白乾天爲玄爲黑○多宋元本作語依汲古

有大

三女爲姦俱游高園背室夜行與伯笑言禍反及身冤无所

此用困象互离卦數三故曰三女坎爲姦伏艮爲高園坎禱爲室爲夜艮爲背故曰背室夜行伏震爲行兌笑言坎爲禍艮爲身艮者震之反故曰禍反及身坎爲冤震爲禱又多用困伏象○反及宋元本作及乃无所作死誰均依汲古園汲古作國依宋元本

謙

涉尸留鬼大斧所視文昌司過簡公亂死

坤爲尸爲鬼涉疑爲移或徙之訛言

尸去而鬼留也伏兌爲斧离爲視坤爲文震爲竹簡爲公坤爲亂爲死晉書天文志文昌六星四日司農司隸五曰司命簡公爲陳成子所弑見論語

豫

大足長股利出行道園倉充盈疎齒善市宜錢富家事得萬

倍

震爲大足伏巽爲長爲股爲利震爲大塗爲行故曰利出行道艮爲困倉坤多故曰充盈伏兌爲齒震形兌而長故

日疏齒伏巽爲市坤爲財貨故曰宜錢富有艮爲家伏巽爲倍坤多故曰萬倍按大足長股疏齒蓋皆夷狄名淮南墜形訓有跂踵民大荒北經曰跂踵國在拘纓東其爲人大兩足亦曰大踵大踵卽大足長股亦西方戎名詳比之蹇疏齒疑卽淮南所謂鑿齒民在海外東南方善市卽善賈也○第五句汲古作宜以錢富困倉訛困合均依宋元本

隨

筐筥錡釜可活百里伊氏鼎俎大福所起

震爲筐筥錡釜艮爲里震爲百爲生

故曰可活百里史記晉滅虜以百里奚爲秦繆夫人媵呂氏春秋百里奚飯牛於秦蓋其職賤所司皆筐筥錡釜之事反因以得活而相秦也伊尹以鼎鼐干湯震爲鼎俎爲伊吾伊歌聲也○可汲古作河依宋元本百里宋元本作百口汲古作百呂依局本

蠱

升高登虛欲有望候駕之北邑與喜相扶

巽爲高艮爲墟爲望震爲登爲南震

反爲艮則北矣艮爲邑故曰駕之北邑震爲喜艮爲扶正反艮故曰相扶

臨

用彼嘉賓政平且均螟蟲不作民得安甯

伏巽爲螟蟲震爲嘉賓坤爲政爲平

均

觀

桃夭少華婚悅宜家君子樂胥長利止居

巽爲桃兌爲華爲少故曰少華兌爲

悅詩周南桃之夭夭灼灼其華之子于歸宜其室家艮爲家爲君子伏震爲樂巽爲利艮爲居長利止居言女嫁得所也

○華宋元本作葉依汲古三五伏兌

噬嗑

東行失旅不知何處西歸无配莫與笑語

震爲東爲行旅互坎故失旅故不知

何處坎位西坎孤故无配故无笑語。配宋元本作妃依汲古

賁

玩好亂目巧聲迷耳賊敗貞良君受其殃

坎耳商目坎隱伏故曰迷耳商亂故

日亂目震爲聲正反震故曰巧聲坎爲賊艮爲貞良震爲君

○殃宋元本作咎依汲古

剝

明德孔嘉萬歲无虧駕龍巡狩王得安所

艮爲明坤虛爲孔爲萬歲伏乾爲龍

爲王爲行故曰駕龍巡狩。安所汲古作所安依宋元本

復

同本異葉安仁尙德東鄰慕義來興古國

震木故曰本日葉坤爲安震爲仁德

爲東爲鄰坤爲義爲國○古宋元本作吾按綿庵詩古公亶父傳古公猶先公茲曰古國義與毛異

无妄

戴山崔嵬日高无頽君王我德賜以嘉國

乾爲山艮爲戴在乾下故曰戴山崔

嵬艮爲日巽爲高乾爲君王爲德艮爲我我德言德我也艮爲國震爲嘉○日宋元本訛曰王作主嘉作家均依汲古我汲古作好依宋元本

大畜

築室合歡千里无患周公萬年佑我二人壽以高遠

艮爲室震爲歡

正反震相對故曰合歡坤爲千里爲患坤伏故无患艮爲壽爲高乾爲遠○二汲古作三依宋元本宋元本无末句依汲古

頤

養雞生雛畜馬得駒明堂太學君子所居

伏巽爲雞震爲馬艮少故曰雛日駒

艮爲明堂爲君子坤文故曰太學

大過

雷行相逐无有休息戰於平陸爲夷所覆

詳坤之泰

坎

委蛇循河北至海涯涉厯要荒君世无他

坎爲曲故曰委蛇伏巽爲蛇坎位北

伏兌爲海互震爲君。○北至汲古作至北君作在從宋元本

離

鴻聲大視高舉神化背昧向明以通福功

伏震爲鴻爲聲商爲視異爲高互兌

爲夜故曰背昧商明故曰向明伏震爲福。○向汲古作皆形訛依宋元本通宋元本作道依汲古

咸

比目四翼來安吾國福喜上堂與我同牀

後三句汲古作安我邦國上下无患

爲吾家福從宋元本咸伏損上艮爲目三至上正反艮故曰比目震爲翼卦數四故曰四翼艮爲安爲國爲堂爲牀震爲福喜

恆

先穀莪季反謀桓子不從元帥遂行挑戰爲荆所敗

左傳宣十二年

楚子圍鄭荀林父帥師救之及河聞楚與鄭平桓子欲歸莪子日不可遂挑戰晉師敗績異爲穀爲莪震爲桓爲子異震卦相反故曰反謀桓子震爲元帥爲戰爲荆楚兌毀故曰敗。○不元本訛子依宋本汲古先穀汲古作士穀依宋元本先穀莪子名

遯

三頭六足欲盜東國顏子在庭禍滅不成

乾爲頭艮數三故曰三頭乾數六故

日六足伏震爲足爲東艮爲國故曰東國巽爲盜艮爲顏爲庭坤爲禍滅坤伏故不成三頭似指魯三家顏子或指顏淵○庭宋元本作邇依汲古

壯大

緣山升木中墮於谷子輿失勞黃鳥哀作

通觀艮爲山谷巽爲木爲隕落故曰

中墜於谷震爲輿爲子爲黃伏艮爲鳥坤爲哀左傳文六年秦伯任好卒以子車氏之三子殉國人哀之爲賦黃鳥子輿卽子車也○勞疑爲勢或榮之訛

晉

南有嘉魚駕黃取鰓魴鯉瀾瀾利來无憂

商爲南坤爲魚爲黃黃鰓魴鯉皆魚

名嘉魚小雅篇名

夷明

邃沕作雲蒙覆大君塞聰閉明殷人賈傷

震爲大君坤爲雲氣沕氣同坤雲在

震上故曰蒙覆大君坎耳聰商目明坤爲閉塞故曰塞聰閉明震爲子殷子姓震爲商賈故曰殷人賈傷○君汲古作臣非依宋元本賈疑訛字易林屢以震爲孩子箕子之明夷蓋讀箕子爲孩子孩子爲昏蒙之代名專指紂故曰蒙覆大君足證以箕子爲紂臣之誤

人家

舉翅攄翼跂望南國延頸卻縮未有所得

此用困象伏賁震

南艮爲國下離故跂望南國艮爲頸在上故曰延頸震爲返故卻縮坎失故未有所得

睽

坎中蝦蟆坎盈離虛坎爲夕離卦數三故曰三夕言晦日三

此用遇卦困象異

坎中蝦蟆坎盈離虛坎爲夕離卦數三故曰三夕言晦日三十也伏震爲朝兌卦數二故曰二朝按張衡靈憲云嫦娥竊不死之藥遂託身於月是爲蟾蜍坎中蝦蟆卽月中蝦蟆也言月前盈後虛至月朔而消滅无有也

蹇

重弋射隼不知所定質疑著龜孰可避之國安上樂宜利止

居兵寇不至民无騷擾

此仍用困象詩鄭風弋鳬與雁傳以繩繫矢而射曰弋異爲弋正反異故

日重弋伏艮爲隼震爲射巽進退不果故曰不知所定坎爲筮故曰質疑巽爲著商爲龜坎爲避孰可避之言孰可避免也艮爲國爲土震樂巽利○首句宋元本作僮子射御汲古作僮或射御僮重之訛或弋之訛茲依中孚之復校可避之之與龜韻宋元本作孰知所避茲依汲古七八句疑衍文故不釋

解

陰淫寒疾水離其室舟楫大作傷害黍稷民飢於食不无病

離汲古作流從宋元本楫元本作戢非依宋本汲古坎爲
厄陰寒爲疾爲室震爲楫爲黍稷坎破故傷害黍稷坎爲民
爲厄商虛故飢

損

離友絕朋巧言讒慝覆白汚玉顏叔哀哭

艮友在外故曰商兌爲朋兌附決故

日絕正反震故曰巧言讒慝震爲白爲玉坤蒙閉故曰覆白汚玉覆掩也艮爲顏爲叔兌爲哭顏叔未詳○慝宋元本作匿依汲古

益

童女无媒不宜動搖安其室廬傳母何憂

巽爲女艮少故曰童女艮止故不宜

動搖言宜貞靜也艮爲室廬艮止故曰安坤爲母震樂故傳母不憂也古女子皆有傳母以爲教導

夬

作凶造患北櫟困貧東與禍連傷我左跟

此用遇卦困象困通賁坎爲凶患爲

北櫟以木簡爲牘長尺二寸以爲徵召坎陷故曰困商虛故貧後漢安帝紀民窮困道路欲歸本郡在所爲封長櫟震爲東坎爲禍爲傷震爲左爲跟○櫟汲古作榭禍作福均依宋元本左宋元本作老依汲古

姤

東南其戶風雨不處驪皖仁人父子相保

乾爲門戶巽居東南故曰東南其戶

巽風進退无常故曰不處毛詩瞻皖好貌乾爲仁人爲父伏震爲子○瞻皖汲古作瞻皖宋元本作瞻皖丁云瞻當爲皖是也故從釋文

萃

被髮獸心難與比鄰來如飄風去似絕絃爲狼所殘

巽爲髮艮爲獸

坤爲心巽爲飄風爲繩故爲絃兌毀故絕絃艮爲狼兌口故曰爲狼所殘言爲狼所噬也

升

天覆地載日月運照陰陽允作方內四富

坤爲地伏乾爲天爲日兌爲月坤爲

方爲多故爲富震卦數四故曰四富

井

桀亂无道民散不聚背室棄家君孤出走

商爲惡人故曰桀震爲大塗震伏故

曰无道坎爲眾爲民風散故曰不聚艮爲室家艮伏故曰背日棄震爲君坎爲孤震伏故曰出走

革

申酉稷射陰慝萌作荷葭載牧泥塗不白

巽先天居申兌後天居酉丁云穀梁

定十五年傳曰下稷注稷日仄也下稷爲瞽時伏震爲射申酉稷射者言日至申酉瞽時而射也伏坤爲陰慝震爲萌芽故曰萌作伏艮爲荷巽爲葭坤爲牧坎爲泥塗巽爲自坎隱故不自○稷射汲古作敗時依元本荷宋元本作柯依汲古

葭疑蒼之訛詩何蒼何笠是也

鼎

蹀躞足傷左趾病瘍失旅後時利走不來

詳蒙之履

震

四足俱走驚疲在後俱戰不勝敗於東野

震卦數四故曰四足震爲後坎勞故

曰驚疲在後震爲戰坎陷故不勝故敗震東艮野○俱戰宋元本作戰既從汲古

艮

塗行破車醜女无媒莫適爲偶孤困獨居

互震爲大塗爲行爲車坎破故曰塗

行破車伏兌爲女商爲惡人故曰醜女坎爲孤艮爲羆故曰孤困獨居○偶汲古作耦依宋元本

漸

拊髀大笑不知憂懼開立大路爲王所召

髀說文股也巽爲股艮手故曰拊髀

伏震爲笑坎爲憂懼兌悅震樂故不知憂懼震爲大路爲王爲召○王宋元本作主依汲古

歸妹

伯圭東行與利相逢出既遭時孰不相知

震爲伯爲王故曰伯圭伯圭善貨殖

見史記孟子伏巽爲利故與利相逢震爲出爲時○圭汲古訛主依宋元本宋元本時訛昧下多憂不成凶四字均依汲古

豐

東行賊家鄭伯失辭國无貞良君受其殃

震爲東行巽爲賊伏艮爲家震爲伯

伏坎爲平爲鄭故曰鄭伯正反震故失詞艮爲國爲貞良艮伏故无震爲君商爲殃東行賊家指桓十五年鄭厲公居櫟是東行也後自櫟人鄭殺傅瑕原繁逐昭公是賊家也殺原繁言不順是失詞也

旅

前屈後曲形體飭急絞黑大索困於請室

通節坎爲屈曲艮前震後故曰前屈

後曲艮爲形體兌剛魯附決故曰飭急猶緊急也巽爲索坎爲黑正反巽故曰絞絞縛也艮爲室震爲請坎陷故曰困於請室請室大臣待罪之所也○飭汲古作勁非依宋元本請宋元本訛清依汲古

巽

鼓翼大喜行婚飲酒嘉彼諸姜樂我皇考

伏震爲翼爲鼓爲喜兌口爲飲伏坎

爲酒爲婚故曰行婚飲酒巽爲姜重巽故曰諸姜伏震爲父爲大故曰皇考○翼宋元本作腋依汲古婚汲古作嫁依宋元本○言大喜之故在將婚飲酒也

兌

狐嘈向城三旦悲鳴邑主大驚

伏艮爲狐爲城震爲鳴故曰嘈嘈啼也震爲旦數三故曰

三旦互坎爲憂故曰悲鳴艮爲邑震爲主爲驚皆用伏象此必有故事爲今所不能攷或以吳廣詐狐鳴事說之似非○

宋元本首句多國將有事四字將林詞奇肆突兀之神全失故依汲古

漢

明德克敏重華貢舉放勳徵用濬哲蒙佑

震爲德艮爲明故曰明德震爲華正

反震故曰重華震又爲帝故又曰放勳○克汲古作光依宋元本言堯徵舜天下蒙福

節

秋隼冬翔數被嚴霜甲兵充庭萬物不生雞犬夜鳴民人擾

驚詳鼎之觀充汲古作克依宋元本犬宋元本作父依汲古

孚中

絲紵布帛人所衣服摻摻女手紡績善織南國饒有取之有

息巽爲絲紵布帛震爲衣艮手與巽連體故曰女手巽爲紡績爲織艮爲國與震連故曰南國震生故有息

過小

鳳有十子同巢共母仁聖在位歡以相保興彼周魯艮爲鳳震爲子

允數十故曰十子艮爲巢巽爲母震爲仁爲歡爲周允爲魯

○三四五句汲古作歡以相保富市之地多財積穀依宋元本此似指武王同母兄弟十八人故曰共母而十八之中以周公爲最仁聖周魯皆賴以興也

濟既

雄雞不晨雌鳴且呻志疵心離三旅生哀此似用遇卦困象巽爲雞震爲晨爲

濟未

雄震伏故不晨異爲雌兌口爲鳴爲坤坎爲心志爲疾故曰
疵疵痺同說文濕病也內經曰風痛也亦異象也○鳴且汲
古訛雞具依宋元本呻宋元本訛伸疵作疵生作出均依汲
古旅間通用三旅屈子也雌鳴指鄭袖志疵心離言作離騷
光祀春城陳寶雞鳴陽明失道不能自守消亡爲咎詳大有
句汲古作光休出城依宋元本明宋元本作鳥爲作无均依
汲古元本下多舉事不成自取凶咎二句依汲古

井之第四十八

井

蹢躅未起失利後市不得鹿子

詳屯之困鹿汲古作麋依宋元本

乾

左輔右弼金玉滿堂常盈不亡富如厥倉

詳蒙之坤厥宋元本作敖依汲古

坤

雨師娶婦黃巖季女成禮既婚相呼南去膏澤田里年歲大

喜

詳恆之晉南去宋本作而歸汲古作南上依元本田里汲古作下土依宋元本又末句宋元本无依汲古

屯

螟蟲爲賊害我嘉穀盡禾殫麥家无所得

詳坤之革嘉穀宋元本作稼穡家作

秋均依汲古得汲古作食第三句汲古作中留空虛均依宋元本

蒙

跛躄難步遲不及舍露宿澤陂亡其襦袴

震爲步坎蹇故曰跛躄難步艮爲舍

艮止故不及舍坎爲露爲宿爲澤陂震爲襦袴坤爲亡故又日亡其襦袴

需

大夫祈父无地不涉爲吾相土莫如韓樂可以居止長安富

有

乾爲父兌言故曰祈父陳樸園云詩祈父予王之爪牙毛傳祈父司馬也蹇父爲司馬之官尙書稱司馬亦曰祈父

圻祈古通用詩大雅韓奕篇蹇父孔武靡國不到爲韓姑相攸莫如韓樂林所本也伏坤爲土地艮爲居止爲安乾爲富

兌悅故曰樂○祈各本多作行依汲古

訟

少孤无父長失慈母悖悖熒熒莫與爲耦

通明夷坎爲孤震爲父坤喪故无父

震爲長坤爲慈母坤亡故失慈母坤寡故曰熒熒故无耦也

師

側弁醉客長舌作凶披髮夜行迷亂相誤亡失居處

艮爲冠二四艮

覆故曰側弁詩小雅側弁之俄屢舞僇僇震爲客坤迷故曰醉客兌爲舌二至上兌形特長故曰長舌震爲髮坤爲夜爲迷亂爲亡失○處宋元本作止依汲古

比

馬驚車破王墜深津身死魂去離其室廬

震爲車馬坎爲破三至五震覆故馬

驚車破九五爲王坎陷一陽陷坤水中故曰王墜深津坤爲死爲身乾爲魂坤爲魄乾伏故曰魂去艮爲室○車破宋元本作破處依汲古第二句依汲古宋元本作王孫沈溝死各本作絕依局本第四句宋元本作自爲患害依汲古汲古末多貞難无虞四字依宋元本刪

畜小

東行述職征討不服侵齊伐陳銜壁爲臣大得意還

通豫震爲東爲

征討爲陳爲壁兌爲口故曰銜壁巽爲齊艮爲臣左傳楚子圍許許男面縛銜壁

履

百足俱行相輔爲強三聖翼事王室寵光

許屯之履

泰

本根不固華葉落去更爲孤姬

通否巽隕落故曰本根不固兌爲華巽落故曰落去巽爲

姬巽寡故曰孤姬

否

牧羊稻園聞虎喧謹畏懼怵惕終无禍患

許否之節患各本皆作焉依屯之後

校喧謹宋元本作喧喧怵惕作休息均依汲古

人同

履位乘勢靡有絕弊爲隸所圖與眾庶位

通師震爲履爲乘坤賤故曰坤爲

眾庶與眾庶位言初得位乘勢後爲皂隸所圖與齊民等也

有大

大輿多塵小人傷賢皇甫司徒使君失家

通比坤爲大輿爲小人艮爲塵故曰

大輿多塵艮爲賢良坤喪故傷賢良爲臣故曰皇甫司徒震爲君艮爲家震覆坎失故曰使君失家詩番維司徒皇甫卿士皆幽王臣又无將大車祇自塵兮无思百憂祇自底兮又无將大車維塵冥冥

謙

安如泰山福祿屢臻雖有狼虎不能危身

如宋元本作和祿作祐依汲古○坤

爲安艮爲山震東故曰泰山震爲福祿艮爲狼虎爲身震出故不能危身

豫

同氣異門各別西東南與凶遇北傷其孫

艮爲氣爲門正反皆艮故曰同氣兩

艮相背故曰異門震東坎西故曰各別西東震又爲南坤爲凶故與凶遇坎又爲北坤爲死艮爲孫故曰北傷其孫孫與東韻

隨

蜺見不祥禍起我鄉行人畏懼邑客逃藏

爾雅釋蟲蜺縕女也好自經死故見

蠱

者以爲不祥互巽爲蟲爲係正緼女象也故曰不祥艮爲我
爲邑爲鄉震爲行人爲客巽伏故曰逃藏○蜺各本皆訛爲
蜺祇宋元本未訛卒庭謂黃丕烈刊宋本易林私改蜺爲蜺
以就爾雅豈知巽爲繩爲係正易林用象之神妙先儒從不
知易林之詞皆由象生故失言如此且以好古之黃蕘圃何
至改古書字乎第四句宋元本作使命不通依汲古
養虎畜狼必見賊傷无事招禍自取災殃艮爲虎狼艮止爲
折故曰招禍曰災殃○宋元本作畜狼養虎无事招禍必見
賊傷自取災殃今依汲古惟必見汲古作還自與下自字義
皆重故依宋元本

臨

順風吹火牽騎驥尾易爲功力因權受福牽騎汲古作幸附
依宋元本○伏遯
互巽爲風艮爲火故曰順風吹火艮手爲牽乾爲驥艮爲尾
故曰牽騎驥尾巽爲權

觀

五岳四瀆潤洽爲德行不失理民賴恩福

詳頤之明夷潤洽
依校各本作沾濡

噬嗑

延陵聰敏樂聽太史雞鳴大國姜氏受福

左傳襄二十九年
吳季札聘魯爲之

歌齊曰美哉洋洋乎大風也哉表東海者其太公乎艮爲山
爲少故曰延陵札號延陵季子也震爲樂坎耳爲聽商文故

日太史伏巽爲雞艮爲國巽爲美雞鳴齊詩篇名○樂聽汲古作聽樂依宋元本

賁

神鳥五色鳳凰爲主集於王國使君得所

震爲神艮爲鳥離

主爲王爲君爲國○國宋元本作谷依汲古禮器云升中于天而鳳凰降接神契鳳五色俱備見則天下安甯

剝

媒妁无明雖期不行齊女長子亂其紀綱

此用遇卦井象坎

无明震爲行震反故不行下巽爲齊女伏震爲長子互離爲亂巽爲紀綱○无宋元本作光行作得其作我均依汲古

復

明月作晝大人失居眾星宵亂不知所據

此仍用井象兌爲

體故曰明月作晝乾爲大人三陽皆陷陰中故曰失居离爲星坎爲眾爲夜故曰眾星宵亂离爲亂也

无妄

少康興起誅澆復祖微滅復明享祀大禹

震爲君故曰少康

故曰澆坤殺故曰誅澆言澆爲少康所誅也艮爲祖震爲復故曰復祖乾爲大明爲王故曰大禹按帝王世紀后羿之相寒浞既殺后羿因羿之室生豷及豷豷有力殺夏帝相帝妃仍氏女曰后緡逃于有仍生少康少康長與夏舊臣靡誅豷復夏室豷卽澆也○第四句宋元本作大禹享祀依汲古

畜大

千門萬戶大福所處黃屋左纛龍德獨有

良爲門戶乾亦爲門戶爲千萬故曰

千門萬戶乾爲大福良爲屋震玄黃故曰黃屋震爲旗爲左故曰左纛纛旗也震爲龍爲德龍德獨有者言非天子不能如此也○左汲古說在有作右均依宋元本

頤

乾作聖男坤爲智女配合成就長生得所

伏乾爲聖爲男坤爲女坎爲水爲智

坤亦爲水故曰智女乾道成男坤道成女故曰配合成就震爲長生○成就宋元本作既成依汲古

過大

羿張烏號穀射天狼鐘鼓夜鳴將軍壯心柱國雄勇關死榮

陽

通頤坤惡故曰羿良爲烏震爲鳴故曰烏號烏號弓名也良爲天爲狼天狼星名楚辭青雲衣兮白霓裳舉長弓兮

射天狼穀張弓也穀射天狼言羿暴戾也震爲射爲鐘鼓坤爲夜爲軍爲心爲國良爲柱故曰柱國坤爲死正覆良故曰關死坤水故曰榮陽柱國房君蔡賜也見陳涉世家樵史不言其死處林蓋別有所據○穀汲古訛殷天各本皆作樵柱皆作趙均依師之否校然趙國或爲人名戰死榮陽未必爲訛字

坎

炙魚櫚斗張伺夜鼠不忍香味機發爲崇箝不得去

伏巽爲魚下有

离火故曰炙魚震爲桐斗坎爲夜爲鼠艮止故曰伺震發故曰張言以炙魚置桐斗之中至夜引鼠而射殺之也伏巽爲臭故曰香味坎爲機爲祟震爲發艮止故曰笮笮音窄狹也迫也○各本祟下多祟在頭頸四字依歸妹之師按桐各本多作銅丁云說文桐斗可以射鼠疑銅爲桐之形訛字愚按歸妹之師作枯斗枯正桐之音訛字由此證銅確爲桐丁說是也故竟從之

离

高飛不視貪饕所在臭腐爲患自害其身

离爲飛爲視巽伏故不視兌口爲食

正反兌故曰貪饕巽爲臭腐伏坎爲患艮爲身○其宋元本作躬依汲古

咸

鉛刀攻玉堅不可得單盡我力牴牾爲疾

詳坤之豫第三句依宋元本單彈之

省文汲古作盡我筋力第四句宋元本作齒爲疾賊依汲古

恒

方喙宣口聖智仁厚解釋倒懸家國大安

詳小畜之噬嗑解釋宋元本作釋解

依汲古家汲古作歷依宋元本

遯

蜘蛛南北巡行罔罟杜季利兵傷我心旅

此用遇卦井象巽爲蟲故曰蜘蛛离

南坎北離爲網罟艮爲少爲木故曰杜季艮爲刀劍故曰利
兵坎爲心旅杜季卽杜伯史記正義引周春秋云宣王殺杜
伯而無辜後三年宣王會諸侯田于圃日中杜伯起於道左
衣朱衣冠操朱弓矢射宣王中心折脊而死國語則云於鄩
○首二句各本皆作踣踣南北誤入喪國旅作腹丁云依御
覽蜘蛛引校改旅卽膺之省文

壯大

公孫之政惠而不煩喬子相國終身无患

通觀艮爲公孫坤爲政喬丁云喬僑

通用鄭子產也艮爲喬木故取象坤爲國爲終爲身爲患艮安故无患

晉

弧矢大張道絕不通小人寇賊君子壅塞

坎爲弧爲矢艮爲道路坎陷故不通

坤爲小人艮爲君子坎爲寇賊爲壅塞

夷明

藏戟之室封豕受福充澤肥腓子孫蕃息

坎爲戟爲室爲隱伏故曰藏坎爲豕

震爲福爲大故曰封豕伏乾爲肥腓震爲子爲蕃息

人家

八子同巢心勞相思雖苦无憂

伏震爲子巽數八故曰八子商爲巢坎爲心爲勞爲憂

睽睽循理舉手舉求取予六體相摩終无殃咎

通蹇艮爲手坤爲理二陽分居坤中

故曰循理艮爲舉求爲取予艮爲體坎數六故曰六體重坎故曰相摩艮爲終左傳閔元年遇屯之比曰六體不易六體卽謂坎也○舉求取予汲古作典求相予摩作磨均依宋元本殃咎宋元本作咎殃不協依汲古

塞

公子王孫把彈攝丸發輒有獲室家饒足

詳比之小畜

解

井渚有悔渴蜺爲怪不亟徙鄉家受其殃

坎爲井爲渚爲悔震爲蜺下有离火

故曰渴蜺坎爲怪漢書五行志上官桀謀廢昭帝立燕王是時天雨虹下屬宮中飲井水竭淮南子虹蜺者天之忌也故不避則受其殃○宋元本悔字均缺依汲古

損

鄭會細聲國亂失傾弘明早見止樂不聽

左傳襄二十九年吳季札聘魯觀樂

爲之歌鄭曰美哉其細己甚民弗堪也是其先亡乎自鄒以下无譏焉林全用其意坤爲鄭會左傳作鄒毛詩作檜會蓋其省字震爲聲坤柔故曰細聲坤爲國爲亂爲傾艮爲明弘明猶弘通謂季子也震爲樂兌爲耳爲聽艮止故不聽○會細汲古作繪有釋文同依宋元本

益

穿室鑿牆不直生訟褰衣涉露雖勞无功

詩召南行露篇厥泄行露又云誰謂

雀无角何以穿我屋誰謂鼠无牙何以穿我墉艮爲室爲墉艮手故曰穿鑿正反震故曰生訟坤爲邪故曰不直生訟震爲衣坤爲水故曰露艮手震行故曰褰衣涉露坤爲勞坤喪故无功○露汲古作河非依宋元本

夬

脫卵免乳長大成就君子萬年動有利得

震爲卵今陽長至五故曰脫卵艮爲

乳艮伏故免乳乾爲長大爲成就爲君子爲萬年○首句汲古作胎卵胞乳非依宋元本

姤

五心乖離各引是非莫適爲主道路塞壅

巽卦數五伏坤爲心爲乖離乾爲言

兌亦爲言兌背乾故曰各引是非夬九四云聞言不信林用衆所本也震爲侯爲主爲道路震伏故曰莫適爲主乾實故壅塞

萃

百柱載梁千歲不僵大願輔福文武以昌

艮巽爲梁柱下坤爲多故曰百柱坤

爲車故曰載坤爲千歲爲僵艮堅故不僵伏乾爲大爲福坤爲文伏震爲武爲昌

井

營城洛邑周公所作世逮三十年歷七百福佑豐實堅固不

落

坤爲城邑爲世爲年震爲周爲公數三坤數十故曰世逮三十震數七坤數百故曰年歷七

伏乾爲福佑爲實伏

艮爲堅左傳周公城洛邑卜世三十卜年七百○逮汲古說連依宋元本

困

從叔旅行食於東昌嘉伯悅喜與我芝酒

通賁艮爲叔震爲從爲行旅故曰從

叔行旅震爲食爲東爲昌東昌齊地名震爲伯爲嘉爲喜坎爲酒巽爲芝艮爲我故曰與我芝酒此似有故實俟攷

革

牛耳聾蔽不曉聲味委以鼎俎方始亂潰

通蒙坤爲牛坎爲耳坤閉故耳聾巽

爲味震爲聲坤閉故不知聲味震爲鼎俎商爲亂○潰汲古作潰依宋元本牛汲古作失未知孰是

鼎

娜訾開門鶴鳴彈冠文章進用舞韶和鸞三仁翼政國无災

殃詳坤之明夷

震

游魂六子百木所起三男從父三女隨母至已而反各得其

所震爲游爲子坎爲魂數六故曰游魂六子震爲木爲百數所三互坎艮皆男象而震爲父爲從故曰三男從父伏巽互

離兌皆女象巽爲母故曰三女從母商卦數三也巽居己方至己而反者言震巽相反復震究爲巽與震相反也○反汲古作足非依宋元本

良

南山蘭茝使君媚好皇女長婦多孫眾子

左傳鄭文公有妾曰燕姑夢天與之

蘭曰蘭有國香人服媚之良納丙故曰南山震亦爲南震伏巽故曰蘭茝震爲君伏兌爲媚好伏巽爲皇女爲長婦良爲孫子重良故曰多日眾○首二句汲古訛爲兩山萌使若君媚好依宋元本

漸

黃虹之野國君在位管叔爲相國无災殃

巽爲虹互商故曰黃虹良爲野伏震

爲賢君爲管下良故曰管叔管仲相齊伯天下孝經援神契曰黃虹抱日輔臣納忠又帝王世紀少昊母曰女節見星如虹下流華渚夢咸而生少昊○在位汲古作所在虹訛爲蛭均依宋元本管叔宋本汲古作桀段依元刊

歸妹

穿鑿道路爲君除舍開闢福門喜在我鄰

坎爲穿震爲道路爲君爲喜伏良爲

門史記呂后紀東牟侯興居曰誅呂氏无功請得除宮震爲喜爲鄰

豐

商風數起天下昏晦旱魃爲虐九土兵作

兌爲秋下互巽故曰商風互大坎故

曰昏晦豐卦屢言日中見斗林所本也坎爲鬼下离故曰旱魃詩大雅旱魃爲虐毛傳魃旱神也震數九伏良爲兵○九土汲古作七凡非依宋元本

旅

自衛反魯時不我與冰炭異室仁道閉塞

詳坤之頤反宋元本作歸閉作隔均

依汲古

巽

春陽生草夏長條肄萬物蕃滋充實益有

伏震爲春陽爲生爲草互商爲夏巽

爲枝條震爲萬物爲蕃滋詩周南伐其條肄傳斬而復生日肄卽嫩條○肄各本皆作枝非依巽之賸校

兌

六蛇奔走俱入茂草驚於長注畏懼啄口

互巽爲蛇伏坎卦數六故曰六蛇伏

震爲走巽爲入爲茂草兌爲口坎爲畏艮爲黔啄蛇最畏鶴鶴之屬以其啄也易林讀黔啄爲黔啄此又一證也○俱汲古作奔依宋元本注汲古本作住依宋元本啄各本皆作啄依中孚之家人校注擊也

渙

明月照夜使暗爲晝國有仁賢君尊如故

坎爲夜爲月故曰明月照夜坎隱伏

艮光明故曰使暗爲晝艮爲國震爲仁爲君○宋元本缺此

節

避蛇東走反入虎口制於爪牙骨爲灰土

震爲東伏巽爲蛇坎隱伏故曰避蛇

東走艮爲虎兌爲口爲爪牙爲骨坎爲土○蛇汲古作地爲作於依宋元本

中孚

傾迭不行弱走善僵孟繫无艮失其寵光

巽爲傾迭震爲走兌折故曰弱走善

僵震爲孟異繩爲繫故曰孟繫艮爲光異爲伏故曰无
艮曰失其寵光按左傳昭七年衛襄公嬖人嬖始生孟繫孟
繫之足不艮孔成子曰孟非人也將不列於宗後竟不得立
孟繫无艮卽謂孟繫之足不艮也

小過

十羊俱見黃頭爲首歲美民安國樂无咎

兌爲羊數十又爲見故曰十羊俱見

震爲黃艮爲頭爲首故曰黃頭爲首震爲歲爲樂艮爲國又
爲安○羊汲古作年美作尾均依宋元本

既濟

望風入門來到我鄰舖吾養均

此用遇卦象舖汲古作鋪依宋元本

未濟

登高車返視天彌遠虎口不張害賊消亡

此仍用遇卦象井通噬嗑震爲車爲

返爲登巽爲高故曰登高車返艮爲天爲虎坎閉塞故口不
張震爲口也巽爲賊風散故消亡○車汲古訛連天訛失均
依宋元本校

焦氏易林注卷十三

行唐尙秉和節之注

受業

蒲城件道益

豐潤董維

城校刊

革之第四十九

革

馬服長股宜行善市蒙祐諸偶獲金五倍

乾爲馬巽爲股爲長故曰馬服長股

服猶駕也乾爲金巽爲市爲倍卦數五故曰獲金五倍○市元本作布依宋本第三句汲古作俱蒙福祐五作三俱依宋元本

乾

高原峻山陸土少泉草木林麓喜得所蓄

此用革象伏艮故曰高原曰峻山伏

坤爲陸土坎爲泉坎伏故曰少泉震爲草木爲喜艮止故曰蓄○陸土汲古作陟大依宋元本

坤

一門二關結緝不便峻道異路日暮不到

此用遇卦革象坤爲門伏坎數一故

曰一門坎爲關坤數二故曰二關坤閉故曰結緝艮爲道路
山高故曰峻道蒙二至上正反艮故曰異路艮爲日坤爲暮
艮止故不到多用革伏象關門牡也一門數關故結緝不便

屯

憂患解除喜至慶來坐立懽門與樂爲鄰
坎爲憂患震爲解
爲喜樂艮爲門爲

坐

蒙

殊類異路心不相慕牝牛牡猥鰥无室家
坤爲類艮爲路二
至上正覆艮故曰

殊類異路坎爲心二至上艮震相反故不相慕坤爲牝牛坎
爲牡猥艮爲鰥爲家坎爲室言牛豕殊類雖一牝一牡而不
能配合故无室家也○殊汲古訛疎依宋元本

需

太王爲父季歷孝友文武聖明仁政興起旦隆四國載福綏

厚
乾爲王爲父爲始故曰太王伏艮爲季坤爲孝友爲文兌
剛爲武乾爲仁聖互離爲晝故曰旦坤爲國兌西方金數
四故曰四國○季歷宋本汲古作王季依元本林詞歷綏周
王之由旦周公名四國猶四方非管蔡商奄

訟

臨河求鯉燕婉失餌屏氣攝息不得鯉子
通明夷坤爲水爲
河爲魚坤柔順故

曰燕婉異爲餌坎失故燕婉失餌震爲氣息坤開故屏氣攝
息震爲子坤魚故曰鯉子坤喪故不得○失餌汲古作笑弭
依宋元本

師

賈利求福莫如南國仁德所在金玉爲質

坤爲利震爲福爲南坤爲國故曰南

國震爲仁德伏乾爲金震爲玉○質宋元本作寶依汲古

比

白虎赤憤闕觀王庭宮闕被甲大小出征天地煩潰育子不

革兌爲虎爲西故曰白虎坎爲赤爲憂憤赤憤猶丹憤也
袁高詩茫茫蒼海間丹憤何由伸蓋與赤心同義茲曰赤
憤言虎猛也或疑憤當爲憤然虎旣飾朱憤之理或又疑爲
獷獷爲土中怪羊不能出遊也离爲觀爲甲坤爲亂潰乾爲
王坎爲宮室伏震爲征乾爲大爲天坤爲小爲地革二至上
正反兌巽兌毀折巽散亂而伏艮震艮爲嬰兒震爲覆艮故
嬰不能育也○地汲古作下潰作憤依宋元本

小畜

子車鍼虎善人危殆黃鳥悲鳴傷國无輔

秦風黃鳥詩哀三
良殉穆公葬子車

鍼虎三良名也伏震爲子爲車艮爲虎坎爲鍼故曰子車鍼
虎震爲善爲人坎危殆艮爲鳥坤爲黃故曰黃鳥震爲鳴坎

爲悲坤爲國傷國无輔言失賢人也

履

兩目失明日暮无光脛足跛曳不可以行頓于邱傍

詳剝之萃曳各

本皆作步依剝之萃校

泰

羅網四張鳥无所翔征伐困極飢寒不食

坤爲網羅震卦數四故曰四張震爲

鳥爲翔爲征伐坤爲飢乾爲寒兌口爲食坤閉故不食

否

伯夷叔齊貞廉之師以德防患憂禍不存

震爲伯震伏故曰伯夷艮爲叔互巽

故曰叔齊餘詳比之剝

同人

疾貧望幸賈販市井開牢擇羊多得大牂

詳否之坎幸宋元本作仕非依汲古

第二句各本皆作使伯行販依元本訟之遯校

大有

南山之楊其葉牂牂嘉樂君子爲國寵光

首二句陳風詩牂牂毛傳盛貌伏艮

納丙故曰南山艮爲木故曰楊艮爲君子爲光坤爲國

謙

東壁餘光數暗不明主母嫉妬亂我事業

震東艮壁艮又爲光故曰東壁餘光

言燭在東壁艮爲明互坎故不明坤母震爲主故曰主母坎爲嫉妬坤爲事業爲亂事詳謙之屯

豫

厭浥晨夜道多濡露漑衣濡袴重難以步

詩召南厭浥行露豈不宿夜畏行多

露傳厭浥濕意震爲晨坤坎皆爲夜震爲道坎爲露漑濕也震爲濡袴坤爲重震爲步坎陷故難○厭浥各本皆作迷行漑衣濡袴宋元本作漑我濡袴汲古作沾濡濡袴難以步宋元本步作涉汲古作不可步俱依元本未濟之損校始知此林宋元汲古本皆訛錯也

隨

目瞞足動嘉喜有頃舉家蒙寵

詳乾之需第二句宋元本作喜如其願不韻依汲古

蠱

鷹鷂欲食雉兔困急逃頭見尾爲害所賊

艮爲鷹鷂震爲兔雉雞屬疑用巽象

也艮爲頭爲尾艮在外故曰逃頭三至五艮覆故曰見尾兌爲見爲毀折故爲害巽爲賊○逃頭汲古作延頸害作我均依宋元本

臨

鼻移在項枯葉傷生下朽上榮家擾不寧失其金城

通遯艮爲鼻乾

爲首鼻在首下故曰移鼻在項震爲葉巽隕落故曰枯葉故
曰下朽乾爲榮故曰上榮艮爲家爲城乾爲金坤消故失其
金城○下朽汲古作下枯依宋元本

觀

飛不遠去法爲罔待祿養未富乾爲祿爲富乾伏故未富○
第二句汲古作汝爲內傷姑
從宋元本仍未協汲古多終无災咎君善安止二句依宋本

嗟

倒基敗宮重舌作凶被髮夜行迷亂相誤亡失居止艮爲基
爲宮正

覆艮故曰倒基敗宮伏兌爲舌正覆兌故曰重舌震爲髮爲
行坎爲夜正反震故曰迷亂相誤而失居止也○宮汲古訛
筮夜行宋元本汲古皆作長夜亡失居止皆作深亡吉居均
依丁本

賁

亥午相錯敗亂緒業民不得作離居午艮居亥離爲敗亂伏
巽爲緒坎眾爲民詩汜歷樞

云卯酉爲革政亥午爲革命又漢書翼奉傳易有陰陽詩有
五際孟康曰五際卯酉午戌亥陰陽始終際會之歲於此則
有改變之政

剝

野麋畏人俱入山谷命短不長爲虎所得死於牙腹艮爲麋
爲山谷

坤爲畏爲死故曰命短艮爲虎坤爲復伏兌爲牙

復

秋冬探巢不得鵲雛銜指北去愧我少姬

詳觀之屯

无

雙鳬欲飛俱歸稻池經涉萑澤爲矢所射傷我胸臆

詳屯之旅

大畜

天門開闢牢戶寥廓桎梏解脫拘囚縱釋

詳小畜之泰

頤

尼父孔丘善釣鯉魚羅網一舉得獲萬頭富我家居

上艮故曰尼曰

丘下震坤虛故曰孔丘史記孔子世家叔梁紇禱尼丘生孔子字仲尼左傳哀十六年孔丘卒哀公諒之曰嗚呼哀哉尼父无自律坤爲魚爲羅網爲萬艮爲首故曰萬頭艮爲家坤多故曰富○網宋本作釣元本作鉤依汲古

大過

彭生爲豕暴龍作賊盜堯衣裳桀跖荷兵青禽照夜三旦夷

亡豕各本多作妖於象不合桀作聚依比之蒙校

坎

華言風語亂相誑誤終无凶事安寧如故

詳咸之頤誑宋本作狂依元本汲古

離

延頸見足身困名辱欲隱避仇爲害所賊

伏艮爲頸震爲足離爲見艮爲身爲

咸

名二四艮覆故曰困辱伏坎爲隱伏爲仇爲害賊○延宋元本作逃名作不皆非依汲古賊汲古作滅依宋元本

无足斷跟居處不安凶惡爲殘

詳夬之大過汲古多君臣相得四字依宋元本跟汲古訛

根

恆

三人俱行北求大胖長孟病足倩季負糧柳下之寶不失我

邦詳同人之豐寶依校各本皆作貞我邦宋元本汲古皆作驪黃皆非依汲古渙之豫校糧宋元本作囊依汲古此林屢見糧皆作囊致難索解獨此處存其真季者季路家語子路曰吾嘗爲親負米百里之外心甚樂之林用此事以此見汲古本真可貴也

遯

退飛見祥傷敗毀墜守小失大功名不遂

艮爲飛陰消陽故曰退飛祥猶兆也

凡吉凶之兆先見者皆曰祥伏兌故曰見異爲隕落故曰傷敗毀墜艮爲守陰小陽大陰消陽故曰失大艮爲名左傳僖十六年六鷁退飛過宋都宋襄公曰是何祥也注祥吉凶之先見者後戰於泓不擊半濟不殺二毛襄公果敗故曰守小失大

壯大

持心瞿目善搖數動不安其處散渙府藏利得无有

伏艮爲目乾惕

故持心瞿目震爲動搖震往故曰善搖數動不安其處伏巽風故曰散渙坤爲府藏巽爲利坤亡故无利○搖數宋元本作數搖末句作无有利得均依汲古瞿目各本訛懼怒從震之离校瞿驚視也林意似指呂夔散棄財寶事

晉

牽尾不前逆理失臣衛朔以奔

衛依比之恆校各本皆作惠非

夷明

祿如周公父子俱封

震爲周爲公爲父爲子○汲古多建國洛東在第二句宋元本无

人家

君有八人信允篤誠爲堯所舉

通解震爲君爲人巽數八故曰八人坎爲信爲誠篤震爲

帝故曰堯○君宋元本作吾依依汲古誠汲古作敏元本訛畝依宋本

睽

久陰霖雨泥塗行潦商人休止市空无寶

詳夬之大過

蹇

无足斷跟居處不安凶惡爲殘

見前咸卦

解

馬蹄躡車婦惡破家青蠅汚白恭子離居

詳觀之隨蹄音蹏足相躡曰蹄

損

噂噂所言莫如我垣歡喜堅固可以長安

詳乾之困

益 懿公淺愚不受深謀无遠失國爲狄所賊

許比之家人賊汲古作滅依宋元本

夫 騏驥綠耳章明造父伯夙奏獻衰續厥緒佐文成伯爲晉元

輔史記晉世家造父幸於周繆王取驥之乘匹騏驥綠耳獻趙夙事晉獻公夙之孫曰趙衰事晉文公成伯業乾爲馬爲父爲大明章明者言始顯也遇卦革伏震爲伯坤爲夙艮手爲奏爲獻奏進也奏獻者言進事獻公也巽爲緒离爲文震爲晉○驥元本作鱗依宋本汲古伯夙汲古作夙伯奏作所依宋元本衰各本皆作襄依節之泰校

姤 駕車入里求鮮魴鯉非其肆居自令後市

通復坤爲車爲里震爲駕巽爲魚爲

市肆震爲後言里非產魚之地故求之不得○入汲古作十依宋元本

萃 求摩嘉鄉惡地不行道止中返喜還其牀

艮爲摩爲鄉坤爲惡坤閉故曰惡地

不行只爲道爲止爲牀伏震爲反爲還○返宋元本作遷還作反均依汲古

升 杖鳩負裝醉卧道傍不知何公竊我錦囊

坤文爲鳩互震故曰杖鳩白帖云老

人食多咽刻鳩爲杖取鳩食不咽之義震爲裝爲道伏艮爲
卧坤迷故曰醉卧震爲公巽爲盜坤爲囊坤文故曰錦囊○
杖汲古作使錦作衣均依宋元本

困 登崑崙入天門過糟丘宿玉泉同惠歡見仁君

詳比之姤三字句仁宋元

本作欣非

井 水爲火牡患厭不起季伯夜行與喜相逢

左傳昭七年水火之牡也卦水火相

交故曰水爲火牡坎爲患爲夜伏艮爲季震爲伯爲行爲喜
○牡宋元本皆訛壯汲古訛木爲大牀依丁本喜汲古訛善
烏孫氏女深目黑醜嗜欲不同過时无耦
通屯艮爲烏爲孫
坤女互大离故曰
深目坤爲黑爲醜坎爲嗜欲艮時坤寡故過时无耦

震 子鉏執麟春秋作經元聖將終尼父悲心

詳訟之同人經元宋元本作元陰汲

古作陰元依汲古訟之同人校

艮 灼火泉源釣魴山巔魚不可得火不肯然

火宋元本訛炭肯作可依比之屯校

漸 天馬五道炎火久處往來上下作文約已衣棠絲麻相隨笑

歌曰惡如何義不可曉恐多訛字故不釋象

歸妹 鴟鴞破斧冲人危殆賴旦忠德轉禍爲福傾危復立許否之

豐 牡飛門啟憂患大解不爲身禍詳需之兌

旅 石門晨門荷蕢食貧遁世隱居竟不逢時論語子路宿於石門晨門曰奚自又

子擊磬於衛有荷蕢過門者曰有心哉擊磬乎注晨門荷蕢皆隱者艮爲石爲門伏震爲晨爲蕢艮爲荷兌爲食離虛故曰食貧艮爲世巽伏故曰遁世隱居艮爲時○晨門宋元本作晨開食作疾皆非從汲古

巽 兔聚東郭眾犬俱獵圍缺不成无所能獲詳蹇之坤

兌 三羊羣走雉兔驚駭非所畏懼自令勞苦兌羊離卦數三故曰三羊羣走離爲

雉伏震爲兔爲驚駭伏坎爲畏爲勞

渙 羽翮病傷无以爲強宋公德薄敗於水泓震爲羽翮坎爲病故曰羽翮病傷震

爲公說文以木架屋曰宋艮象也故曰宋公下坎故曰泓水
左傳宋襄公與楚戰敗於泓

節

姬姜稚叔三人偶食論仁議福以安王室

震爲婦伏巽爲美艮少故曰稚叔震

數三兌食兌卦數二故曰三人偶食震爲言爲仁爲王坎爲室○稚宋元本訛雅依汲古

孚中

精誠所在神人爲輔德教之中彌世長久三聖乃興多受福

震爲精誠爲神爲人爲德教爲福祉數三故曰三聖革互祉乾爲聖文武周公也○之中汲古作亡患乃興作仍事依宋元本又神人爲輔宋元本作神爲人輔非依汲古

過小

岐周海隅獨樂不憂可以避難全身保才

震爲周艮山故曰岐周兌爲海震爲

樂巽寡故曰獨樂巽伏故曰避難艮爲保爲身○才汲古作財依宋元本

濟既

孤獨特處莫依爲輔心勞志苦

詳益之艮

濟未

願望登臺意常欲逃賈辛醜惡妻不安夫

商爲願望爲醜惡坎夫商妻商卦在

上故妻不安夫左傳昭二十八年魏獻子謂賈辛曰昔賈大夫惡娶妻而美三年不言不笑

鼎之第五十

鼎

積德之君仁政且溫伊呂股肱國富民安

伏屯震爲德爲君爲仁坤爲積爲政

爲國爲民爲富震爲伊巽爲呂爲股肱○君宋元本作至仁作君依汲古

乾

傾筐卷耳憂不能傷心思古人悲慕失母

此用遇卦鼎象伏震爲筐坎爲耳爲

憂爲心爲悲慕坤爲母卷耳草名周南采采卷耳不盈傾筐毛傳謂后妃思君子不在茲謂失母與毛異○古宋元本作故依汲古

坤

卻叔賈貨行祿多悔利无所得

此仍用鼎象巽爲退伏艮爲叔故曰卻叔震爲商賈爲行

爲路坤爲悔巽爲利坤亡故无得晉卻氏貪而好貨數世不改至成公十七年果爲厲公所滅故林詞云云

屯

蹶足狂跛怪碎不行棄捐乎人名字无申

震爲足坎蹇故曰蹶曰跛坎爲怪爲

破坤閉艮止故不行坤爲棄捐震爲人艮爲名坤爲文字坤黑坎伏故曰无申申明也○首二句宋元本作蹶狂跛狂辟坐不行捐乎作損平申作中均依汲古

蒙

文王四乳仁愛篤厚子畜十男天折无有

見前頤之節

需

容民蓄眾不離其居

坎爲眾爲民伏艮爲居○居汲古作君依宋元本

訟

三雛相逐蠅墜釜中灌沸淹殪與母長決

伏震爲子爲行故曰三雛相逐巽爲

蠅伏坤爲釜爲水爲死爲母○離宋元本作摧按訟彖不利涉大川入於淵也故林詞如此

師

所望在外鼎令方來拭爵滌鬯灼食待之不爲季憂

此兼用鼎象

在外卦故曰所望在外震爲鼎爲爵爲鬯伏艮故曰拭爵坎水故曰滌鬯艮爲待爲季○滌宋元作澡依汲古又鼎令疑爲鼎命卽大命也

比

陸居少泉高山无雲車行千里塗汙爾輪亦爲我患

坎爲泉坤艮皆

爲陸故曰少泉坎爲雲艮爲高山坎隱伏故无雲坤爲車爲千里坎爲輪爲泥塗故曰塗汙爾輪坎爲患

畜小

東家殺牛聞臭腥臊神背西顧命衰絕周亳社災燒宋人夷

誅

詳噬嗑之巽聞汲古本作汚依宋元本西宋元本作不依汲古衰絕汲古作絕衰非依宋元神背西顧言背東家而

西顧也命衰絕周言殷命已衰而絕於周室也

履

長子入獄婦饋母哭霜降旬日嚮晦伏法

旁通謙震爲長子坎爲獄坤爲母伏

巽爲入爲婦兌口故曰母哭坤爲霜離日坤數十故曰旬日坤爲晦爲殺故曰伏法隋書刑法志聖王莫不先春風而播恩後秋霜而動憲是自古殺人皆在霜降後茲曰嚮晦並用晦日也

泰

溫山松柏常茂不落鳳凰以庇得其歡樂

詳需之坤

否

大屋之下朝多君子德施溥育宋受其福

艮爲屋上乾故曰大屋艮爲朝爲君

子坤黑故曰多說文以木架屋曰宋故艮爲宋○溥宋元本作博依汲古

同人

羅張目抉圍合耦缺魚鳥生脫

離爲網羅爲目抉決通兌毀故目決言網目毀也離中虛

故曰圍合二人爲耦按周禮天官掌次射則張耦次疏凡射耦皆兩兩俱升南面而射耦缺則射者無異寡故曰耦缺巽爲魚離爲鳥目抉耦缺故魚鳥得脫也○抉汲古訛列耦作月多採捕无功四字在第三句俱依宋元本

有大

羔裘豹祛高易我字君子維好至老无憂

兌爲羊離文爲豹乾爲衣故曰羔裘

豹袞伏艮爲高爲宇爲君子乾爲老坤爲憂坤伏故不憂羔
裘唐風篇名毛謂晉人不恤其民刺詩茲云君子无憂與毛
異。宇元本訛字依宋本第四句宋元本无依汲古

謙

大頭明目載受嘉福三雀飛來與祿相得

坎爲大首伏離爲明目震爲載爲嘉

福數三艮爲雀故曰三雀。嘉福宋元本作喜福汲古更訛爲福善依周本

豫

銷鋒鑄耜休放牛馬甲兵解散夫婦相保

詳晉林第二句宋元本作縱牛救馬

汲古作縱牛放馬依晉林校又耜宋元本訛刃

隨

吉日車攻田弋獵禽反行飲至以告嘉功

詳履之夫車攻宋元本作舉釣依汲

古獵汲古作雙反行飲至作宣王飲酒均依宋元本嘉宋元本訛喜依汲古

蠱

商人行旅資无所有貪貝逐利留連王市輶轅內安公子何

咎震爲商旅艮爲貝巽爲利艮止故曰留連巽爲市震爲王故曰王市震爲輶爲公子艮爲安按左傳襄二十二年樂

盈被掠於周周王使侯出諸輶輶又高祖紀因張良遂掠韓地輶輶是輶輶爲地名而管子云凡主兵者必先審知地圖

輶轅之險又東京賦邪徑捷乎輶轅薛綜注輶轅十二曲道將去復還故曰輶轅是輶轅爲曲徑所以設險故曰輶轅內安公子无咎蓋艮震皆爲道路卦三至上艮震相反復像輶轅也。王市宋元本作玉帛輶作馭均依汲古

臨

火入井口揚芒生角犯歷天門窺觀太微登上玉牀家易其

公

通遯艮爲星爲火兌爲井爲口艮爲角火熒惑也言熒惑入井艮爲門上乾爲天內經以戊亥爲天門乾艮皆位西北故曰天門艮爲觀天文志太微爲五帝之庭明堂之房乾爲帝爲玉艮爲牀故曰玉牀艮爲家震爲公言熒惑入井芒角犯太微國君將易也。首句宋元本作火井陽谷依汲古揚汲古作陽依宋元本其宋元本作火井陽谷依汲古此自古星占顧炎武謂林詞本漢書李尋傳李尋傳焉有火入井口之語先儒從不知林詞皆本卦象故誤解

觀

秋隼冬翔數被嚴霜甲兵充庭萬物不生雞釜夜鳴民擾大

驚

通大壯兌爲秋艮爲隼乾爲冬震爲翔故曰秋隼冬翔坤爲霜艮爲甲兵爲庭坤爲萬物坤殺故不生巽爲雞坤爲釜爲夜震爲鳴故曰雞釜夜鳴坤爲民震爲驚釜鳴詳復之旅雞夜鳴言失時也

噬嗑

東行西步失其次舍乾侯野井昭君喪居

震爲東行坎西故曰西步艮爲次舍

震爲諸侯爲君上商故曰乾侯曰昭君艮爲野伏兌爲井左傳昭三十二年公薨於乾侯野井齊地名昭二十五年齊侯唁公於野井是也

賁

腫脰病腹陷廁汚辱命短時極孤子哀哭

震爲脰艮爲節故曰腫脰腫說文癰

也商爲腹互坎故曰病腹坎爲廁爲陷爲汚艮爲時伏巽爲命兌爲折故曰短命震爲子坎孤坎悲故曰孤子哀哭伏兌爲哭左傳晉侯有疾張如廁陷而卒

剝

切膚近火虎絕我鬚小人橫暴君子何之

艮爲膚爲火爲虎爲須爲君子坤爲

小人重坤陰盛銷陽故曰橫暴艮止坤閉故曰何之。火汲古作災之亦作災依宋元本子宋元本作復非依汲古

復

女室作毒爲我心疾和不能治晉人赴告

坤爲女爲室爲毒爲心爲疾左傳昭

元年女陽物也而晦時淫則生內熱惑蠱之疾故曰女室作毒爲我心疾坤死故和不能治震爲晉爲人爲告言平公死赴告列國也。不汲古作弗非劉毓崧云弗昭帝名易林諱當時君名故不見弗字果宋元本皆作不

妄无

兵征大宛北出玉門與胡寇戰平城道西七日絕糧身幾不

全 詳屯林此以巽爲寇餘象皆同

畜大

九子十夫莫適與居貞心不壹自令老孤

震數九故曰九子震爲夫兌數十故

日十夫艮爲居正反艮故曰莫適與居曰貞心不壹艮爲貞乾爲老伏巽爲寡故曰孤。首句汲古訛十子夫九壹訛宣自令老孤訛至今名孤均依宋元本

頤

車行稻麥遂至家國樂土无災君子何憂

震爲車爲稻麥坤爲家國爲土爲災

爲憂震爲樂爲解故无災憂。子宋元本作父車作東均依汲古車行者言以車運行稻麥至家也

過大

作室山根所以爲安一夕崩顛破我饗飧

詳賁之明夷

坎

六人俱行各遺其囊黃鵠失珠无以爲明

詳臨之師

商

伯蹇叔盲莫爲守囊失我衣裘不離其鄉

伏坎中爻震爲伯坎蹇故曰伯蹇是艮

爲叔中爻互大商故曰叔盲故曰囊艮守坎伏故莫爲守囊震爲衣裘上下坎故曰失艮爲鄉也。鄉汲古作邦依宋元本此句各本皆作我是陰鄉或陰邦我是者失我之訛陰鄉尤難解今從否之噬嗑校

咸

喪寵洒尤敗政傾家覆我宗國秦滅周室

互乾爲王巽爲母有王母之象故曰

喪喪幽王后褒姒也伏坤爲尤洒尤者言龍焚洒於王庭也伏坤爲政艮爲家室爲國兌毀故曰敗傾艮爲國震爲宗震覆爲艮故曰覆我宗國兌爲秦震爲周震伏故曰秦滅周室詩赫赫宗周褒姒滅之林詠其事。洒汲古作盜依宋元本

恆

詭言譁語仇禍相得冰入炭室消滅不息

伏正反震故曰詭言譁語伏坤爲仇

爲禍爲冰艮爲室爲火火與坤連故曰冰入炭室坤消坤死故曰不息。詭宋元本作該非依汲古

遯

彭生爲豕暴龍作災盜堯衣裳聚跖荷兵青禽照夜三日夷

亡

詳比之蒙此以巽爲豕爲盜爲跖首句宋元本作彭名爲妖汲古作彭生爲妖依比之蒙校

壯大

朝露白日四馬過隙歲短期促時難再得

震爲朝爲白兌爲露乾爲日爲馬震

卦數四故曰四馬伏巽爲隙乾爲歲伏艮爲時期伏觀爲消卦故曰歲短期促也漢書張良傳人生如白駒過隙

晉

耳闕道喪所爲不成求事匪得

伏坎故耳闕艮爲道道喪言无耳喪失人道也艮爲求坤

爲事坤喪故所爲不成求事不得也。喪宋元本作衰依汲古求事汲古作所求依宋元本

夷明

申公患楚危不自安重耳出奔側喪其魂

震爲申爲楚坎爲患危坤爲重故曰

子重耳詛字震爲出奔爲子坎爲邪故曰側側子反名也乾爲魂乾伏故曰喪魂坤爲喪也左傳成七年子重請取於申呂以爲賞子反欲取夏姬皆爲申公巫臣所止後巫臣自取夏姬奔晉故子重子反皆怨巫臣而滅其族巫臣遣二子書曰余必使爾疲於奔命以死後巫臣教吳伐楚子重子反於是乎一歲七奔命重耳爲子重之詛然各本皆如此不敢改也

人家

南上太山困於空桑左沙右石牛馬无食

此用鼎象伏震爲南艮爲山坎爲困

巽爲桑南枯故曰空桑震左兌右艮爲沙巽爲石故曰左沙右石离牛乾馬兌爲食离虛故无食。空宋元本作此依汲古

睽

海隅遼石福祿所在柔嘉蒙禮九夷何咎

兌爲海爲右伏艮爲東北故曰遼右

遇卦鼎乾爲福祿伏坤爲柔爲禮震爲嘉數九故曰九夷坤爲夷也論語子欲居九夷

蹇

陽春生長萬物壯茂垂枝布葉君子比德

此仍用鼎象伏震爲陽春爲生長爲

壯茂伏坤爲萬物爲枝葉艮爲君子震爲德。枝汲古訛秋
依宋元本

解

低頭竊視有所畏避行作不利酒酸魚敗眾莫貪嗜

坎爲首爲害故

曰低頭離爲視坎盜故曰竊視坎爲畏坎隱伏故曰畏避坎險故曰不利坎爲酒伏巽爲魚巽木木曲作酸故曰酒酸巽爲臭故曰魚敗坎爲眾。作宋元本訛伯莫訛若均依汲古

損

左輔有弼金玉滿堂常盈不亡富如宏倉

詳師之歸妹堂宋元本作櫃如作於

均依汲古

益

坐朝垂軒據德宰民虞叔受命六合和親

艮爲坐坤爲朝爲軒爲民震爲德艮

手故曰據德艮官故曰宰民震爲驪虞艮爲叔故曰虞叔巽爲命坤爲合伏乾數六故曰六台言虞舜坐朝堂爲天子也

夬

東行西坐喪其犬馬南求驕驕失車林下

此用鼎象伏震爲東爲行伏坎爲西

艮爲坐故曰西坐艮犬震馬坤喪故曰喪其犬馬震爲南爲馬艮爲求故曰南求驕驕坤爲輿震爲林坎失故曰失車林下坤爲下也。坐汲古作走依宋元本

姤

砥德礪材果當成周拜受大命封爲齊侯

此亦用鼎象伏震爲德爲材艮爲石

故曰砥礪艮爲果震爲周艮爲成故曰果當成周艮爲拜本卦巽爲命重乾故曰大命巽爲齊震爲諸侯故曰齊侯果當成周者言太公積德果遇文王也

萃

西逢王母慈我九子相對歡喜王孫萬戶家蒙福祉

兌在西坤母伏

乾故曰王母伏震爲子數九坤爲慈故曰慈我九子伏象正反震相對故曰相對歡喜艮爲孫伏震爲王故曰王孫坤爲戶爲萬故曰萬戶艮爲家伏震爲福祉

升

安坐玉牀聽韶行觴飲福萬歲曰壽无疆

伏艮爲坐震爲玉巽爲牀故曰玉牀

震爲樂爲觴兌爲耳故曰聽韶行觴震爲福爲萬歲兌口故曰飲伏艮爲壽坤廣故曰无疆。曰宋元本作日依汲古

困

登高望家役事未休王事靡盬不得逍遙

詳夬之解事宋元本作政依汲古

井

擊鼓蹈阼不得相踰章甫文德福厭禍消

元刊注云阼階次也按禮有阼夏樂

有擊鼓爲登階之節故曰不得相踰言登階有節不得亂也伏震爲鼓艮爲擊爲阼爲冠故曰章甫伏离爲文震爲福坎

爲禍厭足也。○蹈汲古作陷非消宋本作涓依元本汲古

革

逃亡逐北至山而復稚叔相呼反其室廬

依需之漢校各本皆作逃亡逐北呼

還幼叔至山而復得反其室

震

老滑大猷東行盜珠困於噬敖幾不得去

山海經云堯光之山有獸文居而冬

蟄名曰猊餘義之山有獸焉見人則眠名曰猊猊即猊也皆艮象震爲東爲珠坎爲盜故曰盜珠坎爲困噬敖按詩搏獸于敖傳敖地名噬敖彘亦地名也。○猊宋元本訛偷珠作敖均依汲古困汲古作國依宋元本

艮

禹召諸神會稽南山執玉萬國天下康安

詳姤之臨神宋元本作侯第二句作

南山會稽均依汲古安汲古作寧依宋元本

漸

切切怛怛如將不活黍稷之恩靈輒以存獲生保年

詳蒙之損首句

宋元本作切怛切怛茲依汲古

歸妹

侯叔興起季子富有照臨楚國蠻荆是安

元刊注季氏富於周公然下日照臨

楚國則上二句皆楚事也按左傳文元年楚成王欲立商臣爲太子令尹子上曰楚國之舉恆在少者言楚君恆爲少子也又昭十三年叔向曰弃疾必有楚國辛姓有亂必季實立楚之常也首二句言楚之興起富有者恆在叔季之子與子上叔向語同也左傳昭七年蓬啟疆曰將使衡父照臨楚國震爲侯爲興起爲荆楚伏艮爲叔季爲安○侯宋本作侯依元本

豐

白馬駿騮更生不休富我商人利得如丘

通換震爲白爲馬故曰白馬駿騮震

爲生二五正反震故曰更生不休震爲商人艮爲丘巽爲利○駿騮宋元本作駟駟依汲古

旅

灼火泉源釣魴山顛魚不可得炭不肯然

詳革之艮

巽

避患東西反入禍門糟糠不足憂動我心

詳否之需

兌

成王多寵商臣惶恐生其禍心使君危殆

伏艮爲成震爲王兌爲媚爲姬重兌

故曰多寵震爲商艮爲臣坎爲恐爲心爲禍爲危殆震爲君○成汲古作我形訛字臣作人聲訛字成依宋元本臣依元本宋本亦訛人君汲古作我依宋元本汲古多終无災咎四字宋元本无商臣楚成王世子後弑成王見左傳文元年

換

虎飢欲食見蝟而伏禹通龍門避咎除患元醜以安

良爲虎伏離中

虛故曰飢伏兌爲食坎爲棘爲蝟爲隱伏史記龜策傳注蝟能伏虎言虎將食見蝟而畏伏震爲龍艮爲門震爲帝王故曰禹孟氏逸象坤爲醜此似以坎爲醜○飢宋元本作飲依汲古患汲古作禍依宋元本

節

按民呼池玉杯文案魚如白雲一邑獲願

杯者杖之訛後漢書禮儀志仲秋縣

道按戶比民年七十者授以玉杖八十九十禮有加文案蓋養老加禮也坎爲民爲池艮爲接震爲玉爲枕爲文案案枕也伏離故曰文伏巽故曰魚曰白坎爲雲故曰白雲艮爲邑坎數一故曰一邑此亦有故事爲今所不能攷牟庭等便謂呼池改爲安民縣在平帝二年爲焦氏所不及見疑爲崔篆所爲豈知安爲按之訛字同人之豫宋本元本汲古皆作按呼汲古且作湖安得據此訛字以致疑乎多見其不攷耳丁晏卿謂牟庭私改按爲安雖未必然然按民呼池與安民呼池義孰爲優可不煩言而解乃牟氏故作安民縣解固可疑也○首句各本皆作安民呼池依同人之豫校文汲古作大依宋元本魚元本汲古作泉雲作蜜皆形訛字依宋本邑汲古作挹乃後人妄改以就泉蜜之訛依宋元本

孚中

雙鳬鴛鴦相隨羣行南至饒澤食魚與梁君子樂長

良爲鳥正反良

故曰雙鳬曰鴛鴦曰羣行震爲行爲南兌爲澤爲食巽爲魚
爲稻梁或爲君子震爲樂巽爲長○羣宋元本訛君樂作與
茲依汲古

蔡侯朝楚留連江渚踰時歷月思其君后

詳豫之坤

小過既濟

膠車駕東與雨相逢五檠解墮頽机獨坐憂爲身禍

詳大過之蠱檠

墮元本作檠墜頽机宋本作頽元本作頽軫茲依汲古

未濟

螟蟲爲賊害我稼穡盡禾殫麥秋无所得

詳同人之節

震之第五十一

震

枯匏不利以濟舟渡踰河海无有溺憂

艮爲匏伏巽故曰枯匏震爲舟爲濟

伏巽爲利坎爲河海爲憂震出故无有溺憂○材依顧校各本皆作不朽顧云國語枯匏不利於人河汲古作江依宋元本首句言枯匏雖無用然以爲舟可利濟也

乾

陷塗溺水火燒我履憂患重累

此用遇卦震象震爲大塗坎爲水爲陷溺互艮爲火震在

艮上故曰火燒我履坎爲憂患

坤

旦生夕死名曰嬰鬼不可得祀

詳小畜之升祀宋元本訛視

屯

揚水潛鑿使石潔白裹素表朱遊戲臯沃得其所願心志娛

樂

詳否之師石宋元本作君表朱作附珠均依汲古沃元本訛汲汲古作澤其作君依宋元本裹各本皆作衣依豫之

大過宋元本校

蒙

眾鳥所翔中有大怪九身无頭魂驚魄去不可以居

詳否之同人

需

別根枯株不生肌膚病在於心日以焦枯

此亦用震象伏巽下斷故曰別根巽

殞落故曰枯株艮爲肌膚本卦伏坤爲死故曰不生坎爲心病离爲日爲焦枯

訟

府藏之富王以振貸捕魚河海筭竿多得

詳坎之大過貸汲古作貧筭竿元本

作筭網汲古作罟網依宋本

師

一莖九纏更相牽攀宿明俯仰不得東西請讞當決日午被

刑坎爲莖數一故曰一莖震數九故曰九纏伏巽爲繩爲纏
開遇卦震互艮爲牽初至四正反艮故曰互相牽攀震爲旦
故曰宿明宿明卽黎明也震東坎西艮閉故曰不得東西震
爲請爲獻坤殺故曰當決曰被刑伏離故曰日午被刑史記
司馬穰苴與監軍莊賈期旦日中會於軍門及期賈不至
召軍正問曰軍法期而後至者云何曰當斬乃斬之○相汲
古作用請作讚均依宋元本決宋元本作報午作中均依汲
古

比

耄老給背齒牙動搖近地遠天下入黃泉

坤爲老爲魚艮爲背故曰給背詩大

雅黃考台背爾雅釋詁老人皮膚消瘠若駘魚也伏兌爲齒
牙爲毀折故曰動搖乾伏故曰遠天坤爲水爲黃爲下爲死
故下入黃泉

畜小

羊舌叔虎野心善怒黷貨无厭以滅其身

羊舌虎叔向弟襄二十二年以受賄

爲范宣子所殺兌爲羊爲口舌伏艮爲叔爲虎故曰羊舌叔
虎坤爲野爲心震爲怒故曰野心善怒坤爲貨財爲身坤殺
故曰以滅其身○舌汲古訛蛇依宋元本

履

訐疑八子更相欺給管叔善政不見邪期

伏豫震爲子坤卦數八故曰八子震

爲言正反震故曰更相欺紿震爲管艮爲叔故曰管叔坤爲政震爲善故曰善政管叔者管仲言桓公死諸公子爲亂管仲不及見也○許宋元本作謀依汲古詩鄭風洵訐且樂韓詩作恂肝爾雅釋詁肝憂也然則訐疑者憂疑也

泰

絆跳不遠心與言反尼丘顧家茅簞朱華

震爲跳代巽爲繩故曰絆跳坤近故

曰不遠坤爲心震爲言乾亦爲言震言與乾言相背故曰言反伏艮爲尼丘爲家巽爲茅兌爲華乾爲大赤故曰朱華下二句義未詳或有訛字○絆宋元本作伴依汲古跳汲古作逃逃跳古通易林多古義頗疑汲古是今通俗從宋元本

否

蜉蝣戴盆不能上山搖推跌跋頓傷其顏

巽爲蟲故曰蜉蝣艮爲戴爲盆故曰

蜉蝣戴盆艮止故不能上山巽進退故搖推跌跋艮爲顏坤爲傷

同人

朝露不久爲恩惠少膏澤欲盡咎在枯槁

通師震爲朝坎爲露風散故曰不久

震爲恩惠坎爲膏澤坤亡故曰少曰盡離爲枯槁

大有

河伯之功九州攸同載祀六百光烈无窮

此用震象震爲伯互坎故曰河伯互

艮爲州震數九重震故曰九州攸同震爲百坎數六故曰六百離爲光也按竹書紀年謂夏祀前後共四百七十一年後

儒疑之茲謂九州攸同確謂禹也載祀六百謂禹食報之久也較竹書更多

謙

三人北行大見光明道逢淑女與我驥子

震爲人數三故曰三人坎爲北艮爲

光明爲道坤女震爲淑故曰道逢淑女震爲馬故曰驥子

豫

金精躍怒帶劍過午徘徊高庫宿於木下兩虎相拒弓弩滿

野

詳噬嗑之泰劍過宋元本作劍通依汲古拒汲古作距依宋元本○河圖帝覽嬉月者金之精又虎亦爲金精良爲虎兩虎相拒者言正反艮相背也高庫地名呂氏春秋出高庫之兵以賦民越絕書高庫在安成里勾踐藏兵之所

隨

江河淮海天之奧府眾利所聚可以富有樂我君子百福是

受

詳乾之觀五六句宋元本作好樂喜友汲古作安樂无憂依乾之觀校

蠱

不虞之患禍至无門奄忽暴卒病傷我心

詳蒙之明夷

臨

畫龍頭角文章未成甘言美語說辭无名

詳蒙之噬嗑角宋元本作頸依汲古

觀

缺破不成胎卵不生不見兆形

詳晉之益

嗑嗑

旁行不遠三里復反心多畏惡日中止舍

震爲行艮止故不遠艮爲里震爲反

數三故曰三里復反坎爲心爲畏惡離爲日艮爲止爲舍○復反汲古作反復依宋元本

責

四隕不安兵革爲患掠我妻子家復飢寒

震數四說文隕隊也又壞也司馬相

如上林賦隕牆塤漸坎爲破壞故曰四隕不安艮爲兵革坎爲患艮手爲掠震爲子伏巽爲妻故曰掠我妻子艮爲家坎爲寒離虛故曰飢寒○隕汲古作殯非依宋元本復宋元本訛履

剝

喜來如雲嘉福盈門眾才君子舉家蒙歡

此兼用震象震爲喜坎爲雲震爲嘉

福艮爲門爲君子爲家坎眾故曰眾才震樂故曰蒙歡○汲古第二句作第四句第四句作第二句今依宋元本

復

載金販狗利棄我走藏匿淵底折毀爲咎

詳隨之革毀宋本汲古訛晦元本訛

悔依局本

无妄大畜

日中爲市各抱所有交易貲賄函珠懷寶心悅歡喜

詳泰之升

日趨月步周遍次舍經歷致遠无有難處

首句宋元本作月步日趨茲依汲古

○乾爲日兌爲月震行故日趨月步震爲周艮爲次舍

頤

陽明失時陰凝爲憂主君哀泣喪其元侯

艮爲時坤失乾伏故曰陽明失時曰

陰凝爲憂坤爲憂也震爲主爲君震爲樂爲歌震反爲艮故曰哀泣震爲諸侯爲長故曰元侯坤爲喪

過大

年衰歲暮精魂遊去形容銷枯哀子相呼

乾爲年歲乾老故曰衰暮乾爲精魂

大過死故曰精魂遊去伏坤爲形容巽墮落故銷枯伏震爲子坤憂故曰哀子兌口故曰呼正反兌故曰相呼○哀宋元本作喪相作恩依汲古按思必是思之訛喪子思呼亦通

坎

少无功績老困失福跂行徙倚不知所立

艮爲少又爲老震爲功績坎困故无

功故失福震爲行爲徙倚爲立上下坎故不知所立○跂汲古作跌徙作跛均依宋元本

離

持心瞿目善數搖動自東徂西不安其處散渙府藏无有利

得伏坎爲心重離故曰瞿目禮玉藻視容瞿瞿注瞿瞿驚遽不審貌巽風故搖動離東兌西風散艮爲府藏艮伏故曰散渙府藏巽爲利兌折故无○瞿目汲古作耀目依宋元本持心瞿目者言驚懼不敢放逸也

咸齋貝贖狸不聽我辭繫於虎鬚牽不得來

詳需之睽

恆老狼白獠長尾大胡前顛卻躡无有利得

通益艮爲狼爲獠玉篇韓獠天下俊

犬艮爲尾與巽連故曰長尾艮爲須故爲胡胡領肉下垂也詩幽風狼跋其胡毛傳老狼有胡進則躡其胡故曰前顛後躡乾爲前巽爲顛爲利卻退也坤喪故无利○胡元本作狐依宋本汲古卻汲古作後依宋元本第四句汲古作岐人悅喜非依宋元本

遯背地相憎心志不同如火與金君猛臣慢虎行兔伏

艮爲背伏坤爲

地爲心志艮火乾金火爍金申不同與相憎之故也乾君艮臣艮虎震爲兔震伏故曰兔伏○慢汲古作懾依宋元本艮止故曰慢

壯大夏臺菱里湯文厄處鬼侯歡醢岐人悅喜

詳頤之復

晉牙葉生達螳蜋啟戶幽人利貞鼓翼起舞

此亦兼用震象震爲萌芽爲生故曰

牙葉生達兌爲谷爲螳蜋艮爲戶震爲人互坎故曰幽人艮止故曰利貞震爲翼爲鼓爲啟舞○達依小畜之睽校各本

皆作齒

卷十三

二

明夷

烈女无夫閔思苦憂齊子无良使我心愁

坤爲女震爲夫坤喪故无夫坤坎皆

爲思爲憂伏巽爲齊子詩齊風齊子居止傳文姜也與其兄襄公通故曰无良坤爲我坎爲心爲愁

家人

踐履危難脫厄去患入福喜門見我大君

此用震象互坎爲危難上震故踐履

危難震出故曰脫厄去患震爲福喜互艮爲門伏巽故曰入震爲君○我宋元本作悔依汲古

睽

折臂接手不能進酒祈祀閑曠神怒不喜

此仍用震象互艮爲臂爲手坎爲折

爲矯輳故曰折臂接手手反接也卽反縛也史記陳丞相世家至卽命武士縛信反接之又前漢陳平傳喻受詔卽反接檻車詣長安坎爲酒艮止故不能進震爲言故曰祈祀坎隱伏故曰閑曠言曠絕不祀也震爲神爲怒

蹇

蟻封穴戸大雨將集鵠起數鳴牝雞歎室相薨雄父未到在

道

此仍用震象伏巽爲蟻艮爲穴戸坎閑故曰封坎爲雨爲集震爲鵠爲鳴伏巽爲雞艮爲室末二句有訛字故義未

詳按漢明帝禱雨曾筮得此林召沛獻王輔誼敘其義王傳京易者也○起數汲古作數起未作來均依宋元本雄父疑

爲雄犬他林雄犬皆訛雄父是其證汲古又作雄文皆非

解

胡俗戎狄太陰所積固冰沍寒君子不存

古者以戎狄爲陰物故易林皆以坤

象戎狄卦有重坎坎爲月月者太陰之精故亦象戎狄重坎故曰積坎爲冰爲寒艮爲君子上卦艮覆故曰不存○第三句元本沍作沍汲古冰作冽茲從宋本沍者沍之訛左傳固陰沍寒

損

翕翕輶輶消頽崩顛滅其令名身不得全

坤震皆爲車而震爲聲故曰翕翕輶

輶皆車聲也坤消二至四艮山覆故曰崩顛艮爲名震淑故曰令名坤喪故滅其令名坤爲身坤死故不得全○消汲古訛稍依宋元本

益

螟蟲爲賊害我稼穡盡禾殫麥秋无所得

詳坤之革螟宋元本作灾殫作單均

依汲古

夬

三鳥飛來自我逢時俱行先至多得大利

伏艮爲鳥數三故曰三鳥艮爲時坤

爲我

姤 龍馬上山絕无水泉喉焦唇乾渴不能言

詳乾之訟絕宋元本作焦依汲古焦

唇汲古作唇焦能作可皆依宋元本

萃

春生萼乳萬物蕃熾君子所集禍災不至

伏震爲春爲生坤爲萼乳爲萬物坤

爲多故曰蕃熾艮爲君子坤爲集爲禍災○萼汲古作子依宋元本至宋元本作到依汲古

升

王孫季子相與爲友明允篤誠升擢薦舉

震爲王艮爲孫爲少男故曰王孫季

子兌爲朋友言舜舉八元八愷也

困

六明並照政紀有統秦楚戰國民受其咎

坎卦數六互離故曰六明並照巽爲

紀爲統兌西爲秦伏震爲楚爲戰上艮故曰戰國坎爲眾爲民六明指六國

井

蠃螽充側佞人傾惑女謁橫行正道壅塞

詳蠱之復傾各本多作所依蠱之復

校

革

登崑崙入天門過糟邱宿玉泉同惠歡見仁君

三字句詳比之姤

鼎

體重難飛未能越關不離空垣

通屯坤爲體爲重坎陷故難飛艮爲關爲垣坤虛故曰空

垣○离空宋元本作畜留依汲古

艮

玄黃虺隤行者勞疲役夫憔悴踰時不歸

詳乾之革不汲古作得依宋元本

漸

孔德如玉出於幽谷飛上喬木鼓其羽翼輝光照國

詳同人之坎喬

汲古作高依宋元本

歸妹

火雖熾在吾後寇雖眾在吾右身安吉不危殆

詳大有之需在吾宋元本

作出我依汲古吉元本作居依宋本汲古

豐

旃裘羶國文禮不飾跨馬控弦伐我都邑

詳豫之需

旅

被髮八十慕德獻服邊鄙不聳以安王國

巽爲髮兌數十艮數八故曰被髮八

十伏震爲德坎爲慕此似言太公八十歸周也艮爲邊鄙爲國伏震爲王故曰王國

巽

心得所好口常欲笑公孫蛾眉雞鳴樂夜

伏坎爲心爲夜互兌爲口伏震爲笑

爲公良爲孫故曰公孫異爲蠅爲雞鳴良爲眉坎爲夜詩衛
風螭首蛾眉皆狀美人之貌齊風雞既鳴矣毛傳云雞鳴而
夫人作朝盈而君作皆遵詩序思賢妃之說茲云樂夜與下
匪雞則鳴蒼蠅之聲意合然則焦謂此詩爲荒淫樂夜之詩
與毛序異○夜汲古作從依宋元本

兌

馬能負乘見邑之野并獲梁稻喜悅无咎

伏震爲馬爲乘良爲負爲邑爲野異

爲稻梁兌悅○能汲古作西依宋元本梁宋元本作案依汲古

渙

高飛視下貪饕所在腐臭爲患害於躬身

良爲飛上巽故曰高飛良爲視坎爲

下巽爲臭腐坎爲患害良爲身

節

東行西步失其次舍乾侯野井昭君喪居

詳鼎之噬嗑君喪汲古作公求依宋

元本

孚 中

神鳥五彩鳳凰爲主集於王谷使年歲有

震爲神良爲鳥巽卦數五故曰神鳥

五彩震爲主良爲鳳凰良爲谷震爲王故曰王谷一統志中條山有王官谷盧思道從駕玉照寺頌王谷蟲篆震爲年歲

○王汲古作山有作育均依宋元本

過小

石門晨門荷蕢食貧遁世隱居竟不逢時

詳革之旅啟宋元本作闕食作疾均

依汲古

濟既

齟齬齧齧貧鬼相責无有懽怡一日九結

卦爲三兌形兌爲牙齒故曰齟齬齧

齧兌爲口故相責坎爲鬼爲憂故不怡離爲日數九故一日九結

濟未

白日揚光雷車避藏雲雨不行各止其鄉

詳否之困

艮之第五十二

艮

君孤獨處單弱无輔名曰困苦

互震爲君坎爲孤艮一陽在上故爲獨爲單弱坎爲

困苦○汲古下有輔心湧泉碌碌如山八字明係衍文依宋元本刪

乾

憂驚已除禍不爲災安全以來

艮中爻坎坎爲憂中爻震震爲驚今艮之乾坎與震象皆

不見故曰憂驚已除禍不爲災乾爲福故曰安全

坤

穿窬挹水箒鐵然火勞疲力竭飢渴爲禍

艮爲窬今化坤上爻拆故曰穿窬又

艮卦坎爲穿坎水艮手故曰挹水艮爲箒箒龍也爲鐵爲火夫穿窬挹水箒鐵然火皆不能之事故勞疲无功坎爲勞爲禍坤虛故飢艮火故渴

屯

蹇牛折角不能載粟災害不避年歲无穀

坤爲牛艮爲角上坎故曰蹇牛折角

坤爲載震爲粟爲穀坤爲年歲爲災害故无穀也

蒙

邑將爲墟居之憂危

坤爲邑坎破故爲墟爲憂危

需

根剝樹殘華葉落去卒逢火焱隨風僵仆

此仍用艮象伏巽下斷故曰根剝曰

樹殘伏兌爲華震爲葉巽隕故曰華葉落去艮爲火重艮故曰焱焱音豔火華也班固東都賦焱焱炎炎巽風坎陷故仆元后貪欲窮極民力執政乖互爲夷所覆

乾爲君故曰元后坎爲心故曰欲爲

勞故曰窮極民力伏坤爲政爲乖爲夷狄坤喪故曰覆○互元本作牙汲古作劣依宋本與下覆協牙互同

師

北山有棗使叔壽考東嶺多栗宜行賈市陸梁雌雉所至利

喜

此仍用艮象艮爲棗栗下艮與坎連故曰北山上艮與震連故曰東山艮爲叔爲壽伏巽爲賈市離爲雉○栗汲古說栗依宋元本喜宋元本作害依汲古

比

高原峻山陸土少泉草木林麓嘉禾所炎

艮爲高原峻山坤爲陸土坎爲泉坎

下乘坤土艮火故曰少泉坤爲品物故曰草木林麓曰嘉禾艮爲火故曰炎○炎汲古作災依宋元本

畜小

辰次降婁王駕巡狩廣施德惠國安无憂

通豫艮居西北降婁者戊次故曰辰

次降婁震爲王爲巡狩爲德惠坤爲國艮安坤爲憂震出故无憂○狩宋元本作時非第三句宋本作廣祐德惠元本作廣祐施惠依汲古

履

輶輶輶輶歲暮偏弊寵名損棄君衰於位

通謙震爲車爲聲故曰輶輶輶車聲

也而坤亦爲車故曰輶輶輶音雷連屬不絕也坎爲暮坤爲歲故曰歲暮巽爲弊故曰偏弊艮爲名坤喪故曰損棄震爲君坤敝故衰於位艮爲位也○損汲古作復輶作輶茲依宋元本

泰

放銜委轡犇亂不制法度无恆君失其位

互兌爲銜伏巽爲轡震出故曰放銜

委轡曰奔亂不制坤爲亂也乾君在下故曰失位○奔汲古
作奔字同汲古作常均依宋元本

否

獨坐西垣莫與笑言秋風多哀使我心悲

良爲坐爲垣伏兌故曰西垣震爲笑

言震伏故莫與笑言巽風伏兌故曰秋風坤爲心爲悲哀爲我○坐汲古作登依宋元本

人同

脛急股攣不可出門暮速羣旅必爲身患

伏震爲脛巽爲股巽風故曰急巽爲

繩爲係故曰攣攣音戀手足曲病也乾爲門巽隕故不可出門坤爲暮爲羣爲身爲患暮速羣旅者言使伴旅至暮戒備也○羣宋元本作歸依汲古

有大

情僞難知使我偏頗小人在位雖聖何咎

通比坎爲心又爲隱伏故曰情僞難

知坤爲我坎爲邪曲故曰偏頗坤爲小人艮爲位故曰小人在位坎爲聖爲咎

謙

黍稷醇醴敬奉山宗神嗜飲食甘雨嘉降庶物蕃茂時无災

咎

詳比之需汲古多獨蒙福祉四字依宋元本

豫

公子王孫把壺攝丸發輒有獲室家饒足

詳比之小畜

隨

陰升陽伏舜失其室慈母赤子相餒不食

陰上陽下故曰陰升陽伏震爲帝故

曰舜艮爲室兌毀故舜失其室異母故慈震子艮納丙故曰赤子震爲食正覆震故曰相餒以飯哺人曰餒艮止故不食○慈母汲古作元元餒作餒茲依宋元本

蠱

七竅龍身造易八元法天則地順時施恩利以長存

詳謙之升

臨

逐狐東山水過我前深不可涉失利後便

詳蒙之蠱

觀

銜命辱使不堪其事中墜落去更爲負載

巽爲命伏兌故曰銜命坤爲事巽爲

墜落故曰中墜落去艮爲負坤車故曰載

噬嗑

溫仁君子忠孝所在入閨爲儀禍災不起

震爲溫仁艮爲君子坎爲忠伏巽爲

孝爲入艮爲閨離爲禮故曰入閨爲儀離爲禍災震解故曰禍災不起○入閨汲古作八閨依宋元本

賁

春多膏澤夏潤優渥稼穡成熟畝獲百斛師行失律霸功不

遂震爲春商爲夏坎爲膏澤爲優渥震爲稼穡艮爲成爲畝震爲斛爲百故曰畝獲百斛師行二句與上文不類定爲

衍文○成熟與斛韻汲古作熟成非依宋元本

剝

二女同室心不聊食首髮如蓬憂常在中

艮爲室重坤故曰二女坤爲心兌爲

食兌伏故不食艮爲首坤爲憂髮象蓬象疑用坤否則用遇卦艮象艮中爻互震爲蓬爲髮互坎爲中

復

築闕石巔立基泉源病疾不安老孤爲鄰

此用艮象艮爲闕爲石重艮故曰築

闕石巔互坎爲泉震爲基在坎上故曰立基泉源坎爲疾病爲孤艮爲壽故爲老震爲鄰也○闕宋元本作闕孤說狐均依汲古基宋元本作本汲古作木皆形訛字依漸之益校

无妄

欲避凶門反與禍鄰顛覆不制痛薰我心

乾爲門巽隕故曰凶門巽伏故曰避

伏坤故曰禍鄰震爲鄰也巽隕故曰顛覆坤爲心爲痛爲我艮九三云厲薰心林所本也

大畜

蹢行竊視有所畏避狸首伏藏以夜爲利

此用艮象互震爲行艮爲視互坎爲

險故曰蹢行蹢敬畏不安之貌也互坎爲盜故曰竊視坎爲伏故曰畏避艮爲狸爲首互坎故曰伏藏坎爲夜言狸利夜動也又狸首逸詩篇名周禮春官鐘師凡射王奏騶虞諸侯奏狸首按此言樂節狸首周禮禮記皆作狸莊子史記皆作狸

廣韵狸狸俗字

頤

人面鬼口長舌爲斧斲破瑚璉殷商絕後

震爲人艮爲面坤爲鬼震爲口故曰

人面鬼口伏兌爲舌爲斧異爲長故曰長舌爲斧艮手爲斲震爲玉故曰瑚璉震爲子殷商子姓而坤爲殺爲死故曰殷商絕後震爲後也○斲宋元本作劈依汲古人鬼汲古作八九九與鬼本通用鬼侯作九侯是也茲依宋元本

大過

和氣相薄膏澤津液生我嘉穀

兌悅故曰和正反兌故曰相薄兌水故曰膏澤津液異爲

穀乾爲生

坎

銷金獸兵雷車不行民安其鄉

艮爲金艮火故銷金艮爲兵戈艮止故獸兵震爲車爲雷

艮止坎陷故不行坎爲民艮爲鄉爲安故曰民安其鄉○獸汲古作鑄非依宋元本

離

秦儀機言解其國患說燕下齊作相以權

互兌爲秦商爲禮故曰儀蘇秦張儀

也中爻正反兌故曰機言伏艮爲國坎爲患震爲解故曰解其國患兌爲說說燕指秦下齊指儀兌爲燕異爲齊爲權按秦儀說齊燕見史記作相以權者言秦爲六國相儀爲秦相魏皆權詐之事下猶服也○三四句各本皆作一說燕下齊

相以權依王校

卷十三

三

咸

旦夷輔王周德孔明越裳獻雉萬國咸康

通損震爲旦爲夷爲王爲周孔坤爲

裳爲雉爲萬國良爲安故曰咸康史記周召秉政越裳氏獻白雉○輔王宋元本作王輔非王與明韻

恆

弱足則跟不利出門賈市无盈折亡爲患

震爲足爲跟兌折故弱足初震爻下

斷故曰則跟伏艮爲門足則故不利出門異爲賈市兌毀折故不利也

遯

堅冰黃鳥常哀悲愁不見白粒但覩藜蒿數驚驚鳥爲我心

憂

詳乾之噬嗑常宋元本訛帝依汲古藜元訛藜依宋本

壯大

魂微惷惷屬續聽絕豁然大通復更生

詳明夷之恆

晉

陰生麋鹿鼠舞鬼哭靈龜陸處

坤爲陰艮爲麋鹿爲鼠坤爲鬼震爲笑歌震反爲艮則哭

泣矣中孚六三卽如此取象也萬爲龜坤艮皆爲陸故曰陸處○汲古下多金龜草土人知敗國桀亂无緒三句元本同惟金作兩土作坐人作仁依宋本然似有三句而意始足坤爲金龜爲草土爲國坎爲敗商爲惡人爲亂故曰桀紂无緒

明夷

諸石攻玉无不穿鑿龍體具舉魯班爲輔麟鳳成形德象君

子

詳姤之大過諸石卽監諸具宋本汲古作吾依元本○大過伏願此則用艮艮三至上亦願故語同

人家

山作天時陸爲海口民不安處

此用艮象艮爲天爲時故曰山作天時艮爲陸中爻坎爲

海震爲口坎爲民坎陷故不安天時疑皆訛

曉

東風啟戶隱伏懽喜氓庶蒙恩復得我子

此仍用艮象互震爲東伏巽故曰東

風啟戶坎爲隱伏爲氓庶震爲懽喜爲子

蹇

華燈百枝消暗衰微精光欲盡奄如灰麤

詳隨之大有消宋元本作稍汲古作

植依隨之大有校麤爛也宋本作麤依汲古奄汲古作命亦通茲依宋元本

解

三十无室寄宿桑中上宮長女不得樂同使我失期

衛風期我乎桑

中要此乎上宮經奔詩也此仍取艮象互震數三伏兌數十坎爲室坎伏故曰三十无室坎爲宿震爲桑故曰寄宿桑中艮爲上爲宮巽爲長女巽伏故曰不得樂同坎爲失艮爲期

○樂宋元本

本作來依汲古汲古无末句依宋元本補又宿字

汲古作伯形不全依宋元本

損

卯與石鬪糜碎无疑動而有悔出不得時

震爲卯艮爲石震艮相對故曰鬪兌

毀故曰糜碎震爲動坤爲悔艮爲時○糜宋元本作糜依汲古

益

秦兵爭強失其貞艮敗於殺鄉

伏兌爲秦坤爲兵正反震故曰爭強艮爲貞艮坤喪故曰

失艮山故曰殺鄉左傳秦穆公違蹇叔使孟明伐鄭敗於殺

夬

虞除善疑難爲攻醫驥窮鹽車困於銜箠

虞除卽箠條箠同爾雅箠條口柔

詩邶風毛傳云箠條不能俯者郭云口柔之人視人顏色常亦不伏因以爲名按疏口柔之人必仰面察人顏色而爲辭故曰善疑虞除爲生成之病故不能攻治也此仍用艮象艮爲虞除互坎爲疑三至上正反艮故曰攻醫坎陷故難互震爲車爲馬兌爲齒故曰鹽車故曰銜坎爲困窮故曰驥窮鹽車困於銜箠馬策也艮爲小木故曰箠○虞宋本汲古訛虐元本訛虐然由次句視之其爲虞无疑也疑宋元本作猛亦後人從虎虐二字妄改獨汲古尙存其眞益証虞字之確切箠汲古作御依元本按說文虞司馬相如說封豕之屬封豕亦不能俯太玄閑首作遽除皆不從竹疑古文詩卽如此

故易林太玄皆不從竹從竹後人所加易女承筐鄭作匡謂從竹者誤茲殆與同

姤

操笥搏狸荷弓射魚非其器用自令心勞

此仍用艮象艮爲狸艮手爲操爲搏

伏离爲荷故曰操笥搏狸艮爲荷坎爲弓震爲射伏巽爲魚震爲器坎爲心爲勞笥所以取魚弓矢所以射狸今施非物故无功也

萃

葵邱之盟晉獻會行見太宰辭復爲還興

兌爲華艮山故曰葵丘兌爲口爲巫

故曰盟伏震爲晉爲行艮爲官故曰太宰坤爲輿巽退故曰還輿按左傳僖九年會於葵丘王使宰孔賜齊侯胙既盟宰孔先歸遇晉侯曰可无會也齊將亂晉侯乃還

升

牘詐龐子夷竈書木伏兵卒發矢至如雨魏師驚亂將獲爲

虜涓死樹下

則足曰牘巽下斷故曰牘正反兌口故曰詐震爲子坤亂故曰龐子坤爲夷爲金故曰夷竈夷

平也震爲木坤文故曰書木坤爲兵巽爲伏震出故曰伏兵卒發初四互坎坎爲矢爲雨震爲魏爲驚坤爲師爲亂故曰魏師驚亂震爲主爲將坤爲死喪巽爲樹史記孫臏傳臏率齊兵與魏龐涓戰曰臧竈佯退兵至馬陵道設伏並斫樹使

白大書曰麗涓死此樹下涓追至鑽火視書忽萬弩齊發果
被射死公子印被虜○書木宋元本作盡毀伏兵作兵作
非依汲古末句依宋元本增汲古无

困

南行出城世得大福王姬歸齊賴其所欲

伏賁震爲南爲行
艮爲城爲世震爲

福爲王爲姬爲歸異爲齊左傳莊二年王姬歸齊魯爲主○
大元本作天從汲古

井

冬採薇蘭地凍堅難利走室北暮无所得

異爲臭爲草莽故
曰薇蘭坎爲冬爲

冰故曰地凍伏艮爲堅故曰堅難坎爲室爲北異爲利伏震
爲走故曰利走室北坎爲暮離虛故无得薇宋元本作微依
汲古

革

王喬无病狗頭不痛亡屐失履乏我送從

革伏蒙艮爲壽故
爲仙人王子喬古

仙人也艮爲狗爲頭坎爲病痛艮在上出險故不病痛互震
爲展履坤爲亡失爲乏

鼎

宛馬疾步盲師坐御目不見路中宵不到

通屯震爲馬爲步
坎爲疾故曰疾步

屯初至五大離故曰盲坤爲師艮爲坐爲御故盲師坐御震
爲大塗坤坎皆爲黑故目不見路坤爲夜坎爲中艮止故中

宵不到。○不汲古作弗非依元本

震

求利難國亡去我北憂歸其城反爲吾賊

中爻艮爲求爲國坎爲難伏巽爲利

故曰求利難國坎爲北爲憂艮爲城震爲反故曰歸城坎爲盜賊○吾賊汲古作我賊依宋元本

漸

比目四翼安我邦國上下无患爲吾喜福

通歸妹互离兌卦數二故曰比目震

爲翼卦數四故曰四翼本卦艮爲邦國艮安故曰安我邦國艮山故曰上兌澤故曰下坎爲患震出故曰无患震爲喜福艮爲吾○吾喜汲古作我嘉依宋元本

歸妹

八材既登以成股肱龙降庭堅國无災凶

股肱汲古作嘉功依宋元本伏巽爲

肘艮爲臂爲肱震爲鳴爲毛羽故曰龙龙多毛犬也伏艮爲庭爲堅爲國互坎爲災凶震解故无八材象或以震居東方

豐

消弊穿空家莫爲宗奴婢逃走子西父東爲身作凶

巽隕落故曰消

弊伏坎爲穿离虛故曰空伏艮爲家震爲主爲宗風散故莫與爲宗艮爲奴婢艮伏故曰逃走震爲子兌西故曰子西震爲父故曰父東伏艮爲身巽隕故凶也○消宋元汲古皆作稍依局本

旅

鳥舞國城邑懼卒驚仁德不脩爲下所傾

艮爲鳥爲舞爲國城爲邑伏坎爲懼

震爲驚爲仁德震伏故曰仁德不脩兌爲下兌毀故曰傾

巽

五穀不熟民苦困急駕之南國嘉樂有得

巽爲穀卦數五故曰五穀巽隕落故

不熟伏坎爲民爲困急伏震爲南艮爲國○五宋元本說三駕元本作亟均依汲古三四言巽究爲震即安樂也

兌

黃裳建元福德在身祿祐洋溢封爲齊君富貴多孫

遇卦艮互震爲

裳爲黃爲元爲福德祿祐艮爲身互坎故曰洋溢震爲君本卦互巽故曰齊君艮爲貴爲孫○宋元本汲古多賈市无門四字在第五句此於上下句義絕不屬斷爲衍文刪去而存其語以俟校此書者坤六五黃裳元吉五君位故曰建元齊東郭盧嫁於洛都駿良美好利得過倍

詳坤之坎嫁汲古作續過作萬盧作

盧均依宋元本駿良衆元作驪婦依汲古嫁往也

節

安牀厚綈不得久宿棄我嘉宴困於南國投杼之憂不成禍

災

艮爲牀伏巽爲綈坎爲宿兌毀折坎險故不得久宿兌食震嘉故曰嘉宴坎爲困震南震國故曰困於南國坎爲機

得爲憂爲禍災戰國策有人與會參同姓名殺人告其母不信三告母乃投杼而走

中孚

內崩身傷中亂无常雖有美粟不我得食

卦中虛故曰內崩艮爲身兌爲傷巽

爲栗震爲嘉故曰美粟兌爲食上卦兌覆故不得食○末句汲古作不得其食依宋元本

小過

出門逢患與禍爲怨更相擊刺傷我手端

此仍用艮象艮爲門震出中爻坎爲

患爲禍爲怨艮爲擊刺三至上正覆艮相對故曰更相擊刺艮爲手坎爲傷

既濟

出入節時南北无憂行者函至在外歸來

此仍用艮象震出伏巽爲入艮爲時

故曰出入節時震爲南坎爲北爲憂震爲行爲歸艮爲函三至上震起艮止故曰在外歸來○函汲古作卽依元本

未濟

公孫駕驪載遊東齊延陵說產遺季紵衣

此仍用艮象震爲公艮爲孫震馬故

曰駕驪震爲遊爲東伏巽爲齊故曰東齊艮爲山爲季子故曰延陵吳延陵季子也震爲生爲樂故曰悅產產鄭子產也震爲衣爲草莽故曰紵衣左傳吳季札至鄭見子產如舊相識與之綈帶子產獻紵衣○驪汲古作車依宋元本

焦氏易林注卷十四

行唐尙秉和節之注

蒲城仵道益

受業

豐潤董維

城校刊

漸之第五十三

漸

別離分散長子從軍稚叔就賊寡老獨居莫爲種瓜

異隕落故別離

分散震爲長子爲爭戰震伏故曰長子從軍艮爲少男故曰稚叔艮坎連故曰就賊異爲寡艮爲老坎爲孤獨故曰寡老獨居艮爲果蓏故曰瓜。居汲古作安非依宋元本

乾

旦種穀豆暮成藿羹心之所願志快意愜

詳前以其爲乾卦故再釋之此用漸

象伏震爲旦異爲穀豆爲藿藿坎爲暮爲羹旦種暮食言其速也坎爲心志兌悅故曰快日愜。穀宋元本作菽菽亦豆也故從汲古

坤

牡飛門啟憂患大解不爲身禍

坎爲牡艮爲門漸變坤中虛故曰牡飛門啟坎爲憂患變

坤故曰憂患大解坤爲身爲禍風散故不爲身禍

屯

東山西山各自止安雖相登望竟未同堂

詳姤之坤艮山震東坎西艮爲止爲

望爲堂震爲登

蒙

眾鳥所翔中有大怪九身无頭魂驚魄去不可以居

詳否之同人丁

云郭璞江賦奇鷗九頭御覽典略云齊園有九頭鳥赤色似鴨九頭皆鳴又引嶺表錄異云鬼車入人家鍊人魂氣又酉陽雜俎亦云鬼車十首後爲犬嚼落一首

需

交侵如亂民无聊賴追戎濟西敵人破陣

通晉坤爲亂爲民坤喪故民无聊賴

坤爲戎坎爲酉坎水故曰濟西坎爲破坤爲師故曰破陣左傳莊十八年追戎於濟西不言其來諱之也○戎汲古訛我敵人破陣作狄人便彈均依宋元本

訟

麟鳳所翔國无咎殃賈市十倍復歸惠鄉

互離爲文故曰麟鳳伏坤爲國巽爲

賈市爲倍坤數十故曰賈市十倍坤爲鄉震爲歸爲惠

師

鑿井求玉非卞氏寶身困名辱勞无所得

互震爲寶玉坎爲井爲困辱爲勞坤

爲身長爲名二四艮覆故曰名辱。寶宋元本作室汲古作宅依局本

比

文山鴻豹肥脂多脂王孫獲願載福巍巍

陸佃埤雅引郭璞曰鵠似雁无後趾

毛有豹文亦名鴻豹易林文山鴻豹謂此也坤爲文艮爲山爲鴻爲豹故曰文山鴻豹伏乾爲肥坎爲膏爲脂艮爲孫伏乾故曰王孫艮山形長故曰巍巍

小畜

周成之隆刑措除凶太宰費石君子作人

通豫震爲周艮爲成坎爲刑法坤爲

凶艮止故曰刑措除凶艮爲官爲石故曰太宰費石按左傳莊八年反誅屢於徒人費鞭之見血出遇賊于門袒而示之臂請先入伏公而出鬪死於門中石之紛如死于階下費石皆忠于襄公者故下曰作人艮爲君子。石汲古作祐依宋元本

履

珪璧琮璋執贄見王百里甯戚應聘齊秦

詳需之井。璋宋元本作瑱

泰 穿空漏徹破壞殘缺陶弗能治瓦甃不鑿

伏巽爲空漏兌爲破缺伏日爲火故

日陶冶破缺故不能陶冶艮爲瓦甃坤虛故不必鑿

否 鴻飛遵陸公出不復伯氏客宿

詳損之蹇

同人

蝦蟇羣聚從天請雨雲雷運集應其願所

詳大過之升未句汲古作應時輒下

得其所願依宋元本又運汲古作連亦非

大有

老弱无子不能自理爲民所憂終不離咎管子治國侯伯賓

服乘輿八百尊我桓德

通比坤爲老弱三至五震覆故曰无子坤爲民爲咎坎爲憂艮爲終離同

○桓後四句與上文意不屬定爲崔篆虞翻等林辭所竄入者

謙

播梅折枝與母別離絕不相知

詳訟之謙播種也言折枝種於他處與母別離者言此枝

與母樹分離也震爲梅爲枝爲耕種坤爲母丁亥釋文引說苑執一枝梅事爲解皆由播訛爲播之誤也○播各本皆作蟠依訟之謙校

豫

盛中不絕衰老復拙盈滿減虧瘵瘵脂肥鄭昭失國重耳興

起

震爲盛坎爲中坤爲老爲減虧艮爲節故曰瘵瘵曰肥脂坎爲鄭艮爲光明故曰鄭昭坎爲失坤爲國故曰失國坎爲耳坤爲重震起故曰重耳興起○瘵元本作癡依宋本汲古左傳桓六年謂其不疾瘵瘵也注瘵瘵疥癬瘵不從病卽瘵字

隨

聞虎入邑必欲逃匿走據陽德不見霍叔終无憂慝

艮爲邑爲虎巽

爲入兌爲聞故曰聞虎入邑戰國策夫市无虎明矣然而三人言而成市虎巽爲隱伏故曰逃匿震爲走艮納兩爲山陽故曰走據陽德艮爲叔爲山故曰霍叔巽伏故不見艮爲終丁亥所釋至爲牽強不可從闕疑可也○心宋元本作必走作无陽作易均依汲古霍叔元本作霍叔依宋本汲古終汲古作絕依宋元本易林以兌爲耳故爲聞

蠱

隨時逐便不失利門多獲得福富於封君

艮爲時震爲逐巽爲利艮爲門故曰

利門震爲福爲君

臨

禹作神鼎伯益銜指斧斤旣折幢立獨坐賈市不饑枯槁爲

禍詳小畜之益憧宋元本作撞依汲古坐各本皆作倚依小畜之益校市宋元本作萬依汲古宋本汲古皆作售依元本

觀

春鴻飛東以馬貨金利得十倍重載歸鄉詳比之中孚

噬

金齒鐵牙壽考宜家年歲有餘貪利者得雖憂无咎艮爲金鐵爲壽

考伏兌爲齒牙震爲年歲爲有餘伏巽爲利坎爲憂震解故无咎也○餘宋元本作儲依汲古

賁

膏澤沐浴洗去污辱振除災咎更與福處互坎故曰膏沐曰洗去污辱離爲災

震爲福

剝

履階登墀高升峻巍福祿洋溢依天之威坤形似階墀而一陽在上故曰履階

登墀高升峻巍伏乾爲福祿爲天坤水故曰洋溢○升宋元本作登依汲古

復

坤厚地德庶物蕃息平康正直以綏大福坤爲庶物震爲生故曰蕃息坤爲平

爲直震爲福

妄无

絕域異路多所畏避使我驚惶思吾故處

伏并坤爲域兌決故曰絕域震爲大

塗異爲歧故曰異路巽伏乾惕故曰畏避坤爲我震爲驚○

惶宋元本作懼依汲古

畜大

襁褓孩幼冠帶成家出門如賓父母何憂

詳遜之恆茲取象旁通萃

頤

一尋百節綢繆相結其指詰屈不能解脫

八尺曰尋坤卦數八故曰一尋艮多

節坤爲百故曰一尋百節伏巽爲結艮爲指震爲解脫下卦艮反故曰其指詰屈○屈元本作詘依汲古

過大

鷹鷂獵食雉兔困極逃頭見尾爲人所賊

通頤艮爲鷹鷂震爲食坤文爲雉震

爲兔正反艮故曰困極艮爲頭在上故曰逃而下爲覆艮艮爲尾故曰見尾本卦兌爲見巽爲賊震爲人坤殺故曰爲人所賊賊害也○人宋元本作害非依汲古

坎

危坐至暮請求不得膏澤不降政戾民忒

忒宋元本汲古作忒依局本民汲古

作弗非依宋元本艮爲坐爲請求坎爲暮坎失故不得坎爲膏澤艮止故不降坤爲政爲民坎折坤故政戾民忒

離

剛柔相呼二姓爲家霜降旣同惠我以仁

詳家人之損

咸

慈母念子饗賜得士蠻夷來服國人懽喜

伏損坤爲慈母爲思念震爲子爲士

兌時故曰饗坤爲夷狄爲國震爲人爲喜

恆

良夫孔姬脅懼登臺柴季不扶衛輒走逃

詳損之恆

遯

子長忠直李陵爲賊禍及无嗣司馬失福

互巽爲長爲直爲桃李長山故曰李

陵巽爲賊巽下斷故曰无嗣乾爲馬爲福陰消陽故曰司馬失福謂司馬子長因救李陵而被腐刑也○李陵宋本作李氏汲古作季氏依元本

大壯

節度之德不涉亂國雖昧无光後大受慶

伏艮爲節坤爲亂爲國坤伏故曰不

涉亂國坤爲黑故曰昧曰无光震爲後乾爲大

晉

驅羊南行與禍相逢狼驚我馬虎盜我子悲恨自咎

伏兌爲羊商爲

南中爻坎故曰與禍相逢艮爲虎狼坎爲馬爲盜震爲子二至四震覆故子爲虎盜坎爲悲恨

明夷

尼父孔丘善釣鯉魚羅網一舉獲利萬頭富我家居

網宋元作釣依

人家

汲古○震爲陵爲父爲孔爲丘故曰尼父孔丘坤爲魚離爲羅網坤爲利爲萬坎爲首故曰獲利萬頭坎爲室家坤爲富

本根不固華葉落去更爲孤嫗

本宋元本訛大○巽爲枯下斷故曰本根不固伏震爲華

葉巽隕落故曰華葉落去巽爲寡爲婦故曰孤嫗

睽

設罟捕魚反得屠諸員困竭忠伍氏夷誅

此用漸象互離爲罔罟巽爲魚艮手

爲捕故曰設罟捕魚坎爲七爲刺故曰屠諸言得屠者專諸也坎爲弓爲員爲忠坎數五巽顛隕故曰伍氏夷誅謂伍員也左傳伍員進專諸於吳公子光吳越春秋專諸曰王何好光曰好魚炙專諸乃去從太湖學魚炙○屠汲古訛居今依宋元本

蹇

敏捷亟疾如猿集木彤弓雖調終不能獲

水流動故曰敏捷亟疾艮爲猿爲木

坎爲集故曰如猿集木坎爲弓爲赤故曰彤弓艮爲終

解

冠帶南行與福相期邀於嘉國拜位逢時

此用漸象位汲古作爲音訛字依宋

本行宋元作遊漸艮爲冠巽爲帶互離故曰南行震爲福爲嘉艮爲國爲拜爲時

損

年豐歲熟政仁民樂祿入獲福

坤爲年歲爲多故曰豐熟坤爲政爲民震爲仁爲樂爲福

祿

益

築闕石顛立基泉源疾病不安老孤无鄰

詳艮之復泉汲古作水依宋元本

夬

逐狐東山水過我前深不可涉失利後還

詳蒙之蠱

姤

麟子鳳雛生長嘉國和氣所居康樂溫仁邦多聖人

伏坤爲麟鳳震

爲子爲雛爲生長坤爲國爲邦震爲樂爲仁乾爲聖人

萃

西行求玉冀得瑜璞反得凶惡使我驚戒

兌爲西伏震爲瑜璞爲玉艮爲求故

日西行求玉坤爲凶惡爲憂戒○瑜汲古作卞依宋元本

升

心狂老悖視聽聾盲正命无常下民多孽

坤爲心爲老悖易以兌爲眇二至四

五兌故曰視盲初至四五大坎故曰聽聾巽爲命巽進退不果故曰无常坤爲民爲孽爲下爲多

困

南國少子材略美好求我長女賤薄不與反得醜惡後乃大

悔詳比之漸此亦用漸象

井

逶迤高原家伯妄施亂其五官

伏艮爲高原伏震爲伯艮爲家故曰家伯家伯幽王臣助

王爲虐者也詩小雅家伯冢宰是也離爲亂艮爲官互坎卦數五故曰五官

革

謝恩拜德東歸吾國歡樂有福

震爲恩德艮爲拜爲國震爲東爲反故曰東歸吾國震爲

樂爲福全用旁通象

鼎

雞鳴同興思配无家執珮持鳧无所致之

巽爲雞爲鳴伏震爲興艮爲家艮伏

故曰无家艮爲執持爲鳧震爲玉故曰珮坤虛故曰无所致之詩鄭風女曰雞鳴士曰昧旦將翔將翔弋鳧與雁又知子之來之雜佩以贈之○興汲古詠舉珮作佩无所作莫使茲均依宋元本

震

凶重憂累身受誅罪神不能解

坎爲凶憂爲桎梏艮爲身故曰身受誅罪震爲神爲解坎

陷故不能解○累汲古作慮依宋元本

艮

虎豹熊羆遊戲山谷仁賢君子得其所欲

詳謙之中孚

歸法

海隅遼右福祿所至柔嘉蒙祐九夷何咎

兌爲海爲右震居東北故曰遼右震

爲福祿數九故曰九夷坎爲夷也

豐華首之山仙道所遊利以居止長无咎憂

詳謙之井

旅甲乙戊庚隨時轉行不失常節萌芽律屈咸達生出各樂其

類

詳噬嗑之坤樂汲古作順

巽跛躓未起失利後市不得鹿子

伏震震爲起坎蹇故跛躓巽爲利市坎爲失震爲後故曰

失利後市震爲鹿爲子風散故不得

兌怙恃自負不去於下血從地出誅罰失理

伏艮爲負二陽皆在上故曰不去於

下言有所恃不肯居下也詩曰无父何怙无母何恃坎爲血居重陰之間故曰血從地出坎爲刑罰

漢江河淮海天之都市商人受福國家饒有

詳謙之小畜

節節情省慾賦歛有度家給人足且貴且富

坎爲情欲艮止故曰節曰省坎爲聚

故曰賦錄度說文法制也坎爲法故曰有度艮爲家震爲人
艮貴震富○末句宋元本作利以富貴依汲古

孚中

蠅池鳴响呼求水潦雲雨大會流成河海

異爲蠅兌爲池震爲鳴呼伏大坎爲

潦爲雲雨爲河海○蠅池宋本汲古作牝馬元本作牝牛依隨之臨枝响宋元本作响依汲古水各本皆作其依隨之臨枝

過小

日月之塗所行必到无有患故

艮爲日兌爲月震爲大塗爲行震樂故无有患故

濟既

乘風而舉與飛鳥俱一舉千里見吾愛母

詳明夷之鼎

濟未

陰配陽爭卧木反立君子攸行喪其官職

卦三陽三陰故曰陰配陽爭言陰盛

與陽爭也昭帝元鳳三年春上林有柳樹枯僵自起生故曰卧木反立時睦孟言僵柳復起將有匹夫爲天子者被誅三四句亦似指其事

歸妹之第五十四

妹歸

堅冰黃鳥常哀悲愁不見白粒但覩藜蒿數驚驚鳥爲我心

憂

詳乾之噬嗑白汲古作甘觀作歎蒿作荆依宋元本鳥常元本作裳鳥似非

乾

荆木冬生司寇緩刑威權在下國亂且傾

此仍用遇卦象歸妹上震爲荆木爲

生坎爲冬故曰冬生坎爲寇爲刑震生故曰緩刑伏艮爲國離爲亂故曰國亂且傾

坤

喘牛傷暑不能耕畝草萊不闢年歲无有

世說滿奮曰臣猶吳牛見月而喘蓋

吳牛畏暑見月以爲日故喘也又漢書丙吉傳見牛喘吐舌而問之此用遇卦歸妹象離爲牛震聲故曰喘牛離爲夏故曰傷暑震爲草萊爲年歲坎折兌毀故无有○耕宋元本作成依汲古

屯

魚欲負流眾不同心至德潛伏

坤爲魚艮爲負坎爲流坤上艮上坎故曰魚欲負流坤

爲眾坎爲心震起艮止故不同心震爲德坎隱故曰潛伏○潛伏宋元本作安樂依汲古

蒙

春耕有息秋入利福獻豻私豻以樂成功

互震爲春爲耕爲生故曰有息伏兌

爲秋伏巽爲入爲利震爲福故曰秋入利福詩幽風言私其豻獻豻于公傳豻一歲曰豻三歲曰豻坎爲豻艮手爲獻艮爲小坎隱故曰私豻震爲樂爲功艮爲成○豻汲古作豻依宋元本

需 生有聖德上配太極皇靈建中授我以福

詳家人之需

訟 右撫琴頭左手援帶凶訟不已相與爭戾失利而歸

此似用歸妹象

兌爲右坎爲首震爲樂故曰右撫琴頭震爲左伏艮爲手爲援巽爲帶故曰左手援帶兌口震言故曰訟曰爭巽爲利坎失故曰失利

師 炙魚脰斗張伺夜鼠舌不忍味機發爲崇箴不得去

詳井之坎桐依

校宋元本作枯汲古作拈卦旁通同人巽爲魚下离故曰炙魚坤爲閉故曰桐斗震爲斗也張夜汲古作陰作碩忍作思機作譏均依宋元本說文桐斗可以射鼠

比 申酉脫服牛馬休息君子以安勞者得愼

坤位申坎位酉服猶駕也坤爲牛坎

爲馬艮止故脫服而休息也艮爲君子爲安坎爲勞五統羣陰故曰得愼

畜 堯問尹壽聖德增益使民不疲安无怵惕

詳遯之隨尹壽人名新序堯學乎尹

壽壽汲古作爵非

履

孤公寡婦獨宿悲苦目張耳鳴莫與笑語

詳訟之歸妹異爲寡乾父故曰孤公

泰

外得好畜相與嫁娶仁賢集聚諮詢厥事傾奪我城使家不

寧

坤爲養爲畜在上故曰外得好畜震爲嫁爲娶爲仁賢爲言故曰諮詢坤爲集聚艮爲城爲家三五艮覆故曰傾城

日家不寧按上六城復于隍卽謂三至上艮覆也

否

煎砂盛暑鮮有不朽去河千里敗我利市老牛盲馬去之何

悔

艮爲砂爲火故曰煎砂候卦乾在己巽後天亦居己艮火故曰盛暑巽爲朽爲利市坤爲河爲千里爲我爲敗爲老

牛乾爲馬坤迷故曰盲馬○千元本汲古丁本作三依宋本牛盲汲古訛手育依宋元本

同人

甲乙戊庚隨時轉行不失常節萌芽律屈咸達出生各樂其

類

詳漸之旅

大有

衣宵夜遊與君相遭解除煩惑使心不憂

乾爲衣說文依依也伏坤爲帛故曰

衣宵宵綃同土昏禮宵衣注宵讀爲詩素衣朱綃之綃綃綺屬也又特牲饋食禮主婦宵衣南面鄭注宵綺屬也此衣染

之以黑其繪本名曰宵詩有素衣朱宵記有玄宵衣然則衣宵夜遊者卽衣錦夜遊也伏坎爲夜乾爲君坎爲心爲憂感坎伏故解除○衣各本皆作依依小過之否校

謙

死友絕朋巧言爲讒覆白汚玉顏叔哀暗

艮爲朋友坤爲死故曰死友絕朋正

反震故曰巧言曰讒震爲白爲玉坤黑故曰覆白汚玉艮爲顏爲少子故曰顏叔坎爲悲哀顏叔未詳

豫

逐利三年利走如神展轉東西如鳥避丸

震爲逐伏巽爲利坤爲歲震數三故

日三年震爲神爲東坎位西爲丸爲隱伏艮爲鳥故曰如鳥避丸

隨

隄防壞決河水泛溢傷害禾稼君孤獨宿沒溺我邑

艮爲隄防兌附

決故曰壞決互大坎故曰河水泛溢震爲禾稼兌毀折故曰傷害禾稼震爲君坎爲孤獨爲寡故曰君孤獨宿艮爲邑○泛溢宋元本作放逸稼下汲古多民流去室四字宋元本无君宋元本作居依汲古

蠱

陰陽隔塞許嫁不答旄丘新臺悔往嘆息

詳晉之无妄旄无妄作宛宛丘陳詩

旄丘衛詩姑兩存之

臨

伯夷叔齊貞廉之師以德防患憂禍不存

詳泰之乾

觀

陽爲狂悖拔劍自傷爲身生殃

詳明夷之井

噬

進士爲官不若服田獲壽保年

艮爲官震爲士爲進故曰進士艮爲田爲壽爲保震爲年

賁

耕石不生棄禮无名縫衣失針禴袴不成

震爲耕上艮故曰耕石离爲禮艮爲

名坎隱伏故曰棄禮曰无名震爲衣坎爲針伏巽繩故曰縫衣坎失故曰失針震爲禴伏巽爲袴坎破故不成

剝

靈龜陸處一旦失所伊子復耕桀亂无輔

艮龜處坤上故曰陸處

復

室當源口漂溺爲海財產殫盡衣食无有

坤水故曰漂溺

无妄

鷄方啄粟爲狐所逐走不得食惶懼喘息

巽爲鷄震爲粟爲逐艮爲狐乾惕故

曰惶懼

大畜

家在海隅橈短流深豈敢憚行无木以趨

詳觀之明夷橈短依校各本多作繞

旋繞形訛旋音訛字

頤

他山之錯與璆爲仇來攻吾城傷我肌膚國家騷憂

良爲山爲錯禹

貢厥貢磬錯注治玉之石曰錯詩小雅他山之石可以爲錯惟錯玉故曰與璆爲仇璆亦玉也坤爲仇爲城爲國爲傷良手爲攻爲肌膚爲家坤爲憂也○璆宋元本作環吾作我均依汲古

過大

弊鏡无光不見文章少女不嫁棄於其公

離爲鏡卦上下皆半離故曰弊鏡互

大坎故无光坤爲文章坤伏故曰不見文章巽爲少女震爲歸爲嫁爲公震伏故曰不嫁曰棄于其公也易大過以巽爲少女兌爲老婦故易林木之

坎

大蛇巨魚相搏於郊君臣隔塞戴公廬漕

詳噬嗑之訟廬漕依校各本多作出

廬不協第二句汲古作相輔殺之第四句作郭公失廬按鄭有內蛇外蛇鬪之事未有魚相搏者據此林似爲郭國將亡之事而今不能攷

離

絕世无嗣福祿不存精神渙散離其躬身

艮爲世震爲子艮震皆伏而兌爲附

決故曰絕世无嗣曰福祿不存震又爲福祿也震爲精神互巽風故曰渙散艮爲身艮伏不見故曰離○不元本作无從

宋本汲古

卷十四

咸

文德之君養人致福年无胎夭國富民實憂者之望會參盜

息

通損坤爲文震爲德爲君爲人爲福坤爲養爲年歲震爲胎坤爲死爲天震福故无坤爲國民爲富實下二語有訛

字難解○會宋本作憎元本作增姑從汲古以俟再攷

恒

合歡之國喜爲我福東岳南山朝躋成恩

通益坤爲國初至五正反震相對故

曰合歡之國震爲東又爲南上艮故曰東岳南山震爲朝爲躋爲恩德案周禮眡祲注云躋虹也酈風朝躋于西崇朝其雨疏亦訓躋爲虹言虹見於西方則雨氣應也躋躋同字然易林數見皆作躋朝躋成恩者言山岳虹見雨應以成其恩澤也○躋汲古作濟依宋元本恩宋元本作息依汲古恩與山韻

遯

憂人之患履悖易顏爲身禍殘率身自守與喜相抱長子成

老封受福祉

乾爲畏惕故曰憂患伏震爲履坤爲悖艮爲顏坤爲身爲禍艮爲守爲抱震爲喜爲長子坤爲

老後四句與前三句吉凶相反定爲衍文本林至第三句而止○老汲古作考義同

壯大

太公避紂七十隱處卒逢聖文爲王室輔

詳明夷之坤逢宋元本作受依汲古

晉

江漢上流政逆民憂陰代其陽雌爲雄公

互坎爲水坤亦爲水爲江漢爲流坤

爲政爲民逆行故曰政逆民憂坎爲憂也坤爲陰爲雌五陽位陰居之故曰代陽曰雌爲雄○代宋元本作伐非依汲古

明夷

縮緒亂絲舉手爲災越畝逐兔喪其衣袴

伏巽爲緒爲絲震爲反故曰縮緒坤

亂故曰亂絲坤爲畝爲喪震爲兔爲越爲衣伏巽爲袴坤喪故曰喪其衣袴○緒汲古作縮非依宋元本

人家

臭穢腐木與狼相輔亡夫失子憂及父母

巽爲臭坎豕故曰臭穢巽爲木爲腐

狼象未詳震爲夫爲子震伏故曰亡失坎爲憂巽爲母伏震爲父○木宋元本作水依汲古

睽

刳羊不當女執空筐兔跛鹿蹄緣山墜墮讒佞亂作

此用歸妹象上

二句歸妹上六意也兌爲羊坎爲刺故曰刳羊兌爲女震爲筐震虛故曰女執空筐震爲兔爲鹿互坎故曰跛蹄伏艮爲山伏巽爲墜墮兌口震言故曰讒佞亂作

蹇

拔劍傷手見敵不喜良臣无佐困憂爲咎

艮爲劍爲手坎爲傷故曰拔劍傷手

坎憂上坎中爻坎坎遇坎爲敵故曰見敵不喜爲見坎病故不喜艮爲臣爲佐坎爲孤故曰无佐坎爲困憂艮象傳云上下敵應卽以艮見艮爲敵也○喜宋元本作善困作國均依汲古

解

三殺五牂相隨俱行迷入空澤循谷直北徑涉六駮爲所傷

賊

詳无妄之觀賊宋本汲古作敗依元本徑皆作經依汲古无妄之觀校

損

爭雞失羊亡其金囊利得不長陳蔡之患賴楚以安

詳恒之夬

益

三驪負衡南取芷香秋蘭芬馥盈滿神匱利我仲季

震爲馬數三故

日三驪艮爲負爲衡巽爲香爲蘭芷震爲南故曰南取伏兌爲秋故曰秋蘭震爲神爲匱坤多故曰盈滿巽爲利艮爲季○衡宋元本作衡取芷作芷取均依汲古驪汲古訛灑

夬

孟夏已丑哀呼尼父明德訖終亂虐滋起

詳睽之恒夏汲古作春非

姤

履不容足南山多葉家有芝蘭乃无病疾

震爲履爲足震伏故不容足乾爲山

爲南巽爲芝蘭坤爲疾病坤伏故无○葉宋本作草元本作革芝宋元本作芳均依汲古

萃

三足无頭不知所之心狂睛傷莫使爲明不見日光

伏震故曰三足

乾爲頭乾伏故曰无頭三至上正反震故曰不知所之坤爲心巽風故曰心狂兌爲半离易履卦謂之眇故此曰睛傷艮爲日爲光互巽爲伏故曰不見○日宋元本作月非依汲古心狂睛傷汲古作心在精傷依宋元本

升

戴堯扶禹松喬彭祖西過王母道路夷易无敢難者

詳師之离松汲

古訛從依宋元本

困

式微式微憂禍相絆隔以巖山室家分散

詳小畜之謙絆汲古作半依宋元本

井

靈龜陸處一旦失所伊子復耕桀亂无輔

詳剗林

革

仁德覆洽恩及異域澤被殊方禍災隱伏蠶不作室寒无所

得

通蒙震爲恩德坤爲異域爲殊方兌爲恩澤坤爲禍災坎爲隱伏巽爲蠶坎爲室坎伏故曰不作室坎爲寒室繭也

鼎

夏麥薶薶霜擊其芒疾君敗國使年夭傷

詳泰之賁薶薶汲古作薶薶依宋元本

本

震

火雖熾在吾後寇雖多在吾右身安吉不危殆

詳大有之需

艮

遼遠絕路客宿多悔頑鷲相聚生我畏惡

詳明夷之小畜遼遠元本作遼遼依

宋本汲古

漸

懸懸南海去家萬里飛兔腰裏一日見母除我憂悔

詳晉之坎腰裏

各本作裹駿依晉之坎校

豐

困而後通雖厄不窮終得其願姬姜相從

震爲姬巽爲姜

旅

西賈巴蜀寒雪至載欲前不還得反空屋

詳家人之解空元本作室依宋本

巽

新作初陵爛陷難登三駒摧車躓頓傷頤

伏艮爲陵巽爲爛伏震爲登坎陷故

難登震爲駒數三坎破故曰三駒摧車伏坎爲蹇初至四互頤故曰躓頓傷頤

兌

延頸望酒不入我口深目自苦利得无有幽人悅喜

詳无妄之大畜

渙

仲春孟夏和氣所舍生我嘉福國无殘賊

坎爲仲互震故曰仲春對卦離爲夏

震爲長故曰孟夏坎爲和震出故曰舍震爲生爲嘉福艮爲
國坎爲賊風散故无賊舍發也

節

張網捕鳩兔離其災雌雄俱得爲罝所賊

通旅离爲網爲鳩
艮爲捕震爲兔旅

下卦震覆故曰兔罹其災離罹通用艮爲雄互巽爲雌離罝
在上故曰雌雄俱得巽爲賊也

中孚

三人俱行一人言北伯仲欲南少叔不得中路分爭道闕相

賊

詳剝之巽爭道汲古作道爭依宋元本

小過

然諾不行欺給誤人使我露宿夜歸溫室神怒不直鬼擊其

目欲求福利適反自賊

詳恆之觀後三句宋元本作鬼欲求
獨刺擊其目反言自賊依汲古

既濟

陳辭達誠使安不傾增祿益壽以成功名

詳明夷之晉

未濟

火燒公床破家滅亡然得安冒先憂重喪

半艮爲床重离故
曰燒坎爲破爲憂

豐之第五十五

豐

諸孺行賈經涉山阻與狄爲市不憂危殆利得十倍

孺說文
乳子也

震爲子兌少諸爾雅釋詁諸便便辯也震爲言故曰諸孺
震爲商賈故曰行賈伏艮爲山兌爲狄按呂覽有西翟翟狄
通用周語自竄于戒翟之間是也爾雅注稱東夷西戎北狄
然觀各書戎狄於西北實不分故林以兌西爲狄也巽爲市
坎爲憂坎伏故不憂不殆巽爲利爲倍兌數十故曰十倍林
意言諸孺行賈當危殆而竟得利也○山宋元本作火狄作
杖均依汲古

乾

鼎足承德嘉謀生福爲王開庭得心所欲

詳晉之大壯

坤

曳綸江海釣魴與鯉王孫列俎以饗仲友

此用豐卦互巽爲綸兌爲江海巽爲

魚故曰魴鯉伏艮爲王孫伏震爲俎兌食故曰饗兌爲朋友
伏坎故曰仲友○列俎宋元本作利得皆形訛字依汲古第
二句宋元本作釣挂魴鯉依汲古

屯

東山臯落叛逆不服興師征討恭子敗覆

艮山震東臯亦小山故曰東山臯落

臯落亦狄別種坤爲叛逆爲師震爲征討爲子坤順故曰恭
子坤爲敗覆恭子太子申生也閔二年晉侯使太子申生伐
東山臯落氏後申生卒被譖死

蒙

千里駢駒爲王服車嘉其麗榮君子有成

坤爲千里震馬故曰千里駢駒震爲

王爲車爲榮艮爲君子爲成爲王服車卽爲王駕車也

需

二龍北行道逢六狼莫宿中澤爲禍所傷

乾爲龍兌卦數二故曰二龍坎北故

曰北行伏艮爲道爲狼坎數六故曰六狼坎爲莫爲宿兌爲澤坤爲禍○二宋本汲古作三非依元本莫宋元本作暮亦非西漢時多作莫暮爲後人妄改故依汲古

訟

天災所遊凶不可居轉徙獲福留止危憂

乾爲天離爲災凶伏震爲轉徙爲福

坎陷故曰留止坎爲危爲憂也

師

狐狸雉兔畏人逃去分走竄匿不知所處

詳益之解知宋元本訛如非

比

雨師娶婦黃巖季女成禮旣婚相呼南去膏潤田里年歲大

喜

詳損之益女汲古作子去作上均依宋元本喜各本皆作有依損之益校田里各本皆作下土依恒之晉校

畜小

外棲野鼠與雉爲伍瘡痍不息卽去其室

伏坎爲鼠離爲雉坎離夫婦故曰爲

伍伏艮爲瘡痍坤死故不息坎爲室震爲去言將死而去其室也○雉宋元本作雞依汲古

履

天命絕後孤陽无主彷徨兩社獨不得酒

乾天巽命巽下斷故曰絕乾陽巽寡

故陽孤震爲主震伏故曰无主伏坤爲社兌卦數二故曰兩社元本注春社秋社也坎爲酒坎伏故不得酒古者社祭飲食宴樂故曰得酒或謂周社亳社亦爲兩社然下曰得酒似指春秋社祭也○天宋元本訛天

泰

鵠思其雄欲隨鳳東順理羽翼出次須日中留北邑復反其

室

詳需之離理宋元本作里依汲古須日中汲古作日中須依宋元本留元本訛苗

否

蜥蛇九子長尾不殆均明光澤燕自受福

巽爲蛇震數九故曰九子艮爲尾巽

爲長故曰長尾乾大明艮光明故曰均明光澤伏兌爲燕乾爲福殆音以

日走月步趨不同舍夫妻反目君主失國

詳小畜之同人

有大

定房戶室枯薪除毒文德淵府害不能賊

通比艮爲星艮止故曰定定星名也

房方通用詩小雅既方既臯鄭箋方房也定方者离乾皆在南坎坤皆在北鄭詩定之方中作于楚宮言定星中四方定

可作宮作室也艮爲室坤爲毒爲薪离爲枯枯薪除毒者按管子菽室煨造注煨謂火乾之也三月之時陽氣盛發易生瘟疫椒樹鬱臭以辟毒氣故燒之於新造之室以爲禳祓枯薪除毒卽此事也离爲女坤爲淵爲府爲害坎爲賊○定宋元本作宣薪作期茲依汲古宣字疑爲後人所改謂武帝築宮於瓠子河上名曰宣房獨不思下曰除毒確非治河之事而祓除之事也枯汲古作括依宋元本定房戶室應爲定方作室此林皆以詩爲本詩定之方中作于楚室注定昏中四方正是也詩秉心塞淵茲曰淵府皆依附詩詞故知定房必爲定方戶室必爲作室丁寔依宋本作宣房以爲宣房與史記合豈知宣爲訛字方房通用然各本皆作房戶亦不敢竟改爲方作論定以俟知者

謙

齊東郭盧嫁於洛都駿美良好利彼過倍

詳坤之坎盧宋本汲古作盧依元本

嫁往也見列子

豫

病篤難醫和不能治命終期訖下卽蒿里

詳臨之益

隨

開廓緒業王迹所起姬德七百報以八子

定四年武王之母弟八人又卜年七

百廓宋本汲古訛郭依元本緒汲古訛聚依宋元本震爲開廓爲王爲足故曰王迹震爲姬數七故曰姬德七百良數八

故曰八子

蠱

豐年多儲河海饒魚商客善買大國富有

震爲年艮止故曰儲異爲魚兌澤故

曰河海饒魚巽爲商賈艮爲國震爲富○河宋元本作江依汲古

臨

鵠求魚食過彼射邑繪加我頸繳挂羽翼欲飛不能爲羿所

得震爲鵠爲口坤爲魚故曰鵠求魚食坤爲邑震爲射故曰射邑伏巽爲繪繳伏艮爲頸震爲羽翼爲飛坤閉兌折故

不能飛坤惡故曰羿坤喪故爲所得

觀

望城抱子見邑不殆公孫上堂文君悅喜

艮爲望爲城爲抱坤爲邑爲文艮爲

孫爲堂伏震爲君故曰文君伏震爲喜兌爲悅○文宋元本作大非依汲古悅元本作歡依宋本殆音以

噬嗑

左指右麾邪淫侈靡執節无良靈君以亡

震左坎右艮手爲指麾坎爲邪淫震

富故曰侈靡艮爲執爲節震爲君坎爲棺槨故曰亡靈君謂陳靈公通夏姬爲夏徵舒所弑也○君宋元本作公依汲古

賁

日中爲市各持所有交易資賄函珠懷寶心悅歡喜

詳泰之升

剝

山沒丘浮陸爲水魚燕雀无廬

艮爲山丘在坤水上故曰山沒丘浮艮爲陸坤爲水爲魚

故陸爲水魚艮爲廬伏兌爲燕雀水大故廬圯也

復

馬服長股宜行善市蒙祐諧偶獲利五倍

震爲馬伏巽爲長爲股服猶駕也巽

爲市馬而長股必得善市伏巽爲市爲利爲倍巽卦數五故曰獲利五倍

无妄

三狸捕鼠遮遏前後死於圍城不能脫走

詳离之遯圍城宋本作環城元本作

環城依汲古

大畜

鬼舞國社歲樂民喜臣忠於君子孝於父

伏坤爲鬼爲國爲社震爲舞乾爲年

歲坤爲民震爲喜樂乾爲君父艮爲臣震爲子坤順故曰孝曰忠

頤

慈母望子遙思不已久客外野我心悲苦

詳咸之旅

大過

兩師娶婦黃巖季女成禮旣婚相呼南去膏澤田里年歲大

喜

校詳本林比

坎

兩狗同室相嚙爭食枉矢西流射我暴國高宗鬼方三年乃

順

艮爲狗爲室中爻正反艮故曰兩狗同室震爲口爲食正

反震相對故曰相嚙曰爭食坎爲矢爲曲屈故曰枉矢枉

矢

星名史記天官書枉矢如大流星坎位西故曰西流震爲

射艮爲國震健躁故曰暴國震爲宗坎爲鬼震爲年數三故

日三年○兩宋元本作百依汲古同汲古作圍嚙作咬茲依

宋元本

离

早霜晚雪傷禾害麥損功棄力饑无可食

詳离之蠱

咸

腐臭所在青蠅集聚變白爲黑敗亂邦國君爲臣逐失其寵

祿

巽爲腐臭爲青蠅青蠅小雅篇名戒王信讒也伏坤爲集

聚巽爲白爲敗亂艮黔故曰黑艮爲邦國爲臣乾爲君在

艮外故曰君爲臣逐乾爲寵祿兌毀折故曰失○第三句宋

本作變夷白黑元本作辨夷白黑夷疑爲更訛依汲古

恒

牽羊不前與心戾旋聞言不信誤給丈人

兌爲羊震爲後故

正反兌故曰戾旋戾旋不合也兌口爲言正反兌故曰不信

兌爲耳故曰聞夫九四聞言不信以兌口與乾言背也恒二

至四與夫體同也不信故曰誤給震爲丈人○元本作牽羊

不與心戾旋聞言語不信誤給丈人今依宋本汲古

逃

甘忍利害還相克賊商子酷刑鞅喪厥身

互巽爲利巽隕落故曰害巽伏故曰

賊言甘於刻害還自賊也巽爲商賈故曰商子伏坤爲酷坤殺故曰酷刑坤爲身爲喪故曰鞅喪厥身言商鞅用酷刑終自害也巽爲繩爲鞅說文鞅頸係也○害元本作瘡酷作造鞅作轆均依宋本汲古賊宋本汲古作敵依元本

壯大

封羊不當血少无羹女執空筐不得採桑

採桑汲古作桑根依隨之艮校元本

下三句作女執空筐兔跛鹿跨緣山墜依汲古

晉

鰥鰥嚙嚙貧鬼相責无有懽怡一日九結

詳震之既濟

夷明

兩足四翼飛入嘉國寧我伯姊與母相得

詳賁之同人

人家

文山紫芝雍梁朱草生長和氣王以爲寶公尸侑食福祿來

處

詳師之夬文宋元本作天依汲古

睽

絕世遊魂福祿不存精神渙散离其躬身

互坎爲魂兌決故曰絕震爲福祿爲

精神兌折震故曰福祿不存曰精神渙散艮爲身艮伏故曰高京房以七世卦爲遊魂卦繫辭云精氣爲物遊魂爲變鄭

蹇

北辰紫宮衣冠立中含和建德常受大福

詳坤之解和宋本汲古作弘依元本

解

伯蹇叔盲莫爲守裝失我衣裘代爾陰鄉

詳鼎之离盲宋元本作瘡爲作與裝

作株今依汲古

損

兩女共室心不聊食首髮如蓬憂常在中

詳艮之剝首艮象汲古作亂非依宋

元本

益

去辛就蓼毒愈酷甚避穽遇坑憂患日生

說文蓼辛菜震爲草莽故曰蓼震納

庚巽納辛庚辛西方味辛故曰去辛就蓼詩周頌自求辛螯未堪家多難予又集于蓼坤爲毒爲酷兌爲穽兌伏故曰避穽坤爲淵故曰坑曰憂患震生艮爲日故曰日生○酷宋元本作苦依汲古

夬

初病終凶季爲死喪不見光明

通剝坤爲病坤死故曰凶曰喪艮爲終爲季爲光明坤黑

故不見

姤 三鳥飛來是我逢時俱行先至多得大利

詳同人之大有

萃 鹿食山草不思邑里雖久无咎

伏震爲鹿兌食艮山巽草坤爲思爲邑里艮爲久

升 羊腸九縈相推稍前止須王孫乃能上天

詳履之師

困 管仲遇桓得其願歡膠目啟牢振冠无憂笑戲不莊空言妄

行

膠目二句依明夷之旅校宋本作膠目振冠冠帶无憂元本作膠牢振寇寇帶无憂汲古作膠目膠口

井 桀跖並處民困愁苦旅行遲遲留連齊魯

詳復之离

革 魂孤无室衙指不食盜張民饋見敵失肉

民饋宋元本作民餌汲古作氏饋今

民字從宋元本饋從汲古乾爲魂巽爲寡故曰魂孤坎爲室坎伏故无室兌爲衙爲食伏艮爲指伏坤爲閉故不食伏坎爲盜坤爲民民畏盜故饋之坎爲肉坤喪故失肉

鼎 讒言亂國覆是爲非伯奇乖離恭子憂哀

詳巽之觀

震 衛侯東遊惑於少姬亡我考妣久迷不來

詳乾之升

良鷄鳴同興思配无家執佩持鳧莫使致之

詳漸之興此宋元本作邪佩作珮依

汲古

漸義不勝情以欲自縈覬利危躬摧角折頸

詳坤之豐

歸妹

臣尊主卑權力日衰侵奪无光三家逐公

詳升之巽權宋元本作擁依汲古

旅叔仲善賈與喜爲市不憂危殆利得十倍

通節艮爲叔坎爲仲震爲商賈爲喜

巽爲市坎爲危殆爲憂震解故不憂巽爲利爲倍兌數十故曰十倍

巽六蛇奔走俱入茂草驚於長路畏懼啄口

詳井之兌

兌水壞我里東流爲海鳧鼃謹囂不得安居

詳泰之兌體宋元本作鼃依汲古得

汲古作可依宋元本

渙飛不遠去卑斯內侍祿養未富

互震爲飛艮止故飛不遠去互艮爲斯旅初六云旅瑣瑣

斯其所注斯賤役也故曰卑斯

節 陰變爲陽女化爲男治道大通君臣相承

詳屯之离

中孚 踐履危難脫厄去患入福喜門見誨大君

詳震之家人

過小

咎密網縮動益蹶急困不得息

伏大离爲網咎縮束縛也卦象似之互大坎故曰蹶曰困

○咎網汲古作網網蹶作蹶均依宋元本

濟既

負牛上山力劣行難烈風雨雪遮遏我前中道復還

詳同人

汲古多憂者得歡四字依宋元本○此用豐象

未濟

喁喁嘉草思降甘雨景風升上沾洽時澍生我禾稼

此仍用豐象兌

口震言故曰喁喁喁嚮慕之義震爲嘉草爲禾稼巽風坎雨坎伏故曰思降

旅之第五十六

旅

羅網四張鳥无所翔征伐窮極饑渴不食

詳革之泰

乾

寄生无根如過浮雲立本不固斯須落去更爲枯樹

詳小畜之蠱此

用旅象以艮爲寄生象形艮下陰故无根坎爲雲互巽爲枯

坤

人无足法緩除牛出雄走羊驚陽不制陰男失其家

前四句從既濟

之屯下二句從觀之臨各本原作人无定法緩降牛出蛇雄走趨陽不制陰宜其家困非解詳觀之臨

屯

眾鳥所翔中有大怪九身无頭魂驚魄去不可以居

詳漸之蒙翔宋

元本作聚依汲古

蒙

封豕溝瀆灌潰國邑火宿口中民多病疾

史記天官書奎曰封豕爲溝瀆正義

口奎一名天豕亦曰封豕主溝瀆故曰灌潰國邑坎爲豕爲溝瀆坤爲國邑火熒惑也箕爲口舌火宿口中言熒惑守箕也艮爲火震爲口艮止故曰火宿口中坤爲民坎爲疾病又案艮爲星故林辭多卽星言

需

奮翅鼓翼翔翔外國逍遙徙倚來歸溫室

詳損之觀

訟

秋蠶不成冬種不生殷王逆理棄其寵榮

巽爲蠶旅互兌爲秋兌毀故不成坎

爲冬爲種震爲生震伏故不生震爲王爲子故曰殷王殷子姓也伏坤爲理爲逆震爲榮震伏故曰棄○榮汲古作名依

宋元本

師

衛侯東遊惑於少姬忘我考妣久迷不來

詳乾之升忘汲古作亡依宋元本此

林屢見而事不見於左傳疑即風日居月諸之詩齊詩家說如此

比

烏合卒會與惡相得鴟鴞相酬爲心所賊

艮爲烏爲鴟鴞坤坎皆爲聚故曰會

合坤爲惡坎爲心爲賊○首句元本作烏合卒會汲古作烏會雀合茲依宋本

小畜

眇雞无距與鵠格鬪翅折目盲爲鳩所傷

異爲雞兌半离故曰眇說文目眇傷

也震伏故曰无距伏震爲鵠爲鬪爲翅坎爲折故曰翅折离爲目兌半离易曰眇故此曰目盲离爲鳩兌毀故傷○鵠汲古作雀依宋元本眇各本皆作鳴鳩作仇今依乾之遯校

履

木内生蠹上下相賊禍亂我國

異爲木爲蠹爲賊天上兌下正反異故上下相賊离爲亂

伏坤爲國

泰

延陵適魯觀樂太史車轡白顛知秦興起卒兼其國一統爲

主

詳大畜之商其爲六之形訛字各本六往往訛其

否

輔相之好无有休息時行雲集所在遇福

艮爲時坤爲雲爲集乾爲福

同人

牀傾簣折屋漏垣缺季姬不愜

巽爲牀簣巽隕故傾折巽爲垣墉伏坎爲室爲屋巽下缺

故曰漏伏震爲姬易林本大過每以巽爲少故曰季姬

大有

東入海口循流北走一高一下五邑无主七日六夜死於水

浦詳睽之蹇

謙

羣虎入邑求索肉食大人守禦君不失國

正反艮故曰羣虎伏巽爲入坤爲邑

艮爲求坎爲肉故曰求索肉食伏乾爲大人艮爲守禦爲國震爲君故曰君不失國○虎宋元本訛需依汲古不失汲古作失其依宋元本

豫

四亂不安東西爲患退身止足无出邦域乃得完全賴其生

福

詳大有之睽止汲古作山依宋元本

隨

叔肝抱冤祁子自邑乘遽解患羊舌以免賴其生全

詳蹇之乾

蠱

延頸望酒不入我口深目自苦利得无有

詳訟之益

臨

仁政之德參參日息成都就邑人受厥福

震爲仁德坤爲都邑參參多貌束哲

補亡詩參參其稼宋本作恭恭依汲古史記舜陶河濱三年成都邑

觀

牽頭繫尾屈折幾死周世无人不知所歸

詳升之大畜周汲古作彫人作仁依

宋元本

噬

教羊逐兔使魚捕鼠任非其人費日无功

詳需之噬噬捕鼠宋元本作相捕依

汲古

賁

生角有尾張孽制家排羊逐狐張氏易公憂禍重凶

震爲生艮爲角

爲尾爲家坎爲孽與震連故曰張孽左傳昭十年蘊利生孽注孽妖害也震爲羊艮爲狐震爲張爲公上艮爲反震故曰易公坎爲憂禍爲凶生疑爲牛之訛

剝

去安就危墜陷井池破我玉螭

坤爲安孤陽在坤上故曰去安就危坤爲淵故曰井池震

爲玉爲螭上卦震覆故曰破我玉螭○螭丁本作蝮失韻依宋元汲古本

復

茹芝餌黃塗飲玉英與神通流長无憂凶

震爲芝爲玄黃震食故曰茹曰餌黃

黃精也二者皆延年益壽之草震爲大塗爲玉爲萌芽故曰玉英震爲神坤爲憂凶

无妄

體重難飛未能越關不離室垣

詳震之鼎宋元本无末句依汲古

大畜

巢成樹折傷我彝器伯趯叔跌亡羊乃追

艮爲巢爲成震木兌毀故曰樹折震

爲器艮虎故曰彝器書宗彝釋文引鄭云彝虎也兌毀故傷震爲伯艮爲叔兌折故曰跌兌爲羊震往故曰亡羊曰追

頤

六人俱行各遺其囊黃鶴失珠无以爲明

詳賁之噬嗑

大過

播梅折枝與母分離絕不相知

詳大有之坤播種也宋元本作蟠依汲古梅折枝汲古作

枝遷岐依宋无本

坎

迎福開戶喜隨我後曹伯愷悌爲宋國主

中爻震爲福艮爲戶震爲開故曰迎

離

福開戶震爲喜爲後爲伯爲主艮爲宋爲國元本舊注宋以曹師殺公子游立桓公依此注則國字似爲立字方適

異進退不果故曰

既痴且狂兩目又盲箕踞暗啞名爲无中

黑故曰目盲伏震爲箕兌爲暗啞○箕宋元本作踞集韻踞

長踞也茲依汲古中汲古作用暗啞作坐暗依宋元本

咸

金梁鐵柱千年牢固完全不腐聖人安處

乾爲金鐵艮爲梁柱乾爲千年艮堅

故曰牢固互巽爲腐乾爲聖人艮止故曰安處

恒

裹糗荷糧與跂相逢欲飛不得爲罔所獲

巽爲糗糧艮爲荷

跂相逢震爲飛坤爲網罟○罔宋本作網依元本

巽爲盜賊故曰與

遯

彭生爲豕暴龍作災盜堯衣裳聚跂荷兵青禽照夜三旦夷

亡首句依此之蒙校各本多作彭名爲夭或彭生爲姤

壯大

獨夫老婦不能生子鰥寡居處

震爲夫兌爲老婦震爲子兌折故不能生子伏巽爲寡故

曰獨夫伏艮爲鰥○獨汲古訛褐依宋元本

晉 鷦鷯竊脂巢於小枝搖動不安爲風所吹心寒慄慄常憂殆

危

慄慄依謙之遜各本多作飄搖

明夷

素車木馬不任負重王子出征憂危爲咎

震爲白坤爲車故曰素車震爲木爲

馬坤爲重下互坎坎險故不任負重震爲王子爲出征坎爲憂危○馬汲古作輿危作疑均依宋元本

人家

土陷四維安平不危利以居止保有玉女

未詳

睽

負牛上山力劣行難烈風雨雪遮過我前中道復還

詳訟之剝

蹇

金城鐵郭上下同力政平民親寇不敢賊

艮爲金鐵爲城郭坎爲平爲賊寇爲

民

解

清潔淵塞爲人所言證訊詰情繫於枳溫甘裳聽斷昭然蒙

恩

詳師之蠱

損

臯陶聽理岐伯悅喜西登華首東歸无咎

艮爲山爲火故曰臯陶舜時士官故

日聽理兌爲耳爲聽坤爲理也震爲伯艮山故曰岐伯本草經黃帝問岐伯漢書人物表上古之時有岐伯中古有扁鵲蓋與黃帝創製醫藥者兌爲西艮山故曰華首震爲東爲歸華華山首雷首山在蒲阪

益

低頭竊視有所畏避行作不利酒酸魚敗眾莫貪嗜

詳鼎之解不來

元本作未依汲古眾宋本作重依元本汲古

夬

十雞百雛常與母俱抱雞捕虎誰肯爲侶

此用旅象旅互巽爲雞兌數十故曰

十雞伏震爲雛爲百故曰百雛巽爲母故曰常與母俱艮爲虎爲抱爲捕巽爲寡故曰无侶

姤

高阜山陵陂陀顛崩爲國妖祥元后以薨

左傳僖十四年沙麓崩晉卜偃曰期

年將有大咎國幾亡次年惠公被執又九年懷公殺于高梁姤通復艮爲山陵初至三艮覆故曰顛崩坤爲國爲妖祥爲喪故曰薨震長故曰元震爲君故曰元后○陂汲古作峻依宋元本又國語岐山崩三川竭幽王亡

萃

六鶴退飛爲襄敗祥陳師合戰左股夷傷遂以崩薨霸功不

成詳蹇之蠱

升 異國殊俗情不相得金木爲仇百賊擅殺

未句依夬之比校宋元本作百戰擅

穀汲古作酋賊擅殺

困 鴉噪庭中以戒災凶重門擊柝備憂暴客

詳大過之渙左傳襄十三年有鳥叫

於宋太廟曰謫謫出出後果災

井 慈母念子享賜得土蠻夷來服以安王室側陋逢時

巽爲母

日慈母坎爲念伏震爲子故曰念子兌爲享伏震爲土爲王艮爲室爲時坎爲側陋○念各本皆作赤第三句皆作獲夷服除茲依漸之咸校士宋元本作土依汲古室宋本汲古作家茲依元本

革 遷延惡人使德不通災旱爲殃年穀大傷

遷延依坤之大有校宋元本作剋述

汲古作迹造殃宋元本作災不協依汲古

鼎 躬履孔德以待束帛文君燎獵呂尙獲福號稱太師封建齊

國通屯坤爲躬震爲履爲德爲孔孔大也本卦巽爲帛商爲文乾爲君文君文王也震爲獵艮火故曰燎獵言文王出

獵遇呂尚也乾爲福爲師巽齊坤國故曰封建齊國○第二句汲古作以帶束帶

震

征將止惡鼓鞞除賊慶仲奔莒子般獲福

震爲征爲鼓鞞坎爲邪爲惡爲賊月

令仲夏命樂師修鞞鼓坎爲仲震喜故曰慶仲互艮爲邑震往故曰奔莒按左傳莊三十二年共仲使圉人犇賊子般於黨氏共仲卽慶父閔二年奔莒茲云獲福於事正反疑福爲偏之訛字抑如丁亥說般爲穀之訛穀共仲孫文十年魯人立之所謂穀也豐下必有後於魯國也般穀形近疑丁說是也

艮

艮夫淑女配合相保多孫眾子懽樂長久

艮爲夫伏兌爲女震爲善故曰艮夫

淑女坎爲合艮爲保艮兌爲夫婦故曰配合相保艮爲孫震爲子坎眾故曰多孫眾子震樂長久○眾汲古作壽依宋元本

漸

蜺蛇四牡思念父母王事靡盬不得安處

漸上巽巽爲蛇伏震爲馬卦數四故

曰蜺蛇四牡坎爲思念震父巽母震爲王巽隕落故曰王事靡盬盬惡也前漢息夫躬傳器用盬惡艮爲安坎險故曰不得安處按林詞皆詩小雅語○蜺蛇汲古作逶迤依宋元本杜宋本訛壯依元本汲古得元本作我依宋本

歸妹

水壞我里東流爲海龜臯謹囑不得安居

詳秦之兌龜臯汲古作龜臯宋元本

作臯龜依秦之兌校

豐

束帛菱菱賻我孟宣徵召送君變號易字

巽爲帛伏艮爲手故曰束帛菱菱馬

云委積貌子夏傳作殘茲曰賻我孟宣是焦義與馬同也伏震爲孟爲宣爲君事實未詳○第四句汲古作處號易子依宋元本

巽

乾行天德覆贍六合嘔煦成熟使我福德

二五皆陽故曰乾行天德覆贍六合

者言乾天覆徧六合也贍說文給也玉篇周也伏坎爲合數六故曰六合嘔煦猶吹噓養育也兌口故曰嘔煦伏艮爲成爲我伏震爲福德○覆贍周本作履贍象亦合茲依宋元汲古本煦元本作煦依宋本汲古嘔煦音歐訓

兌

秦晉大國更相尅賊獲惠質圉鄭被其咎

兌西爲秦伏震爲晉艮爲國互巽爲

賊兌毀折三至上正反兌巽故曰更相尅賊伏震爲德惠艮爲圉守也詩大雅孔棘我圉左傳亦聊以固吾圉惠晉惠公僖十五年爲秦所獲後秦放惠公歸以子圉質于秦伏艮故曰獲曰質伏坎爲鄭慶鄭也慶鄭以惠公違諫不救惠公及

被釋殺慶鄭而後入○首句汲古作秦併六國非依宋元本

漢

晦昧昏冥君无紀綱甲午成亂簡公喪亡

坎隱伏故曰晦冥震爲君巽爲繩爲

紀綱艮爲時爲甲納丙故曰甲午春秋哀十四年甲午齊陳恒弑其君王于舒州王簡公名也陳恒陳成子也甲午成亂者言成子作亂弑簡公也震爲簡爲公巽隕故喪亡冥宋元本作明依汲古午元本汲古作子依丁本

節

三足无頭莫知所之心狂睛傷莫使爲明不見日光

詳小畜之復日

宋元本作月非依汲古睛傷古作精依宋元本兌半离故曰睛傷

孚中

長夜短日陰爲陽賊萬物空枯藏於北陸

詳謙之漸

過小

依宵夜遊與君相遭除煩解惑使我无憂

詳歸妹之大有依小過之否作衣說

女衣依也義同

濟既

逐鹿南山利入我門陰陽和調國无災殘長子出遊須其仁

君此皆用半象陰陽和調謂陰陽爻相等而當位也

齊未

請騁左耳嗇不我與驅我父母

未詳騁宋元本作冀與驅作驅與均依汲古左汲古作

依宋元本按周禮夏官大司馬大獸公之小獸私之獲者取左耳以計功然曰騁則左耳或爲緣耳

焦氏易林注卷十五

行唐尙秉和節之注

蒲城件道益

校刊

豐潤董維

城

巽之第五十七

巽 溫山松柏常茂不落鸞鳳以庇得其歡樂

詳需之恆

乾 采唐沫鄉要期桑中失信不會憂思約帶

詳師之噬嗑期汲古作我思約作在

鈎均依宋元本

坤 有鳥飛來集于官樹鳴聲可惡主將出去

詳屯之夫可惡汲古作畏惡依宋元

本

屯 仁政之德參參日息成都就邑日受厥福

詳旅之臨參參局本作恭恭

蒙

他山之錯與瑯爲仇來攻吾城傷我肌膚邦家搔憂

詳明夷錯宋元

本作儲來汲古作夾依宋元本

需

齋貝贖狸不聽我辭繫於虎須率不得來

詳否之革

訟

一簣兩舌佞言諂語三奸成虎曾母投杼

詳師之乾佞宋元本作妄依汲古

師

魁行搖尾逐雲吹水汙泥爲陸下田宜稷

詳同人之漸首句宋元本汲古皆作

薄行搔尾依同人之漸校

比

天門九重深內難通明登至莫不見神公

艮居戌亥故曰天門內經以戌亥爲

天門辰巳爲地戶是也坤爲重數九故曰天門九重漢上易謂坤納癸自乙至癸故數九也重坤故曰深坤閉故曰難通艮爲光明坎爲莫震爲神爲公三五震覆又坎爲隱故不見也後漢郎顗傳神在天門出入聽候言神在戌亥司候帝王興衰得失○深汲古作澤登宋元本作坐依汲古至汲古作到依宋元本

小畜

闇目失明耳闕不聰陷入深淵滅頂憂凶

二至四兌易以兌爲眇故曰闇目失

明又离爲目伏坎故曰闔目也伏坎爲耳爲塞故曰耳闔不聰闔音遏壅塞也伏坤爲淵坎陷艮爲頂坤爲滅爲凶故曰滅頂憂凶坎水坤水故有此象○目失汲古作昧不闔作聾憂作成均依宋元本不聰宋元本作聽聰非依汲古頂元本說頃

履

霧露早霜日暗不明陰陽孽疾年穀大傷

伏坎爲霧露坤爲霜南爲日伏坎故

不明但林詞似全用旁通艮亦爲日與坎連體故曰不明也坎爲疾震爲穀坤爲年歲爲喪故曰年穀大傷

泰

三階土廊德義明堂交讓往來享燕相承箕伯朝王錫我玄

黃

漢書東方朔傳注泰階者天之三階也上階爲天子中階爲諸侯公卿大夫下階爲士庶人坤爲階震數三故曰三

階艮爲廊爲明堂兌爲燕享震爲伯爲箕乾爲王天玄地黃故曰錫我玄黃○階宋元本訛諸依汲古

否

爭雞失羊利得不長陳蔡之患賴楚以安

巽爲雞兌爲羊兌伏故失羊巽爲利

爲長坤喪故曰不長震爲陳爲蔡爲楚坤爲患艮爲安史記孔子厄於陳蔡楚昭王發兵救之得免

同人

天旱水涸枯槁无澤未有所獲

火在天下故曰天旱坎伏故水涸离爲枯槁

有大

陶朱白圭善賈息貲公子王孫富利不貧

乾爲大赤离火故曰陶朱乾爲玉乾

金色白故曰白圭遇卦巽爲商賈爲利故曰善賈息貲伏震爲公爲子爲王艮孫故曰公子王孫重巽故曰富利不貧○

賁宋元本作資依汲古

謙

龜厭江海陸行不止自令枯槁失其都市憂悔无咎

詳泰之節

豫

黃鳥探蓄既嫁不答念吾父兄思復邦國

詩小雅黃鳥篇言旋言歸復我諸兄

復我諸父我行篇言采其薏爾不我畜復我邦族皆刺禮教不行婦中道見棄之詩薏釋文云本又作蓄今易林卽作蓄是焦與毛詩異讀也震爲黃艮爲鳥爲采震爲蓄蓄冬菜也震爲嫁二至四震反故云不答坎爲思念伏乾爲父震爲兄坤爲吾爲邦國震反故曰復

隨

田鼠野雞意常欲逃拘制籠檻不得動搖

詳需之隨

蠱

平國不君夏氏作亂烏號竊發靈公殞命

詳臨之晉

臨

巨蛇大鰐戰於國郊上下閉塞君主走逃

詳剝之艮

觀 讒言亂國覆是爲非伯奇流離共子憂哀

詳豐之鼎

噓

鬱映不明爲陰所傷眾霧集聚共奪日光

詳噓噓之良映米元本訛映依汲古

賁

望城抱子見邑不殆公孫上堂大君歡喜

离爲望艮爲城爲抱震子故曰望城

抱子艮爲邑坎爲殆震解故不殆艮爲孫爲堂震爲公故曰公孫上堂震爲君爲喜殆音以

剝

三蟲爲蠱剝迹无與勝母盜泉君子弗處

詳觀之困虫從宋元汲古作蠱爲宋

元本作作茲依汲古

後

車馳人趨卷甲相求齊魯寇戰敗於犬丘

詳坤之兌戰宋元本作戎依汲古

妄无

欲訪子車善相欺紿桓叔相迎不見所期

初至四正反震故曰欺紿艮爲叔爲

木故曰桓叔說文桓郵亭表也其事未詳

大畜

爭雞失羊亡其金囊利得不長陳蔡之患賴楚以安

詳恆之夬

頤

歲暮花落陽入陰室萬物伏匿利不可得

坤侯卦爲亥故曰歲暮兌爲華兌伏

不見故曰花落乾本居亥坤行至亥陰化陽故曰陽入陰室
艮爲室卽文言所謂陰凝于陽也坤爲萬物所藏故曰伏匿
巽爲利巽伏故曰利不可得○匿利宋元本作藏匿依汲古

過大

晨風文翰大舉就溫昧過我邑昇无所得

詳小畜之革翰宋元本作翮依汲古

第三句宋本汲古作過我成邑元本作過我城邑依小畜之革校

坎

時鵠抱子見蛇何咎室家俱在不失其所

詳否之鼎

離

隱隱大雷霧霈爲雨有女癡狂驚駭鄰里

伏震爲雷重坎故曰霧霈爲雨巽爲

女巽進退故曰癡狂伏震爲驚駭艮爲里

咸

无足斷跟居處不安凶惡爲患

詳革之蹇

恆

破筐敝簪弃捐於道不復爲寶

震爲筐宮爲道爲寶兌毀故破敝故弃捐

遯

三雞啄粟十雛從食饑薦卒擊亡其兩叔

詳中孚之頤

壯大

乘車七百以明文德踐土葵丘齊晉受福

詳兌之剝

晉

百足俱行相輔爲強三聖異事王室寵光

詳屯之履

明夷

典冊法書藏閣蘭臺雖遭潰亂獨不遇災

詳坤之大畜閣汲古作在依宋元本

此以坤爲書冊火在下故不遇

家人

西誅不服恃強負力倍道趨敵師徒敗覆

詳需之屯西宋元本作四依汲古趨

汲古作奔依宋元本

睽

春陽生草夏長條肆萬物蕃滋充實益有

詳井之巽

蹇

礱磽禿白不生黍稷无以供祭祇靈乏祀

此用遇卦巽象巽爲白寡髮故曰禿

白艮山故曰礱磽礱磽山田小石也巽爲黍稷兌毀故不生震爲祭爲神故曰祇靈震伏故乏祀○礱磽宋元本作礱礱依汲古乏汲古作代依宋元本

解

牽衣涉河水深漬罷幸賴舟子濟脫無他

詳坤之萃第二句汲古作澗流浚多

依宋元本罷音婆唐韻正云凡經傳中罷倦之罷皆音婆今人音皮而誤接林以罷與河韻正與韻正說合

損

宜行賈市所求必倍載喜抱子與利爲友

詳大過之恆戴汲古作載依宋元本

益

兄征東夷弟伐遼西大克勝還封居河間

震爲兄爲東爲征互坤故曰東夷伏

兌爲西坤水故曰遼西曰河間艮爲封○居宋元本作君依汲古

夬

初雖驚惶後乃无傷受其福慶相孝爲王

乾爲福慶爲王相孝爲王言輔相秦

孝公使秦稱王也似指商鞅兌西故曰商

姤

隨風乘龍與利相逢田獲三倍商旅有功憧憧之邑長安无

他

巽風乾龍故曰隨風乘龍巽爲利爲三倍伏震爲田故曰田獲三倍巽爲商旅伏坤爲邑爲安巽爲長故曰長安也

蛇古通巽爲蛇中孚初爻有他不燕卽以巽爲蛇林本易也

萃

魚攬水濁寇圍吾邑城危不安驚恐狂惑

坤巽皆爲魚而坤爲水坤黃故曰水

濁風散故曰魚攬坤爲吾爲邑巽爲寇故曰寇圍吾邑艮爲城風隕故曰城危坤爲憂懼爲迷故曰驚恐狂惑

升

雖塞復通履危不凶保其明功

坤爲閉塞震爲通爲履互大坎爲危故曰履危坤爲凶震

解故不凶○汲古多以道立宗四字宋元本无塞宋元本作窮依汲古

困 坤厚地德庶物蕃息平康正直以綏大福巽爲庶物伏震爲蕃鮮故曰蕃息伏

坎爲平爲正直震爲大福

并 山水暴怒壞梁折柱稽難行旋留連愁苦詳咸之豫

革 使燕築室身不庇宿家无聊賴讖我衣服允爲燕伏艮爲室爲築爲身爲庇艮

伏故曰身无庇宿曰家无聊賴坎爲宿艮爲家也伏震爲衣坤水故曰讖我衣服讖濕也○讖汲古作讖依宋元本

鼎 矢石所射襄公痢劇吳子巢門傷病不治通屯坎爲矢爲射艮爲石震爲公爲

輔佐故曰襄公痢病也按宋襄公與楚戰傷股而病坤死故曰痢劇震爲子爲言故曰吳子說文吳大言也詩周頌不吳

不敖魯頌不吳不揚傳吳譁也故震爲吳坤爲門艮爲巢故曰巢門襄二十五年諸樊伐楚門于巢巢牛臣射之卒坤死

故曰傷病不治○痢公羊傳大災者何痢也注疾病也元本訛痢依宋本汲古門于巢杜注云將攻巢門

震 日月運行一寒一暑榮寵赫赫不可得保顛隕墜墮更爲士

伍 詳中孚之晉

艮

宮門悲鳴臣圍其君不得東西

艮爲宮門互坎爲悲震爲鳴爲君艮爲臣上艮下艮震君

在中故曰臣圍其君震東坎西坎陷艮止故曰不得東西

漸

戴盆望天不見星辰顧小失大福逃牆外

詳賁之蒙

歸妹

天之所明禍不遇家反目相逐終得和美

小畜以离爲反目茲二至四互离故

亦曰反目震爲逐坎爲和○目宋元本作自美作鳴均依汲古

豐

天陰霖雨塗行泥潦商人休止市无所有

詳夬之大過

旅

嘉門福喜增累盛熾日就有德宜其家國

艮爲門伏震爲福喜爲盛熾离爲日

艮爲家國○第四句宋元本作宜民宜國茲依汲古

兌

南山之陽華葉將將嘉樂君子爲國寵光

詳革之大有此皆用旁通象

渙

畫龍頭頤文章未成甘言美語詭辭无名

詳蒙之噬嗑詭辭宋元本作說茲依汲

古

節

嬰兒孩子未有知識彼童而角亂我政事

詳損之大畜以震爲孩子可證明夷

五爻非箕子也

季中

陰作大姦欲君勿言鵠鵠利口發其禍端荆季懷憂張伯被

患

通小過坎爲姦互大坎故曰大姦震爲君爲言艮止故曰勿言震爲鵠鵠兌爲口互巽故曰利口震爲荆爲張伯艮

季坎爲憂患○其宋元本作患依汲古端汲古作亂依宋元本

過小

德之流行利之四鄉兩師灑道風伯逐殃巡狩封禪以告成

功 詳益之復

濟既

禹將爲君裝入崑崙稍進陽光登見溫湯功德昭明

坎爲湯下離故

日溫湯離爲陽光爲昭明餘皆用半震半艮

濟未

五岳四瀆含潤爲德行不失理民賴恩福

詳頤之明夷

兌之第五十八

兌 班馬還師以息勞疲役夫嘉喜入戶見妻

詳觀之既濟役宋元本作後依汲古

乾 踐履危難脫厄去患入福喜門見誨大君

詳震之家人厄去宋本作危去汲古

作去厄依元本

坤 子鉏執麟春秋作經元聖將終尼父悲心

經元宋元本作元陰汲古作陰元茲

依汲古訟之同人校

屯 夾河爲婚期至无船搖心失望不見所歡

詳屯之小畜搖汲古作淫非依宋元

本

蒙 天孫帝子與日月處光榮於世福祿祉祉

詳解之臨祉祉宋本汲古作繁祉依

元本

需 三羊爭雌相隨奔馳終日不食精氣勞疲

羊雌依乾之大畜校宋本汲古羊作

年元本作人雖皆作妻

訟

禹召諸侯會稽南山執玉禽國天下康安

康安宋元本作康
甯汲古作安甯皆

不協依損之旅校

師

早霜晚雪傷我禾麥損功棄力饑无所食

詳比之遞損元本
汲古作捐依宋本

比

嵩融持戟杜伯荷弩降觀下國誅逐无道夏商之季失福逃

走

良爲山爲戟良手故曰嵩融持戟翟云升云國語視融降
于崇山崇卽嵩字按下文曰誅逐无道其事必與杜伯相

類翟說非也墨子非攻下文曰湯之時有神來告曰夏德大亂
往攻之子必使汝大堪之予既受命於天天命融隆火于夏
之城疑融隆卽嵩融又國語云夏之亡也以回祿回祿仍火
神也是墨子說與林詞誅除无道夏商之季合與國語亦合
惟墨子不言持戟或焦氏別有所據若其事則无疑也且嵩
融與融隆皆音近字轉又按楚辭云吾令豐隆乘雲兮王逸
注雲師淮南子云季春三月豐隆乃出許慎注雷師吳華父
先生云墨子之融隆卽豐隆依許注則雷師也墨子所謂火
其城以雷火燒其城也然則融隆爲雷師而非祝融尤與國
語合以國語夏之興也祝融降其亡也以回祿明回祿非祝

融也艮爲弩爲負何杜伯似用覆震象艮爲觀爲國坤殺故
日誅伏离爲夏兌爲商艮爲季坤凶故曰失福國語杜伯射
王於鎬注宣王殺杜伯而非其罪後王獵杜伯起於道左以
朱弓矢射王中心而死。夏汲古訛憂依宋元本福宋元本
作勢逃作外茲依汲古

畜小

生有聖德上配太極皇靈建中受我以福

詳家人之需

履

下田陸黍萬華生齒大雨霖集波病潰腐

通謙坤爲下田艮爲陸震爲黍兌爲

波爲病異爲腐華爲齒坤多故曰萬華生齒坤水坎水故曰大雨霖集坎爲

泰

子畏於匡困厄陳蔡明德不危竟得免害

詳大過之晉

否

有兩赤鶴從五隼噪噪矢无咎趨釋爾射扶伏聽命不敢動

搖

艮爲鶴爲隼乾爲大赤故曰赤鶴坤數二故曰兩隼卦數

五故曰五隼艮爲矢艮手爲操矢未受弦處也按卦象
兌應爲咎兌伏故曰无咎震爲射震覆故曰趨釋爾射言矢
既无咎應釋矢不射而扶伏聽命也巽爲命艮手在地故曰
扶伏扶伏匍匐也說文伏地也詩大雅誕實匍匐傳以手行
也前漢霍光傳扶服叩頭扶伏扶服義皆同也艮止故不動

動亦有去聲與命爲韻動搖應作搖動。黃丕烈云俯當從
无妄之中孚作扶豈知前四句皆當依之不止此一字也鶴
各本皆作頭隼噪作岳游或作岳來三四句汲古作謠言无
佑趨爾之丘宋元本同惟丘作林若依汲古搖與頭游丘爲
韻亦協惟義皆不適且爾趨等字皆仍舊謠言无佑无爲失
之訛佑爲括之訛以宋元本善作括也故全林皆依无妄之
中孚校鶴與噪韻善與射韻命與動韻且卦象皆符合

同人

當得自知不逢凶災衰者復興終无禍來

離爲災乾福故不逢故无禍。知宋

元本作如依汲古无禍汲古作得福依宋元本

大有

朽根別樹華葉落去卒逢火焱隨風僵仆

詳屯之坎惟此用遇卦兌象須知

謙

葛生衍蔓絺綌爲願家道篤厚父兄悅喜

震爲葛爲蕃鮮故曰衍蔓坤爲帛爲

絺綌爲願艮爲家爲篤厚震爲公故曰父爲兄爲喜詩周南葛覃篇爲絺爲綌服之無斃

豫

東行求玉反得弊石名曰无直字曰醜惡眾所賤薄

詳家人之否

隨

瞻白用弦駑孱恐怯任力墮劣如蝟見鵲偃視恐伏不敢拒

格互大坎故曰恐怯故曰蟬震爲鶴巽伏故曰偃巽爲弦爲
弦白然首句恐有訛字。用宋元本作因按兌爲月兌月上

蠱

瘡痍多病宋公危殆吳子巢門隕命失所

艮爲節故曰瘡痍
艮爲朱震爲公巽

爲病正反巽故曰多病日危殆宋襄公戰泓傷股震爲吳爲
子艮爲巢爲門巽爲命爲隕落故曰隕命詳巽之鼎。隕各
本皆作无依小過之際校

臨

東山西岳會合俱食百喜送從以成恩福

伏艮爲山岳震東
兌西故曰東山西

岳兌爲食坤爲會爲百震爲喜福。百喜汲古作爲吳送從
作從送依宋元本

觀

舞非其處失節多悔不合我意

巽進退故曰舞舞在山上故
日非其處艮爲節坤爲亡故

日失節坤爲悔爲意

噬

南循汝水伐樹斬枝過時不遇怒如周饑

離爲南互坎故曰
汝水震爲樹二至

四互艮爲刀劍故曰斬枝詩周南遵彼汝墳伐其條枚未
見君子怒如調飢艮爲時坎隱伏故不遇怒思也憂也坎象

也。禹虛故曰飢。周毛詩作調傳云朝也。丁晏云周釋文作朝。周卽朝之省文。按震爲周爲旦是焦詩與毛異文。猶韓詩怒作溺也。第四句怒元本作何。周作旦。依宋本汲古。

賁

公孫駕驪載游東齊延陵說產遺季紵衣

詳艮之未濟季宋元本作我依汲古

剝

乘輿八百以明文德踐土葵丘齊晉受福

詳剝之同人

復

雄處弱水雌在海濱別離將食悲哀於心

詳剝之同人

无妄

結網得鮮受福安坐終无患禍

巽爲繩故曰結網巽爲魚故曰得鮮乾爲福艮爲坐

大畜

秋南春北隨時休息處和履中安无憂凶

兌爲秋震爲春乾南坤北艮爲時艮

止故曰休息兌悅故曰和震足故曰履坤爲憂凶坤伏故无。安无汲古作无有依宋元本

頤

啟戶開門巡狩釋寃夏臺羗里湯文悅喜

坤爲門戶震爲啟爲巡狩坤爲憂爲

寃震解故曰釋寃艮爲臺納丙故曰夏臺坤爲里震爲帝故曰湯文悅喜。羗宋元本作羗

大過

符左契右相與合齒乾坤利貞乳生六子長大成就風言如

母詳大畜之未濟大過通頤艮節震符震爲左兌爲右故曰
符左契右兌爲齒正反兌故曰合齒大過爲亥月三坤與
乾相遇於亥陰牝陽故曰乾坤利貞艮爲乳震爲生爲子乾
數六故曰六子異爲風震爲言異亦爲母故曰如母坤上六
龍戰於野其血玄黃卽林所言之義詳焦氏易詁

坎

飢蠶作室絲多亂緒端不可得

詳豫之同人

離

東壁餘光數暗不明主母嫉妬亂我事業

詳謙之屯

咸

白茅縮酒靈巫拜禱神嗜飲食使君壽考

詳小畜之坎縮元本作醴汲古作醴

依宋本

恒

范公陶朱巧賈貨資東之營丘易字子皮抱珠載金多得利

歸異爲蟲故曰范震爲公乾爲大赤伏艮火故曰陶朱異爲利爲商賈故曰巧賈貨資震爲東伏艮故曰營丘坤爲字

長爲皮震爲子坤艮皆伏故曰易字子皮言陶朱公范蠡後通齊改名曰鴟夷子皮隱居貿易也事見史記震爲珠艮爲金艮手故曰抱珠震車故曰載金異爲利震爲歸。朱宋元本作夷依汲古營汲古訛榮依宋元本

遜

三殺五牂相隨俱行迷入空澤循谷直北經涉六駁爲所傷

賊

詳同人之蒙汲古澤下多經涉虎廬賊下多死於牙腹二句依宋元本

壯大

雄鵠延頸欲飛入關兩師灑道讖我袍裘車重難遷侍者稽

首震爲鵠爲飛伏艮爲關兌爲雨震爲道故曰兩師灑道乾爲衣故曰袍裘坤爲車爲重艮止故難遷艮爲斯役故曰侍者艮爲首艮止故曰稽首末二句皆伏象。首宋元本作上依汲古

晉

中年蒙慶今歲受福必有所得榮寵受祿

互坎爲中坤爲年歲艮爲榮伏乾爲

福祿。寵依宋元本汲古无此句局本寵作慶

明夷

祿如周公建國洛東父子俱封

詳革之明夷

人家

安牀厚褥不得久宿棄我嘉讎困於東國投杼之憂不成災

福

詳家人之睽災福汲古作禍災不韻依宋元本

睽

蓄積有餘糞土不居

汲古多利有所得四字依宋元本

蹇

心願所喜乃今逢時得我利福不離兵革

坎爲心願艮爲時爲兵革

解

目不可合憂來搔足怵惕危懼去其邦族

詳萃之睽

損

福德之士歡悅日喜夷吾相桓三歸爲臣賞流子孫

震爲福德爲上

爲歡悅艮爲桓桓木表也言晉仲相齊桓公也艮爲臺爲臣故曰三歸爲臣震爲歸數三三歸亦震象論語曰管氏有三歸官事不攝焉得儉朱注三歸臺名後儒不知朱注本說苑頗訝與古注異今易林以艮爲三歸是亦以三歸爲臺也

益

夏姬附耳心聽悅喜利以博取

巽爲夏震爲姬伏兌爲耳坤爲心震爲喜巽爲利。末句

汲古作利後博取茲以字從宋元本博從汲

夬

叔迎伯兄遇巷在陽君子季姬並坐鼓簧

此用兌象伏艮爲叔伏震爲伯兄艮

震相對故曰迎艮爲君子兌爲季姬重兌故曰並坐震爲鼓簧。伯兄宋元本汲古皆作兄弟依咸之震校巷宋元本作奉仍不懼恐有訛字詩秦風既見君子並坐鼓簧

姤

徙巢去家南遇白鳥東西受福與喜相得

此仍用兌象伏艮爲巢爲家伏震爲

南良爲鳥互異故曰白鳥震爲東爲喜福兌爲西○鳥元本
作鳥非依宋本汲古鳥與家爲韻家音姑

萃

舜登大禹石夷之野徵詣王庭拜治水土
詳乾之中孚王庭宋元本作玉闕依汲古

升

江河淮海天之都市商人受福國家富有
坤爲江河淮海爲都巽爲市伏乾故曰天之都市震爲商人爲福坤爲國家爲富有

困

隱隱填填火燒山根不潤我鄰獨不蒙恩
詳賁之蹇填填汲古作煩煩不作下依宋元本

井

聞昧不明耳聾不聰陷入深淵滅頂憂凶
詳巽之小畜頂元本作傾依宋本汲古

革

鳥鳴啾啾天火降下燔我館舍災及妃后
詳屯之晉諸諸宋元汲古本皆作啾啾音稍諸同喜疑啾啾與嚕嚕通用焦卽作啾不必定爲訛字也

鼎 十雞百雛常與母俱抱雞搏虎誰肯爲侶

詳旅之共雞與第四句皆依校各本

皆作雉皆作誰敢難者均非

震

營城洛邑周公所作世建三十年歷八百福祐盤結堅固不

落

詳井之升盤結宋元本作盟執依汲古

艮

三人俱行別離將食一身五心反覆迷惑

詳坤之賁

漸

三虎搏狼力不相當如鷹格雉一擊破亡

艮爲虎狼納丙故曰三虎搏狼艮爲

鷹萬爲雉格敵也史記張儀傳驅羣羊攻猛虎不格朋矣注格敵也坎爲破艮爲擊○第三句元本作如雉鷹格則格宜訓爲闕國語穀洛闕韋昭曰二水格雉鷹格卽雉鷹闕也亦可從擊宋元本作發依汲古

歸妹

養虎畜狼還自賊傷無事招禍自取災殃

詳井之蠱宋元汲古下二句皆作年

歲息長疾君拜禱雖危不凶與上文意不屬定爲由他林竄入故依井之蠱校

豐

後時失利不得所欲

旅

雉兔之東以野爲場見鷹驚走死於谷口

離爲雉伏震爲兔爲東艮爲野爲場

兌爲見艮爲鷹伏震故曰見鷹驚走兌毀故曰死兌爲口艮爲谷○野場宋元本作理傷依汲古驚汲古作奔依宋元本

巽

秋蛇向穴不失其節夫人姜氏自齊復入

詳臨之損

換

烏鳴葭端一呼三顛搖動東西危魂不安

詳復之井

節

命天不遂死多鬼崇妻子啼暗早失其雄

伏巽爲命兌毀故曰死坎爲鬼兌爲

妻震爲子兌口爲啼啼失聲曰暗坎失故曰啼暗震爲雄○鬼汲古作爲依宋元本

孚中

茆屋結席崇我文德三辰旂旗家受其福

巽爲茆互艮故曰茆屋互震爲席巽

爲結艮爲崇爲我震爲德故曰崇我文德震爲旗爲辰數三故曰三辰艮爲家震爲福故曰家受其福○其汲古作行依

宋元本

過小

羅網四張鳥无所翔征伐困極飢窮不食

巽爲繩故曰羅網震爲張卦數四故

曰四張艮爲鳥止於網下故曰鳥无所翔震爲征伐互大坎爲勞故曰困極伏大離離虛故曰飢兌爲食艮止故不食○

四汲古作一所亦作一茲依宋元本

濟既

天成地安積石爲山潤洽萬里人賴其歡

乾坤爻皆當位故曰天成地安三半

艮故曰積石爲山坎爲潤洽半震爲歡○首句宋元本作天

濟未

城地安茲依汲古汲古洽訛給又接此林似用兌象

銅人鐵柱暴露勞苦終月卒歲无有休止此用兌象伏艮爲

勞苦艮爲終爲時故曰終月卒歲艮爲休止艮伏故曰无

渙之第五十九

渙

望幸不到文章未就王子逐兔犬蹄不得

詳謙之既濟王汲古作羊非依元本

乾

焱風阻越車馳揭揭棄古追思失其和節憂心惓惓

詳需之小過第

三句汲古作棄名追亡元本作棄古退思茲依宋本又揭揭汲古訛竭竭依宋元本

坤

蛇得澤草不憂危殆

此用渙象巽爲蛇震爲草草在坎中故曰澤草坎爲危殆震解故不危

屯

兩犬爭鬪股瘡无處不成仇讐行解卻去

互艮爲犬正反艮故曰兩犬爭鬪艮

爲節爲瘡異爲股異伏故曰股瘡無處坎爲仇異爲隙震解
異伏故曰不仇曰解隙○卻同隙宋元本作邪汲古作却依
局本

蒙

因禍受福喜盈其室求事皆得

坤爲禍震爲福喜艮爲室坤多故曰喜盈其室

需

江有寶珠海多大魚亟行疾去可以得財

乾爲江河爲玉故曰寶珠伏坤爲海

爲魚爲疾爲財○有宋元本作多亟疾作疾亟依汲古

訟

三牛生狗以戌爲母荆夷上侵姬伯出走

詳坤之震三牛宋元本作三年依汲

古

師

安息康居異國穹廬非吾習俗使伯憂戚

詳蒙之比末句宋元本作使伯心憂

茲依汲古或與俗韻憂不協

比

行觸天罡馬死車傷身无聊賴困窮乏糧

參同契二月榆魁臨于卯麥生天罡

據西注天罡卽北斗睽之漸曰魁罡所當初爲敗殃是天罡所指之處亡也艮爲星故曰天罡艮卦數七北斗七星象九

切也坤爲車馬爲死傷爲身爲窮乏震爲糧震覆故曰乏糧
○歷汲古說綱局本又說綱依宋元本

畜小

裸袒逐狐爲人觀笑牝雞司晨主母亂門

詳大有之咸母元本作作非

履

爲季求婦家在東海水長无船不見所歡

詳屯之蹇

泰

男女合室二姓同食婚姻孔云宜我多孫

乾男坤女伏艮爲室乾坤交故曰合

室坤爲姓兌爲食兌卦數二故曰二姓同食震爲嫁故曰婚姻伏艮爲孫○末句元本作宜室我家茲依宋本汲古

否

太微帝室黃帝所直藩屏周衛不可得入常安長在終无禍

患

太微卽紫微史記天官書中宮天極星其一明者太一常居也注云紫微大帝室太微帝室者言紫微垣爲天帝之

中宮也天官書又云填星中央土主季夏日戌巳黃帝主德茲曰黃帝所直黃帝卽軒轅星言黃帝直中宮中宮卽中央藩屏周衛者天官書太一旁三星三公後句四星末大星正妃餘三星後宮之屬環之匡衛十二星藩臣皆曰紫宮言各星藩衛太微周環紫宮故曰不可入也否互艮爲星而與乾連乾爲帝艮爲室故曰帝室坤爲黃爲直故曰黃帝所直艮爲屏藩爲衛艮堅故不得入○長在宋元本作常存茲依汲古

同人

齋金觀市欲買驢子猾偷竊發盜我黃寶

乾爲金互巽爲市下離故曰觀市乾

爲馬伏震爲子故曰驢子巽爲盜爲偷竊萬爲黃乾爲金玉故曰黃寶

有大

三人俱行欲歸故鄉望邑入門拜見家親

此用渙象震爲人數三故曰三人震

爲行爲歸艮爲鄉邑爲門爲拜爲家爲觀故曰望○入汲古作思依宋元本親宋元本作歡依汲古

謙

娶於姜呂駕迎新婦少齊在門夫子悅喜

詳否之渙

豫

伯仲旅行南求大牂長孟病足倩季負糧柳下之寶不失我

震爲伯坎爲仲爲眾故曰旅行旅眾也震爲南艮爲求伏邦兌爲羊故曰大牂震爲長爲孟爲足互坎故曰病足家語叔梁紇施氏生九女其妾生孟皮孟皮病足長孟卽謂孟皮也艮爲季爲負伏巽爲糧故曰負糧季季路也家語子路爲親負米百里之外震爲柳坤下故曰柳下艮爲邦事詳同人之豐○長孟汲古作孟長依宋元本寶各本皆作貞依同人之豐校我邦宋元本作驪黃獨汲古存其真於事實皆切糧各本皆作囊獨汲古革之恆作糧故依校

隨

潔身白齒衰老復起多孫眾子宜利姑舅

艮爲身兌爲齒巽白故曰潔身白齒

艮爲壽故曰衰老下卦艮覆爲震故曰衰老復起艮爲孫震爲子異爲姑震爲舅

蠱

獨宿憎夜嫫母畏晝平王逐建荆子憂懼

巽爲寡異伏故曰獨宿互大坎爲夜

爲憎巽爲母兌魯故曰嫫母互大離故曰畏晝坎爲平震爲王爲逐爲建言楚平王逐太子建也震爲子爲草莽故曰荆子○憎與下畏對文汲古作深雖與大坎象切於文終不適故依宋元本獨宿无耦故憎夜長嫫母貌醜故畏晝見

臨

追亡逐北至山而得稚叔相呼反其室廬

依需之渙校各本下三句皆作呼還

幼叔至山而得復歸其室

觀

鳥飛无翼兔走折足雖欲會同未見其功

震爲翼爲足爲兔震覆故无翼故折

足艮爲鳥由此證明夷初爻之垂其翼以六四震爲翼諸家以离爲翼皆非○見其宋元本作得鑒茲依汲古

噬嗑

抱空握虛鵲驚我雛利去不來

詳离之家人去來汲古作出成依宋元本

賁

山作大池陸地爲海

艮爲山爲陸地坎爲池爲海汲古多各得其所四字宋元本无大宋元本作天

依汲古

剝

爲虎所噬泰山之陽眾多從者莫敢救藏

艮爲虎伏兌爲窟艮爲山納丙故曰

山陽坤爲眾多丁云事見檀弓接檀弓記孔子過泰山謂苛政猛於虎於此亦不甚合

復

逌迤四牡思歸念母王事靡盬不得安處

詳旅之漸

妄无

獼猴所言語无成全誤我白馬使乾口來

艮爲獼猴震言乾馬異色白故曰白

馬震爲口艮火故曰乾口

大畜

飛不遑去卑斯內侍祿養豐富

詳豐之渙斯汲古作廝非

頤

大尾細要重不可搖陰權制國平子逐昭

艮爲尾震爲大故曰大尾坎爲蓄今

中爻皆陰故曰細蓄莊子細要者化謂蜂也坤爲重震爲搖艮止故不可搖坤爲國伏巽爲權故曰陰權制國坤爲平震爲子爲逐震爲光明故曰平子逐昭○要汲古作蓄非依宋元本西漢時蓄多作要故知要爲本字蓄是後人所改

大過

旦生夕死名曰嬰鬼不可得祀

詳小畜之升祀宋元本訛視依汲古

坎

子畏於匡困於陳蔡明德不危竟免厄害

坎爲畏艮邑故曰匡坎爲困震爲陳

爲蔡爲德艮爲光明故曰明德坎爲困厄震解故曰危○厄
元本作危非依汲古

离

畏昏潛處候時昭朗卒逢白日爲世榮主

詳前昭朗元本作朗昭依汲古

咸

白鳥銜餌嗚呼其子旋枝張翹來從其母

詳晉之震旋枝宋元本作施翼依汲

古

恆

宮商角徵五音和起君臣父子弟順有序唐虞龍德國无災

咎

伏坤故曰宮兌秋故曰商巽居巳故屬夏樂書徵配夏月令孟春之月其音角故震爲角宮商角徵皆卦象也震爲

音巽卦數五故曰五音震爲君伏艮爲臣乾父震子故曰君臣父子巽順故曰悌震爲帝故曰唐虞伏坤爲國

遯

季姬踟躕望孟城隅終日至暮不見齊侯

詳同人之隨

壯大

鬼哭於社悲商无後甲子昧爽殷人絕祀

詳大過之坤

晉

天之所予福祿常在不憂危殆

詳小畜之遯之宋元本作子依汲古

遯之宋元本作子

夷明

比目四翼相恃爲福姜氏季女與君合德

商爲目坤偶故曰比目震爲翼卦數

四故曰四翼爲福伏巽爲姜坎爲合震爲君爲德左傳桓九年紀季姜歸於京師爲桓王后

人家

翕翕鞫鞫稍崩墜顛滅其令名長沒不全

詳泰之謙

睽

折若蔽目不見稚叔三足孤鳥遠去家室

詳師之蒙若汲古作葉稚作雉孤鳥

作飛鳥均依宋元本此用渙象

蹇

羊腸九縈相推稍前止須王孫乃能上天

詳履之師

解

坤厚地德庶物蕃息平康正直以綏大福

詳泰之解

損

有莘外野不逢堯主復歸窮處心勞志苦

震爲莘莘草名也坤爲野震爲主爲

帝故曰堯主震爲歸坤爲心志爲勞苦解取有莘氏女本在野之人後堯用以治水倘解不逢堯則窮老於有莘之野耳

○歸宋元本作居依汲古

益

聃長景行來觀柘桑土伯有喜都叔允藏

聃爲邑之訛字禮檀弓以吾爲邑長

於斯也震爲長爲行爲柘桑艮爲觀故曰來觀柘桑言邑長出巡也震爲伯互坤故曰土伯土伯卽周禮地官之土訓土

訓掌辨地物而原其生震樂故曰有喜坤爲都艮爲叔故曰都叔都叔蓋都士都則之屬○聿音緝篆書作聿而邑篆作是形近故邑訛爲聿宋元本作曾依汲古士宋元本作上汲古作止依局本

夬

周師伐紂戰於牧野甲子平旦天下大喜

詳謙之噬嗑戰宋元本作勝依汲古

大依宋元本汲古作喜悅

姤

踰江求橘并得大栗烹羊食豕飲酒歌笑

乾爲木果故曰橘曰栗乾爲河爲江

爲大故曰大栗伏震爲羊巽爲豕震爲歌笑○豕宋元本作炙依汲古酒汲古作食依宋元本

萃

敝筍在梁魴逸不禁漁父勞苦焦喉乾口虛空无有

第四句宋元本

作簋筍乾口汲古作口焦喉乾茲依遯之大過校

升

生有陰孽制家非陽逐送還牀張氏易公憂禍重凶

送汲古作受牀

作作公作休均依宋元本禍元本作禍依宋本汲古然仍有訛字故義皆不能通

困

絕域異路多有畏惡使我驚懼思吾故處

詳漸之无妄思吾依校各本皆作思

我

井 迷行失道不得牛馬百賈逃亡市空无有

坎爲失爲隱伏故曰迷行失道伏震

爲行爲道也艮爲牛震爲馬艮震伏故不得異爲市賈商虛故曰空○牛馬汲古作馬牛依宋元本

革 雌鷩生雛神異興起乘雲龍騰民戴爲父

通蒙艮爲鷩震爲生爲雛爲神爲起

坤爲雲震爲龍爲乘爲騰爲父坤爲民艮爲戴○鷩宋本汲古皆作鷩茲依元本乘宋元本訛東依汲古

鼎 疊疊纍纍如岐之室畜一息十古公治邑

詳恆之小過疊宋元本作壘治作始

均依汲古

震 瘡瘍疥癰孝婦不省君多疣贅四牧作去

互艮多節故曰瘡瘍疥癰癰亦瘡也

巽爲婦巽順故曰孝婦巽伏故曰不省艮爲疣贅震君故曰君多疣贅震爲馬卦數四故曰四牧震往故曰去○瘡宋元本作搔非依汲古牧去汲古作時災不協依宋元本

艮 羊頭兔足羸瘦少肉漏囊敗粟利无所得

詳剝之恆

漸

孽蔑徙靡空无誰是言季不明樂減少解

字既多訛義都未解孽徒宋元本作

孽徒下作子亦未知孰是

歸妹

妹爲貌慙敗君正色作事不成自爲心賊

震爲嫁兌爲妹伏艮爲須以女而有

須故曰貌慙莊子田子方老聃新沐被髮而乾慙然似非人慙音惛言可怖也坎爲畏懼故曰慙震爲君兌毀故曰敗曰不成艮爲成艮伏故不成坎爲心爲賊○慙宋元本汲古均作熱局本作熱蓋由慙訛爲熱又由熱訛熟茲依局本又爲貌汲古作貌親是又因熟字而妄改局本熱字卽是慙字而微異耳

豐

四馬共轅東上太山騂驪同力无有重難與君笑言

詳剗之解

旅

陰變爲陽女化作男治道得通君臣相承

詳比之商旅之旅中四爻艮爲兌震

爲巽震爲巽亦巽爲震故曰女化男左傳震之商亦商之震是其例也君臣相承者言陽爲君陰爲臣卦形上一陰承一陽下二陰承二陽也○作汲古作爲依宋元本

巽

南國少子材略美好求我長女賤薄不與反得醜惡後乃大

悔 詳比之漸

兌 昭公失常季氏悖狂遜齊處野喪其寵光 詳遜之疊

節 文山紫芝雍梁朱草生長和氣王以爲寶公尸侑食福祿來

處 詳同人之剝

孚 中 牽羊不前與心戾旋聞言不信誤給丈人 兌羊艮手故曰牽羊艮止故曰不前

兌爲耳中爻正反震故曰聞言不信日誤給丈人震爲丈人

過 小 東山西山各自止安心雖相望竟未同堂 詳姤之坤艮爲堂爲堂正反艮故曰

相望日未同堂

既 濟 鹿求其子虎廬之里唐伯李耳貪不我許 詳隨之否

未 濟 三虎上山更相喧喚心志不親如仇與怨 詳姤之小過首二句用半象

節之第六十

節海爲水王聰聖且明百流歸德无有叛逆常饒優足

詳蒙之乾汲古

下多不利攻玉所求弗得二句注云疑衍今從宋元本

乾虎豹怒咆慎戒外憂上下俱搔士民无聊

此用節象艮爲虎豹震怒坎爲憂艮

爲上震爲下爲士坎爲民

坤探穴得雛鳩鵲俱來使我心憂

此仍用節象艮爲巢艮手故曰探巢震爲鵲爲雛坎爲心

憂

屯日望一食常恐不足祿命寡薄

艮爲日爲望震爲食坤虛故不足乾爲祿巽爲命坤爲寡

坎爲薄乾巽伏故曰祿命寡薄

蒙其馬疾走千里一宿逃難它鄉誰能追復

震爲馬爲走下坎故曰疾走坤爲千

里爲宿坎數一故曰一宿坎爲難坤爲鄉爲蛇故曰它鄉它蛇同字它鄉有毒故不能追復震爲追爲歸故曰追復○逃難汲古作離逃茲依宋元本

需

鵲巢鳩成上下不親外內乖睨子走失願

互离爲巢爲鳩詩維鵲有巢維鳩居

之鵲巢鳩成者言鵲營巢成爲鳩居也坎水性下乾陽上升故曰不親○鳩成宋元本作鳥城汲古作鳩城茲從局本外內汲古作內外依宋元本失願宋元本作矢頑依汲古

訟

雲龍集會征討西戎招邊定眾誰敢當鋒

坎雲乾龍坎爲積故曰集會伏震爲

征討坤爲戎坎爲西故曰西戎坤爲邊爲眾坤安故曰定坎爲矢故曰鋒

師

春多膏澤夏潤優渥稼穡成熟畝獲百斛

詳臨之明夷

比

僮妾獨宿長女未室利无所得

詳豫之益

畜小

四野不安東西爲患退身止足无出邦域乃得全完賴其生

詳大有之睽野宋元本作亂第三句宋元本作退止我足茲依汲古

履

長甯履福安我百國嘉賓上堂與季同牀

通謙震爲履爲福坤爲安爲百國故

曰安我百國震爲賓艮爲堂爲季爲牀○履福宋元本作理禍依汲古

泰

騏驥綠耳章明造父伯夙奏獻衰續厥緒佐文成霸爲晉元

輔詳革之夬驥綠宋元本作驤駢伯夙奏獻宋元本作伯夙成季汲古作夙伯奏獻宋元无第四句第五句作共成霸

功茲依汲古奏進也言進仕獻公也祇伯夙依宋元

否

張陳嘉謨贊成漢都主歡民喜其樂休休

伏震爲張爲陳爲嘉坤爲謀爲都爲

水故曰漢都坤爲民震爲主爲歡樂言張良陳平主張都關中也

同人

大面長頭來解君憂

乾爲頭互巽故曰長頭○汲古下多遺吾福善與我嘉惠二句依宋元本

大有

畏昏不行待旦昭明燎獵受福老賴其慶

詳夬之損

謙

伯去我東首髮如蓬長夜不寐輾轉空牀內懷惆悵憂摧肝

腸

詳姤之遯宋元本无下二句第四句作憂繫心胸茲依汲古

豫

朽條腐索不堪施用安靜候時以待親知

伏巽爲索爲腐故曰朽條腐索良爲

時坤爲安艮止故曰候時

隨

比目四翼相倚爲福姜氏季女與君合德

詳渙之明夷女宋元本作氏非依汲

古

蠱

履階升墀高登崔嵬福祿洋溢依天之威

艮爲階墀震爲履爲登巽爲高震爲

福祿艮爲天

臨

奢淫吝嗇神所不福靈祇憑怒鬼瞰其室

坤多故曰奢坤閉故曰吝嗇震爲神

爲福爲靈祇爲怒坤爲鬼伏艮爲室爲觀故曰鬼瞰其室○吝宋元本作愛瞰作障靈祇元本作祇靈均依汲古

觀

大步上車南到喜家送我狐裘與福載來

伏震爲步坤爲車震爲南爲喜坤爲

家爲狐○上宋元本作小狐作豹茲依汲古

噬嗑

南行西步失次後舍乾侯野井昭公失居與彼作期不覺至

夜震爲東坎爲西震爲後艮爲舍坎失故曰失次後舍震爲諸侯上离故曰乾侯坎爲井艮爲野故曰野井震爲公上离故曰昭公坎爲夜言昭公爲季氏所逐次於乾侯野井也○舍汲古訛舍依宋元本彼元本作陂覺作眞依宋本汲古

三四與五六兩句宋元本倒置不協依汲古

賁

喜樂踴躍來迎名家鵲巢百兩以成嘉福

震爲踴躍爲樂良爲名爲家故曰名

家震爲鵲良爲巢震爲車故曰百兩詩周南維鵲有巢維鳩居之之子于歸百兩御之良爲成震爲嘉福○踴宋元本作并名家汲古作歡客依宋元本宋元本第四句作獲利養福均依汲古惟汲古下多多獲利益四字茲從宋元本刪名家與大家同與福亦協

剝

非理所求誰敢相與往來不獲徒勞道路

艮爲求坤爲理艮止故不與艮爲道

路商虛故不獲而徒勞也坤役萬物故亦曰勞○所求宋元本作後來依汲古

復

北虜匈奴數侵邊境左衽爲長國猶未慶

坤爲北爲夷故曰匈奴坤爲境震爲

侵爲左爲衽爲長坤爲國末句疑有訛字

无妄

狂不以理伐乃无名縱獲臣子伯功不成

震爲征伐爲子爲伯艮爲臣爲拘繫

故曰獲○汲古作續事康域針折不成嬰兒短舌說辭无名茲依宋元本

畜大

景星照堂麟游鳳翔仁施大行頌聲作興

詳豫之節

頤

文明之世銷鋒鑄耜以道順民百王不易

坤爲世爲文艮爲明故曰文明之世

艮爲鋒爲耜艮火故曰銷鋒鑄耜坤爲民爲順震爲大塗故曰以道順民震爲王坤爲百艮止故不易○耜宋元本作鎡依汲古民汲古作昌依宋元本

過大

鳥飛无羽雞闕折距徒自長嗟誰肯爲侶

震爲鳥爲飛巽寡髮故曰无羽巽爲

雞震爲距震伏不見故曰折距巽爲長兌口爲嘆巽寡故无侶

坎

羣隊虎狼嚙彼牛羊道路不通妨農害商

互艮爲虎狼正反艮故曰羣隊伏兌

爲嚙商爲牛兌爲羊震爲道路坎塞故不通震爲商旅坎爲害

离

商伯沈酒庶兄奔走淫女蕩夫仁德並孤

伏震爲商爲伯坎爲酒故曰商伯沈

酒震爲兄坎爲眾故曰庶兄庶眾也震爲奔走言商紂沉湎於酒庶兄微子抱祭器奔周也兌爲媚正反兌故曰淫女謂妲己也伏坎爲未坎水故曰蕩夫謂紂也震爲仁德坎爲孤

咸

三狸搏鼠遮遏前後當此之時不能脫走

通損震爲狸數三故曰三狸爲鼠

故曰三狸搏鼠艮爲前震爲後二至上正反艮艮止故曰遮遏前後不能脫走

恆

陶叔孔圉不處亂國初雖未萌後受慶福

陶叔謂陶朱公去越適齊以避勾踐

孔圉未許按史記孔子世家孔防叔畏華氏之亂奔魯疑圉或防叔之名恆通益艮爲叔艮火故曰陶叔震爲孔艮止故曰孔圉坤爲國爲亂震爲福慶爲後萌疑爲明字

遯

奮翅鼓翼翔外國逍遙北域不入溫室

伏震爲翼坤爲國爲北本卦艮爲室

艮火故曰溫室

壯大

德音孔博升在王室八極蒙祐受其福祿

震爲德爲音爲孔爲升爲王伏艮爲

室伏坤數八故曰八極蒙祐乾爲福祿

晉

當變立權摘解患難渙然冰釋大國以安

詳升之震渙宋元本作霍依汲古

夷明

羽動角甘雨續草木茂年歲熟

坎爲冬故曰羽月令冬月其音羽震爲春故曰角月令春

人家

月其音角羽動角者言羽音發動以後角音繼之至春而有甘雨也坎爲雨震爲草木坤爲年歲三字句

天所祐助福來禍去君王何憂

此用節象艮爲天震爲福在內故曰福來坎爲禍在外故

日禍去震爲君王坎爲憂禍去故不憂

睽方喙宜口聖智仁厚釋解倒懸唐國大安

詳小畜之噬嗑

蹇葛藟蒙棘華不得實讒佞亂政使恩壅塞

詳師之中孚華元本作棘從宋本汲

古

解皇母多恩字養孝孫脫於襁褓成就爲君

褓元本作抱依宋本汲古

損積冰不溫北陸苦寒露宿多風君子傷心

詳睽之巽首句汲古作積冰下溼依

宋本

益伯夷叔齊貞廉之師以德防患憂禍不存

詳革之否禍元本作禍存作凶茲依

朱本汲古

夫一雌三雄子不知公亂我族類使吾心憤

此用節象下兌爲一雌上坎互艮震

爲三雄震爲子爲公坎隱故不知坎爲心○知汲古作得依宋元本憤宋元本作憤依汲古

姤主安多福天祿所伏居之寵昌君子有光

詳剝之觀

萃千歲槐根身多斧癭樹維枯屈枝葉不出

詳家人之乾

升周師伐紂勝殷牧野甲子平旦天下大喜

詳謙之噬嗑

困日走月步趨不同舍夫妻反目主君失禮

詳小畜之同人

井宜髮龍叔爲王主國安土成稷天下蒙福

異爲髮爲白故曰宜髮宜明也說卦

異爲寡髮釋文云本又作宜黑白雜爲宜髮易林遇巽多謂禿是讀爲寡茲日宣是兼讀也伏震爲龍艮爲叔故曰龍叔震爲王爲主艮爲國爲土爲稷言築土立稷以祭也左傳昭二十九年共工氏有子曰勾龍爲后土后土爲社又曰有烈山氏之子曰柱爲稷自夏以上祀之周棄亦爲稷自商以來祀之龍叔卽勾龍言勾龍爲社稷神築土爲壇祀之而天下蒙福也艮爲天震爲福○首句汲古作宜勞就力依宋元本

革

諷德誦功美周盛隆夷旦輔成光濟冲人

詳明夷之蒙

鼎

三夜不寢憂來益甚戒以危懼弃其安居

通屯坤爲夜震數三故曰三夜坤爲

寢震動故不寢坎爲憂懼爲險故曰棄其安居○寢元本作寐其作去茲依宋本汲古

震

思願所之乃今逢時洗濯故憂拜其歡來

詳睽之艮濯元本作宅依宋本拜汲

古作并依宋元本

艮

嘽嘽嘽嘽夜作晝匿謀議我資來竊吾室空盡已財幾无以

食

三至上正反震故曰嘽嘽嘽嘽嘽對語也坎爲夜與震連故曰夜作對象兩爲晝與巽連故曰晝匿巽爲伏也坎

爲謀議爲竊爲室○作汲古作行竊作攻均依宋元本朱元本無下二句依汲古

漸

駢牛无子鳴於大野申復陰徵還歸其母說以除悔

离爲牛坎赤故

曰駢牛震伏故曰无子左傳介葛盧來朝聞牛鳴曰是生三犧皆用之矣艮爲大野震巽同聲故曰鳴於大野三四句或謂申者申后先爲幽王所廢後平王立后復還然第三句終難解疑有訛字又比之蹇有申生見母之語蓋自虞初志亡

後故事多遺失故莫定其是非也

妹歸

王良善御伯樂知馬周旋步驟行中規矩止息有節延命壽

考詳遜之豫驥宋元本作趨依汲古

豐釋然遠咎避患害早田獲三狐以貝爲寶

詳賁之謙

旅仁獸所處國无凶咎市賈十倍復歸惠里

良爲獸互異故曰仁獸良爲國異爲

市賈爲倍兌數十故曰十倍良爲里伏震爲歸爲仁故曰復歸惠里

巽六目俱視各欲有志一言不同乖戾生訟

互离爲目數六故曰六目伏坎爲心

志兌爲言初至四正反兌故曰一言不同乖戾生訟也○一言宋元本作心意非依汲古

兌傳說王良驂御四龍周徑萬里无有危凶

傳說王良皆星名莊子傳說相武丁

奄有天下騎箕尾上比於列星故張衡周天六象賦云天江爲太陰之主傳說奉中闡之祠史記天官書天駟旁一星曰王良王良策馬車騎滿野故下云驂御四龍惟星經云傳說一星在尾後主子嗣茲與王良並言似亦與天駟有關抑以

傳說騎箕尾箕主風喻馬行之神速歟允通艮艮爲星互震爲龍爲駢爲周爲萬艮爲里故曰萬里互坎爲危震解故不危

漢

伯仲叔季日暮寢醉醒失明喪其貝囊卧拜道旁

詳謙之

宋本作仲伯季叔非依汲古寢醉宋本汲古作寢寐依元本汲古第三句元本作醒失期明宋本汲古作醉醒失明明與囊旁韻元本非卧拜謙之疊作衝却拜或爲却之形訛字

中孚

江有寶珠海多大魚亟行疾至可以得財

詳漢之需可宋本作所依元本汲古

小過

遠視千里不見所持離婁之明无益於耳

艮爲視艮手爲持艮爲光明兌爲耳

伏異故不見所持○持汲古作視依宋元本

既濟


弱足則跟不利出門市賈无贏折亡爲患

詳乾之鼎

未濟

利盡得媒時不我來鳴雌深涉寡宿獨居

似用半象而語特難解



焦氏易林注卷十六

行唐尙秉和節之注

受業

蒲城倬道益

豐潤董維城校刊

中孚之第六十一

中孚

鳥鳴譖譖天火將下燔我屋室災及姤后

詳兌之革鳥鳴宋元本作鳥鳥依汲

古譖譖汲古作啗啗茲依宋元本

乾

黃虹之野賢君所在管叔爲相國无災咎

此用中孚象震爲玄黃爲虹爲君艮

爲野爲叔孝經援神契黃虹抱曰輔臣納忠帝王世紀少昊生虹流華渚洛書黃帝起黃雲扶日又東方朔別傳凡古長吏下車當視天有黃雲來覆車震爲竹故曰管叔艮爲國○叔汲古作仲非中孚无仲象也茲依宋元本

坤

符左契右相與合齒乾坤利貞乳生六子長大成就風言如

母詳兌之大過宋元本石下多梁叔有若四字斷爲衍文茲依汲古

屯

蝗噬我稻驅不可去實穗无有但見空藁

詳小畜之大壯

蒙

嬰孩求乳母歸其子黃麋悅喜

詳履之同人孩元本作孫依宋本

需

折若蔽目不見稚叔失放亡民遠去家室

詳師之蒙第二句元本作父族相逐

父乃失之訛第四句元本作不見衛國均依宋本汲古若汲古作葉非

訟

牂羊羴首君子不飽年飢孔荒士民危殆

詩小雅牂羊墳首茲作羴按魯語云

土之怪曰羴注羴羊雌雄未成者亦作墳然則羴墳古通用是焦詩與毛詩異字非訛字也伏震爲羊羴大也乾爲首爲大故曰羴首乾爲君子离虛故不飽故飢乾爲年坎爲民爲危殆○牂汲古作牂從宋元本羴宋元本作肥依汲古

師

靈龜陸處盤桓失所伊子退耕桀亂无輔

詳歸妹之剝

比

威約拘囚爲人所誣臯陶平理幾得脫免

脫免元本作免脫依宋本汲古

畜小

烏升鵲舉照臨東海龙降庭堅爲陶叔後封於英六福履綏

厚 詳需之大畜

履

四目相視稍近同軌日昃之後見吾伯姊

詳益之需近汲古作延軌作執均依

宋元本

泰

大步上車南至喜家送我狐裘與福載來

詳節之觀

否

穿都相合未敢面見媒灼无良使我不鄉

坤爲都穿元本作卒相作和鄉作香

均依汲古然義皆難解恐仍有訛字

同人 大有

鴻飛遵陸公出不復伯氏客宿

詳利之升出汲古作母依宋元本

代戍失期患生无知懼以發難爲我開基邦國憂愁

左傳莊八年齊

侯使連稱管至父戍葵丘瓜時而往日及瓜而代期戍公問不至故與無知等作亂伏艮爲守爲戍爲期坎爲失故曰失期坎爲患爲憂懼坤爲我爲邦國全用旁通○生汲古作至依宋元本知各本皆作聊依漸之謙校

謙

伯氏爭言戰於龍門搆怨結禍三世不安

詳坤之離正反震相背故爭言震爲

伯故曰伯氏○伯氏宋元本作齊魯茲依汲古

豫

周政養賊背生人足陸行不安國危爲患

震爲周坎爲賊坤爲政爲育故曰周

政養賊震爲足艮爲背足在背上故曰背生人足坤爲陸坎險故不安坤爲國坎爲患也此全用卦象製辭未必有故實

○賊宋元本作賤茲依汲古

隨

蜎蜎歡喜草木暢茂百果蕃生日益富有

詐謙之解喜宋元本作翹富作多依

汲古

蠱

魑爲災虐風吹雲卻止不得復復歸其宅

首句汲古作薄災暴虐宋元本作薄

災暴虐依小畜之中孚校薄爲魑之音訛字

臨

乘輜駕驪游至東齊遭遇行旅逆我以資厚得利歸

震爲馬坤亦爲

馬故曰乘輜駕驪震爲東伏巽爲齊故曰東齊震爲行旅坤爲資財逆行故曰逆我以資坤多故曰厚得利

觀

鳳生七子同巢共乳歡悅相保

坤文故曰鳳艮數七故曰七子艮爲巢爲乳伏震爲歡悅

陸

桃雀竊脂巢於小枝動搖不安爲風所吹心寒漂搖常憂殆

危

許損之漢

賁

東山西山各自止安雖相登望竟未同堂

許婚之坤竟未汲古作不得依宋元

本

剝

匍匐出走驚懼惶恐白虎生孫蓐收在後

匍匐以手行也艮爲手手在地上故

日旬匍陽在上故日出坤爲恐懼艮爲虎爲孫伏兌爲西方色白故曰白虎兌爲秋故曰蓐收月令孟秋之月其神蓐收是也○匍宋元本作伏依汲古惶宋本汲古作皇依元本

復

重弋射隼不知所定質疑蒼龜告以肥牡明神答報宜利止

居

許困之蹇弋元本訛或牡作性依宋本汲古四五句宋元本倒依汲古

无妄

開門內福喜至我側加以善祥爲吾室室宮城洛邑以昭文

德

震爲開艮爲門上乾故曰納福震爲喜爲善祥艮爲室宅爲宮城爲邑乾爲王故曰洛邑洛邑王城也伏坤爲文○

加以宋元本作嘉門依汲古室汲古作家昭作招依宋元本

大畜

鳥飛狐鳴國亂不甯下強上弱爲陰所刑

艮爲鳥爲狐震爲飛爲鳴故曰鳥飛

狐鳴艮爲國兌毀故曰不甯四五陰爻乾爲艮所畜故曰爲陰所刑

頤

三雞啄粟八雛從食飢鷹卒擊失亡兩叔

伏巽爲雞震數三故曰三雞伏兌爲

啄巽爲粟震爲雛坤數八故曰八雛震爲從爲食艮爲鷹坤虛故曰飢鷹艮爲擊爲叔坤數二坤喪故曰失亡兩叔

大過

歎息不悅憂從中出喪我金罍无妄失位

兌口故曰歎息互大坎故不悅故憂

從中出乾爲金震爲罍震伏故曰喪我金罍○罍宋元本作晏依汲古從汲古作逆依宋元本

坎

剛柔相呼二姓爲家霜降既同惠我以仁

詳家人之損二宋元本作三依汲古

離

襄送季女至於蕩道齊子旦夕留連久處

詳屯之大過末句元本作久流連處

依宋本汲古襄送各本多作送我依屯之大過校

咸

低頭竊視有所畏避行作不利酒酢魚餒眾莫貪嗜

艮爲頭澤下故

日低頭良爲視異爲盜故曰竊視異伏故曰畏避兌毀故不利兌爲澤爲酒異爲魚爲木木作酸故曰酒酢酢酸也異爲爛故曰餒餒爛也○畏宋元本作遇依汲古酢宋本汲古作酸飯汲古作敗依元本及宋元本

恆

典冊法書藏閣蘭臺雖遭亂潰獨不遇災

詳坤之大畜閣汲古作在依宋元本

遞

旦醉病酒暮卽瘳愈獨不及咎

伏震爲旦坤迷故曰旦醉坤爲病爲暮○卽宋元本作多

末句作不反爲咎均依汲古

壯大

畫龍頭頸文章未成甘言美語說辭无名

詳蒙之噬嗑

晉

日月運行一寒一暑榮寵赫赫不可得保顛躓殞墜更爲士

伍 詳巽之震

明夷

爭利王市朝多君子蘇氏六國獲其榮寵

伏巽爲利市震君故曰王市坤爲朝

震爲君子爲蘇坤爲國坎卦數六故曰六國言蘇秦說六國佩六國相印也

人家

六蛇奔走俱入茂草驚於長途畏懼啄口

詳豐之巽

懸甈素餐食非其任失舉剝廬休坐徙居

詳願之益

蹇歡欣九子俱見大喜提攜福至王孫是富

此用中孚象震爲歡欣數九故曰九

子艮手爲提攜爲孫震君故曰王孫○至元本作善依汲古

解伯夷叔齊貞廉之師以德防患憂禍不存

詳革之否

損雄聖伏名人匿麟驚走鳳飛北亂潰未息

詳否之大過

益久鯁无偶思配織女求其非望自令寡居

艮爲鯁坤女異爲繩爲織故曰織女

艮爲求爲望異爲寡言織女爲天孫不能求也

夬破亡之國天所不福難以止息

兌爲破坤爲國坤伏不見故曰天所不福乾爲天

姤老慵多卻弊政爲賊阿房驪山子嬰失國

伏坤爲老坤柔故曰老慵異爲隙卻

隙同巽伏爲賊坤爲弊爲政故曰弊政爲賊中孚艮爲房爲山震馬故曰驪山艮少故曰子嬰○卻汲古訛欲依宋元本

萃三叛六辟相隨俱行迷入空澤經涉虎廬爲所傷賊死於牙

腹

詳同人之蒙經元本作遙依汲古

升

喋喋喋喋昧冥相搏多言少實語無成事

震言正反兌亦爲言故曰喋喋喋喋

多言也震爲笑樂故曰喋喋喋大矣音謹諠聒也坤爲黑故曰昧冥伏艮爲搏正反艮故曰相搏正反兌故曰多言坤虛故曰少實語無成事坤爲事○喋宋本訛喋汲古訛噬茲依元本喋喋宋元本訛處懼依汲古喋汲古訛作噬於是宋元本又由噬而竟作處矣以此證汲古所據之本前於宋元噬汲古明夷之豫謙之乾皆訛爲耀獨此處存其真而宋元本則訛爲懼明夷之豫謙之乾則又皆訛爲曜於此見汲古本之可貴也搏各本皆作搏然與噬不韻故決其爲搏字以搏與搏形太近也且明夷之豫宋本作傳尤爲作搏確證

困

舞陽漸離擊筑善歌慕丹之義爲燕助軻陰謀不遂矐目死

亡功名何施

史記刺客傳荆軻奉樊於期首函秦舞陽奉地圖及事敗秦人大索太子丹及荆卿之客高漸

離善擊筑秦王乃矐其目使擊筑於側後以鉛實筑中擊秦王乃被殺伏震爲舞爲築爲歌艮手爲擊故曰擊筑善歌坎赤故曰丹兌爲燕震爲軻故曰爲燕助軻坎爲陰謀離爲目坎爲失故曰矐目矐索隱曰以馬矢薰目令失明也坎爲棺

櫛故曰死亡震爲功艮爲名艮震皆伏故曰功名何施○舞
宋元本作武依汲古瞻汲古作霍依宋元本目宋元本作自
何作賈均依汲古助汲古作荆依宋元本

井

尹氏伯奇父子分離無罪被辜長舌爲災

詳訟之大有

革

五精亂行政逆皇恩湯武赫怒共伐我域

東京賦辨方位而正則五精帥而來

摧注五精五方星也伏艮爲星坤爲亂震爲行故曰五精亂
行伏坤爲政坤逆行故曰政逆皇恩爲怠遑訛字詩商頌不
敢怠遑箋怠惰遑暇也怠遑言怠惰敖嬉也坤柔故曰怠遑
震爲王故曰湯武震爲怒爲伐坤爲域全用旁通象

鼎

西歷玉山東入玉門登上福堂飲萬歲漿

通屯坎位西震爲玉互艮故曰玉山

故曰玉門震爲東也震爲登爲福艮爲堂坤爲萬歲爲漿震
口故曰飲萬歲漿

震

行觸大忌與司命忤執囚束縛拘制於吏幽人有喜

震爲行坎爲忌

諱諱避也坎隱故曰忌伏巽爲命坎爲忤故與司命忤艮爲
執囚爲拘制伏巽爲束縛艮爲官吏爲幽人震爲喜○大忌
宋本作天忌元本作天忌漢古作忌諱依劉林校因夫天皆
大之說故知決爲大字忤宋元本作悟似爲悟之訛字茲依

汲古

良

機父不賢朝多讒臣君失其政保家久貧

機疑爲皇之訛詩小雅皇父卿士讒

口舊林似本此良初至五正反震故曰讒互震爲君良爲臣坎爲失保疑爲使之訛○家汲古作我依宋元本良爲家

漸

三人俱行北求大牂長孟病足倩季負糧柳下之寶不失我

邦詳大有之豐不失我邦者按家語齊求岑鼎於魯魯與膺免君國也但臣亦有國免君之國破臣之國亦君之所惡也

魯乃以眞鼎往此林屢見皆作驪黃惟此作我邦於事獨切

長孟汲古作孟長依宋元本邦宋元本作糧亦後人所改以求叶韻獨汲古於此字存其眞負糧依革之恆校各本皆作

囊漸下良爲季爲負上巽爲糧事詳革之恆

歸妹

鵠思其雄欲隨鳳東順理羽翼出次須日中留北邑復返其

室

詳需之商須日中汲古作日中須依宋元本

豐

常德自如不逢禍災

離爲禍災

旅

白鵠游望君子以甯履德不愆福祿來成

互異爲白良爲鵠爲望故曰白鵠游

望良爲君子良安故曰甯伏震爲履爲福祿

巽

膚敏之德發憤晨食虜豹禽說爲王得福

詳大有之困晨汲古作忘說作越皆

非

兌

百足俱行相輔爲強三聖異事王室寵光國富民康

詳屯之履宋元

本無第四句依汲古

渙

生不逢時困且多憂年老衰極中心悲愁

良爲時震爲生下坎故曰困且多憂

良爲壽故曰年老坎爲中心爲悲愁

節

出門蹉跌看道後旅買羊逸亡取物逃走空手握拳坐恨爲

咎

良爲門震爲出坎蹇故曰蹉跌震爲大塗爲後兌爲羊與震連體故曰逸亡良爲手正反良相對故曰空手握拳坎

爲恨

小過

牧羊稻田聞虎喧謹畏懼悚惕終无禍患

詳隨之漸

既濟

龍潛鳳北箕子變服陰孽萌作

北汲古作池依宋元本箕宋元本作其依汲古其子與蜀

才讀同且其箕音同非訛字不過他林皆作箕故從汲古

未濟

國元比鄰相與爭強紛紛匈匈天下擾攘

匈匈汲古作凶凶依宋元本攘宋元

本作憂依汲古

小過之第六十二

小過

初雖驚惶後乃无傷受其福慶永永其祥

震爲驚爲後爲福慶

乾

積德累仁靈佑順信福祉日增

乾爲仁德爲信爲福順行純乾故曰積日累

坤

謹慎重言不幸遭患周召述職脫免牢門

此用小過象艮爲謹慎震爲言正反

震故曰重言互大坎爲患震爲周爲召坎爲牢獄艮爲門震出在外故曰脫免○門宋元本作開依汲古

屯

鳥飛鼓翼喜樂堯德虞夏美功要荒賓服

艮爲鳥震爲翼爲鼓爲飛爲帝故曰

堯故曰虞夏坤爲要荒

卷十二

蒙 牙孽生齒室堂啟戶幽人利貞鼓翼起舞

詳臨之姤

需 使伯采桑拒不肯行與叔爭訟更相毀傷

依離之明夷校采桑各本皆訛東求

訟 手足易處頭尾顛倒公爲雌姬亂其蠶織

詳夬之蹇惟此用小過象艮爲手在下震爲足在上故曰易處艮爲頭在下覆艮爲尾在上故曰顛倒震爲公與兌連體故曰公爲雌姬異爲蠶爲織異隕故

曰亂

師 匠卿操斧豫章危殆袍衣脫剝祿命訖已

劉毓松云左傳襄四年匠慶用蒲團

之槓慶卿古通用匠卿卽匠慶魯匠人也伏巽爲工故曰匠卿震爲木故曰豫章坎爲危殆震爲袍衣伏巽爲命坤喪故曰訖已訖終也○卿或爲慶之音訛字豫章大木也

比 天文踞牀不成文章南箕无舌飯多沙糠虐眾盜名雌雄折

頸

詳大畜之益糠元本訛糖依汲古

畜小

大椎破穀長舌亂國牆茨之言三世不安

良爲椎震爲穀兌毀故曰破穀兌爲

舌震爲大兌故曰長舌異爲牆坎爲茨毛傳茨蒺藜也震爲言數三艮爲世故曰三世

履

銜命辱使不堪厥事中墮落去更爲斯吏

異爲兌口異爲命故曰銜命異爲隕

落故曰中墮落去伏艮爲僮僕故曰斯吏後漢左雄傳職斯祿薄注斯賤也○墮各本皆作墜斯吏作負載茲依未濟之坎校

泰

三蛇共室同類相得甘露時降生我百穀

伏異爲蛇艮爲室數三故曰三蛇共

室兌爲露震爲生爲百穀

否

衣宵夜游與君相遭除患解惑使我不憂

詳歸妹之大有衣宵原作衣繡遭作

逢歸妹之大有旅之小過繡皆作宵按禮記鄭注宵卽繡也與繡義略同茲作繡似宵之音訛字以焦用禮記字此不應獨否又逢字上下不協皆依歸妹之大有校

同人

被髮獸心難與爲鄰來如風雲去如絕絃爲狼所殘

此用小過象震

爲髮艮爲獸互大坎爲心故曰獸心巽爲風坎爲雲故曰來如風雲巽爲絃兌爲絕艮爲狼兌口故曰爲狼所殘○雲汲古作雨依宋元本

有大

剛柔相呼二姓爲家霜降旣同惠我以仁

詳家人之損

謙

牛馬聾聵不曉齊味委以鼎俎治亂憤憤

馬依頤之鼎校各本皆作耳

豫

低頭竊視有所畏避行作不利酒酢魚餒眾莫貪嗜

詳鼎之解作汲

古作旅酢作酸依宋元本

隨

兩師娶婦黃巖季子成禮旣婚相呼南去膏澤下土年歲大

有

詳否之坤去汲古作上依宋元本

蠱

戴盆望天不見星辰顧小失大遁逃牆外

詳賁之蒙

臨

二人輦車徙去其家井沸釜鳴不可以居

兌卦數二震爲人爲車爲行故曰徙

伏艮爲家兌爲井坤水在上故曰井沸坤爲釜震爲鳴故曰釜鳴艮爲居艮伏故曰不可居

觀

環臂反肘怒不可止狼戾腹心无與爲市

良爲臂爲肘伏震爲歸故曰反肘震

爲怒良爲狼坤爲腹心巽爲市。止宋元本作二狼訛俱與作以俱依汲古狼戾腹心者言心懷毒恨叵測也

望

湯火之憂轉解害來

南火坎水故曰湯火震爲解爲喜言由坎憂轉爲震喜也。火宋元本作世依

汲古

責

忠信輔成王政不傾公劉肇基文武綏之

坎爲忠信震爲王良成終故曰成王

言周公輔佐成王也震爲公良爲基南爲文震爲武故曰文武綏之。基宋元本作舉依汲古

剝

登高斬木頓躡蹈險車傾馬罷伯叔吁嗟

一陽在上故曰登高良爲木爲刀劍

故曰斬木震爲車震覆故曰車傾坤爲馬爲勞故曰馬罷罷疲同音裴與嗟韻。罷汲古作疲依宋元本第四句汲古作叔伯嗟嗟乃後人所改以與疲叶豈知疲音皮皮音裴古經傳罷倦之罷固皆讀裴也凡易林罷字无不協裴以此見易林用字之古與經傳同易中孚六三罷與歌韻是其證也

復

桑之將落隕其黃葉失勢傾側而无所立

首二句宋本作桑之隕落黃敗其葉

元本作桑之落隕次句同宋汲古作桑方隕落黃葉散茲
依履之噬嗑校

妄无

鸞鳳翽翔集於家國念我伯姊與母相得

伏坤爲文艮鳥故曰鸞鳳艮爲家國

異長女故曰伯姊伏坤爲母○家宋元本作喜依汲古惟汲古作國家非依宋元本

畜大

陰淫所居盈溢過度傷害禾稼

通萃坤爲陰爲水兌澤亦爲水故曰陰淫日盈溢異爲禾

稼兌毀故曰傷害禾稼○盈宋元本作益非依汲古

頤

霄冥高山道險峻難王孫罷極困於阪間

艮爲天故曰霄王孫篇霄雲氣也霄冥

高山言山高入霄漢霄冥之間也震爲王艮爲孫坤爲勞故曰罷極艮爲道爲阪坤爲困苦正反艮故曰困于阪間

遇大

和璧隋珠爲火所燒冥昧失明奪精无光棄於道旁

通頤震爲珠爲

王艮爲火故曰爲火所燒坤爲黑故曰冥昧失明曰奪精无光震爲精艮爲光爲道○奪宋本訛奮依元本汲古於元本

作其依宋本汲古

坎

虞君好神惠我老親恭承宗廟雖恨不去復我內室

左傳僖五年虞

公曰吾享祀豐潔神必據我故曰好神互震爲神艮爲宗廟
坎爲愾○神汲古作田非依宋元本惠元本作惡依宋本汲
古雖汲古作長依宋元本

商

爪牙之士怨毒祈父轉憂與已傷不及母

詳謙之歸妹士宋元本作夫依汲古

祈元本作折依宋本汲古

咸

倉盈庾億宜稼黍稷年歲有息

詳乾之師

恆

窗牖戶房通利明光賢智輔聖仁德大行家給人足海內殷

昌

詳大畜之升房汲古訛傍

遯

切切之患凶重憂薦爲虎所吞

伏坤爲憂患爲凶艮爲虎伏兌口故曰爲虎所吞○切切

汲古作切切依汲古

壯大

水无魚滋陸爲海涯君子失居小人相攜

坤爲水爲魚坤伏故曰水无魚滋滋

生也伏艮爲陸坤爲海艮坤相連故曰陸爲海涯艮爲君子爲居異隕落故失居坤爲小人重坤故曰相攜○茲宋元本

作池依汲古

晉 九疑鬱林沮濕不中鸞鳳所惡君子攸去

許无妄之異

夷明 六翮泛飛走歸不及脫歸王室亡其驛特

震爲翮爲飛坎數六故曰六翮泛飛

震爲走爲歸坎陷故不及震爲王坎爲室爲馬坎爲赤故曰驛驛赤色馬也坤爲牛故曰特坤喪故曰亡其驛特○泛宋元本作況依汲古

人家 不直莊公與我爭訟媒伯无禮自令壅塞

詳前莊前作杜莫知孰是姑兩存之

睽 瘡痍多病宋公危殘吳子巢門殞命失所

詳兌之蠱瘡痍多病元本汲古作倉

庚多億依宋本

蹇 失羊捕牛无損无憂

兌爲羊兌伏故曰失羊艮爲牛艮手故日捕牛

解 夏麥薶薶霜擊其芒疾君敗國使我誅傷

詳泰之賁薶薶依宋元本汲古作薶

薶非

損

昧昧闇闇不知白黑風雨亂擾光明伏匿幽王失國

坤黑故曰昧闇

巽爲白巽伏故不知坤爲風爲亂允爲雨故曰風雨亂擾且爲光明坤閉故伏匿震爲王坤黑故曰幽王坤爲國爲喪故曰失國

益

執斧破薪使媒求婦和合二姓親御飲酒色比毛嬙姑公悅

喜

詳家人之漸毛嬙古美女名第四句宋元本作親迎斯須非依汲古

夬

六疾生狂癡走妄行北入患門與禍爲鄰

伏坤爲疾乾數六故曰六疾兌剛脅

故曰狂曰妄曰癡乾爲行坤爲禍患爲門位北故曰北入患門○第二句元本作妄癡走行依宋本汲古

姤

驅羊就羣恨不肯前慶季愎諫子之被患

通復震爲羊坤爲羣坤閉故不前震

爲諫坤爲患左傳襄二十八年慶嗣謂慶封曰禍將作矣請速歸慶封不聽又其女盧蒲姜曰夫子愎莫之止將不出子之卽慶舍爲慶封子慶季卽慶封後子之被盧蒲癸刺死慶封奔魯○恨汲古作狠依宋元本

萃

二人共路東趨西步十里之外不相知處

共依比之損校各本皆作異非

升

義不勝情以欲自營幾利危躬折角摧頸

詳前危汲古說爲依宋元本幾皆作

觀依坤之豐校

困

騷擾擾不安其類疾在頸項凶危爲憂

異進退不果故曰騷擾曰不安坎爲

疾艮爲項頸艮伏兌見兌毀在上故曰疾在頭頸坎爲危憂

井

三河俱合水怒湧躍壞我王室民困於食

詳蠱之頤

革

陽曜旱疾傷病稼穡農人無食

離火故曰陽曜日早伏坎爲疾病異爲稼穡牆伏震爲耕故

日農人坤虛故無食

鼎

流浮出食載豢入屋釋轡繫馬西南廡下

通屯坎水坤木故曰流浮震爲出爲

食坤爲載豢說文以穀圈養豕也坎爲豕故曰載豢入屋艮爲屋震爲馬爲釋異爲轡爲繫故曰釋轡繫馬坤爲西南爲下上艮故曰廡下○魯宋元本作鞍依汲古

震

門戶之居可以止舍進仕不殆安樂相保

互艮爲門戶爲居艮止故曰舍艮爲

亡故曰仕震爲進爲樂坎爲殆震解故不殆○仕汲古說士
依宋元本

艮 過時不歸雌雄苦悲徘徊外國與母分離 詳豫之大壯

漸 中田有廬疆場有瓜猷進皇祖曾孫壽考 坎爲中艮爲田爲廬爲疆場爲瓜艮

爲壽爲祖又爲曾孫林詞皆小雅詩句

歸妹 失時无友覆家出走倮如喪狗 艮爲時爲友爲家艮覆故曰失時曰无友曰覆家震爲出

走艮爲狗艮覆故曰喪狗全取反艮象家語孔子在衛東門外倮倮如喪家之狗○倮汲古作何依宋元本

豐 反鼻歧頭二寡獨居 艮爲鼻上卦艮反故曰反鼻釋名物兩爲歧艮爲頭艮反向上故象形曰歧頭

異爲寡二至五正反異又兌卦數二故曰二寡○二宋元本作三依汲古

旅 衣裳顛倒爲王來呼成就東周封受大福 通節震爲衣裳正反震故曰衣裳顛

倒震爲王兌爲呼詩齊風顛倒裳自公召之震爲東爲周艮爲成故曰成就東周震爲福義與毛異

巽 飛不遠去還歸故處興事多悔 巽進退不果故曰飛不遠去還歸故處伏震爲飛爲反故

日還歸

卷十六

三

兌

含血走禽不曉五音瓠巴鼓瑟不悅於心

瓠巴人名荀子瓠巴鼓瑟游魚出聽

列子瓠巴鼓瑟而鳥舞魚躍首二句言鳥獸含有氣血並不曉音律然一聞瓠巴鼓瑟而感於心也伏坎爲血艮爲禽伏震爲音巽卦數五故曰五音艮爲瓠震爲鼓爲瑟坎爲心坎憂故不悅○瓠汲古說苑依宋元本

渙

求玉獲石非心所欲祝願不得

震爲玉艮爲求爲石故曰求玉獲石坎爲心願坎失巽隕

故不得

節

山崩谷絕大禍盡竭涇渭失紀玉厯既已

厯各本皆作石依屯之蒙校既盡也

中孚

瞋目懼怒不安其居散渙府藏无有利得

震爲怒五大離故曰瞋目懼怒艮爲

居爲安風隕落故不安其居艮爲府巽爲散渙爲利此指呂

嫗散棄財寶事

未濟

眾邪充側鳳凰折翼微子復北去其邦國

多用半象

濟

六月采芑征伐无道張仲方叔克敵飲酒

詳南之坎方叔克敵汲古作叔季孝

友依宋元本

既濟之第六十三

澤既

玄兔指掌相與相恃證訊詰問誣情自直宛死誰告口爲身

禍

多用半象指汲古作捐恃作視誣作註直作侶宛死誰告作死誣難告均依宋元本

乾

游駒石門騷耳安全受福西鄰歸隱玉泉

乾爲門爲石爲馬故曰游駒石門曰

騷耳坎爲西鄰爲泉乾爲玉○隱宋元本作邑依汲古

坤

陽春草生萬物風興君子所居禍災不到

坤爲茅茹故曰草

禍災○風宋元本作盛依汲古坤爲風失傳象

屯

人无足法緩除牛出雄走羊驚不失其家

前四句三字句末四字句震爲人爲

足伏巽下斷故曰无足坎爲法律除授官也坤柔故曰緩除言人有疾不能授官也坤爲牛震爲出爲雄爲羊爲驚艮爲家家音姑與除韻○緩汲古作敘依宋元本牛宋元本作才依汲古

蒙

泰山上奔變見太微陳吳廢忽作爲禍患

艮爲山震東故曰泰山泰山不岳也

震爲奔艮爲星故曰太微坤坎皆在北太微北極星也陳吳皆訛字疑吳爲突之形訛陳爲臣之音訛言祭仲臣突廢忽也事見左傳桓十一年突鄭厲公忽鄭昭公坤爲臣坎爲禍患○山元本作上上作止依宋本汲古吳汲古作吾微作傲依宋元本

需

乘龍吐光先暗後明燎獵大得六師以昌

乾爲龍需爲光互兌口故曰吐光坎

爲暗需爲明爲燎坎數六坎眾故曰六師以昌言文王因獵得太公也○第二句宋元本先作使依汲古後宋本汲古作復依元本又吐光汲古作光土六作太均依宋元本山海經天不足西北有龍銜燭照天門

訟

羊頭兔足羸瘦少肉漏囊貶粟利无所得

詳制之恆

師

因禍受福喜盈其室螟蟲不作君无苛忒

坤爲禍震爲福爲喜坎爲室巽爲螟

蟲巽伏故曰不作震爲君坤爲苛忒震解故无○苛忒宋元本訛可得依汲古

比

舜升大禹石夷之野徵詣王庭拜治水土

王庭汲古作黃門依乾之中孚

畜小

鳥子鵲雛常與母俱顧類羣族不離其巢
伏艮爲鳥震爲鵲
坤爲母爲羣爲族

履

夷羿所射發輒有獲增加鵲鷹雙鳥俱得
元本注夷羿古之
善射者伏震爲射

坎爲獲繫繼於矢曰增巽爲增艮爲鷹震爲鵲坤數二故曰
雙鳥○增汲古訛增鵲作倉俱依宋元本

泰

晨風文翰大舉就溫昧過我邑羿无所得
詳小畜之革文翰
鳥也

否

六喜三福南至歡國與喜同樂嘉我潔德
乾爲喜福數六艮
數三故曰六喜三

福乾爲南坤爲國乾爲金玉故曰潔德○同宋本作忻嘉作
珪均依汲古

同人

闕龍股折日遂不明自外爲主弟伐其兄
左傳莊十四年內
蛇與外蛇闕於鄭

南門中內蛇死後宋人劫祭仲納厲公所謂自外爲主也厲
公入昭公出奔所謂弟伐其兄也同人巽爲股伏震爲龍坎
爲折故曰折股離爲日在下故不明震爲主爲兄坎爲震弟

大有

蒙慶受福有所獲得不利出域
通比坤爲民拱向九五故曰
有獲坤爲域坤閉故不利出

域○域宋元本作門非依汲古

卷十六

古

謙 蠻夷戎狄太陰所積涸冰沍寒君子不存

詳前師之異

豫 畏昏潛處候旦昭明卒逢白日爲世榮主

詳大有之中孚世榮依校各本皆作

榮祿

隨 水流趨下欲至東海求我所有買鮪與鯉

詳益之无妄

蠱 冠帶南行與福喜期微於嘉國拜位逢時

拜位依坎之井校宋元本作拜爲汲

古作釋爲均非

臨 莎雞振羽爲季門戶新沐彈冠仲父悅喜

莎雞蟋蟀也詩幽風六月莎雞振羽

伏艮爲季坤爲門戶爲疑爲在之訛言莎雞在季門戶也詩九月在戶是其證伏艮爲冠艮手故曰彈冠仲父管仲也管仲初至齊桓公爲三薰三沐然後見卽以爲相震爲樂乾爲父故曰仲父悅喜

觀 結衿流粥遭讒桎梏周召述職身受大福

坤爲衿爲結爲漿故曰粥伏震爲周

召坤爲身按管子初見桓公黜纓捷衽使人操斧結矜卽捷衽罪人之服也粥鬻通養也結矜流粥者言得罪而流寓在外也周召者周召公也揚子法言先知篇云召公述職蔽芾甘棠言甘棠詩爲召公述職時聽訟樹下也身受大福者言罪人蒙召公恩得釋也蓋魯韓詩說祇言聽訟齊說兼平反冤獄也○粥汲古作弼局本作溺茲從宋元本但仍恐有訛

嗟

田鼠野雞意常欲逃拘制籠檻不得動搖

詳需之隨

責

居華巔觀浮雲風不搖雨不濡心平安无咎憂

艮爲華巔爲觀坎爲雲伏

巽爲風坎爲雨風雨皆在山下故不被其禍坎爲心爲憂○三字句依宋元本不元本作之依宋本汲古作居華山巔遊觀存雲有雨不濡心樂无憂作四字句皆後人妄改非

剝

傾倚將顛亂不能存英雄作業家困无年

陽窮上反下故曰將顛坤爲亂爲亡

故不能存艮爲家坤爲年坤喪故无年○亂不能存宋本作不能得存依汲古

復

心願所喜今乃逢時保我利福不離兵革

詳兌之蹇

妄无

靈龜陸處盤桓失所阿衡退耕夏封於國
良爲龜爲陸良止故盤桓巽爲衡爲

夏坤爲國故曰夏封於國○夏元本作憂依宋本汲古

畜大

弱水之右有西王母生不知老與天相保不利行旅

伏坤爲水坤柔

故曰弱水互兌爲右爲西伏坤爲母乾爲王故曰王母乾爲老爲天震爲行旅兌折故不利元注柳宗元曰西海之山有王母神山所居其下有散水散換元力不能負芥

頤

抱瑰求金日暮坐吟終月卒歲竟无成功

瑰說文珠也震爲珠艮爲抱爲求爲

金抱瑰求金必不能得故曰暮坐吟也艮爲日坤爲暮震爲吟伏兌爲月坤爲歲艮爲終故曰終月卒歲坤喪故无功○月汲古作身依宋元本

通大

言笑未畢憂來暴卒身加檻纆囚繫縛束

詳明夷之大過檻纆宋本作檻檻元

本作檻檻依汲古

坎

望幸不至文章未成王子逐兔犬跡不得

詳謙之既濟

萬 震悚恐懼多所畏忌行道畱難不可以步

詳前蒙之渙

咸 雄狐綏綏登山崔嵬昭告顯功大福允興

詳咸之賁

恆 火起吾後喜爰我廡蒼龍銜水泉噤屋柱雖憂无咎

詳噬嗑之兌我

宋元本作倉依汲古銜汲古作含屋作吾均依宋元本泉噤宋元本作誤注汲古作深噤依噬嗑之兌校

遯 危坐至暮請求不得膏澤不降政戾民忒

詳需之頤

壯大 孟春和氣鷹隼搏鷺眾雀憂憤

震爲長爲春兌悅故曰和氣伏艮爲鷹隼爲雀伏坤爲眾

故曰眾雀坤爲憂

晉 緩法長奸不能理冤沈湎失節君受其患

坎爲法坤柔故曰緩法坎爲奸爲冤

爲酒故曰沈湎艮爲節坎失故曰失節震爲君二至四震覆坤爲患故曰君受其患○能宋元本作肯沈作浮均依汲古湎宋元本作沈汲古訛酒依局本

夷明 魚驚貪餌死於網鈎受危因寵爲身殃咎

坤爲魚離爲驚震爲餌離爲網坎爲

人家

矯縣故爲鈎坎爲危震爲寵坎震連故曰受危因寵坤爲身爲殃咎○鈎汲古作鈎依宋元本因宋元本作國依汲古

金精耀怒帶劍過午徘徊高庫宿於山谷兩虎相拒弓弩滿

野

詳噬嗑之泰及震之豫耀宋元本作輝依汲古庫汲古作原依宋元本高庫地名

睽

四目相望稍近同光並坐鼓簧

離爲目兌西數四故曰四目重離故曰相望曰同光兌爲

舌故曰簧

蹇

茹芝餌黃塗飲玉英與神流通長无憂凶

詳旅之復塗飲依校各本作飲酒

解

求獐嘉鄉惡蛇不行道出岐口復反其牀

伏巽爲蛇爲牀震爲行爲道爲口爲

反獐岐似用半艮象○道出岐口汲古作幽岐口還依宋元本岐作岐復反宋元本作還復依汲古

損

天門地戶幽冥不覩不知所在

艮爲天爲門在戌亥乾鑿度以戌亥爲天門以辰巳爲地

戶兌在辰巳故曰天門地戶坤爲地爲戶也坤黑故曰幽冥不覩○覩汲古作觀依宋元本此林皆言先天卦位

益

跛足息肩有所忌難金城鐵郭以銅爲闕藩屏自衛安止无

患 詳遷之旅

夫

三雁俱飛欲歸稻池經涉菴澤爲矢所射傷我胸臆

崔宋元本作菴

汲古作山依屯之旅校

姤

濟深難渡濡我衣袴五子善權脫无他故

通復坤爲水爲濟重坤故曰深乾爲

衣異爲袴數五故曰五子震爲子爲權爲履○五汲古作王依宋元本

萃

飲酒作酣跳起爭鬪伯傷叔僵東家治喪

詳比之鼎

升

跛躓未起失利後市蒙被殃咎不得鹿子

詳前第二句宋元本作後失利市依

汲古殃咎宋本作咎殃依元本宋元本无末句依汲古

困

辰次降婁建星中堅子无遠行外顛霄陷遂命訖終

降婁九月辰次

伏艮居戌艮爲星月令孟秋之月建星昏中兌爲秋降婁伏象艮建星本象兌也伏震爲子爲行艮止故曰无行外顛句有訛字異爲命困三至上互大過大過死故曰訖終○命汲古訛合從宋元本

井 商風召寇來呼外盜間牒內應與我爭鬪殫已寶藏二人不

勝詳豫之革

革 甘露醴泉太平機關仁德感應歲樂民安

詳屯之謙

鼎 祭仲子突要門逐忽禍起子商弟代其兄鄭文不昌

左傳桓十一年

宋人執鄭祭仲與之盟以厲公歸而立之鄭忽出奔衛禍起子商者謂禍起于宋也或謂子應作于非也哀九年不利子商注子商謂宋宋子姓商後故曰子商厲公名突鄭忽之弟故曰弟代其兄忽即昭公昭明也文也故曰鄭文不昌鼎通屯上坎爲仲本卦兌剛魯故曰子突艮爲門震爲逐爲子震爲兄在下坎爲弟居五爻君位故曰弟代其兄坤爲文爲鄭坤喪故不昌○忽汲古說急商訛傷均依宋元本代宋元本訛伐文訛久均依汲古

震 反孽難步畱不及舍露宿澤陂亡其襦袴

左傳昭十年蘊利生孽孽害也疾病

也反孽難步者言身反向後不能步也艮爲舍艮止故畱不及舍坎爲露爲宿爲澤陂巽爲襦袴襦袴皆裏衣巽象伏不見故曰亡○及舍宋元本作反舍依汲古

良 虎狼結謀相聚爲保伺候牛羊病我商人

詳責之宋

漸 明德克敏重華貢舉放勳徵用八哲蒙祐

伏兌爲華兌卦數二故曰重華八哲

八元八愷也艮後天數八○徵汲古訛御依宋元本

歸妹 貧鬼守門日破我盆毀罍傷瓶空虛无子

詳損之剝

豐 天命赤烏與兵徵期征伐无道箕子遊遨

史記武王觀兵盟津有火至於王屋

流爲烏其色赤其聲魄云离爲烏离南方故曰赤烏伏艮爲天巽爲命故曰天命艮爲兵爲時徵期者言赤烏之瑞與兵事相應也震爲征伐爲箕子爲遨遊○與或作興

旅 威約拘囚爲人所誣臯陶平理剖械出牢脫歸家閭

伏震爲威巽繩

爲約艮爲拘囚正反兌口故曰爲人所誣艮爲臯陶伏坎爲械爲牢震在坎下故曰剖械出牢曰脫歸家閭艮爲家也

巽 羊驚虎狼聳耳羣聚无益威强爲齒所傷

詳坎之臨皆以兌爲耳

兌 初雖啼號後必慶笑光明照耀百喜如意

兌口故啼號伏震爲後爲笑互离故

日光明照耀震爲百喜○喜汲古訛嘉依宋元本

換

馬服長股宜行善市蒙祐耦獲金五倍

詩鄭風兩服上襄
箋兩服中央夾轅

者震爲車爲駕故曰馬服異爲股爲長長股龜也龜亦異象
也巽爲市艮爲金巽爲倍卦數五故曰獲金五倍股長善走

節

應門內崩誅賢殺暴上下咸悖景公失位長歸元恒望妻不

來詩大雅迺立應門箋諸侯之宮外門曰臯門朝門曰應門
兌毀二三四艮覆艮爲門故曰應門內崩兌爲斧故曰誅
賢殺暴艮上澤下二至五正反艮故曰上下咸悖言相反也
艮納丙故曰景景日也震爲公坎爲失故曰景公失位○崩
元本作萌依宋本汲古元恒宋元本作无恒依汲古

中孚

執斧破薪使媒求婦和合二姓親御飲酒色比毛嬙姑悅公

喜

詳小過之益和汲古作好依宋元本酒宋元本作須依汲
古未句元本作姑公悅喜依宋本汲古

兩輪日轉南上大阪四馬共轅无有險難與禹笑言

詳賁之
需

未濟

千柱百梁終不傾儘周宗寧康

詳謙之未濟

未濟之第六十四

未濟

志慢未習單酒糗脯數至神前欲求所願反得大患

坎爲志爲酒單

盡也厚也坎爲糗脯言厚備酒糗脯也坎爲願爲患○志宋元本作忠願宋本作願依汲古

乾

旦生夕死名曰嬰鬼不可得祀

詳小畜之升

坤

大步上車南到喜家送我狐裘與福俱來

詳大過之困到汲古作至依宋本

屯

西多小星三五在東早夜晨興勞苦无功

詳大過之夬興各本多作行依大過

之夬校

蒙

北陸藏冰君子心悲困於粒食鬼驚我門

坎爲北陸左傳曰在北陸而藏冰坎

爲冰坤爲藏艮爲君子坎爲心爲悲爲困震爲粒爲食故曰困於粒食坤爲鬼爲門震驚故曰鬼驚我門

需

山水暴怒壞梁折柱稽難行旅流連愁苦

詳咸之豫

師

狡兔趯趯良犬逐昨雄雌爰爰爲鷹所獲

詳謙之益逐元本作辭依宋本汲古

比 增祿益福喜來入室解除憂戚 坎爲室爲憂恐陽居五故吉

畜小 騎龍乘風上見神公彭祖受刺王喬贊通巫咸就位拜福无

窮 詳家人之剝風汲古作鳳刺訛制均依宋元本

履 天火卒起燒我旁里延及吾家空盡已財 通謙艮爲天爲火震起故曰天火卒

起坤爲里艮爲家坤爲財坤虛故空

泰 金帛黃寶宜與我市嫁娶有息利得過倍 乾爲金玉坤爲帛爲黃故曰金帛黃

寶伏巽爲市震爲嫁娶爲息巽爲利爲倍○黃宋元本作共依汲古過汲古作萬依宋元本

否 鬼魅之居凶不可舍 坤爲鬼艮爲居爲舍坤凶故不可舍

同人 鳥飛兔走各有畏惡雕鷹爲賊亂我室舍 通師震爲鳥爲飛爲兔爲走坎爲畏

惡艮爲雕鷹艮反與坎連故曰雕鷹爲賊坤爲亂坎爲室○首句汲古作飛鳥逐兔非依宋元本

大有 初雖驚惶後乃无傷受其福慶 乾爲福慶

謙 兩金相擊勇氣均敵日月鬪戰不破不缺

詳同人之噬嗑

豫 曳綸河海掛釣魴鯉王孫利得以享眾友

伏巽爲綸坤水坎水故曰河海坤爲

魚故曰魴鯉艮手故曰掛釣魴鯉艮爲孫震爲王坤爲利故曰王孫利得坎爲仲艮爲友○得宋元本作得依汲古友汲古作發依宋元本

隨 犬畏狼虎依人作輔三夫執戟伏不敢起身安无咎

艮爲犬爲狼虎

震爲人爲夫數三故曰三夫艮爲戟爲手故曰執戟巽爲伏艮爲身狼虎汲古作虎狼依宋元本作宋元本作有依汲古

蠱

蜘蛛結網以同行旅青蠅囓聚以求膏腴觸我羅域爲網所

得

巽爲蜘蛛爲繩故曰作網震爲行旅艮止故曰伺巽爲蠅震爲青故曰青蠅艮爲求震爲觸○第四句依宋元本汲

古元

臨 所望在外鼎命方來拭爵滌盥炊食待之不爲季憂

伏艮爲望巽爲

命震爲鼎爲爵爲盥按前漢賈誼傳天子春秋鼎盛注鼎方也又南史王僧辯傳若鼎命中綸請從此逝又徐陵爲陳武

帝與周宰相書欽若唐風推其鼎命又鼎貴鼎臣鼎族爲古
所常用似有大意盛意鼎命方來者言大命方來也伏艮爲
手故曰拭曰滌兌爲食艮爲季坤爲憂震解故曰不爲季憂
○命宋元本作金滌訛條均從汲古

觀

日月並居常暗匪明高山崩顛丘陵爲谿

詳蹇之咸谿汲古作溪依宋元本

嗟

春服旣成載華復生莖葉盛茂實穗泥泥

震爲春爲服艮爲成故曰春服旣成

震爲華爲生震車故曰載華復生震爲莖葉爲茂盛艮爲果

故曰實穗泥泥盛茂

賁

華首山頭仙道所遊利以居止常无咎憂

詳臨之頤

剝

三狐嗥哭自悲孤獨野无所遊死於丘室

艮爲狐數三故曰三狐震爲歌震反

則哭易中孚六三或泣或歌即以艮爲泣也自覆象失傳其辭遂不能解矣坤寡又一陽在上皆孤獨之象也坤爲悲爲野爲死艮爲丘室禮狐死正首丘仁也○嗥宋元本作羣依汲古遊汲古作由依宋元本

復

火中暑退禾黍其食商人不至市空无有

月令季夏之月火昏中詩七月流火

傳云火大火也流下也蓋火星未月昏中申月西流故謂之下又箋云火星中而寒暑退暑退而禾稼熟故曰禾黍其食

火中用未濟象。商居五中，故曰火中。商爲暑中，則退矣。復下震爲禾，爲食，爲商人。巽爲市，巽伏，故市空。坤虛，故无有。○禾黍汲古作求藿，依宋元本。

无妄

獨立山巔，求麋，耕田草木不闢，秋飢无年。

巽爲寡，故曰獨立。艮爲山，爲求，震爲

麋，爲耕，震爲草木，伏兌爲秋，无妄，漢人多作无望，无望，故无年。言麋非耕田之畜，故草木不闢也。○麋，宋本作鹿，依汲古。

火雖熾，在吾後，寇雖近在吾右，身安吉不危殆。

詳歸妹之震三字句。

大畜頤

齟齬嚙嚙，貧鬼相責，无有懽怡，一日九結。

詳豐之晉。

大過

追亡逐北，至山而得稚叔，相呼反其室，廬。

依需之渙，校各本皆作追亡逐北，呼

還幼叔至山而得反歸其室，不協，惟需之渙，是原詞韻，協象合。

坎

銜命辱使，不堪厥事，遂墮落去，更爲斯吏。

伏巽爲命，兌口，故曰銜命。震爲使，伏

巽爲墮落，艮爲僮僕，故曰斯吏。斯賤役也。

商

被珠函，玉沐浴，仁德應聘，唐國四門穆穆，蝥賊不作，凶惡伏。

懸

伏震爲珠玉爲仁德伏坎故曰沐浴仁德震爲帝故曰唐國伏艮爲國也艮爲門震卦數四故曰四門本卦互巽爲

蠱賊詩小雅及其蠱賊傳食根曰蠱食節曰賊巽爲伏匿○

函汲古作銜銜兌象函伏艮象茲從宋元本

咸

機關不便不能出言精誠適通爲人所冤

坎爲機關三上互大坎故曰不便震

爲言震伏故不能言乾爲精誠爲往故曰精誠適通適通卽感通也乾爲人兌爲言正反兌故曰爲人所冤言波誑也易

林每遇正反兌或正反震不曰譏佞卽曰誣罔皆本易與左

氏○第三句宋元本作精成通道皆訛字故依汲古

恆

囊破缶缺南行亡失

震爲囊爲缶巽下斷故破缺震爲南爲行巽隕落故曰亡失○缶宋元本作盆

依汲古失元本作夫依宋本汲古

遁

脣亡齒寒積日凌根朽不可用爲身災患

兌爲脣齒二四兌覆故曰脣亡齒寒

乾爲日乾實故曰積日艮爲根凌寒也言日久根冷也巽下斷故曰朽伏坤爲身爲災患○災元本訛哭依宋本汲古凌

疑訛

壯大

蒙惑憧憧不知西東魁昱指南告我失中利以宜止去國憂

患通觀坤迷故曰蒙惑憧憧本卦震爲東兌爲西惑故不知艮爲星數七故曰魁罡參同契二月榆魁臨於卯天罡據西注天罡卽北斗夢溪筆談斗杓謂之剛蓋前四星斗之魁後三星斗之柄故曰魁罡震爲南伏艮爲指震言故曰告艮爲止坤爲國爲憂患也○失局本訛室

晉

烏鴟搏翼以避陰賊盜伺二女賴厥生福旱災爲疾君无黍

稷艮爲黔啄爲烏鴟搏束也卷也攷工記鮑人卷而搏之是也烏鴟搏翼者言鳥下擊物時必戢其兩翼不開張若卷束然正以防不測也震爲翼二四震覆故曰搏翼坎爲盜賊爲隱伏故曰以避陰賊坤爲女數二艮止故曰伺二女商火艮火故曰旱震爲君爲黍稷震覆故无黍稷

夷明

名成德就項領不試景公耄老尼父逝去

詳履之剝

人家

言與心詭西行東坐鯨湮洪水佞賊爲禍

離兩兌口相背互坎爲心故曰言與

心詭坎爲西離爲東離爲惡人故曰鯨坎爲水爲賊離兩兌口相對故曰佞明夷以離爲有言故此曰詭曰佞

睽

獫狁匪度治兵焦穫伐鎬及方與周爭彊元戎其駕衰及夷

王詩六月篇獵狢匪茹整居焦穫注焦穫地名坎爲北獵狢北狄离爲甲兵重离故曰焦穫鎬方皆地名兌西象也震爲周兌折震故曰與周爭彊○焦汲古作元元作焦今依宋元本劉云毛詩作匪茹箋云度也鄭蓋用齊詩以申毛義又云夷王雖亦命將出師而未能攘逐故曰衰按夷王始下堂迎諸侯周室衰

蹇

三火起明雨滅其光高位疾顛驕恣誅傷

詳大有之師

解

陰涿川決水爲吾崇使我心憤毋樹麻臬居止凶殆

重坎故曰陰涿

川決涿說文流下滴也方言灋涿謂之霑潰言陰盛川決也坎爲崇爲心震爲麻臬水多故不可樹藝也○首二句宋元本作承川決水爲吾之崇茲依汲古

損

厭浥晨夜道多湛露漼衣濡袴重難以步

詳革之豫第三句宋本汲古作沾我

襦袴依元本

益

宜行賈市所求必倍載喜抱子與利爲友

詳大過之恆

夬

陰變爲陽女化作男治道得通君臣相承

詳屯之离

姤

樹蔽牡荊生薑山旁仇敵背憎孰肯相迎

本草牡荊一名黃荊淮南萬畢術曰

南山牡荊指病自愈異爲樹爲荊震亦爲荊震伏故牡荊不見○牡元本訛壯孰訛熟從來本汲古

萃

坐茵乘軒據德宰臣虞叔受命六合和親

巽爲茵艮爲坐故曰坐茵坤爲車軒

車也坤爲臣伏震爲帝艮少故曰虞叔巽爲命坤爲合伏乾數六故曰六合○據於德見論語汲古作握德茲依宋元本

升

雲興蔽日雨集草木年茂歲熟

坤爲雲乾爲日乾伏故曰蔽日兌爲雨巽爲草木故曰雨

集草木坤爲年歲爲豐熟○年茂元本作茂年非今依宋本汲古

困

播梅折枝與母別離絕不相知

詳族之大過播宋本作蟠依元本汲古播種也

井

天旱水涸枯槁无澤困於沙石未有所獲

通噬嗑艮爲天爲火故曰天旱水涸

坎上下皆火故涸也商爲枯槁艮爲沙石

革

圭璧琮璜執贄見王百里甯戚應聘齊秦

通蒙震爲玉爲王坤爲贄艮手故曰

執贄坤爲里爲百爲憂故曰百里甯戚本卦巽爲齊兌爲秦言百里奚相秦甯戚相齊也

鼎

龍渴求飲黑雲景從河伯捧醴跪進酒樂流潦滂滂

通屯震爲龍艮

爲求坤爲雲坤黑故曰黑云景從坤爲河海震爲伯坎爲酒艮手故曰河伯奉醴坤爲漿坎水故曰流潦滂滂○黑雲汲古作雲黑依宋元本

震

電梅零墜心思憤憤亂我靈氣

首句依大有之蒙校各本皆作零帶思元本作積依宋本

汲古

艮

鹿求其子虎廬之里唐伯李耳食不我許

詳隨之否

漸

穿匏挹水簞鐵然火勞疲力竭飢渴爲禍

詳前艮之坤

歸妹

龍生馬淵壽考且神飛騰上天舍宿軒轅常居樂安

震爲龍爲馬爲

生下兌故曰淵震爲神伏艮爲壽爲天震爲飛騰在艮上故曰上天坎爲宿艮爲舍爲星故曰軒轅軒轅星名也震爲樂伏艮爲安爲居○第三句汲古无依宋元本增常居樂汲古作居樂常依宋元本三四句指傳說騎箕事

豐

崔嵬北岳天神貴客溫仁正直主布恩德閔哀不已蒙受大

福 詳屯之家人閑哀依校各本皆作衣冠非

旅

鬼夜哭泣齊失其國爲下所賊

二五互大坎爲鬼爲夜下卦震覆故曰哭泣本中孚六三

爻詞也巽爲齊艮爲國兌毀坎失故曰齊失其國巽爲盜賊按戰國策齊湣王時有當關而哭者求之則不得後果失國爲焯齒所殺

巽

二政多門君失其權三家專制禍起季孫

伏震互艮爲門初至四正反艮故曰

多門震爲君巽爲權互坎故曰失權艮爲家震數三故曰三家艮爲孫爲少故曰季孫季氏三家之一曾逐昭公故曰禍起季孫

兌

望幸不到文章未就王子逐兔犬踣不得

詳渙林王汲古作三依宋元本

渙

伯虎仲熊德義淵泓使布五教陰陽順序

元刊注高辛氏有伯虎仲熊佐伯益

治水互艮爲虎熊震長坎中故曰伯虎仲熊震爲德坎水故曰德義淵泓巽爲命卦數五故曰五教○淵泓宋元本作昭明茲依汲古

節

兩足四翼飛入家國寧我伯姊與母相得

詳同人之謙姊宋元本作叔依汲古

孚中

春秋禱祝解禍除憂君无災咎

互震爲春兌爲秋爲禱祝爲君爲解○祝宋元本作祀災

咎作咎憂均依汲古

過小

牧羊稻園聞虎喧謹畏懼悚息終无禍患

詳隨之漸

濟既

大蛇巨魚相搏於郊君臣隔塞衛侯廬漕

詳噬嗑之訟第四句依校各本皆作

郭公出廬

焦氏易林注跋

昔楊子雲著太玄人皆笑之子雲曰是不足病也後世復有楊子雲則好之矣焦氏易林自來學者多愛其詞而莫有通其義者今經吾師尙節之先生按照易象句解字釋凡昔人不知其所謂者經先生以易象釋之則機趣環生神妙盡出如復之頤云嚶嚶所言嚶對語也震爲言頤初至上正反震相對儼然對語故曰嚶嚶需之小過姦風阻越月令注姦風迴風也小過二至五正反巽儼象迴風故曰姦風家人之小畜曰杲杲白日爲月所蝕小畜互离离爲日而下兌爲月侵入离體之半故曰爲月所蝕若是者不知其幾千百又如林詞極幽深晦闇不易明者如大壯之离丑寅不徙辰已有咎离伏坎坎上五艮下五震震先天居丑寅艮後天居

丑寅故曰不徒言艮震同居丑寅也離上互兌下互巽兌先天居辰巳巽後天居辰巳澤風大過故曰有咎又如井之震三男從父三女從母至巳而反各得其所震上下互坎艮共三男而震爲父故曰從父震伏巽巽上下互離兌共三女而巽爲母故曰從母震巽相反復至巳而反者言至巳震究仍爲巽也又如需之晉咸陽辰巳長安戌亥晉坤爲安消息卦坤居西北故曰長安戌亥坤伏乾消息卦乾盈於巳故曰咸陽辰巳言乾至巳而爲純陽也又如履之既濟不忍主母爲失醴酒冤尤誰告經先生疏明知用列女傳侍婢進毒酒事豫之恆梟鳴室北聲醜可惡經先生疏明知用說苑齊景公築臺不通爲梟鳴事蠱之中孚商人子孫資所无有貪狼逐狐留連都市貪狼逐狐注家皆認爲訛字經先生注明狼

狐二星皆主盜賊見史記天官書貪狼逐狐者言流爲盜賊也又如漸之比曰文山鴻豹依埤雅釋鴻豹爲搗小畜之革曰晨風文翰據周書釋文翰爲鳥復據說文知文翰卽晨風小畜之未濟曰靈明督郵依古今注定督郵爲龜名關於前者非易理易象熟於胸中不能識其義關於後者非博覽羣書不能通其詞全書四千九十六林畢釋无遺无匿象无遁形然則二千年來易林之詞不能通者徒以世不復有焦延壽耳有之則如鏡燭形一讀其詞卽知其於易象何屬烏足爲病哉至於是書一出所有二千年周易舊解王陶廬所謂盲詞囈說者盡行改革於經學所關至鉅又非第易林一書之顯晦也其可寶貴爲何如哉顧是書脫稿已十餘年徒以卷帙浩博印行匪易益與豐潤董宗之作人昆仲皆從先

生遊遂合力舉辦成此寶書公之於世以巳卯夏開雕至庚辰春竣事至於校訂之役益與宗之等雖分任其勞然以易象之故有非先生自任不可者此亦無如之何也庚辰正月受業仵道益謹啟

责任编辑：吕 英

封面设计：马玉连



ISBN 7—80568—053—1/B·3

定价：17.00 元